

QUINTI HORATHI FLACCI 11-E-50

OPERA. *I dht 35 1/2*

EXPURGATA ET ACCURATIS NOTIS ILLUSTRATA

IN USUM

STUDIOSAE JUVENTUTIS

EDITA

2469/I

BERNARDO SCHWINDL

CIST. ORD. PRESBYTERO, ET CLASSIUM HUMANITATIS IN C. R.
GYMNASIO NEOSTADIENSI PROFESSORE P. O.

TOMUS II.

Mittler

VIENNAE.

611/584

SUMTIBUS FRIDERICI VOLKE LIBRARI.

TYPIS ANTONII STRAUSS.

1825.

Q. Horatii Flacci

Satyrarum

sive Sermonum *)

Liber I.

Satyra I.

Argumentum.

Collectis sermonibus I. et II. libri Horatius hunc sermonem, dedicationis loco ad Maecenatem, sicut primarum, collectioni huic praeposuisse videtur. Primariae sententiae est: Diversa sunt hominum studia, ita quidem, ut, votorum suorum compotes facti, sorte sua minus contenti aliam iterum potiore praedicent, sibi que expostulent. Hoc exemplis illustrato, transit poeta ad unum et praecipuum fontem hujus aegritudinis animi, ad avaritiam, quam facete ridet, et ut perniciosam exponit, cum opes plurimi quidem maxime desiderent, obtentis autem neque satientur, neque fruuntur.

Qui ¹⁾ fit, Maecenas, ut nemo, quam sibi sortem
Seu ratio ²⁾ dederit, seu fors objecerit, illa
Contentus vivat, laudet ³⁾ diversa sequentes? —
O fortunati ⁴⁾ mercatores! gravis ⁵⁾ annis

*) Satyrae Horatii sermones vocantur, quia carmina sunt, ut ipse vocat, sermoni et prosae propiora.

1) Qui fit, id est: quomodo fit, quae causa est, quod nemo illa sorte, vitae conditione, quam vel ipse sibi elegit, vel fortunae casus eidem objicit, adduxit, contentus sit?

2) Ratio idem ac consilium, quo certa vitae ratio eligitur, opposita casui fortunae, quae omne consilium omnemque deliberationem excludit; quapropter etiam fors adprime dicitur objicere sortem illi, cui non est potestas eam eligendi.

3) Laudet, id est: probet quisque a suo diversa vitae genera; felices praedicet eos, qui suo dissimilia vitae genera sequuntur.

4) Sensus est: miles senectute ac laboribus debilitatus sibi mercatoris, mercator e contra tempestate jactatus militis sortem ac conditionem sibi exoptat.

5) Gravis, id est: qui habet multos annos; veteranus, qui exacta militis aetate, seu post 46^{um} annum denuo statum militiae adire cupit. Vide Antiquitates.

Miles ait, multo jam fractus ⁶⁾ membra labore.
 Contra ⁷⁾ mercator, nāvim jactantibus Austris ⁸⁾:
 Militia est potior ⁹⁾. Quid ¹⁰⁾ enim? concurritur, horae
 Memento aut cita mors venit, aut victoria laeta.
 Agricolam laudat juris ¹¹⁾ lēgumque peritus,
 Sub galli cantum consultor ubi ostia pulsat.
 Ille ¹²⁾, datis vadibus ¹³⁾, qui rure extractus in urbem est,
 Sōlos felices viventes clāmat in urbe.
 Cetera ¹⁴⁾ de genere hoc, adeo sunt multa, loquacem
 Delassare valent Fābium. Ne ¹⁵⁾ te mōrer, audi,
 Quo rem deducam. Si quis Deus: en ego, dicat,
 Jam faciam, quod vultis ¹⁶⁾: eris tu, qui modo miles,

6) Fractus membra labore; Graeca constructio, pro: membris, corpore debilitatus jam per multum laborem.

7) Contra mercator, subauditur: dicit.

8) Austris, pro ventis quibuscunque et tempestatibus; Auster enim seu ventus meridionalis praecipue dominatur in mari Adriatico. L. I. od. 3. Quo non arbiter Adriae major, tollere seu ponere vult freta.

9) Potior: magis optanda, praeferenda est militia mercaturae.

10) Quid enim? quid ni? cur non? quid enim tantum in ea periculi et laboris est? quid est, quod contradici queat? concurritur, pugna committitur, et horae seu temporis momento contingit illi vel mors cita, velox, non dolorosa; vel victoria laeta, jucunda, honoris plena.

11) Sensus est: juris peritus laudat, beatam praedicat vitam agricolae, cum sub galli cantum, id est, summo mane consultores, clientes, patronum consulturi, consilium ab eo petituri, veniunt, ac eum e dulci et amoeno somno proturbant.

12) Ille agricola contra, datis vadibus extractus rure in urbem, id est: quem res juridica in urbem migrare coegerat, clamat, exclamat, praedicat etc.

13) Vadibus datis: forensi jure veteri Romanorum, qui coram iudice citabatur, praesertim in criminis causa; jubebatur aut statim respondere; aut si opus dilato esset, dare illum oportebat vades, qui pro se vadarentur, hoc est, sponderent, adfuturum illum dicta die, ut vadimonium obiret, et causam defenderet praesens. His autem datis vadibus, licebat reo, quo vellet, vadere, donec adveniret iudicii dies; quo si non compareret, sponsorem erat satisfacere adversario.

14) Cetera: tam multa sunt ejusmodi exempla; tam multi existunt, quos sortis suae similiter poenitet, ut delassare, defatigare possint Fabium Maximum Narbonensem, qui aliquot libros, pertinentes ad Stoicam philosophiam, probabilius verbosè satis scripserat; quapropter et poeta illum hic obiter carpit.

15) Ne te morer, id est: ne te diutius teneam, breviter dicam, quo rem deducturus sim, quem in finem haec exempla adduxerim: ut nempe videas, quid de talibus querelis hominum judicandum sit.

16) Vultis, optatis, desideratis.

Mercator: tu consultus ¹⁷⁾ modo, rusticus; hinc vos,
 Vos hinc mutatis ¹⁸⁾ discedite partibus. Eja,
 Quid statis ¹⁹⁾? Nolunt ²⁰⁾. Atqui licet esse beatis ²¹⁾.
 Quid causae ²²⁾ est, merito quin illis Jupiter ambas
 Iratus buccas infllet; neque se fore posthac
 Tam facilem dicat ²³⁾, votis ut praebeat aurem?
 Praeterea ne ²⁴⁾ sic, ut qui jocularia, ridens
 Percurram: quamquam ²⁵⁾ ridentem dicere verum
 Quid vetat? ut ²⁶⁾ pueris olim dant crustula blandi
 Doctores, elementa velint ut discere prima.
 Sed tamen amoto quaeramus ²⁷⁾ seria ludo.
 Ille ²⁸⁾, gravem duro terram qui vertit aratro,
 Perfidus ²⁹⁾ hic caupo, miles, nautaeque, per omne

17) Consultus, juris peritus, causidicus.

18) Mutatis partibus: conditionibus vitae mutatis. Sumentum videtur e theatro et scena, in qua dicuntur proprie actores suas agere partes.

19) Eja quid statis? cur non properatis, quid moras neccitis?

20) Nolunt, recusant mutare sortem suam alterius conditione.

21) Beatis, Graece pro: beatos. Sensus: et tamen votorum compotes fieri possunt; licet, fas est fieri felices.

22) Quid causae est etc. Sensus est: quae impediatur causa, quominus Jupiter istis, quemadmodum profecto merentur, utriusque buccas, genas alapis caedat, ut bene tumeant; inflare enim idem etiam, ac tumorem causare; praeterea buccas inflare prae ira indigne dictum videtur de Jove. Igitur non buccae Jovis, ut plerique volunt, hic intelligendae sunt, sed eorum, quibus merito irascitur, inflata nempe illis in utramque genam gravi alapa, qua digni sunt.

23) Neque dicat, id est: contestetur, se imposterum non futurum adeo facilem et indulgentem, ut eorum votis ac precibus aures accommodet.

24) Ne sic: ne, quemadmodum, qui jocularia narrat, ea ridens percurrit; ita et ego ridens percurram, quod coepi; ne rem tantam delibem leviter.

25) Quamquam quid vetat? Sensus: licet nihil omnino impediatur, etiam ridendo veritatem dicere.

26) Ut: quemadmodum pueri, datis crustulis, id est, libis et placentis, olim, seu quandoque a doctoribus et magistris inducuntur, ut prima literarum elementa sponte ac libenter condiscant.

27) Quaeramus seria, id est: disputemus, loquamur, remoto ludo, sine joco de hujus inconstantiae causa primaria, tanquam de re seria, de re magni momenti. Ordo totius est itaque: Attamen, ne rem tantam, tam gravem delibem leviter, ut solent facere, qui narrant res jocularia et leves, licet veritatem etiam jocando dicere fas sit, causam hujus inconstantiae serio investigabo et disquiram.

28) Circumscriptio poetica agricolae. Gravis terra, quae adeo pinguis, ut difficulter moveatur, aretur, sed eo magis fertilis est.

29) Perfidus seu improbus caupo dicitur, quia hujus generis homines,

Audaces mare qui currunt ³⁰⁾, hac mente ³¹⁾ laborem ³⁰⁾
 Sese ferre, senes ut in otia tuta recedant,
 Ajunt, quum sibi sint congesta cibaria: sicut
 Parvula, nam exemplo est magni formica laboris,
 Ore trahit, quodcumque potest, atque addit acervo,
 Quem struit, haud ignara ac non incauta futuri. ³⁵⁾
 Quae ³²⁾, simul inversum ³³⁾ contristat Aquarius annum,
 Non usquam ³⁴⁾ prorepat, et illis utitur ante
 Quaesitis sapiens: cum ³⁵⁾ te neque fervidus aestus
 Demoveat lucro; neque hiems, ignis, mare, ferrum,
 Nil obstat tibi, dum ne sit te ditior alter. ⁴⁰⁾
 Quid juvat ³⁶⁾ immensum te argenti pondus et auri
 Furtim defossa timidum deponere terra? —
 Quod si comminuas, vilem redigatur ad assem ³⁷⁾. #

qui ad vias domicilia sua habebant, et peregrinantibus merces, victum aliasque res necessarias subministrabant, in Italia et Graecia ob defraudationem infames erant; quare in Graeco *απαλευειν* idem, ac defraudare, vitiare. Non sunt autem cum mercatoribus confundendi.

30) Currunt, navigant nautae, id est, mercatores.

31) Ordo est: ajunt, eo consilio se laborem ferre, ut, cum senes fuerint, habeant periculum suae senectutis, et paratam quietem, nempe, collectis per laborem opibus et provisibilibus fruatur: sicut formica, quae, licet parvula, ab illis tamen ut exemplum magni hujus laboris adfertur, quae, quidquid potest, pertrahit ore, et adjicit cumulo, quem struit, et majorem in dies facit, praescia et sapienter cavens futuro.

32) Hic respondet Horatius, eodem exemplo utens contra avaros. Sensus est: quae, pro: at formica etiam partis sapienter fruitur; tu vero non.

33) Simul, pro: quamprimum Aquarius, inversum annum, hoc est, desinentem, deductumque ad hiemem, quae tempestas est anni finis, et quidem tristior ob nebulas, imbres et nives, quas adfert Aquarii seu Amphorae signum, sole illud percurrente a die 21. Januarii usque ad 19. Februarii.

34) Non usquam, id est: foras non exit, domi se continet.

35) Cum te, id est: te autem neque fervor aestatis, nec hiems infesta tempestas, nec ignis periculum, aut mare fluctuosum et mors ferro seu gladio intenta a lucri studio demovet, revocat; nihil te retardat; dummodo impedias, ne ullus te vincat divitiis.

36) Ordo sententiarum est: quid prodest tibi, timide terrae infodere auri atque argenti copiam? vereris, ne, si imminuere, consumere coeperis, ad assem miserum seu ad nihilum deducatur? et statim respondet Horatius: at ni id fit, nisi id feceris; nisi minueris sapienti usu quaesitam pecuniam, quae pulchritudo est cumulatam acervi?

37) As Romanus vilis moneta cuprea erat, quae nostris circiter 4 denariis respondebat; qua pondus dividebatur in 12 uncias, et convenit cum nostra libra, quam nos in 16 uncias dividimus. Vide Antiquitates de re monetali.

At, ni id fit, quid habet pulchri constructus acervus?
 Millia ³⁸⁾ frumenti tua triverit area centum: ⁴⁵⁾
 Non tuus hoc capiet venter plus, ac meus; ut si
 Reticulum ³⁹⁾ panis venales inter onusto
 Forte vebas humero, nihilo plus accipias, quam
 Qui nil portarit. Vel dic, quid referat ⁴⁰⁾ intra
 Naturae fines viventi, jugera centum an ⁵⁰⁾
 Mille aret? At suave ⁴¹⁾ est ex magno tollere acervo.
 Dum ⁴²⁾ ex parvo nobis tantundem haurire relinquant,
 Cur tua plus laudes cumeris granaria nostris?
 Ut ⁴³⁾, tibi si sit opus liquidi ⁴⁴⁾ non amplius urna ⁴⁵⁾,
 Vel cyatho, et dicas: magno de flumine malim, ⁵⁵⁾
 Quam ex hoc fonticulo tantundem sumere. Eo fit,

38) Sensus est: etiamsi centum millia, modiorum scilicet frumenti, in area tua trita fuerint; tamen non plus comedes, quam ego, nempe quantum satis est.

39) Reticulum panis saccus fuit in modum retis. Itinera fiebant apud Romanos cum magna copia servorum, qui necessaria portabant; uni eorum imponebatur saccus cum victualibus, unde omnes accipiebant demensam partem; quapropter lepidus Aesopus illius deferendi munus sibi optabat, quod nempe levior in dies fieret. Notum enim, quod Aesopus olim fecerit. Ejus herus iter adornabat, ducebatque secum familiam. Venales suum quisque gestabant onus, partem aliquam domesticae supellectilis. Aesopus, licet imbecillo corpore ingentem sibi reticulum panis sumsit, ridentibus initio sociis, ad externum tamen admirantibus, cum eum in dies onere levare animadverterent, pane paulatim consumto et comeso. Servi dicuntur venales, quia emebantur et rursus vendebantur. Sensus est: quemadmodum etiam servus, inter reliquos humero onusto saccum panis portans, non plus accipit, quam ille, qui nihil portat.

40) Quid referat, quid intersit illius, qui paucis contentus est, et naturae necessitate, non avaritiae libidine sua vota definit, utrum aret centum, an mille jugera. Jugerum Romanum erat 120 pedes latum et 240 pedes longum.

41) At suave est, inquit avarus objiciendo.

42) Hic iterum Horatius respondet: modo me sinas ab exiguo tantundem tollere, quam ex magno acervo, id est, tantum, quantum est necessarium, cur ingentia tua horrea, vasis meis frumentariis laudando praefers? Cumerae fuerunt vasa doliis nostris similia, ubi frumentum suum reponabant agricolae: granariae contra erant magna frumenti receptacula, horrea.

43) Ut tibi: ordo naturalis est: quemadmodum exempli causa, si indigeres aquae urna tantum aut calice, id est: si indigeres aqua tanta, quantum capere urna vel scyphus potest, ac diceres: malo sumere ex ingenti flumine; periculo te exponeres, ut, cum parte ripae avulsa cadentem, flumen auferat hauriatque: ita fit, accidit et illis, qui magnas divitias adpetunt, cum parvae illis ad tuendam vitam possint sufficere; magna cupiditas, et nimiae opes iis saepe exitio sunt.

Plenior ⁴⁶⁾ ut si quos delectet copia justo,
 Cum ripa simul avulsos ferat Aufidus ⁴⁷⁾ acer.
 At qui ⁴⁸⁾ tantuli eget, quanto est opus, is neque limo
 Turbatam haurit aquam, neque vitam amittit in undis. ⁶⁰
 At bona ⁴⁹⁾ pars hominum, decepta cupidine falso,
 Nil satis est, inquit: quia tanti, quantum habes, sis.
 Quid ⁵⁰⁾ facias illi? Jubeas miserum esse, libenter
 Quatenus id facit. Ut quidam memoratur Athenis
 Sordidus ⁵¹⁾ ac dives populi contemnere voces ⁶⁵
 Sic solitus: Populus me sibilat; at mihi plaudo
 Ipse domi, simul ac nummos contemplor in arca.
 Tantalus ⁵²⁾ a labris sitiens fugientia captat
 Flumina. Quid ⁵³⁾ rides? mutato ⁵⁴⁾ nomine de te
 Fabula narratur. Congestis undique saccis ⁵⁵⁾ ⁷⁰

44) Liquidi, positum est pro: liquoris aut aquae.

45) Urna erat mensura fluidorum. Culeus, maxima mensura, continebat 20 amphoras, amphora 2 urnas, urna 4 congios, congius 6 sextarios et sextarius 12 cyathos.

46) Plenior, id est, major copia.

47) Aufidus est Apuliae fluvius praecipuus ac rapidus; propterea dicitur a poeta, acer. Nunc appellatur Ofanto.

48) Sensus est: at qui tantum desiderat, quantum est necessarium, is nec sordide vivit, nec etiam cupiditate et avaritia sua exitio se exponit.

49) Bona, pro: magna; et cupido generis masc. pro: cupiditas. Sensus est: verum plerique homines cupiditate vitiosa delusi dicunt: nihil sufficit, cum tanti aestimemur, quantum habemus.

50) Quid facias? id est: quid agas cum hominibus sic affectis, ita sentientibus? sane omittas illos, sinas esse miseros, quatenus, seu quia libenter id faciunt, ipsi sua miseria delectantur, se ipsos miseros faciunt.

51) Sordidus pro, avarus; voces pro: convicia; sibilat, id est: ridet, explodit. Probabilius designat hic poeta aliquem avarum ac sordidum Romae, quem propterea Athenas transfert, ne ab omnibus illico cognoscatur.

52) Tantalus: postquam ea, quae ab avaris obijciuntur, refutavit; ostendit, jam eos re ipsa, licet sibi intus ac domi plaudant, esse miseros, similesque Tantalos, qui sitiens capere avet ac haurire flumina, ab ipsius labris fugientia. Fuit Tantalus Jovis filius et rex Phrygiae, qui Diis hospitio susceptis adposuit Pelopem filium suum comedendum. Myth.

53) Quid rides? inducitur avarus quidam, ridens Horatium, quasi bonarum rationum inopia coactum ad fabulas confugere, ad quem poeta statim sermonem dirigit.

54) Mutato nomine, id est: tu es ille Tantalus, idem ac ille facis; pone tuum nomen pro illius nomine, et in te res tota et fabula ista conveniet, tu enim, sicut ille, in medio aquarum, in abundantia divitiarum iis non frueris.

55) Saccis, id est: divitiis inhians, avide et sollicitè contemplans eas, indormis, incubas, et parcere iis, abstinere ab usu earum cogere, tam-

Indormis inhians, et tamquam parcere sacris
 Cogere, aut pictis tamquam gaudere tabellis.
 Nescis ⁵⁶⁾, quo valeat nummus, quem praebet usum?
 Panis ematur, olus, vini sextarius, adde ⁵⁷⁾,
 Quis humana sibi doleat natura negatis. ⁸⁵
 An ⁵⁸⁾ vigilare metu exanimem, noctesque diesque
 Formidare malos fures, incendia, servos,
 Ne te compilent, fugientes, hoc juvat? Horum
 Semper ego optarim pauperrimus esse bonorum.
 At ⁵⁹⁾ si condoluit tentatum frigore corpus, ⁸⁰
 Aut alius casus lecto te adfixit, habes, qui
 Adsideat, fomenta parat, medicum roget, ut te
 Suscitet, ac natis reddat, carisque propinquis.
 Non ⁶⁰⁾ uxor salvum te vult, non filius; omnes
 Vicini oderunt, noti, pueri atque puellae. ⁸⁵
 Miraris ⁶¹⁾, quum tu argento post omnia ponas,
 Si nemo praestet, quem non merearis amorem,
 Ac si cognatos, nullo natura labore
 Quos tibi dat, retinere velis servareque amicos,
 Infelix operam perdas: ut si quis asellum ⁹⁰

quam ab usu rerum sacrarum; neque aliud exinde commodum percipis, nisi quod ex imagine, quam solum contemplari licet.

56) Sensus est: quod si ignoras nummi pretium, et ad quem usum fuerit usus? ego tibi dicam: primus ejus usus est in necessariis vitae comparandis. Vini sextarius pro: vinum. De sextario vide supra Nota 45.

57) Adde, id est: aliaque, quae ad utilitatem spectant et commoditatem, et quae humana natura aegre ferat, si denegentur.

58) Sensus: an vero forsitan te juvat, delectat, semper vigilem metu exanimari, diu noctuque timere fures malos et improbos, ignem, et ne te servi profugae compilent, spolient? ego certe bona, hujusmodi metum causantia, nunquam mihi exoptabo.

59) Verba sunt avari: at vero, si a frigore corpus aegrum tibi doluerit, aut aliud malum te lecto adfixerit, tunc, inquis, habebis, qui mihi aegrotanti adsideat, evocet medicum, ut me lecto suscitet ac recreet morbo.

60) Falleris, respondet Horatius, nemo te salvum cupit, ac proinde etiam nemo te aegrotum juvabit. Nemo per partes explicatur: non uxor etc. sic etiam omnes: vicini, noti, etc.

61) Sententia est: et profecto neque mirandum est, si nemo te, qui omnia pecuniae postponis, nihil aliud praeter pecuniam amas, amore, quo adeo indignus es, prosequatur: et si, quos absque ullo tuo labore propinquos tibi natura fecit, eorum amicitiam benevolentiamque cupiens retinere aequè frustra labores, quam is, qui asellum docere velit, ut frenis obsequens, frenatus currat in campo. Indociles enim vulgo asini habentur, ut non tam facile frenari, et ad campestrum decursionem fingi queant.

In campo ⁶²⁾ doceat parentem currere frenis? —
 Denique ⁶³⁾ sit finis quaerendi; cumque habeas plus,
 Pauperiem metuas minus; et finire laborem
 Incipias, parto quod avebas; ne facias, quod
 Ummidius quidam, non longa est fabula; dives ⁶⁴⁾, *95*
 Ut metiretur nummos; ita sordidus, ut se
 Non umquam servo melius vestiret; ad usque
 Supremum tempus, ne se penuria victus
 Opprimeret, metuebat. At hunc liberta securi
 Divisit ⁶⁵⁾ medium, fortissima Tyndaridarum ⁶⁶⁾. *100*
 Quid mi ⁶⁷⁾ igitur suades? ut vivam Maenius ⁶⁸⁾, aut sic
 Ut Nomentanus? Pergis ⁶⁹⁾ pugnantia secum
 Frontibus adversis componere. Non ⁷⁰⁾ ego, avarum
 Quum veto te fieri, vappam jubeo ac nebulonem.

62) Per campum non intelligendus est hic campus Martius, sed quaelibet planities, in qua juvenes se exercere solebant currendo, equitando, luctando, armis etc. Romae id praecipue fiebat in Campo Martio.

63) Sensus est: fac ergo tandem aliquando finem colligendi, quaerendi pecunias; non timeas tantopere paupertatem amplius, cum jam plus, id est, divitias majores tibi comparaveris; et incipias semel finem imponere labori, id est, studio conquiendi ampliores semper opes; ne periculum mortis incidas, ut quidam Ummidius.

64) Dives, id est: ita dives, ut nummos non, quemadmodum fit, numeraret, sed eorum acervos metiretur; ac nihilo minus tantarum sordium, adeo avarus, ut nunquam honestius servo indueretur per totam vitam; timebat enim usque ad supremum tempus, usque ad mortem, ne forte annoae inopia periret.

65) Divisit, eum interfecit, ac secuit in duas partes mulier fortior quam Clytemnestra.

66) Tyndaridae sunt in genere liberi Tyndari; hic autem alluditur ad Clytemnestram, Tyndari et Ledae filiam, quae marito suo Agamemnoni, e bello Trojano reverso, scelere plus quam femineo in gratiam Aegisti adulteri securi caput dissecuit, eumque occidit. Orestes filius eam rursus in vindictam patris necavit.

67) Quid mihi igitur suades? est interrogatio avari: ut vivam sic, ut Maenius; aut ut Nomentanus?

68) Maenius, vel ut alii scribunt Maevius aut Naevius, et Nomentanus erant duo famosi nepotes ac prodigi, qui omnia bona sua profuderunt, gulae ac libidini impenderunt.

69) Respondet iterum poeta: at tu pergis, non desinis male ratiocinari, et conjungis simul res duas plane oppositas, nempe avaritiam cum prodigalitate, luxum istorum ganeonum cum honesta frugalitate, ad quam te hortor, dum ab avaritia deterreo. Componi adversis frontibus proprie dicuntur gladiatores pugnaturi.

70) Sententia est: quum avarum te esse veto, cum prohibeo, ne sis

Est inter Tanain ⁷¹⁾ quiddam, socerumque Viselli. *105*
 Est modus in rebus; sunt certi denique ⁷²⁾ fines,
 Quos ultra citraque nequit consistere rectum.
 Illuc ⁷³⁾, unde abii, redeo, Nemone ut ⁷⁴⁾ avarus
 Se probet, ac potius laudet diversa sequentes;
 Quodque aliena capella gerat distentius uber, *110*
 Tabescat; neque se majori pauperiorum
 Turbae comparet; hunc atque hunc superare laboret?
 Sic ⁷⁵⁾ festinanti semper locupletior obstat:
 Ut, quum carceribus ⁷⁶⁾ missos rapit ungula ⁷⁷⁾ currus,
 Instat equis auriga suos vincentibus, illum *115*

avarus, non propterea impero, ut fias vappa, nebulo, heu! luxu perditus. Vappa proprie dicitur vinum corruptum, quod nec vinum nec acetum est; ac proinde sumitur hic metaphorice pro inutili nebulone et homine nullius bonae frugis.

71) Tanais et Visellii socer erant duo, qui aliquo opposito corporis vel animi morbo laborabant; forsitan alter ad excessum pinguis, alter nimium macer; vel alter sumtuosus et lautus, alter praeparcus et sordidus. Ac proinde sensus est: Discrepant illi duo inter se, quos probe nosti; est medium inter eos.

72) Quid multa? verbo, denique modus seu mediocritas servanda est in omnibus rebus; sunt certi fines, termini, quos attingere quidem, non autem excedere oportet in omni, quod volumus rectum, honestum ac naturae consentaneum esse; ac proinde si avarus esse desinas, non continuo sis effuse prodigus et ganeo.

73) Sed ut ad idem objectum, a quo incepti, iterum redeam, ad sententiam nempe: quod nemo sua sorte contentus sit.

74) Ut, est particula admirationis. Sensus: ut, quantopere mirandum est igitur, quod nemo avarus se probet, sorte sua contentus sit; quod omnes, male contenti suo ex avaritia, laudent dissimilia vitae genera sequentes; quod tabescant, aegre ferant, si vicini capellae suis sint pinguiores, vel habeant distentius, plenius, plus lactis capiens uber; quod nunquam secum reputent, quam multis pauperibus ditiores, lautiores sint; et quod semper ditiores se, qui tantum pauci sunt, opibus superare laborent, contentur, contendunt?

75) Sensus: qui hunc in modum sollicitus est, et ad meliorem semper fortunam tendit, festinat, ille nunquam finem aliquem assequetur; quia perpetuo illi obstat, se offert aliquis se ipso ditior.

76) Carceres fuere, cum de Circo agitur, tabulata quaedam in extremo Circo, quibus inclusae retinebantur quadrigae equorum, donec currendi signum daretur. Vide Antiquit. de ludis.

77) Ungula, poetice, pro equis. Sensus: quemadmodum, cum dimissi e carceribus equi rapidissimis, celerissimis pedibus auferant currus, auriga instat, urget, summe desiderat, conatur eos praeterire, a quibus vincitur, contemnens et non respiciens alios, quos praeterivit, et qui in extremo

Praeteritum temnens extremos inter euntem.
Inde ⁷⁸⁾ fit, ut raro, qui se vixisse beatum
Dicat, et exacto contentus ⁷⁹⁾ tempore vitae
Cedat, uti conviva satur, reperire queamus.
Jam satis est; ne me Crispini ⁸⁰⁾ scrinia ⁸¹⁾ Lippi 120.
Compilasse putes, verbum non amplius addam.

S a t y r a II.

Argumentum.

Satyram hanc, licet secundo positam loco, scriptam tamen fuisse post ^{9^{am}} et ^{10^{am}} istius libri, ex eo constat, quod, qui in ista mortuus ponitur Hermogenes Tigellius, in ^{9^a} ob cantum laudatur a garrulo; et in ^{10^{ma}} jubetur ab Horatio inter discipularum cathedras plorare. Primaria sententia, quam poeta ipse sub finem carminis pronunciat, est: stultitia hominum in eo se praecipue manifestat, quod in extrema semper et sibi opposita vitia incidant; alii enim sunt nimium liberales, alii iterum, ne suspicionem prodigalitatis incurrant, adeo sunt parci, ut nec amicos adjuvent; hic abligurit bona sua, ne avarus dicatur, et alter iterum est foenerator turpissimus, quin ipse partis fruatur; hic effeminate corpus suum ornat, alter e contra squalidus ac sordidus incedit; auream vero mediocritatem nemo tenet.

pulvere currunt; sed illos tantum, qui antecedunt, a quibus sui equi vincuntur, respicit: sic etiam avarus nunquam respicit ad majorem multo turbam pauperiorum.

78) Ordo est: inde fit, ut raro queamus reperire hominem, qui se dicat etc.

79) Contentus cedat, id est: qui, elapso tempore, sibi ad vivendum concessio, contentus et aequo animo vita decedat, tamquam satis pastus conviva.

80) Crispinus Lippus fuit poeta et philosophus Stoicus, qui suae sectae placita et doctrinam versibus comprehendit. Cognomine Lippus insignitus erat ab oculis lippis, quibus laborabat.

81) Scrinia sunt capsae, in quibus libri et cartae continentur. Compilasse, id est, scrutatum ac furatum esse.

Ambubajarum ¹⁾ collegia ²⁾, pharmacopolae ³⁾, Mendici ⁴⁾, mimae ⁵⁾, balatrones ⁶⁾, hoc ⁷⁾ genus omne Moestum ac sollicitum est cantoris. morte Tigelli ⁸⁾; Quippe ⁹⁾ benignus erat. Contra ¹⁰⁾ hic, ne prodigus esse Dicatur, metuens, inopi dare nolit amico, Frigus quo duramque famem depellere possit. Hunc si perconteris, avi cur atque parentis Praeclaram ¹¹⁾ ingrata stringat ¹²⁾ malus ¹⁴⁾ ingluvie ¹³⁾ rem, Omnia conductis ¹⁵⁾ coemens obsonia ¹⁶⁾ nummis? Sordidus atque animi quod parvi nolit haberi,

1) Ambubajae erant mulierculae e Syria vagae, viles et tibicinae, sic dictae, quod Syriaca lingua tibia vocetur, ambub. Harum muliercularum magna quantitas Romae erat, quae, diversis in occasionibus pecunia conductae a Romanis, horum animos tibia cantantes oblectabant.

2) Collegia, facete pro: greges; ac si coetum aliquem publicum a civitate institutum formassent.

3) Pharmacopolae: unguentarii, pigmentarii, unctores; homines, qui unguenta et pigmenta diversa vendebant.

4) Non intelliguntur hic communes mendici, sed Isiaci, sacerdotes Isidis; et Galli, sacerdotes Cybeles, imaginem alicujus Dei circumferendo et ostendendo stipem colligere soliti. Idem faciebant Astrologi et Vaticini omnes.

5) Mimae et Mimi, tales personae, quae in comoediis finito acta gestulationes edebant, ad hilaritatem et risum in spectatoribus excitandum. Vide praeccepta eloqui de Dramate.

6) Balatrones, parasi et scurrae, a Servilio Balatrone, cujus L. II. sat. ult. vers. 40. mentionem facit poeta, sic dicti.

7) Hoc genus omne, id est: omnes harum classium homines solliciti, tristes, moerore adfecti sunt morte Tigellii.

8) Tigellius natione Sardu; artis musicae peritus, et non infacetus scurra, gratus Augusto fuit et tardius Cleopatrae; magnasque collegit opes, quas male profudit. Is carmina Horatii negabat satis perite modulata, idcirco carpitur ab hoc, et obtretractorie cantor pro musico adpellatur.

9) Quippe: erat enim benignus, liberalis in eos; donabat large ac liberaliter.

10) Sensus: alius autem metuens ne dicatur esse prodigus, nolit, id est: non vult amico pauperi dare, unde miseram famem leniat, et frigus arceat.

11) Praeclaram rem, id est: opes magnas, ab avo et parente acceptas.

12) Stringat, consumat, attenuet, deminuat, radat.

13) Ingrata ingluvie, pro: turpi gulositate et luxu; turpe enim ingratum est; vel etiam, ex qua nullum capiat fructum, unde nihil ipsi restet.

14) Malus pro, male, modo abominabili, misere.

15) Conductis, id est: mutuo acceptis, foenori sibi datis nummis, pecuniis.

16) Obsonia, pro: cibaria, dapes.

Respondet: Laudatur ¹⁷⁾ ab his, culpatur ab illis. Fufidius ¹⁸⁾ vappae famam timet ac nebulonis, Dives agris, dives positus in foenore nummis; Quinas hic capiti ¹⁹⁾ mercedes exsecat ²⁰⁾; atque Quanto perditior quisque est, tanto acrius urget; Nomina ²¹⁾ sectatur, modo sumta veste ²²⁾ virili, Sub patribus ²³⁾ duris tironum. Maxime ²⁴⁾, quis non, Jupiter! exclamat, simul atque audiivit? at ²⁵⁾ in se

17) Ordo naturalis totius est: si alium quemdam perconteris, interroges: quare, pecunia senori accepta quotidianos comparans cibos, turpi gulositate et luxu amplissima bona, sibi ab avo et a patre relicta, male, misere consumat? Ideo, inquiet, facio, quod nolim aestimari sordide parcus et animi pusilli. Sensus est: qui videri et haberi vult liberalis, sit vappa, prodigus. Et invenies, qui hunc laudent; nec etiam desunt, qui vituperent.

18) Fufidius foenerator improbissimus. Sensus et ordo est: licet hic dives agris et positus in foenore nummis sit, id est: agros opimos habeat, et ingentem quaestum locandis in foenore pecuniis faciat, ita, ut quinas mercedes capiti exsecet, quinque centesimas sorti detrahat; ut quanto quis luxu perditior et profligatior, negligentius res suas agens est, tanto acrius illum urgeat, gravioribus usuris oneret; et ut nomina tironum, id est: adolescentes, qui non diu togam virilem sumserunt, sectetur, debitores sibi facere studeat; quod quum vel audiverimus, summopere mirari et indignari oportet: tamen parce vivit ac duriter, timens, ne vappa, prodigus vel nebulus habeatur.

19) Caput est integra summa foenori data, seu sors; et mercedes sunt centesimae, seu usura, haec enim est merces et quasi fructus pecuniae mutuo datae. Apud Romanos tantum pro uno mense dabatur mutuo pecunia, et quidem Calendis cujusque mensis, quibus etiam solvenda erat, Idibus praecedentibus renunciata. Pro centum assibus solvebatur tantum unus as; id est, una centesima pars sortis, ergo per annum 12 centesimae. Fufidius autem sumsit quinas centesimas per mensem, seu per annum 60. Vide Antiquitates.

20) Exsecat: ad illud pertinet, quod avari foeneratores, cum dabant usurariam pecuniam, primi mensis usuras capiti seu sorti statim amovebant, detrahebant.

21) Nomina, sumuntur etiam pro debitoribus, quia horum nomina inscribebant argentarii syngraphis et codicibus suis.

22) Veste seu toga virili induebantur adolescentes Romani anno 17. Erat hic actus sollemnis, qui dicebatur tirocinium; ab hoc enim tempore idoneus habebatur juvenis militiae et negotiis publicis. Vide Antiquit.

23) Sub patribus duris, id est, qui rerum vitae adhuc ignari sub potestate durorum patrum sunt, qui, cum nihil accipiant pecuniae, mutuum sumunt a foeneratoribus, magna mercede seu usura promissa.

24) Ordo est: quis non exclamet: O maxime Jupiter! simul atque audiivit, haec a Fufidio fieri?

25) Sensus: fortasse dicet aliquis: at in se, id est: pro se in victu suo

Pro quaestu sumtum facit hic. Vix ²⁶⁾ credere possis, Quam sibi non sit amicus; ita, ut pater ²⁷⁾ ille, Terentius Fabula quem miserum gnato vixisse fugato Inducit, non se pejus cruciaverit, atque ²⁸⁾ hic. Si quis nunc quaerat; quo ²⁹⁾ res haec pertinet? Illuc ³⁰⁾; Dum vitant stulti vitia, in contraria currunt. Malchinus tunicis demissis ambulat; est ³²⁾ qui Inguen ad obscoenum subductis usque facetus; Pastillos Rufillus ³³⁾ olet, Gorgonius ³⁴⁾ hircum. Nil ³⁵⁾ medium est.

S a t y r a III.

Argumentum.

Hanc Satyram quoque mortuo jam Tigellio scriptam, ut ex initio ejus adparet, prodiisse oportet post 9^{am} et 10^{am}

sumtum facit pro quaestu, hoc est: adcommodatum quaestui suo majori, ac proinde, lautum et ingentem.

26) Respondet Horatius: vix autem credas, quam parum sibi sit amicus, sibi indulgeat; quam acerbe se habeat; adeo certe, ut non se durius tractaverit pater ille, quem Terentius in fabula seu comoedia sua describit, post ejectionem filium miseram et infelicissimam egisse vitam.

27) Pater ille: fuit hic Menedemus, qui apud Terentium, cum coegisset acerbitate sua Cliniam filium suum abire in Asiam, relicta a filio patria, se ipsum misere excruciabat prae animi moerore.

28) Atque hic, id est: quam hic foenerator.

29) Quo haec tendant omnia, quorsum haec attulerim?

30) Illuc, ut verum agnoscamus, quod dicitur: dum vitant etc. haec spectare dico.

31) Malchinus et Rufillus a nimia et effeminata corporis cultura, Gorgonius vero a squalore, quo incedebat, tunc temporis noti erant probabilius; vel nomina haec sunt plane ficta. Sensus est: hic tunicis ad talos fluentibus prodit in publicum, effeminate se vestit. Stola mulierum pertingebat usque ad talos; tunica vero virorum usque ad genua tantum; longiores tunicae erant igitur signum mollietatis.

32) Est qui: id est: alter iterum subductis, sublati, elevatis tunicis usque ad foedum inguen, usque ad ventrem et obscoenas corporis partes, facetus, ridiculus deambulat, incedit.

33) Sensus: alii semper odores suaves efflant ob pastillos, quos in ore habent. Sunt autem pastilli globuli seu offae quaedam, instar exiguoarum panum, ex odoratis succis confectae.

34) Sensus: alii iterum, ut Gorgonius, semper spargunt odorem hirci graveolentem, foetidum, ob squalorem et sordes, quibus corpus eorum continuo contactum et infectum est.

35) Nil. Id est: nemo autem medium tenet, in quo tamen virtus consistit.

in quibus adhuc vivit. Carpit ea in conventiculis Romae communiter tunc temporis vigentem consuetudinem, aliena vitia strictissime castigandi, propria vero excusandi. Incipit autem poeta vitia Hermogenis Tigellii ad imitationem hujus consuetudinis recensere; ast se ipsum corrigens propius accedit ad thema propositum et dicit: mirandum est omnino, quod plerique nostrum, licet ipsi etiam vitia nostra habeamus, nunquam errores amicorum, ut aequum esset, excusemus, et, comparatione cum virtutibus eorum facta, attenuemus; sed potius eadem amplificare et exaggerare studeamus. Attamen prudentia contrarium suaderet, quia secus et alii rursus nostris cum vitiis idem facturi sunt. Quod si autem hoc non concedatur, id saltem certum est: vitia pro ratione meriti aequis momenti dijudicanda, minime vero cum Stoicis, omnia aequalia reputanda esse. Hac porro stoicorum sententia refutata lepide, transit adhuc ad aliud eorum placitum, quo Stoicum sapientem omnia bona possidere contendunt; et in hoc facete ridendo usque ad finem versatur. Tandem concludit, se omnibus Stoicorum sententiis suam praeferre, qua amicorum vitia excusanda, et leniter dijudicanda esse censet.

Omnibus ¹⁾ hoc vitium est cantoribus, inter amicos
 Ut nunquam inducant ²⁾ animum cantare rogati,
 Injussi ³⁾ nunquam desistant. Sardus ⁴⁾ habebat
 Ille Tigellius hoc. Caesar ⁵⁾, qui cogere posset,
 Si peteret per amicitiam ⁶⁾ patris atque suam, non
 Quidquam proficeret; si collibisset ⁷⁾, ab ovo ⁸⁾

1) Incipit poeta ab insectatione Tigellii, et vitiorum ejus enumeratione, cujus finis demum ex adnexa interrogatione adparet. Sensus est: si de morositate Tigellii, quatenus et sermonibus et actionibus nunquam sibi constans sit, loqui vellem, quaeret fortasse aliquis: quid tu ipse nulla ne vitia habes?

2) Inducant animum, id est: velint; exorari se patiantur, ut cantent.

3) Injussi, id est: quod si sponte canere coeperint.

4) Sardus: natus in Sardinia, insula prope Italiam. Habebat, id est: hoc vitio laborabat. Vide Sat. II. not. 8.

5) Caesar Augustus.

6) Per amicitiam patris, nempe Caesaris, qui natura avunculus, adoptione pater Augusti erat. Sensus est: quod si Augustus, cui tamen illum cogendi potestas erat, eum rogabat per amicitiam patris sui Caesaris et suam, nihil obtinebat. Peteret, et proficeret, positum est pro: petebat, proficiebat.

7) Collibisset: si vero libido propria eum ad cantum impulit.

8) Ab ovo usque ad mala, seu tota coena, quae, ab ovis plerumque incipiens, pomis, placentis aliisque ejusmodi finiebatur. Vide Antiquitates.

Usque ad mala citaret ⁹⁾: Io Bacche ¹⁰⁾! modo summa ¹¹⁾
 Voce, modo ¹²⁾ hac, resonat quae chordis quatuor ima.
 Nil ¹³⁾ aequale homini fuit illi. Saepe velut qui
 Currebat fugiens hostem, persaepe ¹⁴⁾ velut qui
 Junonis sacra ferret; habebat saepe ducentos,
 Saepe decem servos; modo ¹⁵⁾ reges atque tetrarchas ¹⁶⁾,
 Omnia magna loquens; modo ¹⁷⁾: sit mihi mensa tripes et
 Concha ¹⁸⁾ salis ¹⁹⁾ puri, et toga ²⁰⁾, quae defendere frigus,
 Quamvis crassa, queat. Decies ²¹⁾ centena dedisses

9) Citaret: clara et alta voce caneret; unde recitare est, palam et clare dicere.

10) Io Bacche! Initium est Bacchicae et potatoriae cantilenaе.

11) Summa voce, id est: acutissima chorda, quae suprema est.

12) Modo hac, subiintellige: voce, quae in quatuor chordis est ima, hoc est, in tetrachordo, musico instrumento, quod quatuor chordis constat. Vox hic posita pro chorda indicat, Tigellium, modulantem vocem suam pro ratione chordarum, accinuisse tetrachordo. Sensus est: quod si libido propria eum incesserat, per totam coenam cantilenas potatorias cecinit in tetrachordo.

13) Nil etc. Sic homo hic nihil aequale habuit, in nulla re sibi constans fuit.

14) Perraepe lento et composito passu incedebat, perinde, ac si Junonis sacra vasa deferret in publica pompa. In pompis enim solennibus, quae diebus festis ad templa Deorum instituebantur, virgines vasa sacra Deorum canistris capiti impositis portabant, graviter et lento passu incedentes. Per sacra Junonis hic sacra Deorum in genere designantur.

15) Modo etc. Sensus est: nunc reges et tetrarchas et magnifica omnia, tamquam amicus horum familiarissimus, ventose proloquutus est. Vel nunc adeo superbe de rebus maximi momenti loquutus est, ac si esset rex vel saltem princeps.

16) Tetrarchia est rege minor, eumque sonat, qui quartam regni aut ditionis partem obtinet, v. g. in Galatia vel Judaea; hic stat pro quolibet principe.

17) Modo; sensus: nunc vero dicebat: si tantum habeam necessaria vitae, contentus et felix sum; et pro hoc: si modo habeam mensam tribus pedibus sustentatam; tales enim mensae erant antiquioris formae, et vocabantur Delphicae a tripode Pythiae; post occupatam dein Asiam divitibus Romanis elegantiora monopodia usitata erant, id est, rotundae mensae, uno pede sustentatae.

18) Concha: salinum nitidum ex concha, aut conchae in morem factum. Pauperiores Romani habebant in concha marina salem tritum, quo cum pane vescebantur: ditiores autem habere solebant argentea salina.

19) Salis puri, id est: incorrupti, non commixti cum variis condimentis.

20) Toga quo major magisque sinuata, quoque materia ejus tenuior, eo nobilior erat. Vide Antiquit. Hic pro veste quacunq; sumitur. Frigus defendere, depellere, avertere.

21) Decies: si dedisses Tigellio, qui modo parsimoniam tantopere lau-

Huic parco, paucis contento; quinque diebus
 Nil erat in loculis ²²⁾. Noctes vigilabat ad ipsum
 Mane; diem totum stertebat ²³⁾. Nil ¹⁴⁾ fuit unquam
 Sic impar sibi. Nunc aliquis dicat mihi: "Quid tu?
 Nulla ne habes vitia?" Imo ²⁵⁾ alia, haud fortasse minora. ²⁰⁾
 Maenius absentem Novium quum carperet: "Heus tu,
 Quidam ait, ignoras te? an ut ignotum dare ²⁶⁾ nobis
 Verba putas? Egomet mi ignosco, Maenius inquit.
 Stultus et improbus hic amor ²⁷⁾ est, dignusque notari ²⁸⁾.
 Quum ²⁹⁾ tua pervideas oculis mala lippus inunctis,
 Cur in amicorum vitiis tam cernis acutum,
 Quam aut aquila aut serpens Epidaurius ³⁰⁾? At tibi contra

dabat, decies centena millia sestertiorum, post dies quinque omnia vir ille
 parvus decoxisset, absumsisset. Sestertius valuit 2 1/2 asses, et mille ejus-
 modi sestertii dicebantur sestertium, scilicet, pondo 2 1/2 librae argenti. Hic
 sestertia intelligenda, et posita sunt pro ingenti summa. Antiquit.

22) Erat, pro: fuisset in loculis, in arca, crumena, ubi pecunia ad-
 servabatur.

23) Stertebat, dormiebat.

24) Nil; nemo sibi adeo dissimilis, a se ipso discrepans, sibi ipsi tam
 parum aequalis existit, quam hic.

25) Respondet Horatius: fateor, habeo mea quoque vitia, et fortasse
 majora quam Tigellii, quem carpo. Sed non ita facio, sicut Maenius,
 qui, cum absentem Novium vituperaret, diceretque illi aliquis: Heus tu;
 an te ignoras; an tibi ipse ignotus es? an speras nos fallere et latere?
 probe te novimus, et ipso Novio pejorem esse scimus; Maenius respondit,
 se quidem alios carpere libenter; sibi vero ignoscere, de seipso tacere. De
 Maenio vide Sat. I. not. 68. De Novio nihil certi constat; forsitan fuit unus
 e fratribus illis Novii, qui tunc temporis ut magni foeneratores innotue-
 runt: ac proinde prodigus hic, carpens foeneratorem, inducitur.

26) Verba dare: decipere, fallere, circumvenire.

27) Hic amor improbus seu nimius sui ipsius, quo quis sibi omnia ignos-
 cit, aliis nihil aut parum.

28) Notari: reprehendi, ignominia adfici.

28) Quum; sensus est: cum tua mala, seu vitia non magis videas,
 quam solet lippus oculis inunctis, aliquo unguento delibutis res videre,
 adspicere; cur tamen in peccatis amicorum adeo acute cernis, vides, quem-
 admodum aquila vel draco Epidaurius?

30) Epidaurus Peloponnesi urbs, Aesculapii templo celebris, ubi Deus
 ac praesul hic medicorum sub forma serpentis colebatur. Cum pestilentia
 Romae laboraretur, responsum est ab oraculo, ita salvos cives fore, si e
 Graecia Aesculapium adveherent, Legati Epidaurum cum triremi sunt profec-
 ti; factumque est, ut ingens anguis ad triremem adnaverit, seque in puppi com-
 posuerit in gyrum; quem illi, cum Aesculapium putarent esse, Romam in
 triumpho duxerunt. Ponitur iste nominatim draco pro quolibet, cum acu-
 tissime omnes, sicut aquilae, videre existimantur.

Evenit, inquirant vitia ut tua rursus et illi ³¹⁾. —
 Iracundior ³²⁾ est paullo; minus aptus acutis ³¹⁾ ³²⁾
 Naribus horum hominum; rideri possit eo, quod ³⁰⁾
 Rusticius tonso toga defluit, et male laxus
 In pede calceus haeret: at est bonus, ut melior vir
 Non alius quisquam; at tibi amicus; at ingenium ingens
 Inculto latet sub hoc corpore. Denique te ipsum
 Concute ³³⁾, num quae tibi vitiorum inseverit olim ³⁵⁾
 Natura, aut etiam consuetudo mala; namque
 Neglectis urenda filix innascitur agris. —
 Illuc ³⁴⁾ praevertamur, amatorem quod amicae
 Turpia decipiunt caecum vitia, aut etiam ipsa haec
 Delectant, veluti Balbinum ³⁶⁾ polypus ³⁵⁾ Hagnae ³⁷⁾. ³⁸⁾
 Vellem ³⁸⁾ in amicitia sic erraremus, et isti
 Errori nomen virtus posuisset honestum.
 At, pater ³⁹⁾ ut gnati, sic nos debemus amici,

31) Et illi: ut illi, quos carpis, tua quoque vitia investigent.

32) Iracundior: est aliquis ad iram paullo propensior, quam par sit;
 non satis acutus, ut nasutis hujus aetatis hominibus, qui omnia, etiam mi-
 nutissima, vitia aliorum carpunt, bene conveniat; ridendum praebet se eo,
 quod inconcinnius tonsus togam male adstrictam habeat, et laxiorem cal-
 ceum vix pes retineat. Esto sane: at vir est bonus, ut nemo sit eo melior;
 at est amicus tuus; at ingenium cultum in corpore inculto gerit: cur illi
 non ignoscas?

33) Concute, expende, examina te ipsum diligentius, et vide, num
 aliqua etiam tu habeas vitia, jam a natura insita, aut per consuetudinem
 malam adjuncta? Etenim in agris, quibus cultura non adhibetur, filix cres-
 cit, quam flammis urere necesse est; subintellige: ita etiam ferax vitiorum
 est natura corrupta, nisi evellantur.

34) Sensus: omittamus nunc tua vitia excutere, et illuc potius nos con-
 vertamus, et consideremus, quod amatores faciunt, qui adeo caeci sunt,
 ut ipsos decipiant turpia amicarum vitia; ut ea non tantum non observent,
 sed iis adhuc delectentur.

35) Polyplus narium morbus, cum caro intus crescens, et in multos
 ramulos divisa, nares obstruit.

36) Balbinus nomen amatoris, quem hic inducit.

37) Hagna, libertina Romana, quam non obstante ulcere, quod habuit
 in naso, Balbinus pulchram esse judicavit.

38) Sensus est: cuperem, ut nos in amicitia simili modo deciperemur,
 erraremus, et hunc errorem sapientia pulchro quodam nomine dishonestas-
 set. Per virtutem intelligitur hic sapientia; vel sensus boni, recti, honestique.

39) Sententia est: imo ita debemus amicorum vitia, si quae fuerint, si
 quae habuerint, patienter ferre, et extenuare: sicut id patres in vitiis filio-
 rum facere solent.

Si quod sit, vitium non fastidire ⁴⁰⁾: Strabonem ⁴¹⁾
 Adpellat Paetum pater, et Pullum ⁴²⁾, male parvus ⁴³⁾
 Si cui filius est, ut abortivus fuit olim
 Sisyphus ⁴⁴⁾; hunc Varum ⁴⁵⁾ distortis cruribus; illum
 Balbutit Scaurum ⁴⁶⁾ pravis fultum male talis.
 Parcius ⁴⁷⁾ hic vivit: frugi dicatur. Ineptus
 Et jactantior hic paullo est: concinnus amicis
 Postulat ut videatur. At est truculentior atque
 Plus aequo liber: simplex fortisque habeatur.
 Caldior est: acres inter numeretur. Opīnor,
 Haec res et jungit, junctos et servat amicos.
 At nos virtutes ipsas invertimus ⁴⁸⁾, atque

40) Non fastidire, id est: non odisse, non exaggerare, igitur: patienter ferre, extenuare.

41) Strabo dicitur, qui est detortis oculis: Paetus autem, qui est oculis leniter declinatis, cuique huc atque illuc tremuli celeriter volvuntur.

42) Pullum, pusillum dicebant antiqui puerum, quem quis prae ceteris suis liberis amabat.

43) Male parvus: nimium, supra modum parvus.

44) Sisyphus, puer Antonii Triumviri, pumilio, vafer et subdolos, atque ideo dictus Sisyphus, qui fuit Aeoli quondam filius, a Theseo interceptus, homo vaferimus. Mythol. Abortivus, qui justo maturius mundum conpexit, nondum maturus.

45) Varus dicebatur is, qui habet crura inferius seu ad talos convergentia; distortis cruribus dicebantur inferius divergentes pedes habentes. Varus autem, etsi vitiosum aliquid significat, mollius tamen est vocabulum, et cognomentum multorum Romanorum nobilium.

46) Scauri dicebantur, qui talos habent exstantes, vel etiam inversos et tortuosos. Ex hac voce ortum est cognomen nobilissimae olim Romanorum familiae. Balbutit, pro: blande adpellat, dicit, nominat. Male fultis talis est ille, qui talis plane insistere nequit, ac fulcris opus habet.

47) Sensus est: quod si quis parcus vivat, hunc non dicamus avarum, sed hominem frugi, id est, frugalem. Si quis inepte se jactet, suaque nimis laudet, ille postulat et vult, ut dicatur homo urbanus, in amicos elegans, festivus; vel talis, qui placere vult amicis; si quis sit truculentus, parum humanus, nimiae libertatis quoad urbanitatem, ille simplex, non dissimulator, aut assentator, sed qui, quod sentiat, eloquatur, et fortis, id est, homo characteris constantis et firmi adpelleretur; caldior sive caldior, id est, ardentior, et ira exorbitans, tantum acer, severus dicatur. Hoc credo est, quod jungit amicitias, et jam nexas conservat.

48) Sensus: nos autem contrarium facimus, in vitia mutamus, vitiorum nomine donamus virtutes. Vas sincerum, purum, incrustatum, inficimus; vasis enim, quae non purgantur, quasi crusta quaedam sordium adhaeret. Allegoria haec eundem habet sensum.

Sincērum cupimus vas incrustare. Probus ⁴⁹⁾ quis Nobiscum vivit, multum demissus homo: illi Tardo cognomen pingui et damus. Hic ⁵⁰⁾ fugit omnes Insidias, nullique malo latus obdit apertum, Cum genus hoc inter vitae versetur, ubi acris ⁶⁰ Invidia, atque vigent ubi crimina: pro bene sano. ⁶⁰ Ac non incauto fictum astutumque vocamus. Simplicior ⁵¹⁾ (quis et est, qualem me saepe libenter ⁵²⁾ Obtulerim tibi, Maecenas, ut forte legentem Aut tacitum impellat quovis sermone molestus: ⁶⁵ Communi sensu plane caret, iniquus. Eheu! ⁵³⁾ Quam temere in nosmet legem sancimus iniquam! Nam vitis nemo sine nascitur: optimus ille est, Qui minimis urgetur ⁵⁴⁾. Amicus dulcis, ut aequum est, Cum ⁵⁵⁾ mea compenset vitis bona; pluribus hisce, ⁷⁰ Si modo plura mihi bona sunt, inclinet. Amari Si volet hac lege, in trutina ponetur eadem.

49) Probus et modestus, verecundus, nimium demissus, dicitur a nobis homo tardi et pinguis ingenii, id est, stupidus.

50) Ille, qui nulli malo homini latus apertum obdit, offert, detegit etc. Metaphora, sumta est a gladiatoribus, qui cavent inter pugnandum, ne quis pateat in suo corpore vulnere locus. Sensus est: illum, qui omnes insidiarum fraudes declinat, cum vivat et versetur in hoc vitae genere, id est, inter homines hujusce generis, ubi acris, vehementis invidia, livor atque maxima crimina vigent, perpetratur, pro bene sano, prudente ac cauto, adpellamus fictum seu falsum et astutum simulatorem.

51) Sensus est: si quis fuerit simplex, naturalis, minus observans et humanus, qualis et ego erga te fui, qualem me tibi obtuli, praestiti, Maecenas! quem saepe accedens at te, vel aliquid legentem, vel tacite tecum ipso meditantem impulerim, turbaverim sermone et colloquio meo, tibi quoque adeo molestus fuerim; eum communis sensus expertem statim dicimus.

52) Libenter, idem ac, parum considerate, cum voluntati et desiderio tecum colloquendi plus tribuerim, quam prudentiae, quae non turbare te in negotiis suasisset.

53) Eheu! quam imprudenter tali ratione legem statuimus severam, et nobis ipsis nocituram. Sensus: talia igitur, cum nobis etiam eveniunt, id est: cum alii eodem modo rursus et nos dijudicant, ultro ferre debemus.

54) Urgetur, premitur, laborat.

55) Ordo est: cum vitis meis mea bona compenset, id est: suppleat, excuset vitia virtutibus. Sensus: amicus dulcis, blandus, ut aequum est, vitia mea cum virtutibus meis comparet, et ubi bona, has virtutes plures esse compererit, his pluribus inclinet, id est: amet me propter haec plura bona potius, quam oderit ob vitia pauciora; tunc par pari referam; hac tantum conditione amabo eum, si voluerit, eumque in eadem trutina, bilance ponderabo, eadem lege dijudicabo, qua ille me.

Qui⁵⁶⁾, ne tuberibus propriis offendat amicum,
 Postulat, ignoscet verrucis illius: aequum⁵⁷⁾ est,
 Peccatis veniam poscentem reddere rursus. —
 Denique, quatenus⁵⁸⁾ excidi penitus vitium irae,
 Cetera item nequeunt stultis⁵⁹⁾ haerentia: cur⁶⁰⁾ non
 Ponderibus⁶¹⁾ modulisque suis ratio utitur, ac, res⁶²⁾
 Ut quaeque est, ita supplicii delicta coercet?
 Si quis⁶³⁾ eum servum, patinam qui tollere jussus
 Semesos pisces tepidumque ligurierit jus,
 In cruce suffigat; Labeone⁶⁴⁾ insanior inter

56) Qui ne etc. id est: qui cupit, ut amicus ignoscat suis tuberibus; gravioribus peccatis; ille verrucis amici, levioribus ejus vitii ignoscat. Verruca est caruncula durior, quae interdum in digitis excrescit, vel fronte, instar tuberculi.

57) Aequum est etc. Decet eum, qui poscit veniam sibi dari et suis peccatis, eam vicissim donare alteri, et alienis vitii ignoscere.

58) Quatenus: ad extremum, quoniam ira et alia vitia, hominibus insita, penitus eradicari nequeunt.

59) Stultis, id est: nobis hominibus. Hoc dictum est cum respectu ad Stoicorum philosophorum principia; hi enim omnes ita vocabant, qui non essent sapientes, id est, virtute praediti.

60) Cur non: hic concludit ex praemissis: igitur vitia aequis saltem rationis momenti ponderari, non vero cum Stoicis aequalia cuncta judicari debent.

61) Ponderibus uti, idem ac, ponderare; modulis uti, idem ac, metiri.

62) Res etc. ut quaeque culpa est; seu levis, seu gravis, eadem punit. Delicta supplicii coercere, id est: vitia poenis, adficere pro ratione meriti. Contextus totius est: quod si etiam id facere nolumus, ut vitia amicorum cum virtutibus eorum comparemus, atque illa excusemus et attenuemus: eadem, quae jam in stultis eradicari nequeunt, et a quibus, praeter Stoicum sapientem nemo liber est, saltem quoad tenorem suum, et pro ratione meriti aequis momenti dijudicare, non autem aequalia cuncta reputare debemus. Arrepta hac occasione, eo descendit poeta, ut adversus Stoicos tota extrema satyra disputet; et quidem primo carpit illam eorum sententiam, qua contendunt: sicut bonas actiones et virtutes; ita et vitia seu peccata omnia inter se aequalia esse.

63) Sensus est: si quis servum cruci adfigat, ad mortem crucis condemnet, quod, catinum auferre jussus, semesos pisces, id est, piscium quasdam reliquias et prope frigidum jus, seu jusculum absorbuerit, lambendo lingua hauserit; magis quam Labeo inter sanos insanus censebitur. Hic enim error levis tanta poena dignus non est, quod tamen esse deberet, si omnia peccata essent paria.

64) M. Antistius Labeo, praetorius, juris etiam peritus, memor libertatis, in qua natus erat, multa contumaciter adversus Caesarem Augustum dixisse et fecisse fertur, propter quod nunc Horatius adulans Augusto insanum eum vocat.

Sanos dicatur: Quanto⁶⁵⁾ hoc furiosius atque
 Majus peccatum est! Paullum deliquit amicus,
 Quod nisi concedas, habere insuavis; acerbus
 Odisti et fugis, ut Rusonem⁶⁶⁾ debitor aeris,
 Qui, nisi, cum tristes misero venere Calendae⁶⁷⁾,
 Mercedem aut nummos unde extricat, amaras
 Porrecto jugulo historias, captivus ut, audit.
 Comminxit⁶⁸⁾ lectum potus, mensave catillum
 Evandri⁶⁹⁾ manibus tritum dejecit: ob hanc rem,
 Aut⁷⁰⁾ positum ante mea quia pullum in parte catini
 Sustulit esuriens, minus hoc jucundus amicus
 Sit mihi? Quid faciam, si furtum fecerit, aut
 Prodiderit commissa⁷¹⁾ fide, sponsumve⁷²⁾ negarit?
 Queis⁷³⁾ paria esse fere placuit peccata, laborant,

65) Quanto hoc tuum factum furiosius est, quanto gravius peccas, quam ille dominus, cum amicum odisti ob leve delictum, quod nisi condones, jam dicaris insuavis, parum lenis. Acerbus, id est: nimium, graviter odisti.

66) Ruso, secundum alios Druso, foenerator et pessimus historiarum scriptor. Introductus erat apud Romanos per Asinium Pollionem mos, ut scripta sua publice praelegerent, qui usque ad maniam progressus est; hac igitur et Ruso correptus, debitoribus non alia sub conditione solutionem sortis aut centesimarum prorogavit, quam si historias ejus insulas atque molestas praelegentem patienter audivissent, porrecto jugulo, id est, attentissime, ut solent, qui se erigunt ad aliquid audiendum; vel quasi enecandus molesta, acerba narrationum anilium recitatione.

67) Calendis, quibus solvi debebant sortes et centesimae, vide Sat. II. not. 19. Sensus est: Qui, nisi Calendis advenientibus usuram, sive caput undecunque, quocumque modo extricet, conficiat, solvat, sicut captivus, molestas ejus historias audire debet.

68) Comminxit: Amicus tuus bene pransus et potus, lotio lectum foedavit, in quo ad mensam adcumbebat.

69) Evander Aeneam hospitio excepit. Sensus est: e mensa dejecit catinum, quem jam Evander multo usu attrivit, ac proinde, propter antiquitatem pretiosum. Quod si autem sumamus Evandrum caelatorem et platen statuarum Romae celeberrimum, qui ab Antonio Athenis Alexandriam, et hinc inter captivos Romam delatus est, ubi multa opera mirabilia fecit; intelligenda erit patina ob hoc artifice trita, torta, confecta, ac proinde ob artificum pretiosa.

70) Aut propterea, quod positum pullum in parte patinae ante mea, id est: mihi viciniore, ante me abstulerit, comederit esuriens amicus, eum minus amem?

71) Commissa fide, id est, arcana fide, pro, fidei.

72) Sponsumve: inficiatus sit aliquod promissum, solenni formula et sponsione factum.

73) Queis paria etc. Stoici, qui ajunt, omnia peccata esse paria, labo-

Cum ventum ad verum est: sensus moresque repugnant
 Atque ipsa utilitas, just⁷⁴⁾ prope mater et aequi.
 Cum⁷⁵⁾ prorepererunt primis animalia terris,
 Mutum et turpe⁷⁶⁾ pecus, glandem atque cubilia propter
 Unguibus et pugnibus, dein fustibus, atque ita porro
 Pugnabant armis, quae post fabricaverat usus;
 Donec verba, quibus voces sensusque notarent,
 Nominaque invenire: dehinc⁷⁷⁾ absistere bello,
 Oppida coeperunt munire et ponere leges,
 Ne quis fur esset, neu latro, neu quis adulter.
 Jura⁷⁸⁾ inventa metu injusti fateare necesse est,

rant, id est, difficile se expediunt, opinionem suam commode tueri nequeunt, cum ipsa rei veritas expenditur; huic enim Stoicorum placito repugnat ipse communis hominum sensus, qui aliter vulgo existimant; mores etiam et consuetudo adversantur; denique utilitas, quia utile est, non esse paria peccata, neque pares omnibus poenas irrogari; ut homines a gravioribus flagitiis deterreantur poenarum graviorum metu.

74) Just⁷⁴⁾ mater: ob utilitatem nempe et ad conservandum cuique suum jus, inventae sunt leges. Sensus totius est: aliter quam Stoici sentiunt omnes homines, qui pro ratione diversitatis scelerum, etiam diversas poenas irrogant; et aliter etiam postulat sensus, consuetudo, et commune bonum.

75) Cum prorepererunt etc. Stoici supremum moralitatis principium statuerunt: age naturae convenienter; quodcumque igitur naturae conveniens, id bonum; quod naturae non conveniens, id peccatum esse contendebant. Cum autem haec natura, in qua omne justum et injustum fundatum esset, eadem reperiretur in omnibus hominibus, exinde aequalitatem virtutum et vitiorum deducebant. Horatius autem hic negat justum ab natura oriri, sed ab legibus, quarum originem altius repetit, et ab utilitate publica, quae, quid justum et injustum sit, maxime demonstravit, deducit, probans hoc in sequentibus. Contextus igitur et sensus est: omne jus inniti communi bono, etiam historia humani generis docet. Cum enim homines brutis animalibus similes prorepererunt, emerserunt, provenerunt e terra prima, recens facta, paulo ante creata, muti et deformes pro glande, qua una cum illis vescebantur, et pro receptaculis certabant manibus primum et unguibus, deinde fustibus, et postremo armis, quae experientia et necessitas eos fabricare docuerat: donec excogitavere sermonem, quo voces et animorum sensa exprimerent.

76) Turpe pecus vocat poeta homines, quod eos, sicut scarabaeos, aliaque reptilia, deformes, nondum formatos penitus e terra prodivisse crederent veteres. Mutum vero, quod adhuc sine sermone essent.

77) Sensus est: postea certaminibus abstinerunt, urbes aedificare, et leges ad coercenda vitia et scelera constituere coeperunt.

78) Jura. Sensus et ordo: igitur si temporum praeteritorum historiam et mundi annales consulere velis; fateri necessario debes: jura, id est leges inventas esse ob metum injustitiae, injuriae, violentiae, subintellige: propter publicum bonum.

Tempora si fastosque⁷⁹⁾ velis evolvere mundi.
 Nec⁸⁰⁾ natura potest justo secernere iniquum,
 Dividit ut bona diversis, fugienda petendis:
 Nec⁸¹⁾ vincet ratio hoc, tantundem ut peccet idemque,
 Qui teneros caules alieni frerit horti,
 Et qui nocturnus sacra Divum legerit; adsit⁸²⁾
 Regula, peccatis quae poenas irroget aequas,
 Ne scutica dignum horribile sectere flagello.
 Nam⁸³⁾ ut ferula caedas meritum majora subire
 Verbera, non vereor, cum dicas, esse pares res
 Furta latrociniiis, et magnis parva mineris
 Falce recisurum simili te, si tibi regnum
 Permittant homines. Si⁸⁴⁾ dives, qui sapiens est,
 Et sutor bonus et solus formosus et est rex:
 Cur optas, quod habes? Non⁸⁵⁾ nosti, quid pater, inquit,

79) Fasti, libri erant, in quibus Romani describebant ea, quae toto anno fierent; ponebatur initio eorum nomen Consulium.

80) Nec natura. Natura sola per se non potest sine legum adminiculo, justum ab injusto discernere; quemadmodum sola per sese dividit et distinguit ea, quae animali cuique bona et utilia sunt, ab iis, quae sunt diversa, mala et noxia.

81) Sensus: nec ratione id unquam evincetur; ut parem contrahat noxam qui caules ex alieno horto collegerit, ac, qui Deorum Sacra nocturno sustulerit furto, proinde sacrilegus sit.

82) Ordo est: sicut in natura non est fundatum discrimen just⁸²⁾ et injusti, sic etiam ratio seu philosophia id probare non potest; itaque regula, lex, norma adesse debet, quae singulis vitiis justas et aequas poenas constituat; ne quod scutica seu leviori poena dignum est peccatum seceris, punias flagello, id est, graviori poena. Flagellis enim, seu loris, quibus intexta erant fila ferrea, caedebantur servi.

83) Alloquitur hic Stoicum aliquem, et hunc propter sectae suae placita festive ridet, dicens: eum, si rex foret, his consentane nequaquam poniturum esse cuncta vitia aequali modo. Et pro hoc: non vereor ne caedas tantum ferula eum, qui meritis sit subire majora supplicia; scio te id non facturum, non futurum adeo lenem; quippe qui paria putes esse furta latrociniiis, et mineris te recisurum, id est, emendaturum simili falce, hoc est, iisdem poenis, parva peccata magnis, id est, aequae ac magna.

84) Transit hic poeta ad aliud Stoicorum placitum. Volebant enim sapientem suum, utpote per se beatum, solum bona habere omnia, adeoque omnium artium et scientiarum peritum esse; solum vere philosophum, poetam, divitem, regem, pulchrum, et, ut Horatius ironice addit, etiam suturem. Sensus: sed cur id optares, quod ut sapiens, qui omnia possidet, jam habes; regiam nempe dignitatem.

85) Inducit Stoicum hunc loquentem et quasi defendentem hanc sententiam. Chrysippus Zenonis auditor, Stoicae sectae philosophus, quam in

Chrysippus dicat. Sapiens crepidas sibi numquam,
 Nec soleas fecit; sutor tamen est sapiens. — Qui⁸⁶⁾?
 Ur⁸⁷⁾, quamvis facit Hermógenes⁸⁸⁾, cantor tamen atque
 Optimus est modulator; ut Alfenus⁸⁹⁾ vafer, omni
 Abjecto instrumento artis clausaque taberna,
 Sutor erat: sapiens operis sic optimus omnis
 Est opifex solus, sic rex. — Vellunt⁹⁰⁾ tibi barbam
 Lascivi pueri, quos tu ni fuste coërces,
 Urgeris turba circum te stante, miserque
 Rumpéris⁹¹⁾ et látras, magnorum maxime regum!
 Ne longum faciam: dum tu quadrante⁹²⁾ lavatum
 Rex ibis, neque te quisquam stipator ineptum
 Praeter Crispinum⁹³⁾ sectabitur: et mihi dulces
 Ignoscent, si quid peccaro stultus, amici,
 Inque vicem illorum patiar delicta libenter,
 Privatusque magis vivam te rege beatus.

multis auxit et interpolavit, ob eximiam auctoritatem a Stoicis pater vocabatur.

86) Interrogatio Horatii. Quomodo hoc est intelligendum.

87) Responso Stoici: Quemadmodum Hermogenes, etiam cum silebat, non cantabat, tamen optimus cantor; ac sicut vafer, callidus, ingeniosus Alfenus, etiam postquam sutoria omnia instrumenta abjecerat oclusa officina, taberna, nihilominus sutor erat: ita sapiens omnium operum opifex perfectissimus est, et quidem solus, adeoque etiam rex.

88) Hermogenes. Vide Sat. II. not. 8.

89) Urbane satis Alfenum Varum Cremonensem deridet, qui abjecta sutrina, quam in municipio suo exercuerat, Romam venit, magistroque usus Sulpicio Icto ad tantam pervenit scientiam, ut et publico officio fungeretur.

90) Hic subito statuit Stoicum, qui modo se omnia et regem esse probavit, in medio puerorum lascivorum, quibus philosophi quidam, praecipue Cynici, ob sordes et neglectam corporis culturam, ludibrio erant Romae; quo simul adfinitatem Stoicae philosophiae cum Cynica indicare videtur; ac si diceret: tu es omnino Regum maximus, cum talia pateris a lascivis pueris.

91) Rumperis, clamando scilicet.

92) Quadrans erat quarta pars Romani assis, pretium minimum, quod mercenariis utentes balneis pendere consueverant.

93) De Crispino vide Sat. I. not. 80. Sensus est: ne longior sim: cum tu rex Stoicus, ad balnea ibis quadrantem miserum adferens pro mercede, neque, praeter unum Crispinum ineptum, te quisquam stipabit, adjuvans satellites sequetur: at ego indulgentia fruar dulcium, gratorum amicorum, qui, si peccare contingat aliquid, veniam dabunt, me illorum erratis ultro ignoscente; ac, licet sim homo privatus, te tamen rege beator ero. Id est: defende tu tua severa Stoica principia; ego amicorum errores leniter dijudicabo, et te multo felicior ero.

Satyræ IV.

Argumentum.

Tuetur poëta hoc in carmine sermones suos satyricos contra Romanos, qui eos non probabant, et incipit a Lucilio, primo hujus carminis apud Latinos auctore, a cujus satyris vitiosis propterea, quod celeriter nimis et multum scripserat, suas diversa esse, neque has se scribere innuit, ut, quem admodum Fannius auctoris titulo ac honore potiatur; cum e contra probe sciat, hoc genus carminis et poëtas ab iis, qui vitia sua traduci timent, vehementissime vituperari. Ast ego primum, continuat porro, qui sermoni tantum propiora scribo, poëtis me nequaquam adnumero; sub iudice enim adhuc lis est, an satyra, id quod etiam de comoedia disputatur, inter poëtica scriptionis genera recenseri mereatur; praeterea non etiam publice, aut cuivis obvio, quod multi facere solent, meos sermones praelego; et demum non proficiscuntur illi e mala voluntate ac studio, quemquam laedendi, et sive per jocum sive per livorem immerito castigandi. Quod si tamen vitia hominum generatim, ex eo solum sine, ut corrigantur, exemplis adductis hilariter carpenda suscipiam; id eo facilius mihi concedendum erit, quod homines magis exemplis, quam doctrina emendari, experientia doctus compertum habeam.

Eupolis¹⁾, atque Cratinus²⁾ Aristophanesque³⁾ poëtae, Atque alii, quorum comoedia⁴⁾ prisca virorum est, Si quis erat dignus describi, quod malus⁵⁾ aut fur,

1) Eupolis poëta comicus Graecus, qui populo imprimis carus, et in carpendis vitiiis liberrimus fuit.

2) Cratinus Atheniensis floruit tempore belli Peloponnesiaci 5to saeculo ante Ch. N. homo vinosus et gulae deditus.

3) Aristophanes haud ita multo post Cratinum floruit: exstant ejus comoediae facetissimae. Socratem maxime exagitavit.

4) Comoedia prisca. Jam apud veteres distinguebatur comoedia prisca et nova; illa carpebat liberrimo joco certos homines invisos vulgo, quae libertas deinde vetita legibus fuit, cautumque deinceps, ne quis in comoedia describeretur, et nomine adpellaretur. Huic veteri comoediae nova et modestior successit, in qua fictis argumentis et personis quotidiani mores describuntur. Vide Horat. de arte poëtica. Ordo autem hic est: Eupolis, Cratinus et alii poëtae, quorum est prisca comoedia, id est, qui in ea floruerunt, notabant multa cum libertate, si quis erat dignus describi, palam carpi et vituperari.

5) Malus: fraudulentus, malitiosus.

Quod moechus foret, aut sicarius, aut alioqui
 Famosus, multa cum libertate notabant.
 Hinc omnis pendet Lucilius⁶⁾, hosce sequutus,
 Mutatis⁷⁾ tantum pedibus numerisque; facetus⁸⁾,
 Emunctae naris, durus componere versus.
 Nam fuit hoc⁹⁾ vitiosus: in hora saepe ducentos,
 Ut magnum¹⁰⁾, versus dictabat stans¹¹⁾ pede in uno.
 Cum flueret¹²⁾ lutulentus, erat, quod tollere velles.
 Garrulus¹³⁾ atque piger scribendi ferre laborem,
 Scribendi recte: nam ut multum, nil moror. Ecce,
 Crispinus minimo¹⁴⁾ me provocat: accipe¹⁵⁾, si vis,
 Accipiam tabulas¹⁶⁾; detur nobis locus, hora,¹⁷⁾
 Custodes¹⁷⁾; videamus, uter plus scribere possit.
 Di¹⁸⁾ bene fecerunt, inopis me quodque pusilli
 Finxerunt animi, raro et perpauca loquentis.
 At tu¹⁹⁾ conclusas hircinis follibus auras,

6) Lucilius cognomine Bassus, eximius satyricus apud Romanos. Pendet hinc, id est: hosce sequutus et imitatus est.

7) Mutatis: alio metro usi sunt antiqui comoediae veteris scriptores, scilicet, jambico; alio vero Lucilius, sc. heroico, qui satyras composuit.

8) Facetus, ingeniosus quidem et emunctae naris, id est, acer, acri iudicio; in componendis tamen versibus asperior, parum suavis.

9) Hoc, id est: in hoc; nimirum, hoc vitii habuit.

10) Ut magnum, id est: tanquam rem praeclaram factururus; ratus se rem magnam praestare, difficilem et egregiam.

11) Stans pede in uno: id est, brevissimo tempore; nemo enim diu pede in uno niti potest. Vel etiam: corpore negligenter composito, neglegenti corporis habitu.

12) Sensus: etiam quando asperos faciebat versus, erat, quod velles imitari. Allegoria desumta est a flumine, quod lutulentas aquas volvit, qua significat, multa eum, sed inordinate dixisse, ex quibus tantum sunt nonnulla, quae velis inde excerpere, tollere, et imitari.

13) Garrulus, id est: loquax, verbosus erat, et pigrior, mollior in ferendo labore scribendi, scribendi inquam recte, nam ut multum scribatur, nil moror, parum curo, non magni duco.

14) Minimo provocare dicuntur hi, qui in responsione plus ipsi promittunt, quam exigunt ab adversario. Crispinus Horatium ad certamen in versibus scribendis provocans, nimirum rei suae adeo certus, magnum pretium ponit, et ab Horatio e contra minimum exigit.

15) Accipe etc. Verba sunt Crispini. Accipiam, id est, ego Crispinus vicissim accipiam.

16) In tabulis ligneis, cera obductis, scribebant Romani.

17) Custodes, qui observent, ne aliena utamur opera aut scriptis.

18) Di bene fecerunt: responso poetae: Diis ego multam debeo gratiam, quod inopi, pusillo et tenui me ingenio esse voluerunt, creantur, quo fit, ut raro, et perpauca loquar.

19) At tu: o Crispine, imitare, si mavis, si tibi collibet, tuis versibus

Usque laborantes, dum ferrum molliat ignis,²⁰⁾
 Ut mavis, imitare. Beatus Fannius²⁰⁾ ultro
 Delatis capsis et imagine, cum²¹⁾ mea nemo
 Scripta legat, vulgo recitare timentis ob hanc rem,
 Quod sunt, quos genus hoc minime juvat, utpote plures
 Culpam dignos. Quemvis²²⁾ media elige turba;²⁵⁾
 Aut ab avaritia aut misera ambitione laborat.
 Hunc capit argenti²³⁾ splendor; stupet Albius²⁴⁾ aere;
 Hic mutat merces surgente²⁵⁾ a sole ad eum, quo
 Vespertina tepet regio; quin²⁶⁾ per mala praeceps
 Fertur, uti pulvis collectus turbine, ne quid
 Summa deperdat, metuens, aut ampliet ut rem.
 Omnes²⁷⁾ hi metuunt versus, odere poetas.
 Foenum²⁸⁾ habet in cornu, longe fuge; dummodo risum

turgidis et ambitiosis, folles vento distentos, qui fornacem accendunt, donec igne molliatur ferrum. Hircinis, id est: ex hircino corio factis. Laborantes: videntur enim folles laborare, et anhelare graviter, dum ventum vehementius emittunt.

20) Fannius Quadratus, conviva Hermogenis Tigellii, scriptor sui admiratione inflatus, Horatii obruncator, cui non petenti senatus detulit capsas, quibus libri ejus in Augusti bibliotheca reponerentur una cum sua imagine, ad memoriam ejus prodendam. Clarorum enim poetarum scripta et imago reponerentur in ea bibliotheca; et interdum id honoris dabatur pessimis et immeritis per ambitionem et malas artes: ut illi Fannio, qui extorsit hoc per amicos et adulatores, ejus opibus et opimae, ut quidam volunt, hereditati inhiantes. De capsis in quibus libri veterum adservabantur, vide Antiquitates.

21) Fannius, ut captaret hominum famam, recitabat ac venditabat sua carmina, quod poetis Romae tunc solenne fuit; at ego, inquit Horatius, nec mea legenda praebeo, et recitare illa in circulis et consessu hominum non ausim, eo quod multi sunt, qui isto genere satyricorum versuum non delectantur utpote magnam partem vituperio digni.

22) Quemvis: sume, quem volles, de tota turba; aut ambitionis aut avaritiae morbo tenetur.

23) Argenti: id est: signorum, vasorum, ex argento factorum.

24) Albius, insanus quidam signorum et vasorum aeneorum amator; stupet, id est, capitur, defixis oculis animoque miratur, concupiscit statuas ex aere Corinthio factas.

25) Surgente: id est, ab Oriente usque ad Occidentem mutat, convehit, merces, mercaturam exercet.

26) Imo per mille pericula, naufragia rapitur, sicut pulvis procella rotatus, dum timet, ne quid sibi de summa, de opibus jam partis pereat; aut dum easdem augere cupit.

27) Omnes hi metuunt sibi a versibus, et odio habent, non ferunt poetas.

28) Qui cornupetas boves habebant, providere tenebantur, ne cui nocerent, vitii ejus ignaro. Ergo ut admonerent, solebant illis suspendere foenum

Excitiat sibi, non hic cuiquam parcat amico,
 Et quodcunque semel chartis illeverit, omnes
 Gestiet a furno redeuntes scire lacuque,
 Et pueros et anus. Agedum²⁹⁾ pauca accipe contra:
 Primum ego me illorum, dederim³⁰⁾ quibus esse poëtas,
 Excerptam numero. Neque enim concludere³¹⁾ versum
 Dixeris esse satis; neque, si quis scribat, uti nos,
 Sermoni propiora, putes hunc esse poëtam.
 Ingenium³²⁾ cui sit, cui mens diviniior atque os
 Magna sonaturum, des nominis hujus honorem. —
 Idcirco quidam, comoedia necne poëma
 Esset, quaesivere³³⁾, quod acer spiritus ac vis
 Nec verbis nec rebus inest, nisi quod pede certo
 Differt sermoni sermo merus. At³⁴⁾ pater ardens

e cornu, unde natum proverbium etiam de hominibus, a quibus aliquid timeri potest. Est hic sermo vulgi in poëtas, qui acres sunt in homines vitiosos. Sensus: hic homo perniciosus et vitandus est, longius abscede ab illo, nam si modo habeat materiam ridendi, nemini, ac ne amico quidem, parcat; et si quid semel temere in chartam fuderit, scripserit, gestiet, cupiet, summa illi voluptas erit, facere, ut quotquot a furno aut a fonte redeunt, et pueri et anus id sciant; id est: in vulgus dispergit, divulgat; vulgus enim frequens solet esse ad furnos et fontes. Lacus erant aquarum receptacula Romae in quibus illae colligebantur per aquaeductus.

29) Age vero, pauca haec accipe, audi, quae contra illos, quibus satyra displicet, habeo.

30) Dederim: quos esse poëtas consenserim.

31) Concludere: versum certis pedibus claudere non sufficit, nec, si quis sermoni propiora, id est, solutae orationi similia, sicut ego, scribat, ut poëta habeatur.

32) Ingenium poëticum, vena poëtica, phantasia; mens diviniior, enthusiasmus; os magna sonaturum, stylus sublimior poëticus.

33) Quaesivere: dubitarunt, an comoedia inter poëmata sit referenda, nec ne? quod neque in illius vocabulis, stylo; nec in rebus, cogitatibus inest acer spiritus, enthusiasmus, aut vis ulla et gravitas; neque aliud sit discrimen inter vulgarem merumque sermonem, et illum, quo comoedia utitur, nisi quod hic ad certum ordinem pedum adstrictus sit.

34) Objectio: quoniam dixit in comoedia non esse verba seria, et sensum vehementem, et idcirco non videri poëma; fingit adversarium ostendere ei, inesse spiritum acrem, siquidem patrem introducit, vehementer et acriter saevientem in filium suum, luxu perditum. Sensus: at enim, inquiet aliquis, inesse vim quoque et spiritum comoediae, eamque interdum adsurgere v. g. cum in Terentio Demea in filium Aeschinum tam graviter et acerbè invehitur, quod dissolutus adolescens, captus insano amore meretriculae nolit ducere uxorem nobilem, et bene dotatam, et quod idem filius suus ebrius per urbem de die ambulet, gestans faces accensas; quod profecto magnam

Saevit, quod meretrice nepos³⁵⁾ insanus amica
 Filius uxorem grandi cum dote recuset;
 Ebrius et, magnum quod dedecus, ambulet ante
 Noctem cum facibus³⁶⁾. Numquid³⁷⁾ Pomponius³⁸⁾ istis
 Audiret leviora, pater si viveret? Ergo³⁹⁾
 Non satis est puris versum perscribere verbis,
 Quem si dissolvas, quivis stomachetur eodem,
 Quo personatus pacto pater. His, ego quae nunc,
 Olim quae scripsit Lucilius, eripias si
 Tempora⁴⁰⁾ certa modosque, et quod prius ordine ver-
 bum est,

Posterius facias, praeponens ultima primis:

Non, ut si solvas, „Postquam discordia tetra

Belli ferratos postes, portasque refregit.”

Invenias etiam disjecti membra poëtae.

Hactenus⁴¹⁾ haec; alias justum sit nec ne poëma;

Nunc illud tantum quaeram, merito ne tibi sit

Suspectum genus hoc scribendi. Sulcius⁴²⁾ acer

est dedecus et flagitium. Potest autem hic per patrem personatum comoediae intelligi vel Demea in Adelphi. vel Menedemus et Chremes in Heautont. vel Simo in Andria apud Terentium.

35) Nepos, flagitiosus, discinctus, dissolutus.

36) Cum facibus ante mulierum, quas adibant, fores stare solebant, et cantare, ast noctis tempore; ante noctem plenam id ergo tantum ebrii facere solebant, quod majus adhuc erat dedecus.

37) Responsio et solutio est objectionis. Atqui, inquit Horatius, pater Pomponii familiari sermone eodem modo filium alloqueretur, non levioribus eum verbis castigaret, si viveret, quam Demea Aeschinum.

38) Pomponius, Romanus juvenis, qui patre mortuo in omnem se lasciviam effundebat, quemque hic obiter Horatius, ut alios plurimos, vellicat.

39) Ergo: non itaque satis est, versum ex meris, puris verbis sine ornatu et elegantia componere, quorum si dissolveris, mutaveris seriem, quivis eodem modo stomachetur, irascatur, quo pater iste comicus apud Terentium.

40) Tempora certa: id est, quantitatem syllabarum definitam. Per modos hic intelliguntur pedes et numeri, e quibus constant versus. Disjecti poëtae membra sunt pedes versusum dissoluti. Sensus est: si dissolveris versus meos vel Lucillii, non invenies in verbis eandem gravitatem, quae est in Ennianis versibus, qui magno scilicet spiritu et verbis altioribus sunt compositi, quales sunt isti: postquam etc.

41) Hactenus: sed haec sane de satyra et comoedia dicta sint hactenus; de quibus alias quaeram diligentius et excutiam: an scilicet utraque sit legitimum poëma, nec ne? Nunc id omittam et quaeram id unum a te, an merito satyram oderis.

42) Sulcius et Caprius celeberrimi delatores et causidici fuisse dicuntur, et ideo male rauci, id est, valde rauci, quod in contentione judiciorum clament.

Ambulat et Caprius, rauci male, cumque libellis⁴³⁾,
 Magnus uterque timor latronibus; at bene si quis
 Et vivat puris manibus⁴⁴⁾, contemnat utrumque.
 Ut⁴⁵⁾ sis tu similis Coeli Birriique latronum;
 Non ego sum Capri, neque Sulci; cur metuas me⁴⁶⁾?
 Nulla⁴⁷⁾ taberna meos habeat neque pila⁴⁸⁾ libellos,
 Queis⁴⁹⁾ manus insudet vulgi, Hermogenisque Tigelli;
 Non recito cuiquam nisi amicis, idque coactus,
 Non ubivis coramve quibuslibet. In⁵¹⁾ medio qui
 Scripta foro recitent, sunt multi, quique lavantes;
 Suave locus voci resonat conclusus. Inanes⁵²⁾
 Hoc juvat, haud illud quaerentes, num sine sensu,
 Tempore num faciant alieno Laedere⁵³⁾ gaudes,
 Inquit, et hoc studio pravus facis. Unde petitum
 Hoc in me jacis⁵⁴⁾? est auctor quis denique eorum,

43) Libellis: in quibus eorum crimina et nomina servabant, quos ad-
 cusare vellent.

44) Puris manibus, a scelere nempe. Sensus est: Sulcius et Caprius, ad-
 cusatores vehementissimi, atque ideo valde rauci, cum suis libellis memo-
 rialibus multum timorem adferunt latronibus; sed si quis innocens vivat, ser-
 vetque manus expertes sceleris, utrumque spernet, et contemnet.

45) Ut sis: ponamus esse te latronem, non minus quam Coelium et Bir-
 rium; tamen ego non sum Caprii aut Sulcii similis, non tam asper improbo-
 rum et severus castigator. Coelius et Birrius fuerunt duo adolescentes perditii.

46) Me, id est, mea carmina satyrica.

47) Nulla: non prostant mei libri in ulla taberna, officina libraria, aut pila.

48) Pila: postis vel columna, ubi libri venales adfigi solebant, aut prope
 quas bibliopola suas officinas habebant.

49) Queis etc. unde nec vulgi, aut similia Hermogenis manus illis
 sudorem allinunt legendo, id est: vulgus non legit hos libellos. Hermogenes
 Tigellius, de quo vide Sat. 2. not. 8. hic ponitur pro genere hominum, qui
 per tabernas librarías circumcursantes nova opera inspiciebant, ut in cir-
 culis et mensis divitum sermonem de his inferre poterint.

50) Non recito: id est, nemini eos lego, nisi amicis.

51) Ordo est: multi quidem sunt, qui in medio ipso foro recitant, quae
 scripsere; multi, qui lavantes in balneis hoc faciunt, propterea, quod in
 balneis undique conclusis vox legentis clarius et suavius resonet.

52) Inanes: id est, hoc autem inanes, vanos tantum, qui rebus in mi-
 nimis gloriam quaerunt, delectat; nempe carmina sua quocunque loco et
 tempore recitare: quia ejusmodi homines parum curant, an hoc stulte, sine
 sensu et ratione, an apto tempore fiat? —

53) Sensus: sed dices fortasse, me esse eum, quem juvat alios laedere
 satyra; me id studio, maligna voluntate, prave, improbe facere.

54) Jacis: ast unde mihi objicis, et hanc in me confers adcusationem?
 Est ne illorum ullus, cum quibus vitam degi, auctor horum, quae mihi ex-
 probras? qui ita de me sentiat?

Vixi cum quibus? Absentem⁵⁵⁾ qui rodit⁵⁶⁾ amicum,
 Qui non defendit, alio culpante; solutus
 Qui captat⁵⁷⁾ risu hominum famamque dicacis;
 Fingere⁵⁸⁾ qui non visa potest, commissa⁵⁹⁾ tacere
 Qui nequit; hic niger⁶⁰⁾ est, hunc tu Romane caveto.
 Saepe⁶¹⁾ tribus lectis videas coenare quaternos,
 E quibus unus avet quavis adspargere cunctos,
 Praeter eum, qui praebet aquam; post hunc quoque potus,
 Condita quum verax aperit praecordia Liber.
 Hic tibi comis et urbanus liberque videtur
 Infesto nigris; ego⁶²⁾ si risi, quod ineptus
 Pastillos Rufillus olet, Gorgonius hircum,
 Lividus et mordax videor tibi? Mentio⁶³⁾ si qua
 De Capitolini furtis injecta Petillii
 Te coram fuerit, defendas, ut tuus est mos:
 Me⁶⁴⁾ Capitolinus convictore⁶⁵⁾ usus amicoque

55) Nunc ostendit, qui nam sint potius fugiendi, quam satyrici.

56) Rodit, carpit calumniis, maledictis.

57) Captat risu: qui amat risum aliis movere, et dicax haberi.

58) Fingere: qui potest mentiri, et dicere a se visa esse, quae non visa sunt.

59) Commissa: arcana scilicet, quae alicui committuntur.

60) Niger, id est, mala indole improbus est.

61) Saepe tribus: in coenatione, oeco, ubi coenabant veteres, circa men-
 sam quadrangulatam tres lecti stabant, medius, summus ad dextram, et imus
 ad sinistram, inferior quarta pars erat aperta. In quovis lecto mensae ad-
 cubebant tres, ad summum quatuor. Vide Antiquit. Sensus est: saepe in
 frequentissimo convivio, ubi singulis in lectis quatuor ad cubant, reperietur
 unus aliquis inter inos, qui avet, gessit, amat omnes ceteros jocos atque
 dicteriis quavis ratione adspargere, id est, notare, praeter convivatorem,
 dominum convivii, qui praebet convivis ante coenam aquam ad lavandas manus;
 illi soli parcat, ac ne parcat quidem semper, sed hunc quoque post alios
 carpit, suisque salibus irrorat, vino potus et hilarior factus, cum nimirum
 Liber verax, id est, vinum veritatis amans aperit animum abditos sensus.
 Hic tamen habetur urbanus, et laudatur a te infesto nigris, id est, qui simu-
 las te infestum et inimicum esse malis et vitiosis, laedere gaudentibus.

62) Sensus: cur igitur a te reprehendor, invidum et mordacem me ex-
 istimas, si per jocum forte in satyra dixi, quod Rufillus absurdus exquisi-
 tum pastillorum odorem, Gorgonius vero hircinum graveolentem spargat.
 Vide Sat. 2. not. 33 et 34.

63) Mentio: fingit se loqui cum amico Petillii, cognomine Capitolini.
 Adcusatus est hic, quod coronam Jovis Capitolini rapuisset; aut ut alii ma-
 lunt, de peculatu; sed absolutus est a iudicibus in gratiam Augusti, cujus
 amicus erat. Ordo est: quod si quis te praesente mentionem fecerit fur-
 torum Petillii, tuque illius defensionem tuo more ita incipias.

64) Me Capitolinus: sunt verba defensoris Petillii, qui, cum defendere
 eum et excusare deberet, magis laedit.

A puero est, causaque⁶⁶) mea permulta rogatus
 Fecit, et in columis laetor quod vivit in urbe;
 Sed tamen admiror, quo pacto iudicium⁶⁷) illud
 Fugerit. Hic nigrae succus loliginis⁶⁸), haec est
 Aerugo⁶⁹) mera, quod⁷⁰) vitium procul abfore chartis,
 Atque animo prius, ut si quid promittere de me
 Possum aliud, vere promitto. Liberius⁷¹) si
 Dixero quid, si forte jocosius, hoc mihi juris
 Cum venia dabis. Insuevit⁷²) pater optimus hoc me,
 Ut fugerem, exemplis vitiorum quaeque notando.
 Cum me hortaretur, parce, frugaliter atque
 Viverem uti⁷³) contentus eo, quod mî ipse parasset:
 Nonne⁷⁴) vides, Albî ut male vivat filius, utque
 Barrus inops? magnum⁷⁵) documentum, ne patriam rem
 Perdere quis velit. A turpi meretricis amore
 Cum deterreret: Sectani dissimilis⁷⁶) sis.
 Ne⁷⁷) sequerer moechas, concessa quum Venere uti
 Possem: deprensi⁷⁸) non bella est fama Treboni,

65) Convictore, id est, a pueritia cum eo sum educatus, vixi cum illo.

66) Causa mea: id est, propter me, mei gratia, a me rogatus multa praestitit.

67) Iudicium illud: id est, iudicium, sententiam adcusatus furti subterfugerit.

68) Est loligo piscis, atrum ex se fundens liquore, quo aquam inficit ne capiatur a piscatoribus; quique hic metaphorice ponitur pro fraudulenta oratione perfidi hominis, qui in speciem laudans, vere vituperat.

69) Aerugo: tabes aeri adhaerens, idque arrodens, ut rubigo ferrum. Germana livoris imago, qui famae et meritis aliorum detrudere solet.

70) Sensus est: cuius ego vitii virus, si aliquid aliud de me pollicere possum, me nunquam in scripta mea admissurum, ac longe etiam minus in animum, sancte promitto.

71) Sensus: si quid autem jocosam libertate hilariter protulerim, sines me meo uti iure.

72) Insuevit: assuefecit enim me optimus pater meus, eos mihi mores indidit atque ingeneravit, ut exemplis vitiorum adductis, ea notando et vituperando, ad omnia fugienda impelleret.

73) Ordo est, ut parce, frugaliter, et contentus viverem.

74) Nonne vides, ajebat, cernis, ut male vivat, vitam aegre sustentet, enecetur fame Albii filius?

75) Sensus: egregie certe uterque admonet, ne quis, quae a patre accepit, luxu profundat.

76) Dissimilis sis, subaudi, ajebat.

77) Ne sequerer, id est, ut me ab adulteriis revocaret, cum per nuptias honestas concessa, licita, legitima possem frui voluptate.

78) Deprehsenti in adulterio fama non pulchra, probrosa est.

Ajebat. Sapiens⁷⁹), vitatu quidve petitu
 Sit melius, causas reddet tibi; mî satis est, si
 Traditum ab antiquis morem servare, tuamque,
 Dum custodis eges, vitam famamque tueri
 Incolumem possum: simul ac duraverit aetas
 Membra animumque tuum, nabis⁸⁰) sine cortice. Sic me
 Formabat⁸¹) puerum dictis; et sive jubebat, quo
 Ut facerem quid: Habes⁸²) auctorem, quo facias hoc;
 Unum ex iudicibus selectis⁸³) objiciebat;
 Sive vetabat: An hoc inhonestum et inutile factum,
 Nec ne sit, addubites, flagret rumore malo cum
 Hic, atque ille? Avidos⁸⁴) vicinum funus ut aegros
 Exanimat, mortisque metu sibi parcere cogit:
 Sic teneros animos aliena improbia saepe
 Absterrent vitii. Ex hoc⁸⁵) ego sanus ab illis,
 Perniciem quaecunque ferunt, mediocribus et queis
 Ignoscas, vitii teneor. Fortassis⁸⁶) et isthinc
 Largiter abstulerit longa aetas, liber amicus,

79) Sensus: docebunt te philosophi, quas ob rationes quaeque res sit aut vitanda aut adpetenda; sufficit mihi, qui philosophus non sum, traditam a maioribus consuetudinem retinere, et quamdiu tibi opus custodia est, videre, quomodo vitae et famae tuae gerere curam valeam; cum aetas tibi membra animumque firmaverit, nihil opus erit tibi amplius adminiculo alieno id est, ductore.

80) Natate sine cortice dicuntur ii, qui propriis viribus et a nullo adjuvati aliquid faciunt; loquendi modo ducto ab iis, qui, cum natate initio nesciant, substernunt sibi corticem suberis, ne mergantur, illumque facti doctiores abjiciunt.

81) Formabat, instituebat dictis monitis.

82) Habes auctorem: habes aliquem, inquebat meus pater, cuius auctoritate et exemplo possis hoc recte atque honeste facere; statimque mihi proponebat aliquem e probatissimis iudicibus. Cum vero quid vetabat, ne facerem: num dubitare potes, ajebat, an hoc inhonestum, et inutile sit, nec ne, cum ob eam rem male audiat hic atque ille etc.

83) Selectis: quotannis ab urbano praetore deligebantur viri optimi ex omnibus ordinibus, qui iudicia exercerent, ipsumque adjuverant.

84) Avidos: gulosos, et a cibo vix sibi temperantes. Sensus est: quemadmodum terrentur aegroti, audita morte vicini alicujus, et a cibis abstinere hoc exemplo docentur, ita alienis exemplis vitiiisque adolescentes a vitiiis avocantur.

85) Ex hoc, id est, ex hac mei patris institutione prudentissima, et disciplina ego sanus sum, id est, immunitis a vitiiis gravioribus, quae pestem hominibus praesentissimam adferunt.

86) Fortassis et isthinc, id est, bonam istorum vitiorum partem auferet, emendabit vita in longum producta, amici monitoris libertas, et consilium proprium, id est, mea ipsius prudentia.

Consilium proprium; neque enim, cum lectulus aut me
 Porticus⁸⁷⁾ excepit, desum mihi. Rectius hoc est;
 Hoc faciens vivam melius, sic dulcis amicis⁸⁸⁾
 Occurram. Hoc quidam non⁸⁹⁾ belle; numquid ego illi
 Imprudens olim faciam simile? Haec⁹⁰⁾ ego mecum
 Compressis agito labris; ubi quid datur otii,
 Illudo chartis. Hoc est mediocribus illis
 Ex vitii unum, cui si concedere⁹¹⁾ nolis,
 Multa poëtarum⁹²⁾ veniet manus, auxilio quae
 Sit mihi, nam multo plures sumus, ac veluti te
 Judaei⁹³⁾ cogemus⁹⁴⁾ in hanc concedere turbam.

S a t y r a V.

Argumentum et occasio.

Confecto bello Philippensi, Octavianus et M. Antonius
 mutuis offensionibus irritati ad arma venerant, L. Antonio,
 Marci fratre et Consule, e Perusia, oppido Hetruriae, a Caesarianis
 exturbato, obsessoque ab Antonianis Brundisium contra
 Caesarem, cujus praesidio urbs tenebatur. Cum eo loci
 essent res, qui exercitui Caesaris praeerant, concordiae cupidi,
 ad eam per quosdam e suis Antonium sollicitarunt; qui
 cum non recusaret, delecti sunt e Caesarianis Maecenas, ex
 Antonianis Pollio, qui cum Coccejo et, ut Horatius vult,
 cum Fontejo Capitone dissidentes perconciliarent; quod et

87) Erant multae in urbe porticus, in quibus confabulari, opacum frigus
 captare, spatiari mos erat. Sensus est: quoties aut jaceo in lecto, aut in
 porticu deambulo, non desum mihi, id est, me ipsum admono, et ista mecum
 retracto tacitus.

88) Amicis occurram, id est, cum amicis conversabor.

89) Non belle, subaudi, facit.

90) Haec ego mecum compressis labris tacitus loquor; et si temporis
 aliquid superest, illudo chartis, id est, scriptito, ludo in chartis, compono
 aliquid, quod edam in vulgus, satyras condo.

91) Concedere, ignoscere.

92) Poëtarum manus, id est, magno numero convenient poëtae, qui me
 adjuvent.

93) Judaei, qui erant Romae, plurimos adductis rationibus et vehementi
 scilicet cohortatione ad veri nominis cultum et religionem suam pertrahebant.

94) Cogemus te in nostrum numerum venire, id est, aut poëtam esse,
 aut certe poëtis favere, non insectari praeterea satyricos, ut facis.

fecerunt, et utrumque exercitum juxta Brundisium in una
 castra cum magna laetitia coëgerunt a. u. 714. Appianus I.
 bell. civ. 9. et Liv. 127. Hos viros Brundisium proficiscen-
 tes sequutus est Horatius, totumque iter suum facete descri-
 bit. Roma cum Heliodoro rhetore profecti, per Ariciam us-
 que ad Forum Appii perveniunt, ubi navicula iter nocte con-
 tinuant Feroniam; sumto ibidem prandio proficiscuntur
 Anxurem, ubi Maecenatem, Coccejum et Capitonem asse-
 quantur. Dehinc Fundos praetereuntes Formiis pernociant.
 Proxima die Sinuessae recipiunt Plotium, Varium et Vir-
 gilium poëtas, et omnes noctem transigunt in villa ad pon-
 tem Campanum. Hinc tendunt in villam Cocceji, ubi lite
 scurrili inter Sarmentum et Messium jucundissime coenam
 protrahunt. Proficiscuntur inde Beneventum, in villam Tri-
 vici, tum Rhedis celerrime vecti Equotutium, Canusium,
 ubi Varius societatem reliquit, postmodum Rubos, Barium,
 Gnatiam* et tandem Brundisium.

Egressum magna me excepit Aricia¹⁾ Romam
 Hospitio²⁾ modico; rhetor comes³⁾ Heliodorus,
 Graecorum longe doctissimus. Inde Forum⁴⁾ Appii,
 Differtum⁵⁾ nautis, cauponibus, atque malignis.
 Hoc⁶⁾ iter ignavi divisimus, altius⁷⁾ ac nos
 Praecinctis unum. Minus⁸⁾ est gravis Appia⁹⁾ tardis.
 Hic¹⁰⁾ ego propter aquam, quod erat deterrima, ventri

1) Aricia me excepit, id est, veni Ariciam, quae oppidum fuit trans
 montem Albanum in via Appia situm; per hanc Roma iter est Brundisium.

2) Hospitio modico: ubi non larga sed modica suppeditatur ciborum copia.

3) Comes, id est, erat mecum Heliodorus, omnium Graecorum erudi-
 tissimus virorum. Heliodorus hic alias non commemoratur.

4) Forum Appii: oppidum alterum in eadem via Appia ad oram Pontinae
 paludis. Fora conveniebant apud Romanos cum nostris oppidis: Marfstecken.

5) Differtum, plenum nautis, et malignis, perfidis cauponibus, qui ini-
 quum lucrum ex omni re quaerunt. Vide Sat. I not. 29.

6) Sensus: hoc iter, Roma ad forum Appii nos ignavi, pigri in duos
 distribuimus dies, biduo confecimus, quod valentiores nobis, uno conficiunt.

7) Altius praecincti. Qui rem aliquam sedulo tractare volebant, tunicam,
 ne illa impedimento esset, altius super femura usque cingulo subnectebant;
 hinc gnavi dicuntur alte cincti; ignavi econtra, discincti.

8) Minus, id est: tardis, lente proficiscētibz minus incommoda est
 via Appia, quia deversorii est frequens, ubi possunt manere viatores, quo-
 cunque venerint.

9) Appia: ita vocata est haec via ab Appio Claudio Caeco, censore, qui
 eam lapide straverat.

10) Sensus: hic, in Foro Appii, ob pessimam, deterrimam aquam ab-

Indico bellum, coenantes haud animo aequo
 Exspectans comites ¹¹⁾). Jam nox inducere terris
 Umbras, et caelo diffundere signa ¹²⁾) parabat; ¹⁰
 Tum pueri ¹³⁾) nautis, pueris convicia nautae
 Ingerere. Huc adpelle; trecentos inseris; ohe,
 Jam satis est! Dum aes ¹⁴⁾) exigitur, dum ¹⁵⁾) mula ligatur,
 Tota abit hora. Mali ¹⁶⁾) cūlices, ranaeque palustres
 Avertunt somnos. Absentem ut ¹⁷⁾) cantat amicam ¹⁵
 Multā prolutus vappā nauta, atque viator
 Certatim: tandem ¹⁸⁾) fessus dormire viator
 Incipit; ac missae pastum retinacula mulae
 Nauta piger saxo religat, stertitque supinus.
 Jamque dies aderat, nil quum procedere lintrem ²⁰
 Sentimus, donec cerebrosus ¹⁹⁾) prosilit unus,
 Ac mulac, nautaeque caput lumbosque ²⁰⁾) saligno
 Fuste dolat ²¹⁾). Quarta ²²⁾) vix demum exponimur hora. ¹⁰⁴

stineo a coena (qui enim ventri cibum potumque denegat, hostiliter quasi contra ventrem exsurgit) et haud animo aequo, id est, aegre, impatiens morae, a coenantibus comitibus interpositae, exspecto, operior jejunus.

11) Comites eos, quibuscum Feroniam cymba iturus erat; a foro enim Appii Brundisium iter continuabatur a navigare malentibus cymba per canalem qui Feroniam ducebat, idque noctu, ad evitandum calorem diei.

12) Signa caelestia, id est, stellae. Circumscriptio poetica noctis advertantis.

13) Sensus et ordo: tum servi nostri, quorum quilibet viator unum alterumve secum habebat, et nautae se invicem conviciis petere coeperunt. Unus servorum clamat: huc navem adpelle, adplica cymbam; et quum trecentos, id est, ingentem multitudinem in eam descendere videt, iterum clamat: tantos inseris, recipis in naviculam, ohe, jam satis est, desine plures inserere!

14) Aes, id est, pecunia, nautis dari solita, naulum.

15) Dum mula in ripa navis, ad eam per illum canalem trahendam, alligatur.

16) Mali, id est, pessimi, et ranae locis palustribus coaxantes somnum nobis lintrem ingressis impediunt.

17) Ut, id est, dum simul et nauta in nave, et viator, mulae agitator in ripa, proluti multa vappa, id est, vino corrupto pleni, amorem suum erga puellas absentes canendo certatim exprimunt.

18) Tandem viator, mulio cantando fessus obdormire coepit, et nauta ignavus, dimissa ad pascendum mula, funes, quibus ad navem alligabatur, saxo innectit, et toto corpore supinus, id est, in tergo jacens stertit.

19) Cerebrosus: iracundior, fervidioris ingenii homo, qui subito ira exardescit.

20) Lumbos, id est, femura.

21) Dolat, verberat, percutit, caedit.

22) A foro Appii ad Feroniam una nocte perveniebatur, sed propter

Ora manusque tua lavimus, Feronia ²³⁾), lympha.
 Millia ²⁴⁾) tum pransi tria repimus; atque subimus ²⁵
 Impositum saxis late candentibus Anxur.
 Huc venturus erat Maecenas optimus, atque
 Coccejus, missi ²⁵⁾) magnis de rebus uterque
 Legati; aversos soliti ²⁶⁾) componere amicos.
 Hic ²⁷⁾) oculis ego nigra meis collyria lippus ^{aniquifalbe 30}
 Illinere. Interea Maecenas advenit atque
 Coccejus, Capitoque ²⁸⁾) simul Fontejus, ad unguem
 Factus homo, Antonii, non ut magis alter, amicus.
 Fundos ²⁹⁾) Aufidio Lusco Praetore libenter

moram, de qua dixit, non nisi hora demum quarta post solis ortum navi exscenderunt. Diem enim ab ortu solis ad occasum duodecim horis totum semper metiebantur, quae horae breviores erant hieme; aestate longiores. Vide Antiqu. Vere autem hoc iter susceptum esse indicant ranae coaxantes, de quibus supra; et turdi macri, de quibus infra mentionem facit poeta.

23) Feronia, urbs prope Anxurum seu Terracinam, Nymphae seu Deae ibidem cultae sacra, sicut et fons ibidem celebris, in quo religionis causa manus et faciem lavare placuit. Lavimus, est vox temporis praesentis ab antiquo, lavere.

24) Sensus et ordo est: sumto prandio, repentibus similes, id est, lento gradu vix tria passuum millia provehimur, devenimusque Anxur, inaedificatum saxis, quorum candor cernitur eminus. Anxur est oppidum Italiae in monte positum, ubi Jupiter nomine Anxuris sive Axuris, id est, imberbis colebatur. Nunc Terracina dicitur.

25) Missi magnis de rebus: lecti nimirum, ut amicitiam redintegrarent, inter Octavianum et M. Antonium Triumviros. Vide supra argumentum.

26) Soliti: jam enim Coccejus isthic, communis Octaviani et Antonii amicus, probabilis auxiliante Pollione et Maecenate dissidentes Triumviros prius reconciliavit. Lucius Coccejus Nerva fuit Juris consultus, et avus Nervae imperatoris.

27) Hic oculis; sensus est: ego hic lippientes oculos meos collyrio nigro inunxi. Collyria sunt oculorum quaedam medicamenta, quibus illinuntur, ad humorem siccandum, quo laborant lippi.

28) Capito amicus et legatus Antonii ad Octavianum, homo ad unguem factus, id est, diligentissime expolitus. Translata est haec loquutio a statuariis, qui, quidquid in opere asperum digitorum vel unguium sensu animadvertent, laevigant et expoliunt.

29) Fundi, parvum oppidum in via Appia inter Terracinam et Formias situm, cui praerat nunc, a Praetore urbano, ut videtur eo missus, vanus quidam homo, Aufidius Luscius, scriba (magistratum in rebus litteris mandandis administer) qui, quasi esset ipse praetor, externis insignibus, praetexta, lato clavo, ac prunae batillo, praetoris dignitatem ridicule praeserere et adsimulare studebat. Praetor erat magistratus, qui jus dicebat; de hoc, et de toga praetexta, tum etiam de tunica laticlavata vide Antiquitates;

Linquimus, insani ridentes praemia scribae,³⁵
 Praetextam, et latum clavum, prunaeque batillum.
 In Mamurrarum³⁰⁾ lassi deinde urbe manemus,
 Muraena³¹⁾ praebente domum, Capitone culinam.
 Postera lux oritur multo gratissima, namque
 Plotius³²⁾ et Varius Sinuessae³³⁾, Virgiliusque⁴⁰
 Occurrunt, animae³⁴⁾, quales neque candiores
 Terra tulit, neque queis me sit devinctior alter.
 O qui complexus, et gaudia quanta fuerunt!
 Nil³⁵⁾ ego contulerim jucundo sanus amico.
 Proxima Campano³⁶⁾ ponti quae villula, tectum⁴⁵
 Praebuit, et parochi, quae debent ligna salemque.
 Hinc³⁷⁾ muli Capuae clitellas tempore ponunt.
 Lusum it Maecenas, dormitum ego Virgiliusque:

jam etiam saepius de his sermo fuerat. Per prunae vero batillum intelligitur vasculum quoddam, in quo prunae sive carbones ad incendendos odores et suffitum ponebantur. Praemia hic sunt externa dignitatis praetoriae ornamenta. Sensus itaque est et ordo: Fundos, quod ibidem Praetoris vices gereret Aufidius Luscus scriba, haud aegre praeterivimus, irridentes honoris insignia, praetextam, latum clavum et foculum cum ardentibus prunis, quae sibi homo isthic vanus insane adhibebat.

30) Mamurrarum urbe, id est, Formiis, unde Mamurrae equites Romani nobilissimi erant oriundi.

31) Muraena fuit frater Terentiae, Maecenatis uxoris; hic videtur Formiis domum habuisse; propterea ergo domum, habitationem ad computandum praebuisse dicitur a poeta. Capito vero praebuit culinam in hac domo, id est, omnia, ea comparavit, quae in hoc itinere, ubi esset cibi potusque penuria, ad victum pertinent.

32) De Vario vide od. 5. L. I. Ceterum ambo, Plotius et Varius fuerunt poetae tum temporis illustrissimi, quos non tantum Horatius et Virgilius, sed etiam Maecenas magni faciebat.

33) Sinuessa, oppidum est in Campania finibus. Sinuessae occurrunt, id est, nobiscum conveniunt.

34) Anima, id est, tales homines, quales alios nullos terra candiores tulit, et quibus ego obstrictus, devinctus atque amicus sum, ut ita nullus alter.

35) Sensus est: ego certe, quamdiu sane sentiam, sana mente ero, nihil conferri posse crediderim cum dulci amico, rebus illum omnibus anteponom.

36) Id est, mansimus dein in exigua villa, quae est proxima Campano ponti; intellige pontem trans fluvium Savonem in via Appia. In hac villa erant parochi, certi homines, qui legatis populi Romani, et magistratibus iter facientibus praebant omnia, quae hospitibus necessaria sunt, ut, salem, ligna etc. ita dicti a verbo Graeco *παρεχω*, praeeo.

37) Hinc. Sensus est: ex hac villula muli nostri Capuam usque perrexerunt, ubi clitellas seu ephippia oneraria tempore, id est, tempestive, ante noctem adhuc deposuerant. Capua urbs olim Italiae amplissima, et aemula Romae, non procul Neapoli.

Namque³⁸⁾ pilā lippis inimicum, et ludere crudis.
 Hinc³⁹⁾ nos Cocceji recipit plenissima villa,⁵⁰
 Quae superest Caudi cauponas. Nunc⁴⁰⁾ mihi paucis
 Sarmenti scurrae pugnam Messique Cicirri,²⁰
 Musa, velim memores, et quo patre natus uterque
 Contulerit lites. Mess⁴¹⁾ clarum genus Osci;
 Sarmenti⁴²⁾ domina exstat: ab his majoribus orti⁵⁵
 Ad pugnam venire. Prior Sarmentos: Equi te
 Esse feri similem dico. Ridemus; et ipse
 Messius: Accipio⁴³⁾; caput et movet. O⁴⁴⁾, tua cornu
 Ni foret exsecto frons, inquit, quid faceres, cum
 Sic mutilus minitaris? (At⁴⁵⁾ illi foeda cicatrix⁶⁰
 Setosam⁴⁶⁾ laevi frontem turpaverat oris,
 Campanum⁴⁷⁾ in morbum, in faciem permulta jocatus,

38) Sensus est: namque pilae ludus nocet lippis, et iis qui stomachi cruditate laborant; vehemens enim exercitatio, qualis est in hoc ludo, nocet plurimum male cibos digerentibus.

39) Id est: hinc nos in Cocceji venimus villam, omnibus rebus abundantissimam, quae sita est trans cauponas ad Caudium, Samii oppidum in via Appia inter Capuam et Beneventum, ignominiosa Romanorum clade notum.

40) Sequitur hic episodion de duobus scurris, qui in villa praedicta societatem deversantem jocis suis plebejis distrahebant, sicut hoc in coenis divitum Romanorum moris fuit. Sensus est: nunc vero te quaeso, o Musa, ut narres mihi certamen initum inter scurram Sarmentum et Messium Cicirrum, et quibus ambo parentibus editi, in hunc modum contenderint. Lepide sane ac facete Horatius Musam hic in narratione rei ridiculae invocat, ac si rem quamdam gravem tractandam adgrederetur.

41) Ordo est: Osci sunt clarum genus Messii, id est, Messius ortus est e regione Oscorum. Quod dicit, clarum genus, manifesta est ironia; Oscorum enim natio in Campania inter omnes Italiae populos vilissima reputabatur et dedecoris plena.

42) Sarmenti vero hera in vivis adhuc est; ac proinde servus fuit hic, qui nunc erat in comitatu Maecenatis, huncque scurrilibus jocis suis admodum delectasse videtur.

43) Accipio, id est: Messius dicit contra, caput movens: Accipio provocationem, paratus sum reponere, quod ultimum gestu potius, quam verbis expressit, caput movendo, quod minitans est.

44) Hic iterum pergit Sarmentus: cum sic mutilus, sine cornu; jam adeo minitaris, terreas, o quid faceres, si tibi non esset exsectum, praecisum in fronte cornu?

45) At, pro, enim. Sensus est: habebat enim Messius cicatricem seu tuberculum, verrucam foedam, turpem in sinistra parte frontis, quam secandam et abstergendam quoque modo curaverat.

46) Setosam, id est: capillis foede hirsutis horrentem.

47) Campanum. Ejusmodi papulis et verrucis in fronte Campani vulgo

Pastorem ⁴⁸⁾ saltaret uti Cyclopa, rogabat;
 Nil illi larva aut tragicis opus esse cothurnis.
 Multa Cicirrus ad haec: Donasset ⁴⁹⁾ janne catenam ⁶⁵⁾
 Ex voto Laribus, quaerebat? scriba ⁵⁰⁾ quod esset,
 Deterius nihilo dominae jus esse. Rogabat
 Denique, cur unquam fugisset ⁵¹⁾, cui satis una
 Farris libra foret, gracili sic, tamque pusillo?
 Prorsus jucunde coenam produximus ⁵²⁾ illam. ⁷⁰⁾
 Tendimus hinc recta Beneventum ⁵³⁾, ubi ⁵⁴⁾ sedulus hospes
 Paene arsit, macros dum turdos versat in igne.
 Nam ⁵⁵⁾ vaga per veterem dilapso flamma culinam
 Vulcano, summum properabat lambere tectum.
 Convivas ⁵⁶⁾ avidos coenam, servosque timentes ⁷⁵⁾
 Tum rapere, atque omnes restinguere velle videres.

laborabant ob intemperantiam. Sensus: ad haec cum multa garrivisset de morbo Campano et de facie ista, rogabat Messium, ut Polyphemum Cyclo-
 pem saltando imitaretur, nequaquam fore necessariam larvam, ob oris deformitatem, aut tragicum cothurnum ob corporis proceram staturam.

48) Polyphemi historia saepe in tragoediis acta erat; fuit autem Cyclops unoculus, carnis humanis vescens, Neptuni filius; quum aliquo sociorum Ulyssis comedisset, Ulysses ei optimum vinum propinavit, quo inebriatus, cum graviter dormiret, ab Ulyse sociisque illius obcaecatus est.

49) Donasset: quaerebat a Sarmento, num donasset Diis Laribus catenam, qua olim vinctus fuisset, id est, num libertatem denique adeptus esset? sic illum esse fugitivum servum arguebat. Solebant enim, qui artem aliquam, aut vitae genus deponebant, ejus instrumenta et insignia cuiquam Deo consecrare. Laribus autem, Diis domorum custodibus, decebat servum catenas suas consecrare.

50) Scriba, id est, et si esset Sarmentus scriba, ut videtur Maecenatis, tamen ipsius dominam nihil idcirco de suo jure amisisse, quod in ipsum ut in suum servum haberet.

51) Fugisset, scilicet e domo suae dominae, cum contentus esse poterat una farris libra. Fugiebant nempe servi durius a dominis habitis. Non erant contenti una farris seu panis libra in dies singulos, quae diurna portio illorum fuerat. Negat igitur causam fuisse Sarmento fugiendi, quod facile contentus esse poterat farris libra, homo quippe tam exiguo et gracili corpore.

52) Produximus, id est, in longum duximus ob istam Messii et Sarmenti litem ridiculam.

53) Beneventum urbs ampla Italiae in Samnium finibus.

54) Ubi sedulus, officiosus hospes, dum macros turdos in igne versat, pene igne combustus est, intellige, pene domum suam incendisset.

55) Nam flamma per culinam veterem, vetustate putridam et siccam, evagata jam summum tectum domus lambere, attingere, coeperat.

56) Sensus et ordo: vidisses tum avidos seu famelicos convivas et servos territos coenam paratam raptim auferre, omnesque satagentes, ut restinguerent ignem.

Incipit ⁷⁾ ex illo montes Apulia notos ⁵⁸⁾
 Ostentare mihi, quos torret Atabulus ⁵⁹⁾, et quos
 Numquam erepsemus ⁶⁰⁾, nisi nos vicina Trivici ⁶¹⁾
 Villa recepisset, lacrymoso ⁶²⁾ non sine fumo, ⁸⁰⁾
 Udos cum foliis ramos urente camino. ⁸¹⁾
 Quatuor ⁶³⁾ hinc rapimur viginti et millia rhedis,
 Mansuri oppidulo ⁶⁴⁾, quod versu dicere non ⁶⁵⁾ est;
 Signis ⁶⁶⁾ perfacile est. Venit vilissima rerum
 Hic aqua; sed panis longe pulcherrimus, ultra ⁸⁵⁾
 Callidus ⁶⁷⁾ ut soleat humeris portare viator; ^{panis est}
 Nam Canusi ⁶⁸⁾ lapidosus, aquae non ditior urna;
 Qui locus a forti Diomede ⁶⁹⁾ est conditus olim.
 Flentibus hic Varius discedit ⁷⁰⁾ moestus amicis.
 Inde Rubos ⁷¹⁾ fessi pervenimus, utpote longum ⁹⁰⁾
 Carpententes ⁷²⁾ iter, et factum corruptius imbri.

57) Sensus et ordo: ex illo loco incipiunt mihi adparere dudum noti Apuliae montes, qui Atabulo vento torrentur, et quos nunquam rependo superassemus, nisi in Trivici villa fuisset excepti, non sine lacrymis fumo expressis, ob ramos humore perfusos, et udas frondes, quae in camino urebantur, ardebant.

58) Montes notos appellat, quia Horatius ex Apulia oriundus erat.

59) Atabulus ventus septemtrionalis frigidissimus, et propterea Apuliae infestus; frigus enim adurit, torret, exsiccet res perinde, ac si essent ustae.

60) Erepsimus, pro, erepsissemus.

61) Trivicum, oppidum in Campaniae finibus.

62) Lacrymoso, quia fumus lacrymas exprimit.

63) Quatuor: sensus est: e Trivici villa celeriter vecti sumus rhedis, confecimusque quatuor et viginti millia passuum.

64) Oppidulo, quod Equotutium vocabatur, nunc Scottuccio.

65) Non est, id est, non licet; Equotutium enim propter mediam syllabam longam in hexametro versu locum habere non potest.

66) Facile est autem illud oppidum signis, id est, indicis quibusdam indicare. Nempe ibi venit, hoc est, venditur aqua, quae rerum omnium est alibi vilissima, minimo aut nullo pretio parabilis.

67) Sensus est: adeo, ut viatores callidi seu providi, qui per Equotutium iter habent, soleant inde panes auferre, et imponere humeris.

68) Canasium est oppidum Apuliae. Ordo est: Canasii enim, quod oppidum fundavit olim fortis Diomedes, panis est lapidosus, id est, durus et stomacho gravis, ut lapides; et urna ibidem, qua hauritur aqua, etiam non est ditior seu plenior, id est, eadem Canasii, quae Equotutii aquae est penuria.

69) Diomedes, rex Aetoliae, Tydei filius, qui ad Trojam perpetuus comes Ulyssis fuit, incensa Troja, cum rediens delatus esset in Apuliam tempestate, multas urbes ibi condidit.

70) Discedit, id est, reliquit Varius moerens lacrymantes amicos.

71) Rubi, urbs distans Canasio Brundisium versus viginti tria milliaria.

72) Iter carpentes, pro, iter facientes.

ad notam notam respicit? somno ramos auferre
 Incubant Veni; hinc immundo somno ordo
 Nequorum vestem maculant, posteaque cupimus 41

Postera⁷³⁾ tempestas melior, via pejor ad usque
 Barⁱ moenia piscosi. Dehinc Gnatia⁷⁴⁾, lymphis
 Iratis exstructa dedit⁷⁵⁾ risusque jocosque,
 Dum flamma sine tura liquescere limine sacro⁹⁵
 Persuadere cupit. Credat Judaeus Apella⁷⁶⁾,
 Non ego; namque Deos didici⁷⁷⁾ securum agere aevum,
 Nec, si quid miri faciat natura, Deos id⁷⁸⁾
 Tristes⁷⁸⁾ ex alto caeli demittere tecto.
 Brundisium⁷⁹⁾ longae finis chartaeque, viaeque.

S a t y r a VI.

Argumentum et occasio.

Post pugnam Philippensem, in qua Horatius sub Bruto tribunus erat, domum redux mox ad versus faciendos animum contulit, tantamque nominis famam sibi peperit, ut etiam a Maecenate in gratiam receptus sit. Vide vitam Horatii. Hac re certe multorum et praecipue nobilium invidiam, incurrit poëta humili loco natus. Contra hos invidos scripsisse videtur satyram hanc, cujus summa eo redit, ut ostenderet: in homine non nobilitatem generis, sed virtutem solam esse spectandam. Incipit autem a Maecenatis laude, qui homines

73) Sensus: postride laetio rem habuimus caeli temperiem, sed viam pejorem, donec ad Barⁱ piscibus abundantis muros devenimus. Barium est urbs Apuliae ad mare.

74) Gnatia, civitas inter Barium et Brundisium, ubi est magna dulcis aquae penuria, unde iratis lymphis exstructa dicitur, quasi lymphae, id est aquae dulces illi loco infensae, ab eo procul fugissent.

75) Dedit, id est, obtulit nobis materiam ridendi, jocandique, dum Gnatia persuadere nobis cupit, id est, quia persuadere nobis cupiebant ejus incolae, thura in sacro limine, seu in templi aditu posita absque omni igne accendi et liquescere.

76) Apella, nomen cujusdam Judaei Romae tunc noti. In Judaeorum porro libris leguntur ejusmodi prodigia, de victimis et sacrificiis, ignem sua sponte concipientibus; quae causa fuit, cur hoc Judaeis persuaderi posse, diceret Horatius, non sibi.

77) Didici id est, doctus enim sum, Deos in caelo talium rerum securus vivere.

78) Tristes, id est, sollicitos aut iratos hominibus.

79) Brundisium, urbs ampla Calabriae, et maritima, in extrema Italia, qua spectat Graeciam et Orientem. Sensus est: Brundisium tandem, ut viae finis fuit, ita et hujus carminis longioris finis fit oportet.

humili loco natos, et in specie se Horatium, quippe libertinum, non vituperet, et tantum virtutes in quolibet spectandas esse recte censeat; quum multi saepe ignobiles sicut Tullius, ad maximos honores evecti; et contra nobiles non raro, sicut Laevinus, nullius valoris aestimati sint, etiam e plebis sententia; quae tamen vulgo contrarium facit, indignos nobiles provehit ad honores, et titulos miratur ac imagines; hinc sapientiores qui haberi volunt, eo magis hos titulos et honores, quos tamen ignobiles aequae ac nobiles nimium sectantur, parvi pendere deberent, quum utique nil, nisi curas et invidiam pariant. Haec omnia dein ad se ipsum adplicat poëta dicendo: sibi quidem invideri potuisse quondam tribunatum, quem praeter meritum suum obtinuerit, non autem amicitiam et favorem Maecenatis, a quo non nisi cognitis meritis suis probatus sit. Modeste porro merita sua et virtutes non sibi, sed curae parentis adscribit, qui ipsum liberaliter educandum Romam deduxit. In hunc tandem etiam gratum suum animum exprimit dicendo: se hoc parente sorteque sua adeo contentum esse, ut neque alium honoribus et titulis praeditum, potestate sibi concessa, eligere vellet; sic enim multo felicius se vivere, quam si loco sublimi natus fuisset.

Non¹⁾, quia, Maecenas²⁾, Lydorum quicquid Etruscos
 Incoluit fines, nemo generosior est te,
 Nec, quod avus tibi maternus fuit atque paternus,
 Olim qui magnis legionibus³⁾ imperitent,

1) Sensus: Quamvis, Maecenas, te nobilitate prosapiae nemo eorum superet, qui ex Lydia in Etruriam venerunt, cum avi tui, paternus maternusque magnis legionibus, id est, exercitibus praefuerint: tu tamen ritu quam plurimorum, naso quod ajunt adunco, non irrides aut spernis homines ignotos, h. e. obscuro loco natos, qualis sum ego, patre libertino progenitus. — Sequitur hic Horatius eos, qui veteres Etruriae in Italia colonos Lydos fuisse tradunt. Atys nimirum Lydiae, quae est Asiae minoris provincia, rex, Heracle genitus, cum cerneret regni angustias frequenti populo alendo non sufficere, sorte jacta Lydum majorem filium sibi successorem nominavit Tyrrhenum vero natu minorem cum magna parte subditorem abire alio jussit. Hi insidentes in Etruria eam de sui ducis regisque nomine Tyrrheniam appellarunt.

2) In 12 urbibus Etruriae Lucumones erant, quod patricii Romae; ex iis sacerdotes et duces in bello legebantur; inter hos Lucumones gens quoque Cilnia, Aretii dives et potens, numerabatur, e qua Maecenas originem suam duxit. Vide L. I. od. 1. not. 1.

3) Legio proprie erat pars exercitus, Romanos milites complectens ad summum 6000, interdum pauciores. Cohortes in ea fuerant decem, manipuli triginta. Vide Antiquit.

Ut plerique solent, naso suspendis adunco ⁴⁾ Ignotos, ut me libertino ⁵⁾ patre natum. Cum ⁶⁾ referre negas, quali sit quisque parente Natus, dum ingenuus ⁷⁾; persuades hoc tibi vere, Ante potestatem ⁸⁾ Tullii, atque ignobile regnum, Multos saepe viros nullis majoribus ortos Et vixisse probos, amplis et honoribus auctos: Contra ⁹⁾, Laevinum ¹⁰⁾, Valerii genus, unde Superbus Tarquinius regno pulsus fuit, unius assis Non umquam pretio pluris licuisse ¹¹⁾, notante Iudice, quo nosti, populo, qui stultus honores Saepe dat indignis, et famae servit ineptus; Qui stupet ¹²⁾ in titulis et imaginibus. Quid ¹³⁾ oportet

4) Suspendere naso adunco, lepide dictum est, pro vulgari: ridere aliquem cum amaritudine; qui enim aliquem irridere solent nasum attollere, acutum reddere, eundem distorquere, ad animi acerbiteriam exprimendam.

5) Libertinus est filius liberti; libertus autem servus libertate donatus.

6) Sensus: quia adfirmas, nihil interesse, quocumque sit quis patre progenitus, dummodo ipse moribus sit ingenuis, habes hoc persuasum, idque recte; nam multi omnino fuerunt ignobiles, et prohi, multi vero nobiles, ast scelesti. Hoc probat exemplis.

7) Ingenuus est interdum, qui patre libero, non servo natus est; in hoc loco autem is, qui honestis et probis moribus est.

8) Ante potestatem atque ignobile regnum, id est: antequam Tullius, homo ignobilissimus, Romae regnaret, persuasum habes, credis certe, multis aliis quoque contigisse, ut nullis h. e. ignotis orti majoribus, prohi tamen vixissent, essentque amplis honores consequuti. Servius hic Tullius est, sextus rex Romae, cujus quod regnum ignobile vocatur, ad solam regis exserva nati originem est referendum; alioquin enim princeps fuit egregius.

9) Sensus et ordo: contra vero, persuasum habes vere, Laevinum Valerium, genus, id est, filium Publii Valerii, unde seu a quo Tarquinius Superbus regno eiectionis fuerat, nunquam pluris, quam unius assis h. e. minimi aestimatum esse, ipso populo iudicante, qui tamen saepe, ut scis, indignis ob solam eorum famam vel nobilitatem stulte honores deferre solet. Inde concludendum: cum ne populus quidem aliquid tribuerit Laevini nobilitati, eum hominem indignum plane amplis honoribus fuisse.

10) Laevinus Valerius, P. Valerii cognomento Publicolae filius, fuit patri valde dissimilis; iste enim, consul communi consilio factus, cum Junio Bruto Tarquinium Superbum eiecit, magnoque ideo in pretio habitus Romae est: ille autem ob foedos mores nunquam provehi potuit ultra quaesturam.

11) Licuisse, hic sonat, valuisse.

12) Qui stupet in titulis et imag. pro vulgari: apud quem sola valet hominum nobilitas; nobilitatem scilicet cuiusque designabant et confirmabant majorum imagines, quae adjectis titulis, hoc est, adjecta rerum a majoribus gestarum memoria cera effictae conspiciantur in atrio.

13) Sensus est: quod si populus tam sapienter de Laevino iudicavit

Nos facere, a vulgo longe lateque remotos? Namque ¹⁴⁾ esto: populus Laevino mallet honorem, Quam Decio ¹⁵⁾ mandare novo; censorque moveret Appius ¹⁶⁾, ingenuo si non essem patre natus; Vel merito, quonium in propria ¹⁷⁾ non pelle quiessem; Sed ¹⁸⁾ fulgente trahit constrictos gloria curru Non minus ignotos generosis. Quo tibi, Tulli, Sumere depositum clavum, fierique tribuno ¹⁹⁾?

nonne nos, qui a vulgo longe distamus, qui longe rectius vulgo sentire vide-mur, magis id facere decet, ac nobilitatem in sola virtute ponere?

14) Contextus: namque esto, fingamus, populum malle Laevino, quam Decio Muri, qui homo novus erat, id est, nullis majorum honoribus insignis, honorem seu consulatum deferre; vel severum censorem Appium me ideo, quia non essem patre ingenuo, id est, libero natus, senatu movere. Subaudi: quid nam iudicandum esset? equidem iudicarem; id vel merito factum esse, quoniam noluissem in sorte mea et vitae meae conditione acquiescere. Sensus est: quid tum, si populus stulte iudicaret, oportet nos facere? quid hoc ad nos philosophantes? Plus dicam: quid si censor nobilitatis studiosus me senatu excluderet? quid tum? an ideo deterior essem? hic vero colligit se et retractat, ac merito hoc facturum censorem adfirmat, ut stultam superbiam reprimat.

15) P. Decius Mus consul factus bello Latino a. u. 314, cum T. Manlio Postumo multa praeclare gessit. Fuit hic Decius etiam, ut Cicero, homo novus, id est, primus, qui e familia sua ad magistratum pervenerit.

16) P. Appius Claudius censor insigni severitate fuit; erat autem censorum munus, moribus civitatis invigilare et facultates civium aestimare. Vide Antiquit. Moveret, subintellige, senatu, hoc est: in recitatione cathalogi senatorii silentio praeteriret, qua re censor talem pro senatore non amplius se habere inuebat; eratque haec poena data ob mores minus probatos.

17) In propria non pelle quiessem; hic intellige sortem cuique propriam, sortem, in qua quis natus est. Ex proverbio sumtum est in eos, qui mediocritatis suae oblitii majora se ipsis adpetunt, quos non contineri intra pelluculam dicimus; deducta vero est haec metaphora ab Asino Aesopico, qui leonina pelle indutus leo haberi voluit.

18) Sensus est: ast vero ea est hominum indoles et natura, ut ignobiles aequae ac nobiles sint gloriae cupidissimi, et hi stulti non perpendant, gloriae hac ambitione se nequaquam felices fieri, nihilque aliud adsequi, quam invidiam, odium, etc. Gloria hic personificata, et curru triumphali vecta, servosque, ignotos pariter ac generosos, secum trahens repraesentatur; totum autem exemplo Tulli cuiusdam (non autem Ciceronis) qui senatu motus est, quod Pompejanus putaretur, a Caesare; occiso vero Caesare et receptit iterum latum clavum, insigne senatorum, h. e. senatorii dignitatem et Tribunus militum factus est. De tunica laticlavia vide Antiquit.

19) Tribuno, Graeca constructio, pro: tribunum. Alii erant tribuui plebis, qui magistratus urbanus erat, rationibus populi consulens: alii tribuni militum, qui jus militi dicebant, sex in una quaque legione. Vide Antiquit.

Invidia accrevit, privato ²⁰⁾ quae minor esset.
 Nam ²¹⁾ ut quisque insanus nigris medium impediit crus
 Pellibus, et latum demisit pectore clavum;
 Audit continuo: Quis homo hic, aut quō patre natus?
 Ut ²²⁾, si qui aegrotet, quo morbo Barrus, haberi
 Et cupiat formosus; eat quacumque, puellis
 Injiciat curam quaerendi singula; quali
 Sit facie, sūra ²³⁾, quali pede, dente, capillo:
 Sic, qui promittit, cives, urbem sibi curae ²⁴⁾,
 Imperium fore, et Italiam, et delūbra Deorum;
 Quo patre sit natus, num ignota matre inhonestus ²⁵⁾,
 Omnes mortales curare et quaerere cogit.
 Tune Syri ²⁶⁾, Damae, aut Dionysi filius, audes
 Dejicere e saxo cives, aut tradere Cadmo?
 At ²⁷⁾ Novius collēga gradu post me sedet uno;

20) Privato quae minor esset, h. e. qua invidia minus laborares, si privatus fores.

21) Sensus: nam quamprimum insanus h. e. stulte ambitiosus, qui stultae sibi placet in externis insignibus, nigras alutas ad medium crus sustulit, et laticlaviam induit vestem, statim audit, qui hunc in modum de ipso sciscitantur etc. Calcei senatorum enim erant ex alūta nigra seu pelle haedina confecti, et ad medium usque crus loris revinciebantur.

22) Sensus: quemadmodum, si quis eadem teneatur, laboret insaniam, qua Barrus, et formosus atque pulcher velit existimari, quacumque transit, injicere et adferre solet curam puellis, ut scire cupiant singula: quem vultum habeat, quales pedes, dentes, capillos: sic is, qui summis honoribus ornatus rerumpublicarum defensorem, vel rerum divinarum curatorem se proficitur, unumquemque de ejus origine, utrum nobilis an ignobilis sit, quaerere cogit.

23) Sura pars posterior cruris est, anterior tibia dicitur.

24) Per curam civium urbis, Italiae et imperii designantur summorum magistratuum honores, quibus res publicae curabantur; per curam vero temporum sive Deorum summus pontificatus seu summi sacerdotii munus intelligendum est.

25) Num inhonestus, scilicet, sit; seu an sit natus matre ignota, non libera, serva?

26) Syrus, Dama, Dionysius sunt nomina nota et vulgaria servorum. Cadmus nomen est carnificis ea tempestate noti. Inducit poeta aliquem de populo indignantem, quod quidam obscuro loco natus ad tribuniciam potestatem, h. e. ad honores in genere evectus sit. Nam tribuni plebis damnatos de saxo Capitolino seu Tarpejo praecipitari, aut carnifici tradi juebant. Sensus est: an tu inquam, qui loco natus es humilis, non erubescis cives Romanos mortis poenae de illis sumendae tradere?

27) Respondere hic fingitur ille tribunus ignobilis. Sensus: atqui ego non unus sum, qui ex humili loco ad tribunatum adscendi, imo Novius, collega meus uno gradu post me sedet, id est, ignobilior est, quam ego;

= quia nemo, nisi forsitan quidam honorum mihi invidiant,
 mihi hoc invidet me hunc cives cum esse

Namque est ille, pater quod erat meus. Hoc ²⁸⁾ tibi Paullus,
 Et Messala videris? At ²⁹⁾ hic, si plostra ducenta,
 Concurrantque foro tria funera, magna sonabit,
 Cornua quod vincatque tūbas: saltem tenet hoc nos.
 Nunc ³⁰⁾ ad me redeo libertino patre natum,
 Quem rodunt omnes libertino patre natum;
 Nunc quia sum tibi, Maecenas, convictor; at olim
 Quod mihi pareret legio Romana tribuno.
 Dissimile ³¹⁾ hoc illi est: quia ³²⁾ non, (ut forsitan honorem
 Jure mihi invidet quisvis, ita te quoque amicum,
 Praesertim cautum dignos adsumere, prava
 Ambitione procul. Felicem dicere non ³³⁾ hoc
 Me possunt, casu quod te sortitus amicum:
 Nulla etenim mihi te fors obtulit; optimus olim

quia nimirum libertus est, ego vero sum libertinus. Libertini autem dicebantur filii libertorum, seu servorum manu missorum.

28) Respondet hic iterum poeta, vel aliquis de populo: num idcirco quia tuus collega ignobilior te uno gradu est, videris tibi tantum esse, ac Paullus vel Messala? fuerunt enim hi cives apud Romanos nobilissimi, et omnes honores adepti. Hoc, stat pro: ob hoc, ideo.

29) Sensus: sed hic Novius, collega tuus, si ducenti currus, et pompae trium funerum concurrant, eodem tempore per forum ducentur, adeo sonoram emittet vocem, ut tubas omnes et cornua superet, saltem tenet hoc nos, id est, saltem hoc habet, quo nos delectet; pro vulgari: at hic in concionibus insignis est concionator. Magna: neutrum plurale pro adverbio, alte clamabit. Tubae et cornua in funeribus adhibita sunt cum tibiis, cantu etc.

30) Nunc redeo ad etc. sensus: me pariter humili loco, libertino scilicet patre natum, quem nunc ideo rodunt, mordent, carpunt omnes, cui generis ignobilitatem objiciunt, quia mihi tecum, Maecenas, in quotidiana societate vivere licet, quia tibi sum familiaris; at olim me carpebant, quod ego tribunus legioni Romanae praeessem, quod fuerim tribunus militum. Militabat enim Horatius sub Bruto et Cassio qua tribunus. Vide od. 5. Lib. II. et Vitam Horatii.

31) Dissimile: hoc videlicet, fuisse tribunum militarem, non est idem, atque illud, scilicet tibi nunc esse familiarem et amicum.

32) Sensus: quoniam, etsi mihi aliquis jure honorem hunc invidere possit, non tamen amicitiam tuam invidet, maxime, cum tu sis valde cautus et prudens in deligendis, qui ea digni sint, et nullum locum des ambitioni, h. e. adulatio-ni. Amicitia scilicet sola virtute apud Maecenatem comparari potest. Rectius autem invidemus iis, quibus solo fortunae favore aliquid obtingit, quam iis, qui felicitatem suam virtuti et meritis suis, debent. Forsitan est pro: forsitan; dignos, scil. amicitia tua.

33) Non hoc, pro: non ideo. Sensus: non adscribo tuam amicitiam fortuitae felicitati: non enim casus me aliquis in tuum conspectum adduxit. Virgilius et Varius exposuere tibi, quid, h. e. quis essem, nempe poeta.

Virgilius, post hunc Varius ³⁴⁾, dixere, quid essem. ⁵⁵
 Ut veni ³⁵⁾ coram, singultim ³⁶⁾ pauca locutus,
 (Infans namque pudor ³⁷⁾ prohibebat plura profari)
 Non ³⁸⁾ ego me claro natum patre, non ego circum ³⁹⁾
 Me Saturejano vectari rura caballo,
 Sed, quod eram, narro: respondes, ut tuus est mos, ⁶⁰
 Pauca; abeo: sed revocas nono post mense, jubesque ⁴⁰⁾
 Esse in amicorum numero. Magnum ⁴¹⁾ hoc ego duco
 Quod placui tibi, qui turpi secernis honestum,
 Non patre praeclaro, sed vita et pectore puro.
 Atqui ⁴²⁾ si vitis mediocribus ac mea paucis ⁶⁵
 Mendosa est natura, alioqui recta (velut si
 Egregio inspersos rependas corpore naevos)
 Si neque avaritiam, neque sordes ⁴³⁾, aut mala lustra ⁴⁴⁾

34) De Varro poeta vide L. I. od. 5. not. 2.

35) Ut veni coram, id est, ut tibi sum oblatum, ubi tuum in conspectum prodii.

36) Singultim, id est, haesitanti sermone, propter verecundiam pauca loquutus sum.

37) Pudor suaviter dicitur infans, quia pudibundi pauca fari solent; infans igitur tantum ac, non fans, mutus.

38) Non narro, id est, non narravi, non dixi tibi, me etc.

39) Circumvectari Saturejano caballo: h. e. aut in equo Satureiano solito me vehi circa praedia mea rustica, et amplas possessiones. Per Satureianum caballum, optimus intelligi debet equus; Satureiana pascua erant enim in Apuliae et Calabriae finibus ad oppidum Saturejum, Tarento vicinum, ubi equi generosi alebantur.

40) Jubes esse in amicorum numero, id est, in amicitiam tuam me recepisti.

41) Sensus est: magnum ego hoc facio, quod tibi placui, quod a te sim probatus, qui, quod honestum est, secernis ab eo, quod est turpe; qui me probas, non propter stirpis nobilitatem, sed propter vitae animique puritatem.

42) Atqui si etc. Sensus brevis est: quod si vero dotibus quibusdam instructus sum, quae mihi favorem tuum et amicitiam pepererunt; cui illas in acceptis refero, nisi patri meo libertino, qui me tam praeclare educavit, et propter quem tamen toties carpor? Fusius haec poeta sic tractat: atqui si paucis et mediocribus tantum vitis mea natura et indoles, in ceteris recta et bona, praedita est, quemadmodum v. g. si in pulchro corpore raros tantum naevos, paucas maculas conspicimus, reprehendimus, et vituperamus; si neque mihi possunt vere a quoquam objici, aut avaritia, aut sordida parcitas, aut libidines flagitiosae; si, ut me ipsum laudem, criminis expers, et amicus carus, h. e. dilectus ab amicis vivo, fecit hoc pater meus, qui etc.

43) Per sordes intelligitur sordida tenacitas; hinc avari dicuntur homines sordidi.

44) Per mala lustra intellige loca latebrosa, lupanaria, ubi flagitaturpia committi solent.

Objiciet vere quisquam mihi; purus et insons,
 (Ut me collaudem) si et vivo carus amicis;
 Causa fuit pater his, qui ⁴⁵⁾ macro pauper agello
 Noluit in Flavii ⁴⁶⁾ ludum me mittere, magni ⁴⁷⁾
 Quo pueri, magnis e centurionibus orti,
 Laevo suspensi loculos ⁴⁸⁾, tabulamque lacerto,
 Ibant octonis referentes Idibus aera;
 Sed ⁴⁹⁾ puerum est ausus Romam portare docendum
 Artes, quas doceat quivis eques atque senator
 Semet prognatos. Vestem ⁵⁰⁾ servosque sequentes,
 In magno ut populo, si qui vidisset, avita
 Ex re praebere sumtus mihi crederet illos. ⁵⁰
 Ipse ⁵¹⁾ mihi custos incorruptissimus omnes

45) Sensus est: qui exiguis licet possessionibus et re tenui, macro agello esset, noluit tamen me Flavii scholam frequentare, ad quam ibant divites pueri, e sinistro brachio suspensos loculos, et tabulas gerentes, in quibus scriptum continebatur, quid quaevis proposita summa idibus, singulis dies octo complexis, deberet usurae.

46) Flavius fuit ludimagister, qui Venusii pueros in subducendis calculis instituebat. Ludus idem ac, schola.

47) Magni: lepide et salse Horatius centuriones cum filiis suis magnos vocat, quamvis magni illi viri filios suos vulgaris tantum ludimagistri disciplinae tradebant. Centuriones centum peditibus praeerant in exercitu, et sexaginta erant in singulis legionibus. Hic autem divites parentes intelligi debent, qui nihil minus quam centuriones fuerant.

48) Loculos, in quibus calculi et alia, quibus opus erat, in ludis vulgaribus portabantur; tabulam, in qua et characteres arithmeticos notabant, et calculos ordinare discebant. Referentes aera; cum Heindorfio explicandum videtur, de exemplo arithmetico, quid aeris usurarii quaelibet summa mutuo data efficeret, quibusvis idibus persolvendum foeneratori, quod exemplum pueri pensi loco in tabula comparatum adferebant ludimagistro. Aliqui etiam explicant de mercede persolvi solita ludimagistro, quam pueri idibus adferrent. Idus octonae dicuntur, quia inter Nonas et Idus dies octo semper intercedebant; dies a Nonis octava enim dies Iduum erat.

49) Sensus est: sed me cum adhuc puer essem, ausus est pater Romam portare, deducere, quod non facile alius in re tenui constitutus suscipere ausus fuisset; ubi discerem artes, quas senator quivis aut eques ex se genitos, filios suos, doceri velit. Per artes intelligendae sunt litterae Graecae et alia, in quibus doctrina censebatur.

50) Sensus: vestem autem et servos me comitantes (ut in magno populo, h. e. licet in frequenti turba, ubi multa conspiciuntur, et ideo vilia ne observantur quidem) quisquis vidisset, putasset ab avita, antiqua domo, et pridem divite familia tantis mihi sumtus suppeditari.

51) Sensus: ipse custodiae meae diligentissime invigilans discenti ubique adstabat. Circum doctores; hoc est: mihi operam danti magistris aderat praesens.

Circum doctores aderat. Quid ⁵²⁾ multa? pudicum,
 (Qui primus virtutis honos) servavit ab omni
 Non solum factis, verum opprobrio quoque turpi;
 Nec timuit, sibi ne vitio quis verteret, olim
 Si praeco ⁵³⁾ parvas; aut, ut fuit ipse, coactor ⁵⁴⁾
 Mercedis sequerer; neque ego essem questus. At ⁵⁵⁾ hoc nunc
 Laus illi debetur, et a me gratia major.
 Nil ⁵⁶⁾ me poeniteat sanum patris hujus: eoque ⁵⁷⁾
 Non, ut magna dolo factum negat esse suo pars,
 Quod non ingenuos habeat clarosque parentes,
 Sic me defendam. Longe ⁵⁸⁾ mea discrepat istis
 Et vox, et ratio. Nam ⁵⁹⁾ si natura juberet
 A certis annis aevum remeare peractum,
 Atque alios legere ad fastum ⁶⁰⁾ quoscumque parentes:

52) Quid multa? sensus: non ideo tam laute me pater educavit, quod timeret, ne essem, ut ipse erat, praeco vel coactor; quod me vellet aliud insignius vitae genus et institutum sequi: sed id spectabat unum, ut essem aliquando vir probus. Pro hoc dicit poeta: ut paucis dicam: pudicitiae decus, quod praecipuum est virtutis ornamentum, mihi servavit integrum non modo ab omni flagitio, verum et a flagitii suspicione, turpi fama; neque timuit, veritas est, ab hac educandi ratione se deterreri passus est timore, ne quis eam sibi exprobraret, si quando pro exiguo stipendio, parva mercede praeconis, aut coactoris, ut pater ipse fuit, munere fungerer; neque ego id improbassem, me poenitisset hujus muneris.

53) Praeco is erat, qui in auctione res vendendas adpellabat, qui leges ferendas, aut edicta in concione recitabat etc.

54) Coactores dicebantur ii, quibus id officii erat, ut factis auctionibus, pretia rerum venditarum reciperent, erant praeterea etiam publicanorum administri, qui pecunias, publice pendit solitas, colligebant; cogere enim idem est, ac colligere.

55) At hoc, id est, ob hoc, ob hanc ipsam educandi rationem plus laudis meretur, et a me grati animi majorem testificationem.

56) Nil me poeniteat, id est: nunquam dolebo, quamdiu quidem sana mente ero, quod talem habuerim patrem.

57) Eoque, pro, et ideo, idcirco. Sensus et ordo est: non sic me excusabo ac defendam, ut magna pars hominum, qui adfirmant: sine suo dolo, id est, sine sua culpa et vitio factum esse, quod non ingenuos parentes et nobiles habeant.

58) Id est: longe ab his discrepant sensus mei, atque sermones.

59) Sensus est: nam si natura juberet, sineret nos aevum remeare, id est, renasci, ad initium vitae et originem primam redire etc.

60) Ad fastum, id est, ambitionis causa tam nobiles et claros parentes, quam cujusque fastus et ambitio ferret, eligere.

Optaret ⁶¹⁾ sibi quisque: meis ⁶²⁾ contentus, honestos
 Fascibus et sellis nollem mihi sumere, demens ⁶³⁾
 Judicio vulgi, sanus fortasse tuo: quod
 Nollem onus haud umquam solitus portare molestum.
 Nam ⁶⁴⁾ mihi continuo major quaerenda feret res,
 Atque salutandi plures; ducendus et unus,
 Et comes alter, uti ne solus rusve pererere
 Exirem; plures calones atque caballi
 Pascendi; ducenda petorrita, Nunc ⁶⁵⁾ mihi curto
 Ire licet mulo, vel, si libet, usque Tarentum,
 Mantica cui lumbos onere ulceret, atque eques armos.
 Objiciet nemo sordes ⁶⁶⁾ mihi, quas tibi, Tulli ⁶⁷⁾,
 Quam Tiburte via praetorem quinque sequuntur,

61) Optaret, h. e. eligeret sibi quisque, per me licet, alios parentes amplissimos.

62) Sensus: ego certe meis contentus nollem mihi accipere claros fascibus et curulibus sellis, id est, consulari vel praetoria dignitate praeditos. Consulibus enim et praetoribus fasces a lictoribus praeferebantur, his sex, illis duodecim. Erant fasces virgarum seu bacillorum fasciculus, cujus in medio securis exstabat. Virgis minora delicta, securi graviora plectebantur; itaque fasces potestatis erant insigne. Majoribus magistratibus quoque licebat uti sella curuli eburnea. Vide Antiquit.

63) Demens, id est, insipiens, amens habendus propterea plebi; sed tuo fortasse judicio sapiens existimabor, quod recusem, onus insolitum et incommodum, molestum ferre, portare.

64) Res: opes, suppellex, apparatus. Sensus: majores enim mihi statim conquirendae, parandae essent opes; plures multo officii causa salutandi, id est: salutatores plures accipiendi summo mane, habendus unus et alter comes, ne rus h. e. suburbanam in villam, aut peregre, procul iter longinquum suscepturus solus prodirem; plures servi, atque plures equi necessarii alendi, et currus ducendi. Calones, viliores servi domestici, qui ligno ferendo et aliis ministeriis humilioribus adhibebantur, adpellati sunt. Petorrita, vehicula, sive carpenta, rhedae Gallicae.

65) Sensus: nunc, in hac mea vitae conditione, decurtato meo mulo, mantica seu sarcina lumbos h. e. dorsum ei premente, et me equite armis illius insistente, si libet, si placet mihi, usque Tarentum proficiscor. Tarenti, urbis in extrema Italia, a Tarante Neptuni filio aedificatae, mentio nominatim est facta, quod distaret longissime Roma, nec fas Magistratibus esset, quod privatis licebat, tam procul abire, et a Republica diutius abesse.

66) Sordes id est, sordidam avaritiam. Sensus: nemo vituperabit me ob factum sordidissimum, quemadmodum te, o Tulli, cum Tiburtina via pueri tantum quinque te Praetorem subsequuntur, sellam et vas vinarium portantes. Mercatores enim et ad quaestum attentiores homines, ne quid a cauponibus et hospitibus sumi necesse haberent, et ut minore sumtu

Te pueri, lasanum⁶⁸⁾ portantes oenophorumque.
 Hoc⁶⁹⁾ ego commodius, quam tu, praeclare senator, //0
 Multis atque aliis vivo. Quacumque libido est
 Incedo solus; percontor⁷⁰⁾, quanti olus, ac far:
 Fallacem Circum⁷¹⁾, vespertinumque pererro
 Saepe forum⁷²⁾; adsisto⁷³⁾ divinis: inde domum me
 Ad porri, et ciceris refero, laganique⁷⁴⁾ catinum. 115
 Coena ministratur pueris tribus⁷⁵⁾; et lapis⁷⁶⁾ albus
 Pocula⁷⁷⁾ cum cyatho⁷⁸⁾ duo sustinet⁷⁹⁾: adstat echinus⁸⁰⁾
 Vilis, cum patera guttus⁸¹⁾, Campana⁸²⁾ supellex.
 Deinde eo dormitum; non sollicitus, mihi quod cras

peregrinarentur, vasa necessaria servorum suorum humeris imponebant; hoc nimis sordidum habebatur pro Praetore.

67) Tullius, videtur esse nomen fictum Praetoris. Aliqui eundem esse putant, de quo supra mentio facta est. Vide supra not. 18.

68) Lasanum, vas, in quo exoneratur venter. Oenophorum, corbis vel cista, vini amphoris portandis inserviens.

69) Hoc, id est, ideo, ob hoc simplex vitae genus ego commodius vitam dego, quam tu, et multi alii.

70) Percontor, sciscitor, quanti olus et far vendatur.

71) Circus maximus intelligendus est Romae, ubi cursus agitantur exercitationis et spectaculi causa. In eum locum impostores, conjectores, harioli et sortilegi confluebant, qui ad metas spectatores circumstabant et imperitos sortibus et nugis fallebant, unde fallax adpellatur.

72) Forum vespertinum, id est, vesperi spatior in foro.

73) Adsisto divinis, id est: adtendo sortilegis, mathematicis, interpretibus somniorum etc. Altiores autem homines erubescabant sero in his vulgi circulis consistere.

74) Lägana sunt placentulae quaedam vulgares, quasi membranulae compositae, quae cum pipere et liquamine conditae depromi solebant ad coenam moderatam et parabilem. Porrum et cicer etiam erant cibi pauperum.

75) Pueris h. e. a servis tribus.

76) Lapis albus est mensa marmorea, seu basis vasorum collocandorum causa parata.

77) Pocula duo; par poculorum, quod singulis coenantibus adponi solebat.

78) Cyathus erat vasculum exiguum, quo ex illis poculis majoribus, quantum placeret, hauriretur.

79) Sustinet, id est, pocula cum cyatho stant in mensa marmorea.

80) Echinus vilis: vas quoddam rotundum instar echini ad manus abluendas aut cyathos. Patera utebantur, ut libarent Diis in mensa.

81) Guttus vasculi genus, id nomen ex eo habens, quod ob colli angustias oleum aut unguenta, quae continebat, guttatim instillaret.

82) Campana supellex, id est, haec vasa omnia erant e terra fictili, quae Campana dicitur ob argillae copiam et bonitatem in Campania. Divites habebant haec vasa ex argento caelata.

Surgendum sit mane, obeundus Marsya⁸³⁾, qui se 120
 Vultum ferre negat Noviorum⁸⁴⁾ posse minoris.
 Ad⁸⁵⁾ quartam jaceo: post hanc vagor, aut ego lecto⁸⁶⁾,
 Aut scripto, quod me tacitum juvet; ungor⁸⁷⁾ olivo,
 Non⁸⁸⁾ quo fraudatis immundus Natta lucernis.
 Ast ubi me fessum sol⁸⁹⁾ acrior ire lavatum 125
 Admonuit, fugio Campum⁹⁰⁾, lusumque trigonem.
 Pransus⁹¹⁾ non avide, quantum interpellat inani
 Ventre diem durare, domesticus otior. Haec est
 Vita solutorum⁹²⁾ misera ambitione gravique.
 His⁹³⁾ me consolor victurum suavius, ac si 130
 Quaestor avus, pater atque meus, patruusque fuisset.

83) Obeundus Marsya, id est, visendus Marsya. Fuit Marsyas vel Marsya tibiicen Phryx, qui tibia cum Apolline ausus contendere, et ab eo victus in poenam temeritatis excoriatus est. Ejus statua Romae in prima fori parte visebatur, ad quam solebant convenire caudidici, qui lites et negotia tractabant et componebant. Marsya itaque sonat hic primam fori partem, ubi erant rostra.

84) Noviorum minor: minor enim natu Noviorum ad hanc statuum turpissime foenerabatur summo mane; quare jocatur Horatius inquit: Marsyam habere alteram manum erectam ad depellendos Novios, quod eorum foeneratorum impudentiam non posset sustinere.

85) Ad quartam, id est, usque ad horam sole orto quartam.

86) Lecto, h. e. lego vel scribo, quod tacite mecum agitatum, me delectet.

87) Ungor. Ad vires firmandas et valetudinem saepe ungebantur oleo Romani.

88) Sed non oleo vili, quale est illud, quod Natta, vir quidam insignis avaritiae, adhibet e lucernis suis subductum. Oleum enim, quod lucernis inditur, graveolens et sordidum est.

89) Sol acrior, id est, meridians, calidior.

90) Campum Martium lusumque trigonem: pilae ludus, in balnei praecipue corporis exercendi causa institutus, ideo, quod tres ludentes, quorum alter ab altero pilam excipiebat, in trianguli figuram dispositi, stabant, trigon adpellabatur.

91) Pransus; sensus est: levi et parco contentus prandio, et quantum sufficit ad impediendam inediam diei integrae; ad interpellandum, ne tota die inani ventre, seu jejuno perdurem, h. e. ne esuriendo diem exigam, domesticus otior, h. e. domi me contineo.

92) Solutorum, hoc est, qui liberi sunt ab infelici et misera ambitione; ab honorum consequendorum studio, quod cum miseris et gravibus curis conjunctum est.

93) Sensus: has ego meas delicias reputo, victurus jucundius multo, quam si Quaestores habuissem avum patrem et patruum. Quaestores aera-

S a t y r a VII.

Argumentum et occasio.

Publius Rupilius Rex Praenestinus, postquam a Praenestinis in exilium missus esset, in Attica militavit sub Attio Varo; deinde cum praeturam gereret, in triumviratu proscriptus ab Augusto confugit ad Brutum, in cujus castris cum Horatio fecit stipendia, qui nescio quid ab eo contumeliae passus, ei per hanc satyram refert, quae post a. u. 711 scripta censi debet. In ea Rupilius cum quodam Persio, negotiatore Clazomenis repraesentatur litigans coram Marco Bruto, qui a. u. 711 senatus auctoritate propraetoris munere fungebatur in Asia. Causa litis non est exposita; dum autem convicia in alterum ab altero coniecta enarrat, eos deridet Horatius. Rixatur Rupilius plenus viro et felle, Persius autem insuper ut adulator insulsus erga Brutum ejusque comites.

Proscripti ¹⁾ Regis Rupili ²⁾ pus ³⁾, atque venenum ⁴⁾ hybrida ⁵⁾ quo pacto sit Persius ultus, opinor Omnibus et lippis ⁶⁾ notum et tonsoribus esse. Persius hic permagna negotia dives habebat Clazomenis ⁶⁾, etiam lites cum Rege molestas; Durus homo, atque odio qui posset vincere Regem, Confidens tumidusque, adeo sermonis amari,

rii curam habebant; et quia etiam divitiarum congerendarum cupiditate infames erant, non raro exempla exstabant, de quorum nobilitate parum se jactare possent nepotes.

1) Proscripti, id est, proscriptione damnati, inter proscriptos relati.

2) Rupilius. Vide arg.

3) Pus atque venenum: intellige convicia plena quasi puris, id est, sordium et rei spurcae; plena improbitatis et maledicentiae.

4) Persius hybrida, id est, semiromanus. Canes ex imparibus nati, puta ex venatico et vulgari, dicuntur hybridae; quia vero Persius patre Graeco et Romana genitus erat matre, hybridam eum tanto lubentius vocat, quod ob caninam mordacitatem maledicam cani similis videretur.

5) Lippis: lippis sunt admodum curiosi; quanto minus oculis, tanto plus auribus utuntur: apud tonsores autem convenire homines otiosi et gerrones solent. Itaque res pervulgata dicitur nota esse lippis et tonsoribus, quasi eos nihil fugiat. Sensus est: opinor notum esse omnibus lippis et tonsoribus, quo pacto Persius semiromanus sit ultus maledicentiam Rupilii.

6) Clazomenae urbs erat Asiae minoris ampla et dives, in ea parte,

Sisennas, Barros ut equis praecurreret albis ⁷⁾. Ad Regem redeo postquam ⁸⁾ nil inter utrumque Convenit, hoc etenim sunt omnes jure molesti, Quo fortes, quibus adversum bellum incidit: inter Hectora ⁹⁾, Priamiden, animosum atque inter Achillem Ira fuit capitalis, ut ultima divideret mors; Non aliam ob causam, nisi quod virtus in utroque Summa fuit; duo si discordia vexet inertes, Aut si disparibus bellum incidat, ut Diomedi Cum Lycio ¹⁰⁾ Glauc; discedet pigrior, ultro Muneribus missis, Bruto ¹¹⁾ praetore tenente Ditem Asiam, Rupili et Persi par pugnat; uti non Compositus melius cum Bitho Bacchius. In jus

quae Jonia Asiatica dicebatur. Sensus: Persius iste, cum opulentus esset, multa apud urbem Clazomenas negotiatur; litigabat etiam cum Rupilio Rege multis gravibusque de causis; durus, id est, asper imprimis, et qui odii pertinacia posset Regem superare; confidens tumidusque h. e. audax et arrogans superbiaque inflatus, et acerbitate sermonis tanta, ut ea longo intervallo superaret, ac si equis candidis veheretur, molestissimos quosque obtrectatores, vel ipsos Sisennas et Barros, qui erant famosi conviciatores.

7) Albis: ducitur metaphora a Circensibus ludis, in quibus aemulos ut superant, qui equis velocioribus uterentur; equi autem albi vulgo putabantur omnium celerrimi.

8) Sensus et ordo: cum lites suas componere non possent, et inter se convenire; omnes enim molesti sibi mutuis litibus, h. e. acres et pugnae litigatores hoc sunt jure, id est, eadem ratione se gerunt, ac fortes (intellige magnanimos duces) qui inter se bellum gerunt, qui alter alteri nolunt concedere: sic ira, quae fuit inter Hectorem, Priami filium et generosum Achillem, ita capitalis fuit, exarsit adeo saeva, ut nonnisi morte controversia dirimi posset; quia nempe uterque bellica virtute et gloria praestabat; contra vero si duo inertes et ignavi, aut certe duo dispares, quorum alter altero fortior sit, bello certent, quales fuere Glaucus et Diomedes, qui amorum est pigrior, h. e. inertior, is litem et pugnam statim componet, missis aemulo muneribus ad eum placandum. Non sic nostri dimicantes, rex et Persius, sed instar Hectoris et Achillis pugnant, Bruto divitem Asiam obtinente, ibique jus dicente, ut Bitho et Bacchius gladiatores duo famosi non sint magis compositi, h. e. inter se pares viribus.

9) Hector fortissimus dux Trojanorum; Achilles vero fortissimus dux Graecorum in bello Trojano.

10) Lycius Glaucus, juvenis ignavus, regis Lyciae filius, cum Trojana auxilio venisset, commisso paelio, in Diomedem, virum fortissimum, Graecorum ducem incidit, cujus adpectu ita territus est, ut de pace statim egerit, ac Diomedi arma sua aurea, sumtis illius aereis, dono dederit.

11) Praetor magistratus erat juri dicendo praepositus. Brutus et Cassius eodem anno, quo Caesar interfectus est, praetores erant in urbe. Brutus

Acres procurrunt ¹²⁾, magnum spectaculum uterque.
 Persius exponit ¹³⁾ causam, ridetur ab omni
 Conventu ¹⁴⁾; laudat Brutum, laudatque cohortem ¹⁵⁾;
 Solem ¹⁶⁾ Asiae Brutum appellat, stellasque salubres
 Appellat comites, excepto ¹⁷⁾ Rege; canem illum, *Regem*
 Invisum agricolis sidus, venisse. Ruebat ¹⁸⁾,
 Flumen ut hibernum, fertur quo rara securis.
 Tum Praenestinus ¹⁹⁾ salso multoque fluenti
 Expressa arbusto ²⁰⁾ regerit convicia, durus *velut*
 Vindemiator ²¹⁾ et invictus, cui saepe viator
 Cessisset, magna compellans voce cucullum ²²⁾.

a Senatu paulo post missus in Macedoniam est, ut ibi praetura fungeretur; qui enim Romae Consules aut praetores fuerant, finito magistratus urbani tempore, discedebant in provincias, ut illas pro consule aut pro praetore administrarent. E Macedonia Brutus in Asiam excurrit ad colligendas contra Octavium Caesarem copias. Ibi cum esset, multa pro arbitrio gessit, adeo, ut dominari videretur regioni, et, quod ait Horatius, illam tenere, hoc tempore illum etiam adierunt Rex et Persius.

12) Procurrunt, id est, prodeunt animose ambo, tamquam gladiatores, in arenam, litemque defendunt, egregium omnibus facti spectaculum.

13) Exponit causam, h. e. explicat, quid in disceptatione versetur.

14) Ab omni conventu, id est, ab omnibus, qui hujus causae actioni aderant.

15) Cohortem, intellige, amicos, comites, scribas, praefectos, medicos etc. qui proconsulem aut propraetorem sponte in provinciam sequebantur.

16) Solem Asiae, quasi cuncta in provincia splendore suo collustret.

17) Excepto Rege, qui, proscripius ab Octavio, se Bruto adjunxerat, et inter ejus comites ac milites versabatur. Ceteros igitur comites Bruti stellas salubres adpellat; Regem vero stellam exitialem, nempe Canem, id est: venisse illum Rupilius ait cani caelesti, Sirio, astro exitiali et agricolis invisio similem, ut omnia perderet. Sirius enim, ut Virgilius dicit, exurit agros.

18) Sensus est: tam praecipiti, vehementique oratione dicebat, ut videretur torrenti similis, hibernis aquis tumido, qui fertur eo, quo raro venit securis, id est, per abrupta loca, praecipitat, quo adire non possunt frondatores, cum suis securibus ad arbores excindendas.

19) Praenestinus. Praeneste urbs est in Italia. Sensus est: Rupilius regerit h. e. reponit, reddit Persio convicia, eaque salsissima et vino simillima, quod ex arbusto, id est, vite exprimitur, sed recenti et viridi vite, ac proinde amaro vino, quod versu post quarto acetum vocat, simillima.

20) Arbusto: vitis adplicabatur arbutus, quibus niteretur; hic arbustum pro tota vite sumitur.

21) Durus vindemiator, id est, similis vindemiatore molesto, et pertinaci, quia viatores conviciis adflictos, et alia regerentes, silere tamen victos et abire cogit.

22) Cucullum. Metri causa pro, cuculum. Est autem avis haec hieme

At Graecus, postquam est Italo ²³⁾ perfusus aceto, Persius exclamat: per magnos, Brute, Deos te Oro, qui reges ²⁴⁾ consueris tollere, cur non Hunc Regem ²⁵⁾ jugulas? operum hoc mihi crede tuorum est.

S a t y r a VIII.

Argumentum.

Directa est haec satyra ad eandem Canidiam, in quam ob veneficia et incantationes ejus magicas omne acerbitatis virus evomuit Horatius Epod. V. et XII. Inducit poeta Priapum, cujus statua in angulo quodam hortorum Esquilinorum Maecenatis erecta stabat, nocturna veneficia Canidiae, in Campo Esquilino exercita, observantem, eaque in hunc modum narrantem: ego, inquit, ex quo Deus factus sum e ligno, fures et aves arceo molestas ab his hortis noviter institutis, ubi prius sepulcretum servorum et pauperum exstitit, nunc vero locus est saluberrimus, qui habitatur. Omnium autem molestissimae mihi sunt incantationes magicae vetularum, quae huc noctu, luna surgente, veniunt, neque se abigi sinunt. Vidi enim Canidiam cum Sagana nigram occidere agnam, e scrobe facta manes mortuorum evocare, aliaque tractare adhuc, ad magicam superstitionem spectantia, quae singillatim describere longum foret; tandem ego casu diffissus strepitum edidi, quo illae perterrefactae diffugientes, omnemque suppellectilem magicam relinquentes, ridiculum omnino visu spectaculum praebuerunt.

tota latens et silens, neque nisi calente vere canere incipiens. Quodsi igitur vernali tempore justo serius, ubi jam cuculus vocem edit, vites putandas et arboribus adplicandas curabat vindemiator; ejus inertiae exprobrandae causa praetereuntes, cuculum, vocare solebant; unde ille exacerbari et virus acerbitatis in praetereuntes victor evomere solebat. Sensus est ergo: qui saepe antea conviciando superasset viatores, eum cuculi instar pigrum clamantes.

23) Italo perfusus aceto: intellige, acriora convicia Regis, quibus obrutus est Persius. Vide supra not. 19.

24) Qui reges: Junius Brutus, Tarquinio rege Romanorum expulso, consul primus factus est. Ab eo ducebat originem iste Brutus, qui Caesarem, regnum adfectantem, in senatu peremerat. Consueris, pro: consueveris.

25) Regem, id est, Rupilius.

26) Operum; sensus: certe hoc quoque facinus tua dignum est manu; hoc quoque ad res praeclare a te gestas pertinet.

Olim ¹⁾ truncus eram ficulnus, inutile ²⁾ lignum,
 Quum fāber, incertus, scamnum faceretne Priapum,
 Maluit ³⁾ esse Deum. Deus inde ⁴⁾ ego, furum aviumque
 Maxima formido; nam fures dextra ⁵⁾ coërcet,
 Ast importunas volūcres in vertice arundo ⁶⁾
 Terret fixa, vetatque novis considerare in hortis.
 Huc ⁷⁾ prius angustis ejecta cadavera cellis
 Conservus vili portanda locabat in arca:
 Hoc miseræ plebi stabat commune sepulcrum,
 Pantolabo ⁸⁾ scurrae, Nomentanoque ⁹⁾ nepoti.
 Mille ¹⁰⁾ pedes in fronte, trecentos cippus in agrum
 Hic dabat: heredes monumentum ne sequeretur.

1) Loquitur Priapus, Deus hortorum turpissimus, cujus statua in hortis e ligno ficulneo h. e. e ligno ficus arboris effecta ponebatur, ut deformitate sua abigat fures et aves.

2) Inutile, ad nihil aptum, nam materia ejus arboris propter fragilitatem nullis fabricis est idonea.

3) Maluit. Salse ridet inanes Deos, eorumque simulacra.

4) Inde, id est, ex illo tempore ego Deus sum, et timor maximus furum et volucrum.

5) Sensus: nam fures dextra arceo; habebat enim falcem ligneam in manibus.

6) Arundo, intellige, coronam ex arundine, vel fasciculum arundinis in capitis vertice, quae vento agitata crepat strepitque, et aves terret ac abigit; ne audeant in novis hortis, descriptis hoc loco, considerare. Horti autem novi dicuntur, quia Maecenas nuper noviter eos instituit; nam regionem Esquilinam Romae, antea sepulcris servorum et miserorum dedicata, emit in hunc finem, ut hortos et sepulchro faceret.

7) Sensus est: ante haec tempora, antequam hortos hic adornaverat Maecenas, solebant servi, demortuorum conservorum cadavera ex angustis cellis et tuguriis suis huc adferre, arcis inclusa vilibus: erat enim hic locus sepulcri communis plebis et hominum egentium, quales sunt scurrae sicut Pantolabus, et nepotes seu ganeones, qui patris bona decoxerunt, sicut Nomentanus.

8) Fuit Mallius Verna trans Tiberim ingenuis parentibus natus, qui quia pecuniam a multis mutuam rogabat Pantolabus est cognominatus.

9) De Nomentano nepote vide L. I. Sat. I. not. 68.

10) Mille pedes: erat cippus, id est, lapis erectus in agri limite, in quo scriptum erat, mille pedes datos esse (nempe a cive aliquo, qui hoc sepulcrum egenae plebi testamento reliquerat) in fronte, id est, in ea parte agri, quae viam tangebatur, ac proinde: mille pedes latitudinis; alios trecentos in agrum, id est, in agri longitudinem extensos. Cippus autem ideo erat positus, ut heredes hoc sepulchretum intelligerent ad se non pertinere, illud esse divisum et exceptum a reliqua hereditate; quando enim locum aliquem seu rem aliquam publice legabant Romani, semper addebant haec

Nunc ¹¹⁾ licet Esquilis habitare salubribus, atque
 Aggere in aprico spatium, quo modo tristes
 Albis informem spectabant ossibus agrum;
 Cum ¹²⁾ mihi non tantum furesque feraeque suetae
 Hunc vexare locum, curae sunt, atque labori,
 Quantum, carminibus quae versant atque venenis
 Humanos animos; has ¹³⁾ nullo perdere possum,
 Nec prohibere modo, simul ac vaga Luna decorum
 Protulit os, quin ossa legant, herbasque nocentes.
 Vidi egomet nigra succinctam ¹⁴⁾ vadere palla
 Canidiam ¹⁵⁾, pedibus nudis, passoque ¹⁶⁾ capillo,
 Cum Sagana majore ¹⁷⁾ ululantem (pallor utrasque
 Fecerat horrendas adspectu) scalpere ¹⁸⁾ terram

verba monumento: hoc monumentum heredes non sequitur, et istis compendiaris notis utebantur: H. M. H. N. S. Sensus est igitur: stabat hic columella addicens huic sepulchrae pauperum mille pedes agri quoad latitudinem, qua viam publicam anteriori parte tangebatur; trecentos vero pedes quoad longitudinem, inscriptione addita, qua vetabatur, ne sepulchretum istud ad heredes transiret.

11) Sensus: nunc iste locus sepulchretum amplius non est, revulsus est cippus; jamque ut saluberrimus Esquiliarum locus habitatur; sunt enim ibi horti salubres, et apricus, soli expositus collis seu agger, ubi deambulare licet nunc; ast paulo ante tristi spectaculo defunctorum ossibus albens ager cernebatur. Modo, id est, paulo ante. Spectabant, intellige, tristes cives ob defunctum aliquem amicorum, ibique sepultum.

12) Sensus: nunc mihi non tantum negotii facessunt, non tantos causant labores et curas fures et ferae, adsuetae in hunc hortum venire illumque vexare, h. e. illi incommodare; quantum curae mihi praebent vetulae, quaedam, incantationibus suis atque veneficiis defunctorum animas divexantes. Suetae, per licentiam poeticae, pro, suetae, id est; adsuetae. Feminae, quae versant, hoc est agitant, divexant. Carminibus, h. e. formulis magicis et incantationibus. Venenis, intellige, quae spargunt in re magica venefici et veneficae. De Veneficiis vide Epod. V.

13) Sensus est: has neque ullo modo possum perdere, exterminare, neque impedire, quo minus statim, atque errabunda Luna pulcherrimum extulit vultum, colligant ossa et plantas noxias. Luna vaga, quia dum cursum suum peragit, vagari et errare dicitur a poeta. Decorum protulit os, id est, nocte surgente luna; veneficia enim noctu fieri solebant.

14) Succinctam palla, h. e. veste longiori indutam.

15) De Canidia venefica ejusque administra Sagana vide Epod. V et XII.

16) Passo, h. e. soluto, diffuso capillo.

17) Sagana major dicitur, quia superaret Canidiam annis.

18) Scalpere terram: scilicet, scrobem vel fossam, terra unguibus egesta, fecerunt, ut cruorem divulsae agnae, ut ex sequentibus intelligitur, cum aliis rebus in eam infunderent.

Unguibus, et pullam¹⁹⁾ divellere²⁰⁾ mordicus agnam
 Coeperunt; cruor in fossam confusus, ut²¹⁾ inde
 Manes elicerent, animas responsa daturas.
 Lanae²²⁾ et effigies erat, altera cerea; major
 Lanae, quae poenis compesceret inferiorem.
 Cerea suppliciter stabat, servilibus, utque
 Jam peritura, modis. Hecaten²³⁾ vocat altera²⁵⁾, saevam
 Altera Tisiphonem²⁴⁾: serpentes atque videres
 Infernas errare canes, Lunamque²⁶⁾ rubentem,
 Ne foret his testis, post magna latere sepulcra.
 Mentior²⁷⁾ at si quid, merdis caput inquiner albis
 Corvorum, atque in me veniat mictum atque cacatum
 Julius et fragilis Pediatia²⁸⁾, furque Voranus²⁹⁾.

19) Pullam, h. e. nigram, nam Diis inferis nigri coloris hostiae offerebantur.

20) Mordicus divellere, id est, dentibus dilaniare.

21) Ut inde, id est, ut his magicis artibus animas mortuorum evocarent, quae interrogantibus veneficis responderent de futuro rerum eventu.

22) Lanae. Sensus est: effigies seu imago erat una ex lana, et altera ex cera; major lanae minorem alteram verberibus male habebat; cerea, supplicis speciem praeseferens, stabat tamquam mancipium a lanae mox interficiendum, h. e. quae servili modo jamjam poenas datura sit. Solent nimirum magi et venefici ejusmodi, e cera vel lana, imagines condere, et in illis ea experiri omnia, quae vivis hominibus, quos illae imagines repraesentant, volunt evenire, v. g. cum urunt ejusmodi imaginem, uritur etiam homo etc.

23) Hecate, est cognomen Proserpinae et Lunae. Hic autem Proserpina intelligenda est, quia canes infernae, de quibus hic mentio fit, hanc Deam et Furiis comitari solent. Vide Mythol.

24) Tisiphone, est una e Furiis. Furiarum autem pinguntur cum serpentibus. Vide Mythol.

25) Altera, scilicet, Canidia; et altera, scilicet, Sagana.

26) Lunam rubentem; prae pudore nempe ob tanta scelera abscondit se Luna in nubibus; pro hoc autem dicit poeta, illum se abscondere post magna sepulcra, quorum quaedam adhuc exstabant in eo loco. Per magna non divitum sepulcra, quae hic non exstabant, sed recentia intelligenda sunt, quorum tumuli majores ceteris esse solent. Sensus est: una invocabat Hecaten, altera autem immitem Tisiphonem; et conspiciere licebat nunc serpentes et tartareas canes circumerrantes; Lunamque rubore suffusam magnis sepulcris interpositis se abscondentem, ne ista cerneret.

27) Sensus est: si quid autem mentiendo addam, si haec omnia non sint vera, quae dico, mala cuncta in me veniant! et pro hoc dicit poeta: velim corvorum excrementis mihi caput dealbetur; et sua quoque omnia in me conferant Julius mollis Pediatia et fur Voranus! Priapus hic adposite jurat per ea ferenda, quibus maxime exposita fuit ejus statua.

28) Pediatius, eques Romanus, patrimonio consumpto, se prostituit, quare Horatius mutato genere Pediatiam nominavit propter mollitiam.

Singula³⁰⁾ quid memorem, quo pacto, alterna loquentes
 Umbrae cum Sagana resonarent triste et acutum?
 Utque lupi³¹⁾ barbam variae cum dente colubrae
 Abdiderint furtim terris; et imagine cerea³²⁾,
 Largior arserit ignis; et ut, non testis inultus,
 Horruerim voces Furiarum, et facta duarum?
 Nam³³⁾, displosa sonat quantum vesica, pepedi,
 Diffissa nate, ficus; at illae currere in urbem.
 Canidiae³⁴⁾ dentes, altum Saganae caliendrum³⁵⁾
 Excidere, atque herbas³⁶⁾, atque incantata³⁷⁾ lacertis
 Vincula, cum magno risuque jocoque videres³⁸⁾.

29) Voranus, libertus Q. Lutatii Catuli fuit, adeo furax, ut nummos subreptos a nummulario in calceos demiserit. Arripit Horatius occasionem hanc duos homines istos, aequae abominabiles atque illa, quae de ipsis modo dixit traducendi.

30) Sensus est: quid autem opus est singula minutatim narrare? quomodo alternatim loquentes umbrae et sagana, illae gravem ac tristem, altera acutum ederent sonum? quomodo etiam lupi barbam cum dentibus varioarum serpentium terrae furtim infoderint; et, imagine cerea ignem concipiente, ingens flamma exarserit? et quo pacto ego me ultus sim de furiis istis magicis, Canidia et Sagana, quae nefariis vocibus, factisque adhuc sceleratioribus mihi praesenti atque spectanti tantum incusserant horrorem?

31) Lupi barbam et dentes versicoloris colubrae furtim sub terra occultare, pertinebat etiam ad superstitionem magicam.

32) Cerea, duabus syllabis pronunciandum est.

33) Sensus est: quantum solet edere strepitum vesica seu lagena disrupta discussa vento, in ea compresso; tantum ego diducta mea nate ficulnea pepedi crepitum edidi; illae vero in urbem cursu fugere. Currere, intellige, caepeurum. Nate, derivandum a natis, is.

34) Canidiae dentes. Intellige, dentes emtos et adpositos, quibus vetulae uti solent, ut reparent amissos.

35) Saganae, in re magica occupatae, caput obvolutum fuit tegumento aliquo altiore, sive ex crinibus fictitiis, sive ex velis laneis, sive ex alia re confecto; hoc tegumentum capitis vocabatur caliendrum, quaecumque demum ejus forma et materies fuerit. Intelligitur ergo hic capillamentum, seu tegumentum capitis, alienis et adscititiis capillis constans.

36) Herbas, scilicet, magicas, vi magica praeditas.

37) Incantata, id est, vincula, quibus usae erant incantando, quaeve, mentes hominum vincendi et attrahendi causa, brachiis adnectebant.

38) Videres, id est: haec omnia, quae ad supellectilem magicam pertinent, dissipata et disjecta videre, omnino ridiculum et jocosum praebat spectaculum.

S a t y r a IX.

Argumentum et occasio.

Horatius in suis operibus saepius mentionem facit de semidoctis ejusmodi hominibus, qui, omni profunda eruditione expertes, magna jactantia ingenium suum efferre solebant. Tales omnino multi erant tunc temporis Romae, quorum plerique Horatii et Virgilio, qui ob eximias ingenii sui dotes, solidamque doctrinam a Maecenate in gratias recepti ejusque familiaritate usi sunt, exemplo vehementer incitati, quavis data occasione, eundem favorem clarissimi hujus viri ambierunt. In talem etiam forte incidit poeta noster, cujus importunam et pertinacem garrulitatem in hac satyra non sine summa sermonis faceti elegantia dramatice describit. Omnia tentat, ut ab hoc importuno se liberet: dicit se visere aliquem amicorum illi plane ignotum trans Tiberim, quo nimis longa duceret via; persuadet illi, ne vadimonium, quod constituta hora obire debebat, deserat; per Aristium etiam amicum suum obvium sperat se deliberari, quem datis signis ad id quodammodo urget; sed frustra, donec tandem adversarius importuni hujus, qui casu illis objicitur, in jus vocasset hominem.

Ibam forte via ¹⁾ sacra, sicut meus est mos,
Nescio quid meditans nugarum ²⁾, totus ³⁾ in illis:
Accurrit quidam, notus mihi nomine tantum,
Arreptaque manu: Quid ⁴⁾ agis dulcissime rerum?
Suaviter ⁵⁾, ut nunc est, inquam; et cupio ⁶⁾ omnia, quae vis.
Cum adsectaretur ⁷⁾: Numquid vis? occupo ⁸⁾; at ille:

1) Via Sacra. Ducebat haec via e foro Romano in Capitolium. Vide Epod. IV. not. 7.

2) Nugarum, intellige, versus seu carmen, quod secum meditabatur Horatius; versus enim suos poetae nugas vocant.

3) Totus, id est, animo toto et cogitatione defixus in illis nugis.

4) Quid agis, quomodo te habes, o suavissime omnium rerum in toto mundo, idem ac, carissime amice? supple: ajebat.

5) Suaviter, subaudi, ago, vivo, valeo, ut nunc est, h. e. in praesentia inquam h. e. respondeo.

6) Et cupio omnia, quae vis, id est, optoque tibi, quaecunque amas saluberrima. Hac formula salutandi usi praecipue videntur discedentes ab aliquo, eique valedicentes; sed frustra Horatius hac formula ab homine importuno se dissolvere tentabat.

7) Adsectaretur, id est, cum se mihi adjungeret, et abeuntem subsequeretur.

Noris ⁹⁾ nos, inquit, docti sumus. Hic ¹⁰⁾ ego: Pluris Hoc, inquam, mihi eris. Misere ¹¹⁾ discedere quaerens, Ire modo ocius, interdum consistere, in aurem Dicere nescio quid puero: cum sudor ad imos Manaret talos. O te, Bolane ¹²⁾, cerebri Felicem! ajebam tacitus. Cum quidlibet ille Garriret; vicos, urbem laudaret; ut ¹³⁾ illi Nil respondebam: Misere cupis, inquit, abire, Jam dudum video; sed nil agis: usque tenebo, ¹⁴⁾ Prosequar. Hinc quo nunc iter est tibi? Nil ¹⁵⁾ opus est te Circumagi: quemdam volo visere non tibi notum; Trans Tiberim longe cubat ¹⁶⁾ is prope Caesaris ¹⁷⁾ hortos. Nil ¹⁸⁾ habeo, quod agam; et non sum piger; usque sequar te. Demitto ¹⁹⁾ auriculas, ut iniquae mentis asellus, ²⁰⁾ Cum gravius dorso subiit ¹⁹⁾ onus. Incipit ille:

8) Occupo, h. e. prior interrogo: numquid vis adhuc a me aliquid? an indiges aliqua mea opera?

9) Noris, hoc est, velim, ut me cognoscas, nam etiam doctus, et literarum, ut tu, amans sum.

10) Hic ego: pro: ego vero repono: tanto majori mihi eris in pretio, tanto pluris te faciam.

11) Sensus est: anxie, vehementer discedere, ab eo me liberare cupiens, coepi nunc citius, nunc lentius incedere; insurrare in aurem servo, nescio quid, cum toto corpore sudarem adeo, ut sudor usque ad talos mihi deflueret.

12) Bolanus fuit homo, qui nullius ineptias ferebat, sed statim vel in faciem quemvis reprehendebat, vel, de eo quid sentiret, non dissimulate dicebat. Sensus est: dicebam apud me: quam felix es, o Bolane, qui, homo cerebrosus, ferventioris et calidioris es ingenii, ut hunc abire jussisses. Vide supra Sat. V. not. 19.

13) Sensus: cum ille sermonis materiam undique captans, vicos et urbem ornaret laudibus, egoque interim silerem; agnosco, inquit, dudum mihi elabi quaeris, sed nihil agis, id est, frustra, nam tenebo, a tuo latere non discedam, et te sequar quocunque.

14) Sensus est: ego autem respondebam: noli quaeso te vexare, me prosequendo, et huc illuc frustra circumcursare mecum etc.

15) Cubat, pro: habitat.

16) Caesaris horti erant citra Tiberim, in urbis regione decima quarta, ac proinde procul remoti a Via sacra. A Jul. Caesare testamento publice legati fuerant populo.

17) Nil habeo etc. sunt verba Garruli. Non sum piger, h. e. expedite ambulo.

18) Demitto auriculas: id est, omnem animum perdidit nunc. Desumta est metaphora ab animalibus, apud quae inditia animi praeferunt aures; demissae eorum aures autem indicant tristitiam vel aegritudinem et lassitudinem.

19) Subiit, hoc est: cum gravius onus dorso illius impositum est. Mentis

Si bene me novi, non Viscum²⁰⁾ pluris amicum,
 Non Varium facies: nam quis me scribere plures,
 Aut citius²¹⁾ possit versus? quis membra²²⁾ movere
 Mollius? invidet quod et Hermogenes²³⁾, ego canto. — 25
 Interpellandi²⁴⁾ locus hic erat: Est tibi mater,
 Cognati, queis te salvo est opus? Haud mihi quisquam;
 Omnes composui. Felices²⁵⁾! Nunc ego resto.
 Confice; namque instat fatum mihi triste, Sabella²⁶⁾
 Quod puero cecinit, divina mota anus urna²⁷⁾: 30
 »Hunc²⁸⁾ neque dira venena, nec hosticus auferet ensis,
 »Nec laterum dolor, aut tussis, nec tarda podagra;
 »Garrulus hunc quando consumet cunque; loquaces,

iniquae, hoc est: qui animo est demisso, fracto, moesto; contrarium est, mens aequa.

20) Viscus et Varius erant insignes poëtae, Horatii amici. Visci autem duo fratres fuerunt. Pater eorum Vibius Viscus, quamvis et divitiis et amicitia Augusti clarus esset, in equestri tamen ordine perduravit, cum filios suos senatores fecisset. Hinc, Viscorum uterque, infra Sat. 10. L. I. not. 50. Hos, inquit, amicos tuos, si bene mihi ipse perspectus sum, non pluris habebis, non magis amabis, quam me.

21) Citius, id est, brevioris temporis spatio.

22) Membra movere, id est, quis saltet agilius, quam ego?

23) Hermogenes Tigellius erat insigni voce, et musica peritissimus; hunc Horatius quavis arrepta occasione carpit. Vide supra Sat. II. not. 8. Sensus est: Adeo belle quoque canto, ut Hermogenes ipse mihi jure invidere possit.

24) Sensus est: hic erat occasio garrulum interrumpendi, ejusque sermones, quos jactanter adeo de se protulit, ad alia deflectendi. Interrogat ergo Horatius: an neminem habeat, qui ex tantis ejus virtutibus fructus capiat? matremne an cognatos, quorum multum interesse debent, salvum et incolumen florere virum tam egregium? ille respondet: neminem habeo, omnes jam composui, id est, sepeliendos curavi.

25) Felices! Sunt verba Horatii, quae secum ipso reputabat. Sensus est: o illos felices! ego nunc solus resto, supersum de illius amicis (talem enim prius Horatio se obtulit) etiam me confice, compone, perime; nam, ut video, imminet tempus illud fatale, quod vetula sabella, post agitatum urnam divinatricem, puero mihi olim praedixit in haec verba.

26) Sabella anus: id est, sortilega et divinatoria perita; Sabinos enim gentem supersticiosam fuisse constat; et apud eos, sicut apud Marsos, incantandi et vaticinandi ars exercebatur.

27) Urna mota: in urnam enim conjiciebantur sortes fatidicae, e quibus eductis futura praesagiebantur.

28) Hunc auferet, e medio tollet, occidet. Sensus est: iste nec veneno peribit, neque hostili gladio, nec laterum dolore, tussi aut lenta podagra; verum hunc garrulus necabit quocumque, id est, aliquando, quocumque tandem tempore id accidat, serius ocus; sapienter itaque garrulorum occursum vitabit, ubi aetate provecior fuerit.

»Si sapiat, vitet, simul atque adoleverit aetas."
 Ventum erat ad Vestae²⁹⁾, quarta³⁰⁾ jam parte dici 35
 Praeterita; et casu tum respondere³¹⁾ vadato *de die fandi*
 Debebat; quod ni fecisset, perdere litem.
 Si me³²⁾ amas, inquit, paulum hic ades. Inteream, si
 Aut valeo stare, aut novi civilia jura;
 Et propero, quo scis. Dubius sum, quid faciam, inquit; 40
 Te ne relinquam, an rem³³⁾. Me sodes³⁴⁾. Non faciam³⁵⁾, ille;
 Et praecedere coepit. Ego (ut³⁶⁾ contendere durum est
 Cum victore) sequor. Maecenas, quomodo tecum³⁷⁾?
 Hinc³⁸⁾ repetit; paucorum hominum, et mentis bene sanae;
 Nemo dexterius fortuna est usus. Haberes 45
 Magnum adiutorem, posset qui ferre secundas,
 Hunc hominem velles si tradere: dispeream, ni

29) Vestae, subaudi, templum, quod erat in foro Romano.

30) Quarta: designatur his verbis initium horae quartae post solis ortum, a quo Romani auspicabantur diem suum, duodecim horis constantem. Sic enim tres priores horae erant quarta diei pars.

31) Respondere vadato, id est, obire vadimonium, stare in judicio ad respondendum cuidam, qui ipsum vadatus erat, id est, legitime citaverat. Vide sat I. not. 13.

32) Me, haec vocula non eliditur, et fit brevis ob sequentem vocalem. Sensus est: si me, inquit, necum in jus veni, adis mecum coram judicio, ut meam tua saltem adjuves praesentia causam. Ego vero, respondet Horatius, dispeream, si arrectus in pedes durare, id est, stare valeo etc. Stare enim debebant coram iudice causam suam perorantes. Inteream seu peream, est formula pervulgaris adfirmandi aliquid apud Latinos.

33) An rem, id est, causam litem.

34) Me sodes, scilicet, relinque, ait Horatius. Sodes est vox rogantis quidpiam et blandientis, facta ex si, et audis, idem ac, quaeso.

35) Ille, scilicet, respondet.

36) Ut, id est, durum enim et inutile est, cum victore certare seu contendere.

37) Tecum, subaudi, agit, versatur.

38) Hinc repetit, id est, ab hoc exordio sermonem intermissum repetit ac resumit nempe garrulus: paucorum hominum est, id est, versatur sane Maecenas cum paucis, et quidem cum ejusmodi tantum hominibus, qui bene sanae mentis, h. e. qui bene animo excolti sunt; nemo callidius bona fortuna sua usus est, quam tu Horati, qui Maecenatem ita tibi devincere potuisti. Si hunc hominem, id est, me (seipsum enim indicat) velles tradere, h. e. Maecenati offerre, commendare, ut essem inter ejus familiares domesticos; certe haberes me magnum adiutorem, id est: adjuvarem te egregie, et secundas in Maecenatis amicitia partes ferre possem. Ne vivam, ni brevi omnes alios a Maecenate per me summovisses, id est, ni ex eo quem alii obtinent in ejus gratia, loco omnes facile deturbasses, me juvante.

Summosse omnes. Non ³⁹⁾ isto vivimus illic,
 Quo tu rere, modo. Domus hac nec purior ulla est,
 Nec magis his aliena malis: nil mi officit unquam, ⁵⁰
 Ditiior hic aut est quia doctior; est locus uni-
 Cuique suus. Magnum ⁴⁰⁾ narras, vix credibile. Atqui ⁴¹⁾
 Sic habet. Accendis ⁴²⁾, quare cupiam magis illi
 Proximus esse. Velis ⁴³⁾ tantummodo, quae tua virtus,
 Expugnabis. Et est, qui vinci possit; eoque ⁵⁵
 Difficile aditus primos habet. Haud ⁴⁴⁾ mihi deero:
 Muneribus servos corrumpam; non, hodie si
 Exclusus fuero, desistam: tempora ⁴⁵⁾ quaeram;
 Occurram in triviis, deducam. Nil ⁴⁶⁾ sine magno
 Vita labore dedit mortalibus. Haec ⁴⁷⁾ dum agit, ecce, ⁶⁰
 Fuscus ⁴⁸⁾ Aristius occurrit, mihi carus, et illum
 Qui pulchre ⁴⁹⁾ nosset. Consistimus: Unde venis? et
 Quo tendis? rogat ⁵⁰⁾, et respondet. Vellere coepi

39) Non isto. Nunc respondet Horatius: Haec se gerendi ratio, qua alter alterum pellere et submovere studet, apud nos, qui cum Maecenate versamur, haud locum habet, uti tu reris, opinaris; malorum istiusmodi, invidiae nimirum et ambitionis, nulla domus magis est expers, quam haec: mihi nequaquam officit aut nocet, quod alter aliquis me opulentior sit aut eruditior; suus cuique locus servatur.

40) Magnum aliquid dicis et vix credibile; sunt haec verba Garruli.

41) Atqui sic se res habet, ita est tamen, respondet Horatius.

42) Accendis. Verba Garruli: Facis, accendis animum meum, ut eo magis cupiam familiaris esse viro huic tanto.

43) Horatius respondet: Sufficit velle, eris voti compos, modo tantum velis; qua tu virtute es, facile obtinebis, id est, tu homo egregius dotibus, praestans facile expugnabis et impetrabis a Maecenate, ut te in suorum numero esse velit. Et est sane vir hic pro mitioris animi indole non inexpugnabilis, seu talis, qui facile vinci possit; eoque, id est, atque ob id ipsum, quia se facile vinci posse Maecenas intelligit, primi aditus tantum apud eum sunt difficiles; ubi autem quis aditum ad eum reperit, cetera prona illi sunt et facilia.

44) Verba Garruli: Haud mihi deero, nihil negligam etc.

45) Tempora, opportuna nempe, et idoneas occasiones quaeram, obviam illi per vicos ibo, et deducam, id est, comitabor ipsum.

46) Adducit in rem suam Garrulus sententiam gravem, cujus sensus est: nihil in vita magnum haberi ab hominibus potest, sine magno labore.

47) Haec dum agit, id est, dum ita loquitur.

48) Fuscus Aristius, Grammaticus, poeta et orator, Horatio familiarissimus.

49) Pulchre nosset, id est, qui hunc garrulum egregie novit.

50) Rogat et respondet, id est, interrogat, et mihi eadem interroganti respondet Aristius, ut in salutando fit.

Et prensare manu lentissima ⁵¹⁾ brachia; nufans,
 Distorquens oculos, ut rae eriperet ⁵²⁾. Male ⁵³⁾ salsus ⁶⁵
 Ridens dissimulare; meum jecur urere bilis.
 Certe ⁵⁴⁾, nescio quid, secreto velle loqui te
 Ajebas mecum. Memini ⁵⁵⁾ bene; sed meliori
 Tempore dicam: hodie tricesima ⁵⁶⁾ sabbata: vin' tu
 Curtis Judaeis oppedere? Nulla ⁵⁷⁾ mihi, inquam, ⁴⁶
 Religio est. At ⁵⁸⁾ mî: sum paulo infirmior; unus
 Multorum. Ignosces; alias loquar. Hunccine ⁵⁹⁾ solem
 Tam nigrum surrexe mihi! Fugit improbus ⁶⁰⁾, ac me
 Sub cultro ⁶¹⁾ linquit. Casu venit obvius illi ⁶²⁾

51) Lentissima brachia, quae tractari se, pungi, velli paterentur, quasi sensu carentia. Intellige hoc de Aristio, qui, licet vellicaretur, se id non sentire simulabat.

52) Eriperet, id est, liberaret.

53) Male salsus, id est, Aristius inopportuno tempore ludens ridere coepit ac dissimulare, h. e. ita se gerere, quasi non caperet, quid vellem; dum meum jecur interim fervente intus bile seu ira arderet.

54) Verba Horatii ad Aristium: At enim dicebas, aliquid te habere, quod mecum sine arbitris, secreto tractare velis.

55) Memini, respondet Aristius, recordor sane, verum opportuniore tempore de his loquar tecum; hodie enim celebrantur tricesima sabbata: tunc meum jecur interim fervente intus bile seu ira arderet.

56) Tricesima sabbata est festum, quod Judaeis Neomenia vocabatur, et erat primus dies mensis, qui post dies fere triginta nempe singulis Calendis occurrit. Vocat illum diem sabbatum, quia festi dies Judaeorum vulgo sabbata dicebantur, et noto apud Romanos nomine usus Horatius est. Tricesimum illud sabbatum quidam volunt esse ipsum pascha, quod hoc incidit in medium aprillem; a mense autem septembri, unde suum annum Judaei ducebant, usque ad aprillem medium numerantur ipsae triginta hebdomadae. Sed quaecunque tandem hac tricesima Judaeorum sabbata fuerint, certe, diem festum per ea designari, quo nihil rei Judaeis gerere liceret, ex hoc ipso loco adparet.

57) Horatius respondet: Nullum haec res mihi scrupulum injicit; vel, mihi quidem ejusmodi res religiosa haud curae est.

58) At est mihi religio, inquit Aristius; sum enim paulo infirmioris animi, sum religiosior, superstitiosior; adeoque unus de multis, id est, de plebe, quae semper est superstitiosa et religiosa. Ignosce nunc, alio die loquar tecum de hoc negotio.

59) Hunccine. Horatius secum loquitur: Siccine diem mihi tam nigrum, tam infaustam illuxisse! surrexe, pro, surrexisse.

60) Improbus, id est, maligne salsus, jocosus Aristius.

61) Sub cultro, tamquam mactandam hostiam. Linquit, id est, deserit. Inepti enim homines importuna garrulitate sua enecare vel occidere alii quem dicuntur.

62) Illi garrulo.

Adversarius⁶³), et: Quo⁶⁴) tu turpissime? magna
 Exclamat voce, et: Licet⁶⁵) antestari? Ego⁶⁶) vero
 Oppono auriculam. Rapi in jus, clamor utrinque;
 Undique concursus. Sic me servavit Apollo⁶⁷).

S a t y r a X.

Argumentum et occasio.

Horatius satyra hujus Libri 4^a Lucilium redarguerat, cu-
 jus fautores Hermogenes et Demetrius cum aliis sui gene-
 ris poëtam nostrum inique ac invidiose de Lucilii satyris
 judicasse criminabantur. Contra hos se defendit in hac sa-
 tyra, ingenue simul laudans, quae jure merito in Lucilii sa-
 tyris laudanda sint. Ceterum vitia bonis scriptoribus vitanda
 tamquam in speculo repraesentantur in hunc fere modum:
 Dixi omnino, Lucilii versus, quibus urbis vitia mordaciter
 insectatus est, non esse satis comtos beneque fluentes; et
 merito, nam ad poëma non sufficit, tantum risum lectorum
 et auditorum movere, brevitate quoque, et varietate styli,
 pro diversitate materiae, excellere debet. In eo quoque, quod
 Graeca sermoni Latino immiscuerit, non minus reprehensione
 dignus mihi videtur, quia nos Romanos exemplo clarissimo-
 rum virorum, patrio sermone scribere decet. Licet igitur ego,
 scribentibus aliis alia, viles satyras scribens inventori hujus
 generis scribendis Lucilio libenter cedam, hoc tamen non
 impedit, quominus versus illius male fluentes reprehendam;
 quemadmodum et ipse optimorum poëtarum menda diju-
 dicat. Iterum iterumque dehinc dico: demus sane laudem

63) Adversarius is, qui litem illi intendebat, qui garrulum vadatus erat.

64) Quo tu, subaudi, pergis, tendis, improbissime!

65) Licet antestari. Sensus est: licetne te testem facere? his verbis pe-
 titor convertit se ad Horatium. Nam haec erat consuetudo: si quis vadato
 non paruisset, adversarius aliquem de praesentibus antestabatur, h. e. tan-
 gebat ejus aurem et dicebat: Licetne antestari? si respondisset ille: Licet,
 tunc injiciebat vadatus manum in eum, qui non paruisset, et ducebat in ju-
 dicialium; aliter si injecisset manum, injuriarum poterat adcurari.

66) Ego vero statim aurem praebeo, id est, ego vero libens testis ero;
 tange auriculam, et me testem habeto.

67) Apollo. Is a periclitantibus invocari solebat, ut malorum depulsor;
 adde, quod Deus est poëtarum praeses. Juxta alios ideo se ab Apolline ser-
 vatum dicit poëta, quod res, de qua agitur contigit in foro Augusti, in quo
 erat eburnea Apollinis statua.

suam Lucilio, multa tamen e versibus ejus delenda et emendan-
 da sunt. Qui proinde scribere vult, quod placeat, et denuo lega-
 tur, menda corrigat paucisque lectoribus sit contentus opor-
 tet; et, sicut ego, imperitorum judicium vituperans, laudem
 tantum cultiorum quaerat. Vos itaque Demetri et Tigelli, vale-
 te! Scriptam esse hanc satyram ante a. u. 724 patet ex eo, quia
 hoc anno demum Virgilius de epico poëmate suo, Aeneide,
 cogitare coepit. Et Horatius certe, rescians, Virgilium suum
 moliri epopoeiam, nunquam ei Varium praetulisset. Vide
 infra not. 34.

Nempe¹⁾ incomposito dixi pede currere versus
 Lucili. Quis tam Lucili fautor inepte²⁾ est,
 Ut non hoc fateatur? At³⁾ idem, quod sale multo
 Urbem defricuit, charta laudatur eadem.
 Nec⁴⁾ tamen hoc tribuens, dederim quoque cetera; nam sic
 Et Laberî⁵⁾ mimos, ut pulchra poëmata, mirer.
 Ergo non satis est, risu diducere rictum⁶⁾
 Auditoris; et est quaedam tamen hic quoque virtus.
 Est brevitate opus, ut⁷⁾ currat sententia; neu se

1) Nempe. Sensus est: Omnino dixi, inquit Horatius, parum accuratum
 esse Lucilium in componendis versibus; ejus carmina non satis bene com-
 positis versibus ire. Dicit enim de hoc Satyrico Romanorum sat. 4^{ta}: durus
 componere versus. Vide supra Sat. IV. not. 6.

2) At idem. Sensus: laudatur Lucilius eadem charta, id est, satyra mea
 4^{ta}, quod urbis vitia insectatus sit mordacissimis jociis. Salis enim acrimonia
 notat styli mordacitatem. Porro vulnera putrida et vestes sordidae defricari
 et lavari, ut purgentur, solent.

3) Sensus: quamvis autem hanc laudem illi tribuo, nimirum quod sa-
 tyricus, quod salsus sit; non tamen ceteras illi dotos concesserim, quas
 inesse optimis poëtis oporteat.

4) Decimus Laberius scriptor versuum scenicorum dicacissimus et fa-
 cetus, sed parum accuratus in scribendo; per mimos enim intelliguntur
 poëmata scenica e comodiariarum genere, facta ad sciendum populo risum;
 in iis multa petulantioris joci plena occurrerant. Sensus est: si enim Luci-
 lium eam ob causam, quod sit adprime dicax, numeris omnibus obsolutum
 poëtam putarem; idem mihi esset existimandum de Laberio; hujus etiam
 poëmata ut pulchra et perfecta admirari deberem.

5) Rictum, id est, risum movere auditoribus; quamquam etiam ad hanc
 rem, scilicet ad movendum risum, virtus, facultas quaedam laude digna
 requiritur.

6) Ut curret, id est, ut sententia paucis verbis absolvatur, et non su-
 perfluis, abundantibus, onerantibus vocabulis ejusdem cursus impediatur, re-
 tardetur, auresque auditorum fatigentur.

Impediat verbis lassas onerantibus aures; ¹⁰
 Et sermone opus est modo tristi⁷⁾, saepe jocosus,
 Defendente vicem modo rhetoris, atque poëtae;
 Interdum urbani, parcentis viribus, atque
 Extenuantis eas consulto. Ridiculum⁸⁾ acri
 Fortius et melius magnas plerumque secat res. ¹⁵ — *Suffraganeus*
 Illi⁹⁾, scripta quibus comoedia prisca viris est,
 Hęc stabant, hęc sunt imitandi, quos neque pulcher
 Hermogenes¹⁰⁾ unquam legit, neque simius¹¹⁾ iste,
 Nil praeter Calvum¹²⁾ et doctus cantare Catullum.
 At¹³⁾ magnum fecit, quod verbis Graeca Latinis ²⁰
 Miscuit. O¹⁴⁾ seri studiorum! quine putetis

7) Tristi, id est, severo, serio. Jocosus, id est, jocis jucundo, comico. Defendente vicem rhetoris, id est: talis esse debet, ut nunc vices rhetoris agere videatur, nimirum ornate, splendide, vehementer dicendo; nunc obire vices poëtae, hoc est, jocando, delicias quasdam verborum et amoenitates quibus poëtae gaudent, adhibendo; interdum iterum urbani et comis alicujus viri, qui de industria viribus parcat, eloquentiam cohíbens, id est, ea, quae gravius et acerbius dici possint temperat et consulto extenuat; per vires enim intellige dicendi vim et gravitatem. Ceterum haec omnia de oratione satyrica, de hac enim loquitur, sumenda sunt.

8) Sensus est: saepe joco et ridiculis salibus citius et validius atque melius res maximae secantur et conficiuntur, quam acri sermone, id est, vi et pondere rationum.

9) Illi, quibus — viris. Pro vulgari: illi viri, quibus scripta est comoedia prisca, id est: poëtae, auctores veteris comoediae (de quibus mentionem fecerat Horatius initio satyrae quartae) hoc stabant h. e. propter eas, quas dixi, virtutes magni erant et placebant, atque in his solum imitatione nostra digni sunt; sed eos nunquam legit Hermogenes, neque etiam simius iste, qui nihil praeter Calvi et Catulli amatorios versus doctus est, canere scit. De comoedia prisca vide Sat. IV. not. 4.

10) Hermogenes Tigellius, Lucilii contra Horatium fautor, pulcher videri voluit, vel pulchri speciem ridicule adfectabat. Reliqua vide supra Sat. II. not. 8.

11) Simius. Demetrius poëta, fabularum scriptor, qui, quod esset insigniter deformis; vel potius quod poëtas elegiacos praestantibus, Licinium Calvum et Catullum, imitari vitiose soleret, simius hic adpellatur.

12) Calvus et Catullus, poëtae tunc celebres. Hujus exstant carmina, bene Latina quidem, sed parum saepe casta.

13) Sensus: at enim, inquit adversarii, Lucilius tamen aliquid magno poëta dignum fecit, quod vocabula Graeca eleganter inseruerit versibus suis Latinis.

14) Respondet Horatius: O vos tardi ad res praeclaras condiscendas! vel: o vos leviter adhuc doctrinae studiis, ad quae sero accessistis, imbuti! quippe qui difficile factu et admirabile existimetis, quod fecit Rhodius Pi-

Difficile et mirum, Rhodio quod Pitholeonti
 Contigit? At sermo¹⁵⁾ lingua concinnus utraque
 Suavior, ut Chio nota si commixta Falerni est.
 Cum¹⁶⁾ versus facias, te ipsum percontor, an (et cum ²⁵
 Dura tibi peragenda rei sit causa Petilli¹⁷⁾;
 Scilicet oblitus patriaeque patrisque Latini;
 Cum Pedius¹⁸⁾ causas exsudet Poplicola, atque
 Corvinus; patriis intermiscere petita *haec*
 Verba¹⁹⁾ foris malis, Canusini²⁰⁾ more bilinguis? ³⁰ —
 Atqui²¹⁾, ego cum Graecos facerem, natus mare citra,
 Versiculos, vetuit tali me voce Quirinus,
 Post mediam noctem visus, cum somnia vera: *haec*
 In²²⁾ silvam non ligna feras insanius, ac si
 Magnas Graecorum malis implere catervas, ³⁵
 Turgidus²³⁾ Alpinus²⁴⁾ jugulat dum Memnona²⁶⁾, dumque

tholeon. Particula, ne, idem hic sonat, ac nempe, utique. Dicitur Pitholeon epigrammata ridicula scripsisse et inepta, in quibus Graeca verba mixta erant cum Latinis.

15) At sermo. Est alia objectio: at enim suavior est oratio, in qua concinne voces utriusque linguae, Graecae et Latinae, misceantur; sicut suavior est vinum Chium, advectum e Chio, insula Graeca, si misceatur illi Falernum, vinum natum in Campania Italica. Nota Falerni: nota scilicet amphorae vel cado addita docebat ubi, et quo anno vinum natum esset. Vide Odar. Lib. II. od. 3. not. 6.

16) Sensus est: quando quidem tu versus scribis, te ipsum interrogo, tunc, si defendendam haberes causam difficilem Petillii, quasi nimirum oblitus esses, non recordereris, tibi Latium patriam, et patre te natum esse Latino, interim, dum Pedius Poplicola et Messala Corvinus sudant, ut orationes quam castigatissimas in forum adferant, tunc, inquam, peregrinas voces quaeres Latinis permiscere, lingua duplici utens, ut solent nostri Canusini?

17) Petillius, furti false adensatus et ab iudicibus in gratiam Augusti absolutus est. Vide supra Sat. IV. not. 63.

18) Pedius Poplicola et Messala Corvinus fuerunt ambo oratores clarissimi.

19) Petita verba foris, id est, aliunde ex alia gente et lingua desumpta.

20) Canusium oppidum erat Italiae, a Graecis conditum in Apulia, unde in eo Graeca lingua et Latina promiscue cives utebantur; hinc illos bilingues vocat Horatius.

21) Sententia haec est: ego certe, cum homo cis mare, id est, in Italia, quam a Graecia separat mare, natus versus Graecos coepissem scribere, prohibitus sum his verbis a Romulo, post noctis medium mihi se ostendente, quando somniamus vera. Somnia enim putabant ea veriora, quae sub auro-ram obvenirent. Quirinus, cognomen Romuli.

22) Sensus: non magis faceres insipienter, si ligna in silvam inferres, quam si poëtarum Graecorum numerum augere velis, Graecos versiculos scribendo. Verba haec sunt Romuli.

23) Sensus: dum Alpinus inaniter tumens poëta tragoedias, forte Graecas,

Defingit²⁴⁾ Rheni luteum caput; haec ego ludo,
 Quae nec in aede²⁷⁾ sonent certantia, iudice Tarpa;
 Nec redeant²⁸⁾ iterum atque iterum spectanda theatri.
 Arguta²⁹⁾ meretrice potes, Davoque³⁰⁾ Chremeta⁴⁰⁾
 Eludent senem, comis garrere libellos,
 Unus vivorum, Fundani³¹⁾; Pollio³²⁾ regum
 Facta canit, pede³³⁾ ter percusso; forte epos³⁴⁾ acer,

in fuffo de Sonthausen

totas, operose scribit, et Memnonem ab Achille jugulatum narrat; dumque de Rheno flumine nobilissimo agens caput illi ex luto defingit, id est, deformat; ego haec iocor, id est, tenuia ista carmina ludo vel scribo, non digna, quae recitentur magna voce, ac sonent in aede Apollinis, et certent cum aliorum poetarum carminibus, iudice Tarpa; aut iterum ac saepius poscantur in theatri repraesentanda.

24) Quis fuerit Alpinus ignoratur; quidam dicunt, illum esse Furium, propterea dictum Alpinum, quia e Gallia oriundus erat. Quidquid autem sit, certum est tamen, illum tamquam inflato stylo inaniter tumentem poetam reprehendi ab Horatio.

25) Defingit, deformat, non quia luteum caput habet Rhenus, sed quod luteum fecit ipse, male describendo et fingendo.

26) Memnon filius Aurorae, qui Trojanis ex Oriente ferens auxilia et fortiter pugnans ab Achille occisus est.

27) In aede: poetae clari sua carmina coram certis iudicibus recitabant, cum aliorum carminibus comparanda; hoc fieri solebat in templo Apollinis seu Musarum, quo poetae conveniebant. Fuit Tarpa inter illos iudices insignis, et carmina, nisi a Tarpa aut alio critico probarentur, in scenam non deferebantur.

28) Nec redeant: tragoediae quae placebant saepius in scenam dabantur, ac proinde rediverunt in scenam quodammodo.

29) Sensus et ordo: tu solus, o Fundani, inter eos qui hodie vivunt, potes garrere comis libellos, id est, habes facultatem scribendi comoedias stylo tam fluente ac facili, quam si garreres ac fabulareris; in quibus libellis seu comoediis meretrix arguta, callida, astuta, et Davus servus senem Chremetem iucunde fallant. Pollio regum ac principum virorum facinora canit et celebrat jambis trimetris, ad quorum mensuras terra ter pede feriat. Epos forte, seu Epopaeiam, quod fortes et generosos spiritus desiderat, nemo tam perfecte ducit seu scribit, ac Varius, ingenio acri magnoque praeditus; et tenerum, tersum atque facetum seu suave genus versuum iuris amantes Musae Virgilio annuerunt, concesserunt, attribuerunt.

30) Davus nomen est solitum servis tribui in comoedia Romanorum. Chremes autem nomen est alicujus senis in comoedia Terentii.

31) Fundanius, poeta comicus, Augusto carus, et Horatii amicus fuit.

32) Asinius Pollio fuit nobilissimus scriptor tragoediarum. Vide L. II. od. 1.

33) Pede: in recitandis versibus senariis seu trimetris solebant ad binos quosque pedes, qui metrum unum efficiunt, pede terram percutere.

34) Varius, poeta epicus et tragicus, Horatii et Virgilii amicus. Vide

Ut nemo, Varius³⁵⁾ ducit; molle atque facetum
 Virgilio annuerunt gaudentes rure Camoenae³⁶⁾.⁴⁵
 Hoc³⁷⁾ erat, experto frustra Varrone³⁸⁾ Atacino
 Atque quibusdam aliis, melius quod scribere possem,
 Inventore minor: neque ego illi detrahere ausim
 Haerentem capiti multam cum laude coronam.
 At³⁹⁾ dixi, fluere hunc lutulentum, saepe ferentem⁵⁰.
 Plura quidem tollenda relinquendis. Age quaeso,
 Tu nihil in magno doctus reprêndis⁴⁰⁾ Homero?
 Nil comis Tragici mutat Lucilius Acci⁴¹⁾?
 Non ridet versus Ennî gravitate minores,
 Cum de se loquitur, non ut majore reprênsis?⁵⁵
 Quid⁴²⁾ vetat et nosmet Lucilii scripta legentes,

L. I. od. 5. Ex hoc loco conficitur, banc satyram scriptam esse, antequam Virgilius Aeneidem suam edidisset. Vide supra argum.

35) Epos, Graeca vox est, significans verbum seu narrationem: sumitur pro eo genere carminis, in quo rex narrantur, et eatenus opponitur dramatico, in quo res personis adhibitis repraesentantur. Epicum poema complectitur bucolicum sive pastoritium, quas eclogas vocant, georgicum etc. denique illud omne, quod sola narratione continetur; quo in genere primas obtinet sedes carmen heroicum, sive epopoeia, in quo describitur actio praecleara quaedam herois alicujus v. g. Aeneae adventus in Italiam et victoria de Turno.

36) Camoenae, cognomen Musarum. Myth. Intellige hic bucolica Virgilii, quae jam edita fuere, et fortasse etiam Georgica.

37) Sensus est: satyricum carmen itaque unum supererat, in quo ego melius, quam Varro Atacinus et quidam alii, qui frustra in eo setentantur, experti sunt, versari et scribere possem; Lucilio tamen, qui ejus carminis auctor fuit, minorem et inferiorem multo me esse fateor; neque tam audax sum, ut velim fronti ejus jure impositam coronam ab eo tollere.

38) P. Terentius Varro, Narbonnensis, a fluvio Atace Atacinus adpellatus, fuit quidem poeta bonus, sed in scribendi genere satyrico infelix.

39) Sensus est: ast adcusavi, istum limosos, impolitos et incommos fundere, proferre versus, in quibus plura essent, quae tolli, quam quae relinquere deberent.

40) Tu nihil reprêndis, pro, reprehendis, id est: nihilne tibi, qui tam docte de poetarum pretio judicare didicisti, in Homero displicet? nihilne ipsemet Lucilius comis, urbanus, facetus (cum irrisione ita adpellatur) sublatum aut mutatum vult in Acci tragoediis? an non reprehendit Ennii versus, tamquam ab ejus gravitate alienos, cum de se ipso sic loquitur et agit, ut non tamen iis se praeponat, quos arguit et reprehendit? Per quae cum irrisione vult intelligi Horatius, et sese Lucilii versus ita reprehendisse, ut non tamen ei se anteponat. Vide supra not. 37.

41) Accius fuit poeta, qui plures tragoedias scripserat. Ennius etiam poeta Latinus antiquus erat, de quo vide L. IV. od. 7. not. 20. Homerus princeps poetarum Graecorum.

42) Sensus: quodsi igitur optimi quique scriptores reprehenduntur, cur

Quaerere, num illius, num rerum dura negarit
 Versiculos natura magis factos et euntes
 Mollius? At ⁴³⁾ si quis pedibus quid claudere senis,
 Hoc tantum contentus, amet scripsisse ducentos
 Ante cibum versus, totidem coenatus; (Etrusci
 Quale fuit Cassi ⁴⁴⁾ rapido ferventius anni
 Ingenium, capsis quem fama est esse librisque
 Ambustum propriis. Fuerit Lucilius, inquam,
 Comis et urbanus; fuerit limatior idem,
 Quam rudis et Graecis intacti carminis auctor,
 Quamque poetarum seniorum turba; sed ille,
 Si foret hoc nostrum fato delatus in aevum,
 Detereret sibi multa; recideret omne, quod ultra
 Perfectum traheretur; et in versu faciendo
 Saepe caput scaberet, vivos et roderet unguis.
 Saepe ⁴⁵⁾ stylum veritas, iterum quae digna legi sint,

non mihi quoque liceat quaerere, num Lucilio ingenium, vel difficultis materies, quam tractavit, denegarit versiculos magis factos, id est, elegantiores et fluentes mollius?

43) Sensus est: sed si quis hoc tantum amat, rem sex pedibus comprehendere, et si contentus sit, gratuletur sibi, quod ante coenam ducentos versus, totidemque post coenam, quales illi cunque sint, scribat et fundat; quemadmodum et Cassius Etruscus, ingenio adeo vehementi, ut non sit vehementior rapidus fluvius et torrens, praeditus, poeta fecerat, quem narrant, cum suis seriniis chartisque conflagrasset: ego sane illi homini concedam, comem et urbanum et facetum fuisse Lucilium; limatiorem fuisse, quam Ennius fuerit, qui auctor exstitit carminis, adhuc rudis suo tempore et incultus, quale non scripserunt Graeci poetae, et fuisse etiam politiore omnibus poetis senioribus et superioris aevi; sed tamen, si ille hac aetate nostra natus esset, si illum in hanc aetatem nostram rejecissent fata, eximeret, detereret sibi ipse quam plurima, amputeretque omnia supervacanea, quae nimirum trahuntur et accedunt ad ea, quae jam perfecta sunt, tanquam inania ornamenta; et versum faciens saepe scaberet, id est, fricaret, salperet caput, et unguis ad vivum usque morderet. Breviter res eo fere redit: non est satis multos versus fundere, ut fecit Lucilius, qui si nunc viveret, plerosque ex illis deleturus esset, ac diligentius scriberet.

44) Cassius Etruscus, quis fuerit, ignoratur, id solum constat, ex hoc loco, eum fuisse poetam nullius valoris, cujus versus digni fuerant, ut mortuo illo comburerentur. Non est ergo ille Cassius Parmensis, quem Horatius L. I. Epist. 4. vers. 3. plurimum ob poësim laudat, ut quidam volunt, hic intelligendus.

45) Sensus est: saepe delere, ac mutare debes, quod scripseris, si velis ea scribere, quae digna sint iterum legi, ac saepius; nec cures, ut testapeat vulgus, exiguo potius lectorum numero contentus esto. Stylus erat apud veteres instrumentum scribendi, ex una parte acutum, qua scribebant in tabulis cera obductis; et ex altera planum, qua scripta debebant aequata

Scripturus; neque, te ut miretur turba, labores:
 Contentus paucis lectoribus. An ⁴⁶⁾ tua demens
 Vilibus in ludis dictari carmina malis?
 Non ⁴⁷⁾ ego: nam satis est, equitem mihi plaudere, ut audax,
 Contentis aliis, explosa Arbuscula dixit.
 Men' moveat ⁴⁸⁾ cimex Pantilius ⁴⁹⁾? aut crucier, quod
 Vellicet absentem Demetrius? aut quod ineptus
 Fannius Hermogenis laedat, conviva Tigelli? ⁵⁰⁾ et Varius, Maecenas Virgiliusque,
 Valgius, et probet haec Octavius optimus, atque
 Fuscus; et haec utinam Viscorum laudet uterque!

cera et complanata. Hoc vocabatur stylum vertere, seu invertere, utendo plana ejus parte ad delendum, quod acumine scriptum erat.

46) Sensus: tunc tam parum sapias, ut praeoptes tua poemata in puerorum miseris et vilibus ludis seu scholis dictari, atque ab his edisci? ob defectum exemplarium magister in scholis poemata praelegere debebat discipulis suis.

47) Sensus: ego certe hoc nolim, sed satis est, si plausorem habero Equitem, id est, homines lectos et nobiles; quemadmodum Arbuscula, mulier in comoediis personam agere solita, cum exploderetur a populo, audax spernendo hunc dixit, sibi satis esse, si Equitibus probaretur. Per Equitem fortasse adsentatur Horatius Maecenati suo, qui in equestri loco et ordine constiterat.

48) Men' moveat. Jam Horatius nominatim quatuor adversarios, Pantilius, Demetrius, Fannius et Tigellius, ut homines ineptos et dignos, quos contemnat, producit. Sententia haec est: mene moveat, egone cures, quid de me cimex Pantilius judicet? aut me discruciem, quod Demetrius me absentem vellicet, id est, mihi detrahat? aut quod ineptus et insulsus Fannius Hermogenis Tigellii conviva et compotor me laedat et conviciis adficiat?

49) Pantilius poeta a cimice, insecto illo male olente, et dormientes praecipue vexante atque mordente, ut homo, quem quivis aversetur, dignus designatur. Demetrius et Fannius etiam fuere poetae ignobiles. De Hermogene vide supr. L. I. sat. 2. not. 8.

50) Sensus: o utinam probent et laudent haec mea carmina viri nobilitate poësoe et doctrinae gloria conspicui! Eosque nominatim adducit: de Plotio poeta vide L. I. sat. 5. not. 32.; de Vario L. I. od. 5.; de Valgio L. II. od. 6.; de Fusco Aristio L. I. od. 19.; de Viscis L. I. sat. 9. not. 20. Octavius, poeta insignis et historicus; omnes autem fuere amici Horatii.

51) Ambitione: continuat adhuc virorum talium seriem. Sensus est: omni ambitione seposita, relegata; citra fastum et adulationem et Pollutionem etc. et complures alios, virosque doctissimos, quos consulto praetereo, dicere seu numerare possum inter amicos meos. Asinius Pollio, poeta et historicus. Vide L. II. od. 1. et supra not. 32. De Messala Corvino vide supra not. 18. Tuo cum fratre, hinc patet Messalam Corvinum habuisse quoque fratrem, artis poeticae gnarum et amicum Horatii. Bibulus e gente Calpurnia, et Servius e gente Sulpicia, qui non nobilitate generis tantum, sed etiam doctrinae laude

Ambitione ⁵¹⁾ relegata, te dicere possum,
 Pollio, te, Messāla, tuo cum fratre: simulque ⁸⁵
 Vos, Bibuli et Servi: simul his te, candide Furni:
 Complures alios, doctos ego quos et amicos
 Prudens praetereo: quibus ⁵²⁾ haec, sunt qualiacunque,
 Arridere velim, doliturus, si placeant spe
 Deterius nostra. Demetri ⁵³⁾, teque, Tigelli, ⁹⁰
 Discipulorum inter jubeo plorare cathedras.
 I, puer ⁵⁴⁾, atque meo citus haec subscribe libello.

insignes fuisse videntur. Simul his, id est, una cum his. Furnius historiarum fide et elegantia claruit.

52) Quibus haec, id est, his omnibus haec mea carmina, qualiacunque demum sint, ut arrideant, placeant, vehementer cupio, aegre omnino laturus, si minus, quam speravi, placuerint.

53) Postquam Horatius contra eos, qui Lucilium defenderent, rem suam perorasset, finem carmini impositurus, Demetrium et Tigellium missos facit, eosque, non ut alias a nobis discedentes, valere, sed salsissime inter cathedras discipularum plorare jubet; plorare enim dicitur de quaerelis, quas quis de misera sua sorte fundit. Videntur autem Tigellius et Demetrius scholas habuisse, quibus intererant tantum puellae, sedentes in cathedris, id est, feminarum sedilibus commodioribus et mollioribus. Sensus est: ite nunc, Demetri et Tigelli et narrate sortem vestram miseram puellis in schola.

54) Jubet puerum amanuensem suum, qui scripta et dictata exciperet, dictatae satyrae statim adjicere verba, quibus valedixit Tigellio atque Demetrio.

Quibus discipulis, id est, quibus puellis intererat tantum puellae, sedentes in cathedris, id est, feminarum sedilibus commodioribus et mollioribus.

Q. Horatii Flacci

Satyrarum

sive Sermonum.

Liber II.

Satyræ I.

Argumentum et occasio.

Post collectum primum satyrarum librum, lascivius ab adversariis petitus Horatius, II^{um} Librum in lucem emissurus, hanc satyram praefixerat, qua iterum hoc carminum genus contra adversarios suos defendere conatur. Est ea, ut e carmine ipso patet (vide not. 12.) ante a. u. 727 scripta, ita quidem, ut Trebatium, virum venerabilem et juris consultum, de satyris imposterum scribendis, suaviter secum disputantem inducat. Res redit eo: melius quidem esset, incipit poeta, ut tu, Trebati, consulis, aut versus satyricos, qui multis displicent, non scribere; aut facta tantum Caesaris laudare. Hac occasione Caesari artificiose blanditur, cum modeste ingenii sui debilitatem incusans dicat, vires sibi ad tantas res scribendas deficere. Prosequitur porro: quilibet sua sectatur studia; igitur ego quoque, exemplum Lucilii, qui me nobilior longe fuerat et ditior, imitans, satyras scribam, sed nonnisi lacessitus ad me defendendum; quivis enim armis suis utitur. Ut autem etiam contra omnem potentium amicorum reprehensionem se tueatur, exempla Laelii et Scipionis adducit, qui Lucilii versibus tam parum exacerbatum sunt, ut eum adhuc familiariter colere viderentur. In fine tandem, ut omnem adversariorum impetum removeat, qui probabiliter ex lege, in satyricos lata, illum adcurare volebant, Caesaris ipsius iudicium de versibus suis commemorat.

21 Sunt, quibus in satyra videor nimis acer ¹⁾, et ultra

1) Acer, asper, severus, vehemens.

Legem tendere ²⁾ opus; sine nervis ³⁾ altera, quidquid
 Composui, pars esse putat; similesque meorum
 Mille die versus deduci ⁴⁾ posse. Trebati ⁵⁾,
 Quid faciam, praescribe ⁶⁾. Quiescas ⁷⁾. Ne faciam, inquis,
 Omnino versus. Ajo ⁸⁾ Peream ⁹⁾ male, si non
 Optimum erat; verum nequeo dormire. Ter uncti ¹⁰⁾
 Transnanto Tiberim, somno quibus est opus alto,
 Irriguumque ¹¹⁾ mero sub noctem corpus habento.
 Aut, si tantus amor scribendi te rapit, aude ¹²⁾
 Caesaris invicti res dicere, multa laborum

2) Tendere, pro, extendere, id est, ultra modum extendere satyras; excedere modum in scribendis satyris; progredi ulterius, acerbius scribere, quam lex satyrae sinat.

3) Nervis, id est, altera pars putat, quod compono, scribo, esse sine sermonis et sententiarum gravitate.

4) Deduci, pro, scribi, id est, meis versibus similes; tales, quales ego facio versus, una die mille scribi posse. Metaphora sumitur a lana, quae sine labore ducitur e colo.

5) Trebati Cajus Testa vocabatur, vir optimus, et juris scientissimus, amicissimus etiam Ciceronis, cujus plures exstant ad eum epistolae. Ad Fam. Lib. VII.

6) Praescribe, id est: consilium da.

7) Respondet Trebati: auctor tibi sum, ut quiescas, abstineas penitus a scribendo.

8) Ajo, ita censeo, inquit Trebati.

9) Peream. Formula fortius adfirmandi aliquid. Sensus est: sane verum dicis, et praestaret, optimum esset, omnino versus non facere; verum, cum dormire non possum, in versibus faciendis noctem pono. Heindorfius ita explicat: non possum otiosus esse, cessare; Trebati vero hanc jocosam dilogiam sensu proprio sumit, et respondet. Erat, pro, esset.

10) Respondet Trebati, non tam faciendis versibus, quam exercitatione corporis, ac praecipue crebra sub vesperam natatione, et vini potu somnum conciliandum esse. Quod autem dicit, uncti, respicit ad consuetudinem, qua exercitationes gymnasticae, quae in Campo Martio a juvenibus oleo unctis instituebantur, ad eorum corpora recreanda, natatione finire solebant. Ceterum etiam oleum ante natationem illinebant corpori, ut, poris oleo clausis, contra frigus aquae muniretur.

11) Irriguum mero, nam, qui vino madent, facile a somno opprimi solent. Hoc autem datum Horatio consilium bene respondet ingenio Trebati, quem et natandi studiosissimum, et bonum vini potorem fuisse ex Cic. L. VII. Ep. 10. et 22. discimus.

12) Aude dicere, id est, adgredere ad Caesaris Magni res gestas scribendas, grandem mercedem laboris tui reportaturus. Caesaris Augusti nempe, sic enim Octavianus ab Horatio in satyris, epod. et Lib. I. od. vocatur; nam Augusti nomen anno demum 727 assumpsit. Per praemium non est

Praemia laturus. Cupidum ¹³⁾, pater optime, vires
 Deficiunt: neque enim quivis horrentia pilis
 Agmina ¹⁴⁾, nec fracta pereuntes cuspidibus Gallos ¹⁵⁾,
 Aut labentis equo describit vulnera Parthi ¹⁶⁾. —
 Attamen ¹⁷⁾ et justum poterat et scribere fortem;
 Scipiadam ut sapiens Lucilius, (Haud ¹⁸⁾ mihi deero,
 Cum res ipsa feret. Nisi dextro tempore, Flacci
 Verba per attentam non ibunt Caesaris aurem:
 Cui ¹⁹⁾ male si palpere, recalcitret undique tutus.

intelligenda merces ab Augusto pendenda; sed potius illa, quam poeta ex ipsa materia laboris sui adeo nobili et facunda percipit.

13) Cupidum: licet etiam cupide vellem scribere, respondet Horatius, tantis tamen rebus condigne describendis vires meae non sufficiunt. Trebatium vero patrem appellat honoris causa, ut seniori et juris consultum.

14) Agmina horrentia pilis, id est, exercitus pilis erectis rigentes, ac proinde, horridos. Pilum est hasta brevior apud Romanos usitata. Vide Antiquitates

15) Gallos, id est: fractis in ipso vulnere telorum cuspidibus Gallos, animam exhalantes. Narrat Plut. excogitasse Marium jaculi genus, quod infixum corporibus, avelli non poterat integrum; tum ut curatio esset difficilior, tum ne eo uti posset, qui laesus erat.

16) Parthi, id est, Parthos saucios ex equis decedentes, scilicet: non quilibet describere valet tantas res bellicas, quas Caesar jam peregit, et adhuc peracturus est. E Nota 12. patet satyram hanc jam ante a. u. 727 scriptam esse, circa hoc tempus autem neque cum Gallis neque cum Parthis bellum gestum erat; Parthi enim signa Romana anno demum 734 reddiderunt. (Vide Argum. Od. 5. L. III.) De veris proinde factis hic locus non est intelligendus: sed poeta tales victorias de Gallis, et in specie de Parthis, infensissimis tunc temporis Romanorum hostibus, invicto Caesari, juveni huic imperatori, praesagios exoptat Majoris.

17) Sensus est: esto, inquit Trebati, non satis habeas nervorum ad res bellicas Augusti describendas; posses tamen illius justitiam et animi magnitudinem laudare: ut sapiens Lucilius laudavit Scipiadam, id est, Scipionem Aemilianum, sive Africanum Minorem. Lucilius dicitur sapiens, quia sapienter vitam Scipionis privatam describendam sibi sumsit. Ennius poeta scripsit autem bella Scipionis.

18) Sensus est; faciam enim vero, respondet Horatius, ast cum opportuna se dabit occasio: Flacci enim, id est, mea verba et laudes Caesaris non audientur attente ac libenter ab eo, nisi dicantur in loco, et dextro, id est, opportuno tempore.

19) Cui male. Haec allegoria desumpta est ab equo generoso, qui undique tutus, h. e. a nemine sibi timens, si quis ei male, id est, importuno tempore blandiatur palpando vel mulcendo, recalcitrat. Sensus est ergo: qui undique tutus, id est, ab omni parte contra aditum adulatorum munitus, adulationem importunam et laudes molestas rejicit.

Quanto ²⁰⁾ rectius hoc, quam tristi laedere versu
 Pantolabum scurram, Nomentanumque nepotem,
 Cum sibi quisque timet, quamquam est intactus, et odit.
 Quid ²¹⁾ faciam? saltat Milonius ²²⁾, ut semel icto
 Accessit fervor capiti, numerusque lucernis.
 Castor gaudet equis, ovo ²³⁾ prognatus eodem
 Pugnis; quot capitum vivunt, totidem studiorum
 Millia. Me pedibus ²⁴⁾ delectat claudere verba
 Lucili ritu, nostrum melioris ²⁵⁾ utroque.
 Ille ²⁶⁾ velut fidis ²⁷⁾ arcana sodalibus olim
 Credebat libris: neque ²⁸⁾, si male cesserat, unquam

20) Sunt verba Trebatii. Sensus: quanto tamen melius est hoc, nempe laudes Caesaris dicere, quam tristi seu satyrico versu mordere parasitum Pantolabum et prodigum Nomentanum; ubi quisque intactus, h. e. nondum satyra laesus causam habet sibi timendi, et propterea etiam versus hos tristes odit, eorumque auctores. De Pantolabo vide L. I. sat. 8. not. 8. et de Nomentano vide L. I. sat. I. not. 68.

21) Respondet Horatius. Sensus et ordo est: quid ego aliud, quam versus faciam? quot enim sunt homines, totidem sua quisque sectantur studia: Milonius saltatione, Castor equorum domandorum studio, Pollux pugilatu gaudent; ego, ut Lucilius, delector scribendis satyris.

22) Milonius scurra illorum temporum, qui, semel percusso vini vaporibus capite, adeo, ut lucernis numerus accederet, seu ut lucernarum numerus augetur, id est, cum semel ebrius esset ita, ut omnia duplicata videret, statim saltare incipiebat.

23) Ovo: Pollux Castoris frater, qui ambo geniti erant ab ovo eodem Leda, quam Jupiter, in cygnum mutatus, adiit. Vide Myth.

24) Pedibus verba claudere, id est, versus sex pedum, seu hexametros facere; his enim versibus satyras suas scripserat Horatius.

25) Melioris, id est: qui melior fuit et me, et te, Trebatii, censu et nobilitate. Fuit Lucilius vir dives et valde nobilis, utpote Magni Pompeii avunculus major; soror enim Lucillia Avia Pompeii fuerat.

26) Ille velut: vult hic poeta dicere: quod si igitur Lucilium, qui est homo nobilis, non puduit satyras scribere, cur me, qui homo sum ignobilis, nec utrum Lucanus, an Apulus dicendus sim, satis scio, hujus rei pudeat?

27) Fidis. Id est, ille Lucilius chartis suis tanquam fidelibus amicis, secreta sua committebat.

28) Sensus: neque, sive quid male, sive quid bene ei cesserat, usquam alio, nisi ad fidos suos sodales, ad libros, quibus id mandaret, decurrebat. Lucilius scilicet tam laeta, quam tristia, tam recte, quam minus recte facta, tam laudanda, quam carpenda, diligenter notabat, unde ejus vita tanquam in tabula votiva descripta dicitur. Qui morbos, naufragium, aliosque casus effugerant; aut aliquid ex animi sententia gesserant, in votivis, id est, in promissis ex voto tabulis ea depingi jubebant, hasque descriptas,

Decurrens alio, neque si bene: quo fit, ut omnis
 Votiva pateat veluti descripta tabella
 Vita senis. Sequor hunc, Lucanus ²⁹⁾ an Apulus, anceps;
 Nam Venusinus arat finem sub utrumque colonus,
 Missus ad hoc, pulsus (vetus est ut fama) Sabellis ³⁰⁾:
 Quo ne per vacuum Romano incurreret hostis;
 Sive quod Apulia ³¹⁾ gens, seu quod Lucania bellum
 Incuteret violenta. Sed hic ³²⁾ stylus haud petet ultro
 Quemquam animantem; et me veluti custodiet ensis
 Vagina tectus; quem cur destringere coner
 Tutus ab infestis latronibus? O pater ³³⁾, et rex
 Jupiter, ut pereat positum robigine telum,
 Nec quisquam noceat cupido mihi pacis! at ille,
 Qui me commoritur (melius non tangere clamo)
 Flebit, et insignis tota cantabitur urbe.

h. e. pictas tabulas circumferre solebant. Pateat, id est, conspiciendam praebeat, elegantius pro: sit.

29) Lucanus an Apulus. Venusia civitas, Horatii patria, sic in confinio Lucaniae et Apuliae posita erat ad fluvium Aufidum, ut dubium videri dicat, sit ne Apulus an Lucanus. Vide L. III. Od. 4. Sensus est: ego hunc imitor, homo ignobilis, cujus patria, utrum ad Lucaniam, an ad Apuliam referenda sit, in ambiguo est. Venusini enim agricolae intra utriusque populi terminos aratris suis terram vertunt, ideo, Sabellis seu Samnitibus pulsus, missi in hanc urbem Venusiam, ne per eam regionem, praesidio et milite Romano vacuam et destitutam, hostes facilem aditum et incursionem in Romanorum agros invenirent; sed ut essent, qui hanc urbem munirent ac defenderent; sive (ideo missi) quia Lucani et Apuli ipsi violenti et bellicosi bello Romanos exagitassent, essetque propterea opus hac urbe et colonia, tanquam freno, ad utrosque coercendos.

30) Sabelli a Sabinis orti incolebant montes inter Sabinos et Marsos, olim etiam Samnites adpellabantur.

31) Apulia et Lucania sunt regiones in Italia inferiori.

32) Sed hic stylus. Ab hoc episodio redit iterum ad thema. Sensus est: sed hic stylus, haec carminum ad Lucilii exemplum scribendorum ratio mea, neminem animantem petet, id est, nemini viventium nocebit, et me tantum tuebitur, tanquam gladius in vagina reconditus; quem, quare hinc educam, quamdiu tutus fuero, seu quamdiu infesti latrones non me petent? id est: quem ego nunquam destringam, donec ipse non petar, pro: non scribam satyras nisi provocatus.

33) Sensus est: o Jupiter, qui omnium et rex et pater es, fac, ut hic ensis meus depositus et inutilis rubigine pereat, consumatur; ut nemo me cupidum pacis et amantem laedat, et cogat illum destringere! sed quisquis me commoverit, id est, petierit, adgredietur, mihi bilem moverit (moneo, consultius faciet, si me non tangat) plorabit, id est, gravi cum dolore poenitebit eum hujus stultitiae, et famosis versibus a me describetur, ut rumor de illo totam urbem pervagetur.

Cervius³⁴⁾ iratus leges minitatur et urnam;
 Canidia, Albuti, quibus est inimica, venenum;
 Grande malum Furius, si quid se iudice certos.
 Ut³⁵⁾, quo quisque valet, suspectos terreat, utque
 Imperet hoc natura potens, sic collige mecum:
 Dente³⁶⁾ lupus, cornu taurus petit: unde, nisi intus
 Monstratum? Scaevae³⁷⁾ vivacem crede nepoti
 Matrem; nil faciet sceleris pia dextera (mirum,
 Ut neque calce lupus quemquam, neque dente petit bos).
 Sed mala tollet anum vitiato melle cicuta.
 Ne longum³⁸⁾ faciam: seu me tranquilla senectus
 Expectat, seu mors atris circumvolat alis;
 Dives, inops; Romae, seu, Fors ita iusserit, exul:

34) Brevis sententia est: sua quisque habet arma, quibus aut alios perdat, aut ab aliis se defendat; me satyrarum, quibus in vitia hominum invehar, scribendarum facultate instruxit natura; ergo scribam. Et pro hoc dicit poeta: Cervius, ubi exarsit ira, intentat ad accusationem et condemnationem ex legibus; Canidia Albutii filia, illis, quos odit, venenum, id est, veneficia minatur; Furius magnam demum perniciem illis, qui se arbitro contentundum, contra alios causam defendunt. Cervius, aliquis tunc temporis insignis adulator. Urna, pro sententiis iudicium; quia tabellae, in quibus perscriptae erant sententiae iudicium, in urna condebantur, et inde depromebantur. De Canidia, vide Arg. ad Epod. V. Albutius veneno uxorem suam peremisse dicitur. Marcus Furius, iudex aliquis improbus et venalis, qui accepta pecunia pro reis pronuntiare est solitus.

35) Sensus est: quomodo unus quisque iis, quibus valet, viribus suspectos terreat, et quomodo natura, cujus magna est vis et potentia, hoc, se defendere nempe contra suspectos et periculosos, imperet: de hac re ita mecum collige, cogita.

36) Eandem sententiam adhuc fusius tractat per similitudines: sic lupus dentibus, et taurus cornibus pro armis utitur; unde, id est, ex qua tandem causa alia, nisi quod interna naturae vis lupum et taurum armis his uti docuerit?

37) Ad confirmationem ejusdem sententiae adducit etiam adhuc exemplum Scaevae, qui fuit luxuriosus quidam juvenis, et matrem dato veneno necavit, propterea quod ei nimis diu viveret. Vivax: sumitur de eo, cui vita longior contingit. Sensus est: permittite Scaevae nepoti, et perditio adolescenti, ejus arbitrio et potestati matrem ipsius longaevam; nihil mali facinoris audebit in eam plena pietatis manus, id est, non trucidabit illam manibus suis, tantum ex ignavia piis (quod autem non est mirandum, quemadmodum nemo mirabitur, quod lupus pedibus et bos dentibus neminem feriat) sed utetur ad matrem tollendam veneno et cicuta succo, quem meli infundet.

38) Sequitur hic finis illius sententiae, quae initio notae 34 adposita est: ergo scribam, quod poeta pluribus ita tractat: ne longus sim; sive ad

Quisquis erit vitae, scribam, color. O puer³⁹⁾, ut sis Vitalis, metuo et, majorum ne quis amicus Frigore te feriat. Quid⁴⁰⁾? cum est Lucilius ausus Primus in hunc operis componere carmina morem, Detrahere et pellem, nitidus qua quisque per ora Cederet, introrsum turpis; num Laelius⁴¹⁾ et, qui⁴²⁾ Duxit ab oppressa meritum Carthagine nomen, Ingenio offensi? aut laeso doluere Metello⁴³⁾? Famosisque Lupo⁴⁴⁾ cooperto versibus? atqui Primores populi arripuit, populumque tributum⁴⁵⁾; Scilicet uni aequus virtuti, atque ejus amicis. Quin⁴⁶⁾ ubi se a vulgo, et scena in secreta remorant

senectutis annos tranquille deducar, sive mors nigris alis suis mihi propinqua adsit; sive dives, sive pauper; sive Romae, aut, si voluerit fortuna, in exilio vitam degam; qualiscunque fuerit vitae meae color, ater an albus, id est, qualiscunque vitae meae ratio et status fuerit, adversus an prosper, satyras scribere pergam.

39) Loquitur Trebatius: Carissime Horati, precor quidem, ut diu sis vitalis, ut diu vivas; sed vereor, ne scribendis satyris gratiam amicorum potentium, ut Maecenatis etc. perdas. Fuerat Trebatius senex juris consultus, et Horatius adhuc vir circiter 30 annorum, propterea puerum hunc appellat. Frigore, h. e. dum amicorum favor erga te frigere incipit, frigore te feriet, percutiet, vitam quasi tibi eripiet. Vita enim poetarum, qua talium, a favore potentium amicorum potissimum dependebat.

40) Respondet Horatius: Quid? cum Lucilius ausus est carmina componere in hunc operis, id est, satyrae morem; cum ausus est tollere pellem, id est, externam speciem improborum, qua induti incedebant per ora hominum, h. e. adparebant palam, ut nitidi et virtute praediti, quamvis intus essent turpes et scelerati; num ejus carminibus, et hac indole satyrica sunt offensi Laelius et Scipio Africanus minor? Num doluere et aegre tulere, quod Metellum laederet, quod Lupum famosis versibus obrueret? Et tamen Lucilius mobiles aequae ac plebem corripuit, solis probis parcens et favens. Primus, dicitur Lucilius, quia primus inventor satyrae fuit apud Romanos. Vide Arg. Sat. 4. L. I.

41) Laelius C. sapiens dictus, quem Cicero loquentem inducit in sermone de amicitia, fuit etiam consul.

42) Qui duxit nomen, intelligi debet Scipio Africanus minor, qui Carthaginem delevit, et familiarissime vixit cum Laelio.

43) Q. Caecilius Metellus Macedonicus, Scipionis Africani minoris, quem Lucilius colebat, inimicus teste Plinio fuit, unde in illum Lucilius invectus est.

44) Lentulus Lupus Consul, damnatus repetundarum, post damnationem tamen censor factus.

45) Tributum, id est, per singulas tribus 35, in quas populus Romanus divisus fuerat, promiscue irruens in quemlibet.

46) Sensus est: imo, postquam se a vulgo et scena, id est, a theatro quasi rerum publicarum, a luce publica, in secreta, intra privatos parie-

Virtus Scipiadae, et mitis sapientia Laeli;
 Nugari cum illo, et discincti ludere, donec
 Decoqueretur olus, soliti. Quidquid ⁴⁷⁾ sum ego, quamvis
 Infra Lucili censum ingeniumque, tamen me
 Cum magnis vixisse invita fatebitur usque
 Invidia; et fragili quaerens illidere dentem,
 Offendet solido: nisi quid tu, docte Trebati,
 Dissentis? Equidem ⁴⁸⁾ nihil hinc diffindere possum;
 Sed ⁴⁹⁾ tamen, ut monitus caveas, ne forte negoti
 Incutiat tibi quid sanctarum inscitia legum:
 Si mala condiderit in quem quis carmina, jus est
 Judiciumque ⁵⁰⁾ Esto ⁵¹⁾, si quis mala: sed bona si quis
 Judice condiderit laudatus Caesar? Si quis
 Opprobriis dignum latraverit, integer ipse?
 Solventur ⁵²⁾ risu tabulae; tu missus abibis.

tes receperunt, Scipio, maxima virtute praeditus, et Laelius sapientissimus, cum illo Lucilio discincti, id est, negligentius vestiti, dum interea coena frugaliter pararetur, nugari, pueriles jocos miscere solebant. Olus, pro: coena frugalis, quia haec magnam partem ex oleribus constabat.

47) Quidquid, id est, quantumcumque sum ego; quamvis Lucilio me esse opibus et ingenio inferiorem confiteor: tamen, me quoque familiariter maximis viris usum esse, invidi semper fateri debebunt; et quaerentes ac conati illidere dentes in aliquam fragilem et mollem materiam, in solidam et duram incident, sibi que dentes oblaedent; nisi tu, erudite Trebati, aliud etiamnum consulis. Per, magnos, intellige: Augustum, Maecenatem etc. Usque, pro: semper. Invidia hic est personificata, et designantur per eam inimici Horatii: hi, inquit, mihi non poterunt nocere, quodsi etiam tale aliquid tentaverint, invenient me esse talem, qui possim resistere mordacibus et maledicis.

48) Trebati respondet: Ego sane horum, quae dicis, nihil refellere possum; nihil possum hinc, seu, ex iis, quae dixeras, diffindere, tollere, mutare, abscondere.

49) Sed; sensus est: moneo tamen te, ut videas, ne sacrarum legum nostrarum ignoratio aliquod tibi periculum creet; id est: moneo te, legem esse in eos, qui famosa et maledica carmina condiderint in aliquem. Incutere aliquid negotii, id est, inferre, causare aliquid periculi.

50) Jus est iudiciumque, id est, licet illum in jus et iudicium vocare.

51) Esto. Sententia est: sit ita sane, valeat ea lex in eos, qui mala carmina scripserint; sed si quis Caesaris iudicio bona carmina scripserit, si quis infamia dignum allatret, cum ipse sit expertus opprobrii et probus? Haec sunt iterum verba Horatii sic interrogantis. Mala carmina: est hic lusus in vocabulo; sumit illud poeta pro carminibus ineptis; licet priori versu Trebati de carminibus maledicis et satyricis intelligi voluerit.

52) Trebati iterum respondet hoc sensu: Sane, si carmina, quae componis, bona sunt, et tu ipse integer opprobriis dignos tantum perstringis,

Est amplius de satyris
 S a t y r a II.

Argumentum et occasio.

Frugalis vitae ratio, qua in prima republica Romana homines paucis contenti vivebant, temporibus Augusti locum dedit immoderatae luxuriae. Illam igitur frugalitatem commendans et laudans poeta docet, nec luxuriose nimis, nec etiam sordide vivendum, sed auream mediocritatem esse tenendam. Inducitur Ofellus, rusticus quidam prudentior, per totam satyram praecepta sua tradens: rem sana et incorrupta mente perpendentes, inveniemus, vilem victum et frugalem omnibus esse praefendum; modo famem, optimum ciborum condimentum, labore nobis concitemus, verum illorum saporem cognitari; nunquam autem aut raritatis, aut caritatis, aut multitudinis specie ducti de valore patinarum iudicemus. Quid? quod nec divites vilibus pauperum cibis plane carere possint; nec ita pridem malo quorumdam nepotum exemplo antiqua frugalitas illa exterminata sit? Verum et sordidam avaritiam Avieni aequae procul fugit sapiens, qui inter hanc et illam, immoderatam nempe luxuriam, non nisi medium tenet. Transit nunc ad bona frugalitatis enumeranda, quae sunt: prospera valetudo, quam luxuria, una cum meliore parte nostri anima, deprimit; bona existimatio et fama; et tandem aequus in adversis casibus fortunae animus. Haec omnia confirmantur in fine ipsius Ofelli exemplo, qui nunc in tenui fortuna ita sanus ac contentus vivit, quemadmodum prius intactis adhuc opibus. Scripta est satyra aliquot annos post 720. Vide infra not. 79.

Quae ') virtus, et quanta, boni, sit vivere parvo, —
 (Nec meus hic sermo est, sed quae praecepit Ofellus')

leges in tabulis scriptae solventur illa vi, quam in maledicos et calumniatores habent; risu, id est, non sine risu, dum ipsi iudices ridebunt homines, quorum vitia tu ridenda propinasti; et sic missus, id est, impune ex iudicio abibis. Lege aliquis selvi dicitur, in quem lex aliqua non exercenda esse iudicatur.

1) Sensus: quanta sit eorum, qui paucis contenti, parvo vivunt, virtus et felicitas, id non a me, sed sapiente rustico, Ofello, discite, o boni et amici; et hujus rei veritatem non inter laetas epulas, quibus animus facile in fraudem inducitur, sed impransi, jejuni, mecum disquirite.

2) Ofellus. Nomen rustici cujusdam, quem hic poeta loquentem inducit. Vide infra not. 70.

Rusticus, abnormis ³⁾ sapiens, crassaque Minerva ⁴⁾)
 Discite, non inter lances ⁵⁾ mensasque nitentes,
 Cum stupet ⁶⁾ insanis acies fulgoribus, et cum
 Adclinis ⁷⁾ falsis animus meliora recusat;
 Verum hic impransi mecum disquirite. Cur hoc ⁸⁾?
 Dicam ⁹⁾, si potero. Male verum examinat omnis
 Corruptus iudex. Leporem ¹⁰⁾ sectatus, equove ¹¹⁾
 Lassus ab indomito, vel, si Romana fatigat ¹²⁾ ¹⁰
 Militia, adsuetum graecari, seu ¹³⁾ pila velox,
 Molliter austerum studio fallente laborem,
 Seu te discus agit; pete cedentem aëra disco:

3) Obnormis sapiens, h. e. philosophus, qui nulli normae, seu nulli philosophorum disciplinae unice addictus, ipse, quae vera sunt, investigat.

4) Crassa Minerva, id est, absque ulla reconditore doctrina. Minerva enim literatorum Dea eruditionem ipsam significat. Crassa autem et pinguis, cum de ingenio agitur, in deteriorem partem trahuntur.

5) Lances et mensae nitentes, sunt pocula argentea, et mensae copiosae et laetae.

6) Stupet, id est, cum oculi perstringuntur et hebescunt fulgore insigni vasorum, gemmis, auro et argento nitentium.

7) Adclinis, id est, quando, animo ad falsa proclives, meliora et vera respimus.

8) Cur hoc? id est, cur non inter magnificas epulas hoc disquiri velim?

9) Sententia est: causam, quoad potero, adferam: animus scilicet ciborum copia et iucunditate captus, veluti iudex auro corruptus, male veritatem perscrutatur.

10) Leporem sectatus — bene leniet. Sententia brevis: is tantum, qui sitit et esurit, non contemnit vulgares cibos. Pro quo poeta dicit: quodsi aut venando, aut equitando; vel, si magis tibi placent pueriles Graecorum exercitationes, aut pilam aut discum jaciendo, fastidia expuleris, tum sitiens esuriensque non spernes vilem cibum, non mulsum non pisces appetes, sed panis cum sale bene tibi sapiet. Leporem sectari idem ac, venari.

11) Ab equo indomito lassus, id est, ab equitando defatigatus. Venandi et equitandi studium pertinebat apud Romanos ad eas exercitationes, quibus corpora ad labores in bello ferendos corroborarentur.

12) Fatigat, id est: si haec militaris exercitatio molesta est tibi, qui adsuetus es graecari, seu, Graecorum more pilae et disci jactu exerceri. De disco vide L. I. od. VII. not. 13.

13) Seu pila velox, id est: sive lusus pilae, quae celeriter huc illuc pellitur non sine labore austero, fatigante; quem tamen laborem studium et amor hujus ludi molliter fallit, id est, leviolem multo facit; quia lusores quasi decipit, ut ne sentiant quidem graviorem virium intentionem; sive jactus disci te agit, exercet, delectat; pete, id est, lude disco; jacta discum in aërem, qui aër cedit gravioribus corporibus projectis.

Cum ¹⁴⁾ labor extuderit fastidia, siccus, inanis,
 Sperne cibum vilem; nisi Hymettia ¹⁵⁾ mella Falerno ¹⁵
 Ne biberis diluta. Foris ¹⁶⁾ est promus, et atrum
 Defendens pisces hiemat mare; cum sale panis
 Latrantem stomachum bene leniet. Unde ¹⁷⁾ putas, aut
 Quis partum? Non ¹⁸⁾ in caro nidore voluptas
 Summa, sed in te ipso est. Tu ¹⁹⁾ pulmentaria quaere ²⁰
 Sudando; pinguem vitiis albumque nec ostrea ^{Antaron}
 Nec scarus, aut poterit peregrina juvare lagois. ^{Paphos}
 Vix ²⁰⁾ tamen eripiam, posito pavone, velis quin ^{Antipaterus}
 Hoc potius, quam gallina tergere palatum,
 Corruptus vanis rerum; quia veneat auro ^{et}
 Rara avis, et picta pandat spectacula cauda:

14) Cum labor, id est, et cum hic ludus et labor tibi fastidium e stomacho expulerit; sitiens, esuriensque sperne, si potes, vilem cibum; neque admitte, bibe, nisi Hymettium mel, vino Falerno dilutum, h. e. certe non vituperabis vulgares cibos et vilem potum.

15) Hymettia. Sicut vinum, in agro Falerno sub monte Massico natum, ad vina praestantiora, ita mel ab apibus in monte Hymetto in Attica collectum ad mella optima referebatur. Ac proinde hic intelligendus est optimus potus seu mulsum, e vino et melle optimo confectum.

16) Promus dicitur is, qui cibos e penu promit, id est, procurator peni. Nexus proinde sententiarum est: imo adeo parum spernes tunc cibos viliores, ut, si tuus promus non fuerit domi, et si mare procellosum et liberum tuetur pisces, piscationem impedierit; frusto panis, nullo praeter salem adhibito condimento, contentus sis futurus, et famem placaturus cum voluptate.

17) Unde putas, id est: unde id fieri existimas, et qua ratione acquiritum esse putas?

18) Sensus: certe illa voluptas maxima, quae edendo, percipitur non est in caro nidore, seu in cibus magni pretii, sed in te ipso. Nidor est proprie fumus ille, quem tostae carnes emittunt, et odor.

19) Sensus: sudorem cibus adhibe pro condimento; nam pinguem vitiis et album, id est, obesum et pallidum ob vitam mollem, ignavam et luxuriosam nec ostrea, nec scarus, aut lagois peregrina et rara delectabit. De scaro pisce exquisito vide Epod. II. not. 53. Lagois est avis, quae carnem leporis habere perhibetur, Graece enim lepus vocatur λαγος; aut est genus piscis, quod in mari Italo non invenitur.

20) Sensus est: nihilominus tamen non evellam ex animo tuo vanam illam opinionem, qua pavonis carnem gallinae carni praeferendam existimas, unice propterea, quia ille carior est hac, et pulchrioribus coloribus distinctus: Hoc, subaudi, pavone. Palatum tergere, id est, permulcere palatum; idem ac, vesci. Corruptus, id est, deceptus vanis rebus, seu vana opinione. Veneat auro, id est, caro pretio ematur. Pandat, id est, cum caudam pulcherrimis coloribus distinctam pandit, jucundum spectaculum praebet.

Tanquam ²¹⁾ ad rem adtineat quidquam. Num ²²⁾ vesceris ista,
 Quam laudas, pluma? cocto num adest honor idem?
 Carne ²³⁾ tamen, quamvis distat nihil, hac magis illa,
 Imparibus formis deceptum te patet. Esto ²⁴⁾!
 Unde datum sentis, lupus hic Tiberinus, an alto
 Captus hiet? pontesne interjactatus, an amnis
 Ostia sub Tusci? Laudas ²⁵⁾, insane, trilibrem
 Mullum ²⁶⁾, in singula quem minuas pulmenta necesse est.
 Ducit te species, video; quo pertinet ergo ²⁷⁾ cui ego odisti
 Proceros odisse lupos? Quia scilicet illis ²⁸⁾ lupis
 Majorem natura modum dedit, his breve pondus. ²⁹⁾ nullis
 Jejunos raro stomachus vulgaria temnit.
 Porrectum ²⁷⁾ magno magnum spectare catino

21) Tanquam haec pavonis raritas et pulchritudo ad rem, id est, ad saporem aliquid conferret.

22) Sensus: anne comedis illam pavonis plumam, quam tanti facis? et habet ne coctus pavo eandem pulchritudinem, qua prius gaudebat?

23) Sensus: cum ergo carne ista, gallinae scilicet, nihil haec, nempe pavonis, differat, constat certe delusum te esse dissimilitudine formae.

24) Sententia est: sed sit ita! Unde vero datum sentis, id est, unde edoctus hoc nosti, dignoscis, an lupus iste, quem ante te habes, in Tiberi captus sit, an in mari alto; an jactatus, captus, inter pontes; an in ipsis ejusdem Tiberis e Tuscia defluentis ostiis? Captus hiet, significantius, pro: captus sit, nam hiant et os diducunt quasi pisces in patina adpositi. Qui autem palati subtilitate gloriantur, melioris saporis ajunt pisces illos esse, qui rapidiore unda exercentur, quam qui languidiore torpescunt; idcirco dicuntur lupi esse meliores, qui inter duos pontes, Mulvium et Sublicium, ubi aqua concitatior est, quam qui in ostiis Tiberis capiuntur.

25) Poëta transit ad aliud genus insaniae, qua ab hominibus luxuriose et magnifice viventibus ciborum genera, quae rarius proveniunt, rariusque inveniuntur, in magno pretio ponuntur, et alia ejusdem saporis, quia sunt vulgaria, ab iisdem contemnantur. Sensus est: o stulte magni facis mullum trium librarum, quem cogaris tamen, si vesceris illo, dividere in singula pulmenta, id est, in varias patinas. Video, adparet inde, quod hujus magnitudo te ducit, capit, delectat, quare ergo magnos rejicis lupos? Ofellus ipse sibi respondet: Quia nimirum lupos magnos fecit natura, illos nullos autem parvos et ponderis minoris. Displicent tibi scilicet pisces vulgares, et quales natura condidit; vis magnos, qui natura sunt breviores; vis breviores, qui natura magni sunt. Ast jejunos stomachus res, ut sunt, et cibos accipit.

26) Mullus apud nos, Rothbart, cui natura modicum corpus tribuit, si ad eam usque magnitudinem accreverat, ut esset trilibris, immenso pretio a Romanis emi solebat.

27) Sensus est: equidem vellem, cuperem in ingenti patina, in magno catino ingentem mullum videre porrectum, dicere solet homo gulosus, monstris et rapacibus Harpyiis aequiparandus.

Vellem, ait Harpyiis ²⁸⁾ gula digna rapacibus. At ²⁹⁾ vos ³⁰⁾
 Praesentes, Austri, coquite horum obsonia! Quamquam ³¹⁾
 Putet aper rhombusque recens, mala copia quando ³²⁾ *missi*
 Aegrum sollicitat stomachum, cum rapula plenus
 Atque acidas mavult inulas. Necdum ³³⁾ omnis abacta
 Pauperies epulis regum: nam vilibus ovis ³⁴⁾
 Nigrisque est oleis hodie locus. Haud ³⁵⁾ ita pridem ³⁶⁾ *oliva*
 Galloni praeconis erat acipensere mensa
 Infamis. Quid? tum rhombos minus aequora alebant?
 Tutus erat rhombus, tutoque ciconia nido;
 Donec vos auctor ³⁷⁾ docuit praetorius. Ergo, ³⁸⁾

28) Fuere Harpyiae monstra ex variis formis conflata; foeda visu, et uncis manibus rapacia. Addunt eis poëtae vulturum alas, finguntque a Diis immisas ad polluendas dapes Phinei, regis Arcadiae, quod is filios interfecisset. Virgil. eas describit Aeneid. L. 3.

Virginei volucrum vultus, foedissima ventris
 Ingluvies, uncaeque manus, et pallida semper
 Ora fame. — — —

29) Sensus: sed vos, Austri, adeste, et vi vestra efficacissima horum hominum gulosorum obsonia, pulmenta concoquite corrumpendo, et putrefaciendo. Austri enim, venti a meridie flantes, aura sua aestuosa et tepida omnia putrefaciunt.

30) Quamquam. Festiva correctio prioris imprecationis: quamquam quid opus est rogare Austros, ut corrumpant horum obsonia gulosorum; siquidem aper et rhombus, etsi recentes, tamen jam putent, id est, fastidio sunt illis propter copiam, quae stomachum aegrum et nauseantem sollicitat, h. e. gravat, impellitque, ut plenus etiam viles cibos praeoptet, quales sunt: rapula, inulae, ova etc. Rapula, sunt radices quaedam, quae ad excitandum edendi desiderium sumebantur, apud nos, Radieschen. Inula, plantae, quae non quidem acida est, sed cum aceto coquebatur. Rhombus et aper sunt pisces.

31) Sensus est: bene omnino factum, quod isti pauperum cibi nondum a mensis regum, id est, divitum regifico modo epulantium, abacti et expulsi sint; cum detur etiam hodie in his locus ovis vilissimis et oleis nigris.

32) Sensus: non ita pridem praeco Galloni, quod praeter censum et disciplinam, tamquam esset homo dives et nobilior, magni pretii acipensere in mensa adponi jusserat, notam sibi contraxit infamiae. An tunc pauciores rhombi in mari alebantur? et tamen nemo rhombo; nemo ciconiae vallis insidias struebat, donec Romanus quidam praetorius auctor fuit, ut in conviviis ponerentur, suaves esse pronuntiavit, nomenque ac pretium iisdem addidit. Adeo verum est, pretium obsoniis non natura, sed opinione poni. Acipenser piscis, noster Stör, non amplius, ut olim ad lantiores epulas refertur.

33) Praetorius auctor: Asinius Sempronius Rufus instituisse creditur, ut ciconiarum pulli manducarentur, qui etiam in praetura petenda repulsam tulit. Salse igitur ob hanc repulsam praetorius dicitur.

Si quis nunc mergos suaves ediderit assos, Parebit³⁴⁾ pravi docilis Romana juvenus. — Sordidus³⁵⁾ a tenui victu distabit, Ofello Judice; nam frustra vitium vitaveris illud, Si te alio pravum detorseris. Avidienus³⁶⁾, Cui Canis, ex vero ductum, cognomen adhaeret, Quinquennes oleas est et silvestria corna³⁷⁾, Ac, nisi mutatum, parcat defundere vinum; et, Cujus odorem olei nequeas perferre, (licebit³⁸⁾ Ille repotia³⁹⁾, natales, aliosve dierum Festos albatu⁴⁰⁾ celebret) cornu⁴¹⁾ ipse bilibri Caulibus instillat, veteris non parcus aceti. — Quali igitur victu sapiens utetur, et horum Utrum⁴²⁾ imitabitur? Hac⁴³⁾ urget lupus, hac canis angit.

34) Parebit, id est, Romana statim juvenus, ad prava quaeque facilis mergos etiam assabit. Mergus, *Laucher*, est avis macilenta et insipida.

35) Sensus est: Ofelli iudicio, seu, juxta opinionem Ofelli victus sordide parcus longe diversus est a frugali; frustra enim est, nihil juvat, illud vitium, nempe luxum vitasse, si ex illo ad aliud vitium, nimirum sordide parcam vitae rationem, ad sordidam avaritiam deflexeris.

36) Avidienus, nomen, ut videtur, fictum. Sensus est: homo hic sordidae avaritiae, ideoque Canis merito appellatus, est, seu, edit oleas quinquennes, id est, vetustate corruptas, cornaque silvestria; et vinum, nisi est vitio corruptum et in acetum fere mutatum non defundit, scilicet, e dolio in amphoram, vel ex amphora in cyathum; id est: non bibit vinum nisi fere mutatum in vappam; et oleum foetoris intolerabilis in caules instillat, id est: guttatim fundit e vase corneo, duas libras capiente, vetus acetum large adfundens; licet etiam nuptiales, natales, aliosque dies festos veste candida indutus celebret.

37) Corna, sunt fructus silvestres e cerasorum genere. Arbor vocatur cornus.

38) Licebit, positum est pro licet, quamvis.

39) Repotia, per haec designari videtur potionis repetitio, quae apud maritos postridie nuptiarum instaurari solebat.

40) Albatu. Color enim albus laetitiae convenit; quare in sacrificiis, spectaculis, et conviviis vestes coloris albi adhibebantur.

41) Cornu bilibri. Haec tam parva mensura bene demonstrat hominis sordes; foetebat praeterea oleum licet exiguum, quod diu in vase fuisset, ac de hoc guttas duntaxat paucas singulis vicibus in caules instillavit et quidem ipsemet, ne alius quivis liberalius forte, quam volebat, infunderet.

42) Utrum horum, id est, utrum ex his duobus, quos descripsi, Galloniumne, qui splendide, an Avidienum, qui sordide vivit?

43) Sensus est: neutrum imitabitur sapiens, luxuriosus enim lupo, et avarus cani est similis. Avidienum nempe, sordide avarum, supra jam, merito Canem appellatum fuisse, dicit.

Mundus⁴⁴⁾ erit, qui non offendat sordibus; atque In neutram partem cultus miser. Hic neque servis, Albuti senis exemplo, dum munia didit, Saevus erit, neque, sicut simplex Naevius, unctam Convivis praebebit aquam: vitium hoc quoque magnum. Accipe⁴⁵⁾ nunc, victus tenuis quae quantaque secum Afferat. In⁴⁶⁾ primis valeas bene: nam variae res Ut noceant homini, credas, memor illius escae, Quae simplex olim tibi sederit; at simul assis Miscueris elixa, simul conchyliia turdis: Dulcia se in bilem⁴⁷⁾ vertent, stomachoque tumultum Lenta feret pituita⁴⁸⁾. Vides⁴⁹⁾, ut pallidus omnis Coenam desurgat dubia? Quin⁵⁰⁾ corpus onustum

44) Mundus erit. Transit ad laudes victus tenuis, quo sapiens utitur. Sensus est: sapiens eatenus recte dicitur mundus, id est, frugalis, medius inter sordes et luxum, quatenus parcitate sordida non offendat, displiceat, atque in neutram partem cultus, id est, vitae rationis et victus, miser, h. e. immodicus, nimius et reprehendendus fuerit, id est: neque in mundiore cultu modum excedet, neque sordibus convivium inquinari patietur. Hic igitur sapiens neque in servos, dum sua cuique munia didit, id est, officia et ministeria dividit ac distribuit, ad Albutii exemplum, si quid peccaverint vel commaculaverint, saeviet; neque, sicut simplex, candidus et mitioris animi Naevius, indulget servis, si aquam impuram et sordelutam convivis praebuerint; haec quoque indulgentia pertinet ad vitia. Albutius et Naevius sunt nomina forte ficta. Quidam dicunt, Albutium fuisse avarum et elegantem conviviorem adparatorem, saevumque habitum in seryos.

45) Accipe, id est, percipe, audi, quae, et quam magna sint bona frugalitatis.

46) In primis, id est: primum valetudinem adfert, variae enim res, h. e. diversi et multiplices cibi, quam noxii sint hominibus, persuasum tibi erit, si memineris illius cibi, qui simplex olim tibi sederit h. e. in stomachum demissus nihil tibi molestiae et taedii excitaverit. Tenuis enim et simplex victus quiete et sine molestia sedet in stomacho: ast quamprimum assis, seu tostis carnibus, elixa, seu coctas carnes, et turdis ostrea confuderis, immiscueris; quae dulcia sunt, in bilem mutabuntur, pituitaque mers et frigida bili resistens, excitato tumultu, stomachum evertet.

47) Bilis est humor siccus et calidus.

48) Pituita, humor frigidus et humidus; unde inter se pugnant set tumultum, id est, bellum intestinum stomacho adferunt. Est autem haec vox tribus syllabis pronuncianda.

49) Vides. Sensus est: an non vides, animadvertis, quomodo palleant omnes, qui discedunt a coenis sumtuosis. Coena dubia est illa, ubi ob magnam lautissimarum epularum copiam convivae dubitant, quid potissimum sumant.

50) Sensus est: quinimo, praeterea corpus vitis hesternis, id est, gu-

Hesternis vitiis animum quoque praegravat una,
 Atque affigit humo divinae particulam aurae.
 Alter ⁵¹⁾, ubi dicto citius curata sopori
 Membra dedit, vegetus praescripta ad munia surgit.
 Hic tamen ⁵²⁾ ad melius poterit transcurrere quondam
 Sive diem festum rediens advexerit annus,
 Seu recreare volet tenuatum ⁵³⁾ corpus, ubive ⁵⁴⁾
 Accedent anni et tractari mollius aetas
 Imbecilla volet. Tibi ⁵⁵⁾ quidnam accedet ad istam,
 Quam puer et validus praesumis, molliem, seu *sute*
 Dura valetudo inciderit, seu tarda senectus?
 Rancidum ⁵⁶⁾ aprum antiqui laudabant ⁵⁷⁾, non quia nasus
 Illis nullus erat; sed, credo, hac mente ⁵⁸⁾, quod hospes *90*
 Tardius adveniens vitiatum commodius, quam
 Integrum edax dominus consumeret. Hos ⁵⁹⁾ utinam inter
 Heroas natum Tellus me prima tulisset!

iositate pridiana onustum atque adfectum praegravat et adficit una seu simul etiam animam; deprimit hanc divini aetheris particulam. Veterum enim quidam, hominum animos divinae mentis et animae mundi quasi particulas et semina esse, credebant; pro hac anima mundi nonnunquam etiam Aethere, fluidum quoddam subtilissimum omnia permeans, usurparunt.

51) Alter, id est: qui parvus et frugalis est, ubi dicto citius membra curata, seu, corpus cibo tenui refectum sopori dedit, hoc est, somno curavit, recreavit, lecto se alacer ad solitos labores proripit Dicto citius. Hae voces ad curata membra, non ad vocem, sopori, referendae sunt. Sermo est enim de coena frugali, quae coenae dubiae opponitur; et post coenam frugalem, dicto citius peractam, somnus et placida quies capitur.

52) Tamen ad melius etc. id est, licebit tamen isti nonnunquam ad lautiores victum transire; poterit interdum lautius vivere.

53) Tenuatum corpus, id est, attenuatum laboribus, et exhaustum viribus corpus.

54) Ubive, id est: et ubi, et quando senex erit.

55) Sensus est: quomodo autem ad molliorem vitam, quam jam puer et aetate validiore praecipis, seu praesumis, nova tibi in morbo aliquo vel in senectute accedere potest jucunditas? nam jucunditas illa jam praecipitata est.

56) Rancidum. Commendat frugalitatem ab exemplo majorum.

57) Laudabant, ut indicium frugalitatis; quia signum erat, aprum saepius mensae adpositum fuisse, et frustratim diuque comesum.

58) Hac mente, id est: rati, frugalitati magis convenire, esse opportunius atque melius, aprum carnem, quamvis vitiatam et rancidam, ab hospite tardius adveniente consumi, quam integram et recentem a Domino.

59) Sensus est: o utinam vixissem aetate illa heroica! Tellus prima, idem ac, antiqua aetas, prima saecula.

Das ⁶⁰⁾ aliquid famae, quae carmine gratior aurem
 Occupet humanam? grandes rhombi patinaeque ⁹⁵
 Grande ferunt una cum damno dedecus. Adde ⁶¹⁾
 Iratum patrum, vicinos, te tibi iniquum,
 Et frustra mortis cupidum, cum deerit egenti
 As ⁶²⁾, laquei pretium. Jure ⁶³⁾, inquit, Trausius istis
 Jurgatur verbis; ego vectigalia magna ¹⁰⁰
 Divitiasque habeo tribus amplas regibus. Ergo ⁶⁴⁾
 Quod superat, non est melius, quo insumere possis?
 Cur eget indignus quisquam te divite? quare
 Templam ruunt antiqua Deum? cur, improbe, carae
 Non aliquid patriae tanto emetiris acervo? ¹⁰⁵
 Uni ⁶⁵⁾ nimirum tibi recte semper erunt res!
 O magnus ⁶⁶⁾ posthac inimicis risus! Uterne ⁶⁷⁾
 Ad casus dubios fidet sibi certius? hic, qui
 Pluribus assuerit mentem corpusque superbum?
 An qui, contentus parvo, metuensque futuri, ¹¹⁰
 In pace, ut sapiens, aptarit idonea bello?

60) Sensus est: quodsi aliquid publicae hominum existimationi tribuis, quae auribus jucundius sonat, quam quivis cantus, scito, magni rhombi, et amplae patinae non solum magno sunt detrimento, sed magnam insuper infamiam pariunt. Carmen positum est pro cantu. Rhombus piscis magni pretii tunc temporis. Vide Epod. 2. not. 52.

61) Sententia est: adjice his, patrii iram, vicinorum vituperationes, et te tibi ipsi irascentem, id est, inquieti animi tui morositatem, qua frustra mortem tibi optabis, quando propter inopiam, luxuria tibi contractam, non erit, unde laqueum emas, teque suspendas.

62) As erat apud Romanos parva moneta. Vide Antiq.

63) Contextus est: jure, inquit aliquis dives, qui luxuriose vivit, Trausius istis verbis objurgatur, quo ego sum longe ditior; habeo enim vectigalia magna, h. e. proventus magnos, et opes tantas, ut tribus sufficerent regibus. Trausius, aliquis lautus et luxu deditus, idemque pauper.

64) Sensus est: quid igitur? quod superfluum habes, non potes illud insumere, expendere melius, utilius? cur non tribuis de tuis divitiis tot pauperibus, qui merentur non egere, qui non deberent egestate premi? quare superfluis tuis ex opibus non impendis aliquid in Deorum templa, quae prae vetustate jam collabuntur? cur, scelestes, ex tanto cumulo divitiarum, non emetiris, praebes dilectae patriae, non confers in bonum publicum aliquid?

65) Sensus: tu certe unicus eris, scilicet, cui res perpetuo fluent feliciter! Contrarium hic est intelligendum: non semper ita felix eris.

66) Sensus: si tardius expertus fueris fortunae inconstantiam, magno omnino risui eris cunctis adversariis et inimicis tuis!

67) Sensus est: quis duorum certiores de se habet constantiae spem

Quo ⁶⁸⁾ magis his credas, puer hunc ego parvus Ofellum
 Integris opibus novi non latius usum,
 Quam nunc accisis. Videas ⁶⁹⁾ metato in agello ⁷⁰⁾ cum
 Cum pecore et gnatis, fortem mercede colonum,
 Non ⁷¹⁾ ego, narrantem; temere edi luce profesta
 Quidquam, praeter olus fumosae cum pede pernae;
 Ac ⁷²⁾ mihi, seu longum post tempus venerat hospes,
 Sive operum vacuæ gratus conviva per imbrem
 Vicinus, bene erat, non piscibus urbe petitis,
 Sed pullo, atque haedo; tum pensilis ⁷³⁾ uva secundas
 Et nux ornabat mensas ⁷⁴⁾ cum duplice ⁷⁵⁾ ficu.

in casibus dubiis et adversis? an is, qui animum et corpus superbum, fastidiosum multis, id est, rerum abundantiae adsuefecit; an ille, qui in rebus secundis prudenter vitae paucis contentae assuefactus, ut sapiens ad res adversas perferendas se praeparaverit? Suaviter hic paucis contentus comparatur cum eo, qui ad hostem, qui forte contra se exurgat, repellendum jam in pace idoneis armis se instruit.

68) Hucusque adducit poeta Ofelli praecepta, nunc ipse illi adstipulator, ejusque axiomata confirmat. Sensus: ut vero major fides istis Ofelli dictis a te adhibeatur: ego illum ipsum, cum admodum juvenis essem, memini, intactis adhuc opibus divitem nihilo vixisse licentius, sumtuosius, quam nunc, accisis, diminutis ejus divitiis.

69) Sensus: videre tibi nunc eum licebit in agro dimenso cum gregibus et liberis suis, tamquam robustum et gnavum colonum, mercede conductum, et ita de se ipso narrantem atque commemorantem: sequuntur verba Ofelli.

70) Metato agello. Iste Ofellus proscripserat, quia erat in parte Cassii, et possessio ejus tradita est militibus Augusti, quam Ofellus postea ab iis conduxit. Hinc, metato in agello; agri enim pertica metati, sive ad mensuram decempedarum veteranis tradebantur. Nunc opus faciebat miser Ofellus, ab eo, cui cedere debuerat agrum suum, mercede conductus.

71) Sensus: ego temere, id est, sine certa et gravi causa, nunquam diebus profestis, seu talibus, qui festi non essent, solitus fui aliud, quam olus et herbas, et pedem pernae fumosae edere, aut in cibum adhibere. Dies profesti, oppositi diebus festis, ac proinde tales, qui labori erant consecrati.

72) Sensus est: sed si quando, post longi temporis absentiam mihi hoespades advenerat; aut vicinus amicus me otiosum, cui ob imbrem rusticis laboribus operam dare non licebat, conveniebat, apud me coenaturus, haud sane male nobis erat, id est, genio indulgebamus, non quidem ad piscium ex urbe petitorum, sed ad haedi atque pulli ferculum; nam interea pensili uva, id est, uva passa et siccata, nucibus, atque ficibus secunda mensa instruebatur.

73) Pensilis uva, pro, uvis passis et siccatis; uvae enim, quas diutius integras servare volumus, nunc quoque filis suspendi solent in aedibus.

74) De secunda mensa, in qua bellaria et fructus adponebantur vide L. IV. od. 4. not. 30. et Ant.

Post ⁷⁶⁾ hoc ludus erat culpa potare magistrā;
 Ac ⁷⁷⁾ venerata Ceres, ita culmo surgeret alto,
 Explicuit vino contractae seria frontis.
 Saeviat ⁷⁸⁾ atque novos moveat Fortuna tumultus:
 Quantum hinc imminuet? quanto ⁷⁹⁾ aut ego parcius, aut vos,
 O pueri, nituistis, ut huc novus incola venit?
 Nam ⁸⁰⁾ propriae telluris herum natura neque illum,
 Nec me, nec quemquam statuit; nos expulit ille;
 Illum aut nequities ⁸¹⁾, aut vafri ⁸²⁾ inscitia juris,
 Postremo expellet certe vivacior ⁸³⁾ haeres.
 Nunc ⁸⁴⁾ ager Umbreni sub nomine, nuper Ofelli

75) Duplice ficu, intellige ficus bifidas; ficus enim in duas partes divisa siccabantur, et tunc aridae in mensa secunda adponebantur.

76) Sensus est: post illas epulas agrestes jucundum erat nobis colludere, non alius nobis ludus magis adridebat, quam potare, hac autem lege, ut ludentium culpa, tamquam vini regina et magistra, poculorum praescriberet numerum, hoc est: ut, qui quid inter ludendum peccaret, is vini cyathum haurire cogeret. Solebant nimirum Romani, cum potarent, aliquem bibendi arbitrum et magistrum seu regem convivii, ut vocabant, constituere, qui praescriberet, quot quisque cyathos, quo tempore et pacto biberet. De rege convivii vide L. I. od. 4. not. 26. et Antiq.

77) Sensus est: tandem Cerere exorata, ut ita, scilicet libatione venerata, altis consurgeret culmis, h. e. segetem alte excrescere juberet, pleni spe bona messis uberioris, quam nobis venerata Ceres facere videbatur, largius nos invitabamus; et curas ac negotia seria, quae frontem contrahunt, discutiebamus, explicuimus vino, h. e. animos exhilarabamus.

78) Sensus: saeva sit, quantum volet, fortuna, et novas excitet procellas; quid hinc, ex angustis opibus nempe, quid mihi poterit auferre, qui parvo contentus sum?

79) Sensus et ordo: ut, seu ex quo in agrum istum novus successit incola, seu dominus Umbrenus; quanto parcius, id est, an ideo malignius, vos, o servi et liberi mei, nutriti fuistis? neutriquam certe. Novum possessorem fuisse Umbrenum militem Augusti, cui in distributione agrorum a. u. 720 ager Ofelli obvenerat, patet ex uno subsequentium versuum. Nituitis, suaviter positum est pro: nutriti estis; nam bene nutriti, praecipue rustici, nitent vultu et corpore.

80) Propriam tellurem vocat, cujus sit dominus quispiam, ut propria illi maneat et perpetua quasi possessio.

81) Nequities, id est, vita nefaria et flagitiosa, qua quis bona sua perdit.

82) Vafri juris, id est, callidi et ambigui juris ignoratio; refer autem ad vafritiem hominis, qui jus callida interpretatione in rem suam detorquet. Hinc etiam jurisconsultus Alfenus dicitur vafes. Vide L. I. Sat. 3. not. 87.

83) Vivacior, id est, diutius altero vivens.

84) Sensus est: ager itaque, qui non ita pridem ager Ofelli dicebatur, nunc vero Umbreni nominatur, nullius est proprius; sed mox ego, mox alter illo utimur. Quapropter estote forti animo, et generoso pectore fortunam adversantem excipite.

Dictus erat, nulli proprius, sed cedit in usum
Nunc mihi, nunc alii. Quocirca vivite fortes, *1005*
Fortiaque adversis opponite pectora rebus.

Horatius
S a t y r a III. *Damasippus*

Argumentum et occasio. *Horatius*

Hanc satyram Horatius, ut e carmine ipso clarum fit, scripsit in Sabino suo, in quod scribendi causa secesserat, a. u. 721, quo Agrippa Aedilis fuerat. Vide not. 122. Cum autem in praedio commorans longius tempus otio consumeret, tandem ad praesens carmen elucubrandum adjiciens animum, ab initio statim hanc suam in scribendis versibus negligentiam excusat, et dein ad praecipua aetatis vitia suae, quae Stoici adpellant insanias, transit carpenda tanto liberius, quod ea sub aliena persona et alieno quasi ore vituperet. En texturam carminis artificiosissimam. Loquentem in eo secum inducit Damasippum quemdam, qui ex mercatore, bonorum naufragio facto, factus est philosophus circumforaneus, putans, sapientiam sibi accrevisse cum barba: hic nimirum ad Horatium venit in villam, et praecepta, quae ex ore Stertini imbererat, exponens, cum eo de sententia Stoicorum: omnes homines, praeter sapientes, h. e. Stoicos ipsos, insanire, disputat. Incipit Damasippus Horatio exprobrare desidiam, qua tempus in villa, quin aliquid commemoratione dignum scribat, transigit; et huic, sapientiam mercatoris admiranti, primo propriarum insaniarum historiam et tum ordine exponit, qua ratione edoctus sit a Stertino quodam philosopho et quidem: se nihilo magis insanire, quam omnes alios, excepto sapiente; hoc probat exemplis, Stertinium ipsum loquentem inducens. Carpit itaque primo timidos nimium ignavosque et temerarie audaces; post haec transit ad avarorum insaniam, quae comparatione iterata cum prodigorum dementia tanto magis elucescit; dehinc vanae gloriae cupidos insanire. Agamemnonis exemplo docet, et iterum reddit ad prodigos, quorum vesaniam luxuriosam in Nomentano vivide depingit; amantes dein puerorum more desipere, superstitiososque haud sanioris mentis esse demonstrat Damasippus, quem, ex ore Stertini omnia haec proferentem et narrantem, Horatius tandem interpellat, de se ipso sciscitans; respondens vero Damasippus: ipsum quoque insanire,

utpote qui magnificentiam Maecenatis in aedificando et amplificando Sabino imitari velit, a poeta, quasi propriorum vitiorum exaggerationem aegre ferret, silere jubetur.

B. Sic¹⁾ raro scribis, ut toto non quater anno Membranam²⁾ poscas, scriptorum quaeque retexens, Iratus tibi, quod vini somnique benignus³⁾ Nil dignum sermone canas. Quid⁴⁾ fiet? At ipsi Saturnalibus⁵⁾ huc fugisti! Sobrius⁶⁾ ergo Dic aliquid dignum promissis: incipe⁷⁾: nil est! Culpantur frustra calami, immeritusque laborat⁸⁾ Iratis natus paries dis atque poetis. Atqui⁹⁾ vultus erat multa et praeclara minantis,

1) Sensus: sic in scribendo, in componendis versibus, negligens es, inquit Horatio Damasippus, ut non quater in anno membranam petas, non nisi ea perpetuo, quae jam scripsisti, retexens, emendans, et quae displicuerint, expungens, teque ipsum aegre ferens, quod vino et somno largius indulgeas, nihilque scribas dignum, quod in publicam lucem ederetur.

2) Charta seu papyrus fiebat proprie ex intimo et tenuissimo cortice papyri, fructibus Aegyptiaci; membrana vero e pelle detracta membrum animalium. In ea porro membrana describebant Romani, quod servatum vellet, aut editum in vulgus: at si quid parum accurate scriptitarent, utebantur palimpsestis, id est, tabulis ligneis, cera obductis, in quibus deleri, quod scriptum erat, facile posset complanata cera. Membranam poscere, idem est ergo, ac, aliquid scribere, quod in lucem prodeat.

3) Id est, vino ac somno benignius, largius indulgens.

4) Id est: quorsum igitur evadet ista tua socordia? quid igitur facies? scribesne tandem, nec ne?

5) Saturnalia festa in honorem Saturni celebrabantur mense Decembri, in iis aequo omnium jure genium curabant. Vide Mythol. Sensus est: at videris certe ad scribendum adpulisse animum, quia ipsis Saturnalibus ex strepitu urbis, ubi nunc omnes laetitiae genioque suo indulgent, huc, in otiosam tuam villam Sabinam te recepisti.

6) Sensus: ergo in villa tua, ubi ab urbana luxuria remotus nunc sobrie vivis, cane, profer carmen, quod respondeat excitatae expectationi.

7) Id est: fac tandem aliquando initium; et mox, quasi aliquamdiu, sed frustra expectasset, addit: nil est! nihil in medium proferis.

8) Paries laborat, id est, male se habet, male tractatur, scilicet a poeta, qui, se nihil versuum proferre posse, indignans in parietem innocentem, immeritum iram effundit, eumque vel capite, vel pedibus, vel manibus petit pulsaturque; hinc jocosae paries etiam iratis poetis natus esse dicitur. Antiqui porro, quod sibi adversum execerari volebant, iratis Diis factum esse dicebant. Sensus est ergo: frustra calamos adusas, et ex ira parietem feris.

9) Atqui promittebas tamen mira quaedam te scripturum esse. Minari enim interdum est, promittere.

Si vacuum ¹⁰⁾ tepido cepisset villula tecto. ¹⁰
 Quorsum pertinuit stipare Platona ¹¹⁾ Menandro? ^{goguzabov}
 Eupolin, Archilochum, comites educere tantos? ^{ant. byzant. inf.}
 Invidiam ¹²⁾ placare paras virtute relicta?
 Contemnere, miser: vitanda ¹³⁾ est improba Siren,
 Desidia: aut quicquid vita meliore parâsti, ¹⁵
 Ponendum aequo animo: Dî ¹⁴⁾ te, Damasippe, Deaeque
 Verum ob consilium donent ¹⁵⁾ tonsore: sed unde
 Tam bene me nôsti. Postquam ¹⁶⁾ omnis res mea Janum ¹⁷⁾

10) Vacuum, id est: si te vacuum laboribus, otiosum, exceperit villa tecto sub tepido, hoc est, grato, jucundo, quia ibi in modico conclavi melius corpus fovere, et a frigore tueri poterat.

11) Plato fuit Atheniensis philosophus, ob sapientiam et eloquentiam divinus appellatus. Menander, poeta comicus Graecus, vixit a. u. 461. Hujus plerasque fabulas Terentius vertit in Latinum sermonem. De Eupoli poeta vide L. I. sat. 4. not. 1. Archilochus Parius, carminis Jambici princeps erat; hunc imitatus est Horatius. Sensus est: quid opus fuit stipare, congerere Platonem, Menandrum, Eupolin et Archilochum; hos comites tanto numero tecum rus educere? Auctorum autem nomina posita hic sunt pro libris eorum.

12) Sensus est: tunc, intermisso satyras scribendi studio, invidiam, quam eo tibi conflasti, placare studes? ast erras, contemnent illi te, qui prius invidiebant tibi, ob pigritiam, quam praepriis vitare debes. Satyras scribendi studium autem vocatur virtus, quia illud in carpendis hominum vitiis, et proinde in virtute commendanda versatur.

13) Id est: desidia, pigritia fugienda est, tanquam Siren nequissima; aut famam, quam bonis artibus et studiis collegisti, ultro perdes, h. e. bonae famae aequo animo renunciare debebis. Per vitam meliorem intelliguntur bonae artes et studia. Sirenes, monstra marina, virgines alatae in mari Tyrheno, praeterreutes nautas in scopulos pertrahebant cantu suavitate, et deinde occidebant.

14) Hic respondet Horatius.

15) Donent te tonsore Dii, pro vulgari: gratias tibi ago maximas pro consilio tuo. Optat vero Horatius, ut Damasippo Stoico philosopho (Stoici enim omnes barbati erant) tonsor contingat, qui squalidam barbam demetat; quia praeter barbam nihil philosophi habebat.

16) Postquam etc. Hic loquitur Damasippus. Sensus est: ex quo fortunarum omnium jacturam feci, cum negotia propria jam habeam nulla, curo aliena.

17) Erat in Foro Romano vicus Jani, a Jani bifrontis templo vel statua sic dictus. Prima hujus vicus pars primus seu summus Janus, media medius Janus, infima infimus vel imus Janus dicebatur; media pars fuisse videtur frequentissima, et in ea feneratorum ad mensas vel tabernas argentarias sedebant. Ibi igitur Damasippus in vasis antiquis, ut ipse paulo post narrat, et aliis rebus insano pretio coemendis nimium bonorum naufragium passus est, seu, fracta est omnis res ipsius.

Ad medium fracta est, aliena negotia curo,
 Excussus ¹⁸⁾ propriis: olim ¹⁹⁾ nam quaerere amabam, ²⁰
 Quo vafer ille pedes lavisset Sisyphus ²⁰⁾ aere,
 Quid sculptum infabre, quid fustum durius esset:
 Callidus huic signo ponebam millia centum:
 Hortos egregiasque domos mercarier ²¹⁾ unus
 Cum lucro nôram, unde ²²⁾ frequentia Mercuriale ²²
 Imposuere mihi cognomen compita. Novi ²³⁾,
 Et morbi miror purgatum te illius. Atqui ²⁴⁾ ^{morbo}
 Emovit ²⁵⁾ veterem mire novus, ut ²⁶⁾ solet, in cor
 Trajecto lateris miseri, capitisque dolore;
 Ut lethargicus ²⁷⁾ hic, cum fit pugil, et medicum urget. — 90

18) Excussus propriis, id est: perditis propriis bonis; his enim pessum-datis nihil, quod ad ipsum spectabat, curandum habebat Damasippus.

19) Sensus: olim, cum floreret adhuc res mea familiaris, veteres statuas, et antiqua vasa studiose conquirebam. Pro hoc dicit poeta: conquirebam aereum vas, in quo astutus Sisyphus pedes lavare solebat; porro conquirendo etiam inquirebam, dijudicabam, quid infabre, id est, non ad artis fabrilis scientiam sculptum, excusum; quidve durius, non satis molle, minus purgatum esset ab asperitate; et ut callidus, subtilis iudex, ut homo veteris artis, et veterum monumentorum recte aestimandorum bene peritus nonnunquam huic et illi statuae ponebam, constituebam pretium centum millium sestertiorum, seu nummorum. Sestertius fuit parva moneta, et mille ejusmodi sestertii efficiebant unum sestertium. Hic centum sestertia sunt intellegendi. Vide Antiquit.

20) Sisyphus, Aeoli filius, Corinthi rex astutus et vafer omnino fuit.

21) Mercarier, est Archaismus, pro vulgari, mercari, emere.

22) Sensus est: unde factum est, ut mercatores, qui in compitis frequentes convenire solebant, me alterum Mercurium, mercaturae praesidem vocarent. Compita dicuntur viae latae, ad quas ex multis regionibus convenitur.

23) Sensus: scio, respondet Horatius, et miror sane, eo te morbo fuisse liberatum. Morbi purgatum, Graeca constructio; ἀποκαθαίρειν enim cum genitivo construitur.

24) Atqui etc. Loquitur Damasippus. Sensus est: veteri morbo expulso novus successit, id est: novum studium nempe Stoicae philosophiae; novum igitur insaniae genus; nam Stoici quoque insaniant.

25) Emovit mire, id est, mirabili modo expulit.

26) Sensus: ut solet fieri, cum dolor capitis aut lateris aegri in cor transmittitur; et ut, cum quis, lethargo oppressus, in pugilem mutatur, et pugnis medicum contudit; id est: sicut nonnunquam morbus ex una parte corporis in aliam transit; et sicut ex lethargico subinde phreneticus fit, qui pugilis instar in obstantes, et impetum in medicum facere minatur. Vult igitur Damasippus hujusmodi aegroti comparatione ostendere, novum, quo nunc agitur, studium philosophiae Stoicae longe illo vetere esse ferventius.

27) Lethargus est morbus, qui veterum et somnum pene inextinguat.

H. Dum ²⁸⁾ ne quid simile huic, esto, ut libet. O bone ²⁹⁾, ne te Frustrere; insanis et tu, stultique prope omnes ³⁰⁾, Si quid Stertinius ³¹⁾ veri crepat; unde ³²⁾ ego mira Descripsi docilis praecepta haec, tempore, quo me Solatus jussit sapientem pascere barbam, ³⁵ Atque a Fabricio ³³⁾ non tristem ponte reverti. Nam male ³⁴⁾ re gesta, cum vellem mittere operto Me capite in flumen, dexter stetit, et: Cave ³⁵⁾ faxis Te quidquam indignum: pudor ³⁶⁾, inquit, te malus angit, Insanos qui inter vereare insanus haberi. ⁴⁰ Primum ³⁷⁾ nam inquiram, quid sit furere; hoc si erit in te Solo, nil verbi, pereas quin fortiter, addam. Quem ³⁸⁾ mala stultitia, et quaecunque inscitia veri

lem adferre solet, oritur ex pituita frigidiore in cerebro; phrenesis vero ex calidiorē bile.

28) Dum etc. Respondet Horatius: Sis, per me licet, quicumque esse cupis, labora, quo libuerit, morbo; modo ne quid facias simile huic phrenetico pugili, h. e. modo ne te furor in me agat.

29) O amice, inquit Damasippus, ne te frustrere, ne, quaeso, te ipsum decipias; insaniam enim laboras et tu, et omnes prope, si vera loquitur Stertinius, a quo ego mirabilia haec praecepta avidus didici tunc, dum me, solamine recreatum, jussit hanc barbam alere, more sapientum seu philosophorum, et a ponte Fabricio laetum reduxit.

30) Aiebant Stoici, omnes homines insanire, id est, aliqua vitiosa cupiditate implicatos esse.

31) Stertinius philosophus ducentos et viginti libros Stoicorum latine scripsit. Crepat, significanter, de hominibus verbosis et loquacibus.

32) Unde, id est, a quo. Sapientem barbam pascere, id est, suasit mihi, philosophus ut essem.

33) Fabricius pons, a Fabricio consule structus est e lapide, et insulam Tiberinam jungit ex ea parte, quae meridiem et montem Tarpejum respicit; ab altera vero parte, quae Janiculum spectat et Campum Martium, est pons Caestius. Ex illo autem voluerat Damasippus se praecipitare in Tiberium, prae dolore perditae rei familiaris.

34) Male re gesta, id est: amissis fortunis, perdita re familiari. Mittere: id est, praecipitare. Operto capite; nam qui se morti offerebant ex more antiquo caput velare et obvolvare solebant. Dexter stetit, id est, tamquam Deus aliquis, qui mihi faveret, adfuit.

35) Secunda syllaba in, Cave, non longa, sed brevis est per licentiam poëticam.

36) Id est: malus, stultus, imprudens pudor te divexat, cum verearis, timeas, durum putes, si parum sanus in media insanientium turba videaris.

37) Sensus est: quaeram etenim ante omnia, quid sit furere, insanire? hoc, id est, insaniam isthaec, si in te solo reperietur, non te pluribus verbis impediam, quo minus generosam oppetas mortem.

38) Haec, quae sequuntur, usque ad versum: Quo ne mala-etc. Sterti-

Caecum agit; insanum Chryssippi porticus et grex Autumat. Haec populos, haec magnos formula ³⁹⁾ reges, ⁴⁵ Excepto sapiente, tenet. Nunc accipe ⁴⁰⁾, quare Desipiant omnes aequae ac tu, qui tibi nomen *see Damasippus* Insano posuere. Velut ⁴¹⁾ silvis, ubi passim Palantes error certo de tramite pellit; *idem error* Ille sinistrorsum, hic dextrorsum abit; unus utriusque ⁵⁰ Error, sed variis illudit partibus: hoc te Crede modo insanum, nihilo ut sapientior ille, Qui te deridet, caudam ⁴²⁾ trahat. Est ⁴³⁾ genus unum *idem* Stultitiae nihilum metuenda timentis; ut ignes, Ut rupes, fluviosque in campo obstare queratur: ⁵⁵ Alterum ⁴⁴⁾, et huic varium, et nihilo sapientius, ignes Per medios, fluviosque ruentis; clamet amica,

nus cum Damasippo loquutus olim fingitur. Sensus: quem mala, perniciose stultitia, rationis expertis vecordia, aut veri aliqua ignorantia errare facit; hunc Chryssippi familia philosophica tota insanum adpellat. Chryssippus, Stoicus fuit philosophus. Vide L. I. sat. 3. not. 85. Per porticum et gregem ejus intelliguntur omnes reliqui Stoici, qui sic adpellati sunt a Graeco vocabulo *στοῖα* quod porticum denotat, in quo Zeno, ejusque disciplinae addicti docebant. Autumat, idem ac, habet, declarat.

39) Haec formula, id est: haec insani hominis definitio. Sententia est: Hujusmodi autem descriptio insaniae integros populos cum suis regibus tenet, complectitur; solumque sapientem excipit.

40) Accipe, id est, audi, percipe.

41) Sensus et ordo: quemadmodum fieri solet in silvis, ubi non raro palantes, id est, vagantes, circumerrantes a recta via deflectunt, hic sinistrorsum, ille dextrorsum; uterque errat, sed diverso modo: ita te quoque crede insanum; cum is, qui te deridet, nihilo te sapientior sit, et proinde, pariter, ac tu, ut insanus ab aliis derideatur.

42) Caudam trahat, hoc est, habeat ipse aliquid sibi incognitum, propter quod rideatur ab aliis. Modus iste loquendi ex eo ducitur, quod antiqui aequae ac nunc solent pueri; cum, ut aliquem ludibrio exponant, furtim illi a tergo, aut plumas, aut aliud quiddam simile adpendunt, quod, ille dum ignarus velut caudam circumfert, risum omnibus excitat.

43) Ordo est: unum insaniae genus eorum est, qui nullo modo timenda timent; quemadmodum, qui in aperto campo incendia, rupes, fluvios sibi obijci dolet, queruntur.

44) Sensus: alterum diversum quidem, sed non levius stultitiae genus est, se sic in medias flammam et fluminum rapidos fluctus conjicientium; ut admonentibus licet magno clamore, amica, matre, honesta sorore, patre, uxore atque cognatis: esse hic fossam ingentem, hic altissimam rupem, ut se servant, ut sibi caveant; nihilo magis audiant, quam olim Fufius vino obrutus, Iliom repraesentando reipsa obdormiens, audierit Catienuum ducentis mille vicibus iterantem magno clamore: Mater, te appello.

Mater, honesta soror cum cognatis, pater, uxor:
 Hic fossa est ingens! hic rupes maxima! serva!
 Non magis audierit, quam Fufius ebrius olim,
 Cum Ilionam⁴⁵⁾ edormit, Catiensis mille ducentis,
 „Mater te appello,” clamantibus. Huic⁴⁶⁾ ego vulgus
 Errori similem cunctum insanire docebo.
 Insanit⁴⁷⁾ veteres statuas Damassippus emendo.
 Integer est mentis Damasippi creditor? Esto⁴⁸⁾: 65

45) Iliona fuit maxima natarum Priami, quae Polymnestori regi Thracum nupta erat; huic Priamus minimum natu filium, Polydorum, initio belli Trojani, dubiam Martis aleam veritus, clam educandum tradidit. Genuit Iliona etiam filium Deiphilum ex Polymnestore; et ambos ut proprios educavit filios. Sed cum Achivi Troja capta prolem Priami extirpare vellent, legatos miserunt ad Polymnestorem, praemio magno proposito petentes, ut Polydorum occidat; Polymnestor vero Deiphilum filium suum occidit, arbitrans, se Polydorum interfecisse. In Euripidis autem tragoedia, qui eandem materiam tractavit, occisus supponitur Polydorus; quapropter et quidam in explicando hoc loco pro Deiphilo Polydorum sumendum esse putant. Vide Heindorf. ad h. l., Pacuvius ergo, cum tragoediam. Ilionam, scriberet, in qua Catienus quidam Deiphili personam agebat; Fufius vero alter actor, Ilionam repraesentabat, finxerat Fufium sive Ilionam dormientem in scena; hic autem revera edormivit, ob vinum liberalius haustum, ut non audiret Catienum, hoc est, Deiphilum voce maxima clamantem:

Mater te appello, tu quae curam somno suspensa levas,
 Neque te mei miseret: surge et sepeli natum.

Versus hi servati leguntur apud Ciceronem Quae. Tusc. I. 44. Imago igitur hominis, per praecipitia ruentis nec ullam dehortantium vocem auscultantis, Stertinio in memoriam revocat facetam hanc historiam de Fufio histrione. Catiensis mille ducentis, id est: Catieno histrione, qui qua umbra Deiphili prodibat, tanta vocis intentione clamante, ut mille ducenti Catiensi clamare viderentur.

46) Ordo est: ego docebo, cunctum vulgus, id est, omnes homines errorem insanire similem huic, de quo dixi, errori. Sensus: ostendam ego, omnes homines simili modo insanire, eosque aut stulte timido, aut nimium audaci similes esse. Insanire errorem, idem ac: errorem errare, quemadmodum etiam dicimus: insanire insaniam, gaudium gaudere etc.

47) Sententiam Stoicorum: omnes homines insanire, veram esse, probat exemplis. Sensus est: homines ajunt Damassippum insanire, cum emit antiquas statuas. An vero is integra, sana, mente est, qui pecuniam illi ad emenda ea, quibus delectatur, credit?

48) Esto, sit ita, fuge, hoc a me tibi dici: accipe, quod nunquam mihi restituas; certe non eris tu insanus, illud si accipias; esses autem profecto excors, vesanus, si id recusares, et praedam, id est, lucrum rejiceres, quod tibi propitius offert Mercurius. Supple: Ego potius insanirem, qui hac conditione, ut nunquam nempe mihi reddas, darem tibi. Mercurius Deus lucri. Vide Myth.

„ Accipe, quod nunquam reddas mihi, si tibi dicam,
 Tunc insanus eris, si acceperis? an magis excors
 Rejecta praeda, quam praesens Mercurius fert?
 Scribe⁴⁹⁾ decem a Nerio: non est satis; adde Cicutae
 Nodosi tabulas centum; mille adde catenas: 70
 Effugiet tamen haec sceleratus vincula Proteus.
 Cum rapiens in jus malis ridentem⁵⁰⁾ alienis,
 Fiet aper, modo avis, modo saxum, et cum volet, arbor.
 Si male⁵¹⁾ rem gerere, insani est; contra bene, sani;
 Putidius multo cerebrum est, mihi crede, Perilli,⁷⁵
 Dictantis, quod tu nunquam rescribere possis.
 Audire⁵²⁾, atque togam jubeo componere, quisquis

49) Sensus est: idem faciunt etiam creditores; dant debitoribus, quod, licet summa circumspectione per scriptas tabulas sibi caveant, nunquam ab iis reddatur; unde sunt etiam multo illis insaniores. Hoc autem poetice sic tractatur: Alloquitur Damasippus sordidum quemdam feneratorem, quem hortatur, ut in pecunia elocanda summa cura, ne decipiatur, sibi prospiciat. Scribe debitori decem tabulas, syngraphas, vel a Nerio, calidissimo feneratori conceptas, et contra omnem fraudem munitas; non est satis; adde centum tabulas Cicutae nodosi, id est, adde, ut tibi res sit tutior, tabulas Cicutae, alterius feneratoris peritissimi, qui mille modis et nodis solet debitores constringere, ne elabantur; adde mille catenas, id est, adde vincula omnium legum, mille cautionum genera, quibus tanquam catena creditori obstringitur debitor; instar Protei ejusdem tibi effugiet, fallendi causa omnes formas induet, debitum non reddet. Proteus enim fuit Deus marinus, pastor phocarum et vates; sed in diversissimas formas, sicut apri, avis, saxi arboris etc. se mutans, nulla, nisi coactus, dedit responsa. Vide Myth.

50) Malis alienis ridere, id est, ridere maxillis a risu alienis, gaudia tristi vultu ostendere et invito; debitores enim, cum in jus vocantur, speciem quidem hilaritatis prae se ferre conantur, ut hac specie creditores et iudices fallant, sed vultum tamen a hilaritate alienum penitus celare non possunt. Quidam interpretantur: Alieno, id est, creditoris malo gaudere; ast distinguendum est, mala, id est, maxilla, a, malum, h. e. damnum.

51) Sensus: si proprium insanientis est, rem suam male procurare; et e contrario sani, eandem bene administrare; certe multo insanior est Perillius, creditor tuus, qui jubet te scribere, qui dictat tibi, ut scribas in syngrapha, mutuo sumtam esse a te pecuniae summam, quam tu nunquam possis rescribere, id est, expungere, solvere, rescribendo in iisdem tabulis, debitum a te fuisse persolutum. Putidum cerebrum, pingue, pigrum, pro homine tardae mentis. Perillius fenerator fuit avarissimus, qui pro nummis in fenore positus, usuras omnem modum superantes exigebat. Vide Lib. I. sat. 2. not. 19.

52) Hucusque narrata Stertinii praecepta pertinent ad ipsius, qui ea narrat, Damasippi insaniam; nunc transit ad ea Stertinii praecepta, quae ad omnes homines spectant; itaque omnes attente se audire, et toga modesta collecta, sibi dicenti adsidere jubet; nam qui toga, defluente, soluta,

Ambitione mala aut argenti pallet amore,
 Quisquis luxuria tristive superstitione,
 Aut alio mentis morbo calet; huc proprius me, ⁸⁰
 Dum doceo, insanire omnes vos, ordine adite.
 Danda est hellebori ⁵³) multo pars maxima avaris:
 Nescio an Anticyram ratio illis destinet omnem.
 Haeredes Staberî ⁵⁴) summam incidere sepulcro:
 Ni sic fecissent, gladiatorum dare centum ⁸⁵
 Damnati populo paria, atque epulum, arbitrio Arrî,
 Frumenti quantum metit Africa. Sive ego prave,
 Seu recte hoc volui; ne sis patruus ⁵⁵) mihi. Credo ⁵⁶)
 Hoc Staberî prudentem animum vidisse. Quid ⁵⁷) ergo
 Sensit, cum summam patrimonî insculpere saxo ⁸⁰
 Haeredes voluit? Quoad ⁵⁸) vixit, credidit ingens
 Pauperiem vitium, et cavît nihil acrius; ut, si
 Forte minus locuples uno quadrante ⁵⁹) perisset,

male composita adsidet, videtur negligenter audire. Mala, id est, improba. Pallet, pro: agitur, avari enim, qui habendi cupiditate curisque de iis, quae possident, cruciantur, pallere solent. Calet, aestuat, pro: laborat.

53) Helleborum, Riešwur, herba, qua insanîa purgatur; nascebatur in insula Graeciae Anticyra optimum. Sensus est: nescio, an ratio, id est, gravioris morbi, quo avari laborant, scientia et cognitio omnem Anticyram, id est, quidquid hellebori in tota insula nascitur, dandum destinet avaris; an illorum stultitiae curandae sufficiat. Probat hoc exemplo Staberii.

54) Staberius, quidam avarus insignis, idemque ditissimus, jussit ab suis haeredibus notari et scribi in marmore, quo ejus tumulus tegebatur, quam eorum quisque summam in haereditate cernenda cepisset: quo testatum esset posteris, quam dives obiisset. Quodsi autem hoc non essent facturi, damnavit, jussit eos populo dare centum paria gladiatorum, id est, ludos in quibus centum paria gladiatorum inter se decertarent; praeterea epulum arbitrio, id est, ad exemplum Arrii cujusdam hominis luxuriosi; et frumentum, quantum in Africa colligeretur. Hoc ego sive male, sive bene volui, imperavi, ne sis hujus voluntatis meae patruorum more severus censor. Haec omnia loquitur Staberius; interposito enim hujus sermone narratiuncula suaviter fit.

55) Patruorum in immorigeros nepotes ira et objurgatio, si cum paterna comparetur, aspera esse consuevit, quod immodico patrum amore obcaecari non soleant, aut in peccatis juvenum perinde connivere; hinc fit, ut saepe patruus ponatur pro acerbo, severo censore. Vide L. II. sat. 2. not. 61.

56) Stertinius hic interpretatur Staberium: Arbitror, praevidissem Staberium, scilicet fore, ut haeredes summam patrimonii saxo insculpere recusent, prave id jussum esse judicantes.

57) Damasippus Stertiniûm interpellans interrogat: Quid ergo menti praepositum habuit, quando patrimonii summam incidit jussit tumulo ab haeredibus suis? saxo, pro: monumento sepulchrali

58) Respondet Stertinius

59) Quadrans est quarta pars assis.

Ipse videretur sibi nequior: omnis enim res,
 Virtus, fama, decus ⁶⁰), divina humanaque pulchris ⁹⁵
 Divitiis parent; quas qui construxerit ⁶¹), ille
 Clarus erit, fortis, justus. Sapiens ne ⁶²)? Etiam! et rex,
 Et quidquid volet. Hoc ⁶³), veluti virtute paratum,
 Speravit magnae laudi fore. Quid ⁶⁴) simile isti
 Graecus Aristippus ⁶⁵), qui servos projicere aurum ¹⁰⁰
 In media jussit Libya, quia tardius irent
 Propter onus segnes? Uter est insanior horum?
 Nil ⁶⁶) agit exemplum, litem quod lite resolvit.
 Si ⁶⁷) quis emat citharas, emtas comportet in unum,
 Nec studio citharae, nec musae deditus ulli; ¹⁰⁵
 Si scalpra et formas non sutor; nautica vela
 Aversus mercaturis: delirus et amens
 Undique dicatur merito. Qui ⁶⁸) discrepat istis,

60) Decus, idem ac, externus splendor.

61) Construxerit, coacervaverit, accumulaverit.

62) An etiam sapiens reputabitur? interrogat Damasippus; ad quod statim respondet Stertinius: Etiam! etc.

63) Hoc, divitias habere, id est, has opes et divitias, quasi essent virtute comparatae, putavit magno sibi fore honori.

64) Sensus: quid fecit Aristippus, quod simile sit isti Staberio, vel Staberii hujus facti? pro vulgari: quam dissimilis est Aristippus Staberio! vel: contrarium plane Staberio fecit Aristippus, opum contemtu parum moderato insignis.

65) Aristippus, Socratis discipulus, Cyrene in Libya natus, unde ejus philosophia Cyrenaica dicta est. Graecus ab Horatio asseritur propterea, quod, qui Cyrenem fundarunt, Graeci fuerint. Origine igitur Graecus fuit; patria vero Afer.

66) Sensus est: ast nihil, ait Damasippus, agit, dirimit exemplum, quod litem, id est, rem in litem vocatam, lite, id est, alia re pariter in litem vocata resolvit, vel: nihil prodest exemplum, quod rem difficilem alia aequae difficulti exponit, vel: ad rem aliquam reprehendendam nihil valet alius re pariter reprehendendae exemplum; hoc est: Staberii nimium divitiarum amor non carpi debet Aristippi nimium pecuniam contemnentis exemplo.

67) Continuat iterum Stertinius. Contextus et sensus: aliis ergo argumentis rem clarius exponentibus utar: si quis v. g. pretio comparet sibi citharas, et comparatas in locum aliquem deferat, seponat, nec studium citharae nec alius artis musicae curans, id est, homo ab artis musicae studio plane alienus; si emat scalpra et formas, qui non est sutor; et demum navium vela, qui mercaturam odit: delirare certo ab omnibus et insanire jure merito judicabitur. Scalpra sunt gladioli sutorii, quibus corium scinditur. Formae lignae sunt, quas sutores in calceos conficiendos induunt et immittunt. Undique, pro, ab omnibus.

68) Qui discrepat, id est, quid autem differt ab istis ille, qui etc.

Qui nummos aurumque recondit, nescius uti
 Compositis⁶⁹⁾, metuensque velut contingere sacrum? *110*
 Si quis ad ingentem frumenti semper acervum
 Porrectus⁷⁰⁾ vigilet cum longo fuste; neque illinc
 Audeat esuriens⁷¹⁾ dominus contingere granum,
 Ac potius foliis⁷²⁾ parcus vescatur amaris;
 Si, positus intus⁷³⁾ Chii veterisque Falerni¹¹⁵
 Mille cadis, nihil⁷⁵⁾ est, ter centum millibus; acre
 Potet acetum⁷⁶⁾; age⁷⁷⁾, si et stramentis incubet, unde
 Octoginta annos natus, cui stragula vestis,
 Blattarum et tinearum epulae, putrescat in arca;
 Nimirum⁷⁸⁾ insanus paucis videatur, eo quod *120*
 Maxima pars hominum morbo jactatur eodem.
 Filius⁷⁹⁾, aut etiam haec libertus ut ebibat haeres,
 Dis inimice senex, custodis? ne tibi desit?
 Quantulum enim summae curtabit quisque dierum,
 Ungere si caules oleo meliore, caputque *125*

69) Compositis, comparatis, partis, collectis.

70) Porrectus, id est, prostratus, jacens, adcumbens.

71) Esuriens dominus, id est, quamvis sit acervi dominus, et fame prematur.

72) Foliis, id est, herbis amaris, insipidis.

73) Intus, h. e. in cella vinaria positus, adservatis.

74) Chiosinsula in Aegaeo mari, una Cycladum, in qua nascitur optimum vinum. De vino autem Falerno in Campania nobili jam saepius dictum est.

75) Nihil est, est correctio, pro: quid dico, mille, immo tercentum millibus.

76) Acetum, id est, vappam, vinum corruptum.

77) Age, id est, adde, audi porro; si in stramentis, seu palea cubet, dormiat senex unde octoginta, id est, 79 annos natus, qui vestem stragulam plurimam habet, quae autem in arca putrescit, ut inde epulentur interim blattae ac tineae. Stragula vestis est, quae lecto insternitur. Blattae ac tineae vermiculi sunt vestem arrodentes.

78) Sensus est: pauci scilicet insanum illum existimabunt, quia maxima pars hominum eodem morbo jactatur, laborat.

79) Ordo est: o senex, Dis inimice, invise, an custodis haec, ut a prodigio tuo filio haerede, aut liberto consumantur? eaque id mente facis, quasi metuas, ne quid tibi desit, ne aliquando egeas? bono sis animo! nihil tibi deerit; quantulum enim de summa tot nummorum, de tot rerum copia imminuet unusquisque dies, si coeperis ungere meliore oleo caules et caput, quod foedum est impexis porrigine crinibus, seu, quod foedum est crinibus, qui propter porriginem pecti nequeunt. Curabant enim antiqui caput oleo odorato sive unguentis. Porrigo autem morbus quidam capitis est, cum inter pilos enascuntur squamulae quaedam, quod impexis fere accidit; furfures appellat istas squamulas.

Coepers impexa foedum porrigine? Quare⁸⁰⁾,
 Si quidvis satis est, perjuras, surripis, aufers
 Undique? tun' sanus⁸¹⁾? Populum si caedere⁸²⁾ saxis
 Incipias servosve, tuo quos aere pararis,
 Insanum te omnes pueri clamentque puellae: *130*
 Cum⁸³⁾ laqueo uxorem interimis, matremque veneno,
 Incolumi capite es? Quid⁸⁴⁾ enim? Neque tu hoc facis Argis,
 Nec ferro, ut demens genitricem occidit Orestes.
 An⁸⁵⁾ tu reris eum occisa insanisse parente,
 Ac non ante malis dementem actum Furiis, quam *135*
 In matris jugulo ferrum tepefecit acutum?
 Quin⁸⁶⁾ ex quo habitus male tutae mentis Orestes,

80) Sensus: quare, si quidvis, id est, exiguum quidpiam sufficit ad vicium, pejeras, rapis, et tollis undique; en avari descriptionem gravissime tribus verbis expressam!

81) Tunc sanus, mentis compos es?

82) Caedere, id est, petere, adoriri lapidibus. Pararis pro, paraveris, id est, quos pecunia tua emeris.

83) Cum autem suffocas laqueo uxorem, ut ejus dotem possideas, et matrem veneno interficis, ut haereditate fruaris, anne incolumi capite, sana es mente? Alludit ad caedes ejusmodi, quae tunc temporis ex cupiditate habendi patrae frequentes Romae fuisse videntur.

84) Quid enim? Cur enim non sis incolumi capite, vel sana mente? Stertinius scilicet simulat, se causam matricidae agere velle, et sic cum irrisione per, quid enim? concedit, quod pro maximo scelere habet. Tu namque hanc caedem non patras Argis, nec etiam ferro, sicut demens Orestes matrem suam occidit. Ac si diceret (ironice scilicet) tu, qui ad occidendam matrem uteris veneno, non committis insanum scelus; hoc enim Argis tantum non Romae tale reputatur; idem etiam ironice confirmat Orestis exemplo.

85) Sensus: putasne hunc, nempe Orestem, occisa matre primo, sicut fabula narrat, insanum factum, et non ante jam in furorem actum esse, quam gladii mucronem jugulo materno infixit? Tepefecit, poetice, quia gladius sanguine hominis, qui occidit illo, calefit.

86) Sensus est: imo, ex eo tempore, quo male tutae mentis, id est, insane mentis habitus palam est Orestes, nihil profecto fecit, quod a te reprehendi possit; non Pyladem ferro adgredi aut sororem Electram est ausus, solum verbis utrumque est insectatus, vocans hanc Furiam; hunc autem aliud, quod ardens ira suggessit. Ex quo habitus hic neglecta est elisio. Splendida, idem ac, ardens, vehemens bilis, ira. Orestes Agamemnonis et Clytemnestrae filius, qui matrem ferro occidit, ut mortem patris, quem illa de medio sustulerat, ulcisceretur. Hoc tamen facinus Orestis Dii non probarunt; sed poenas de eo sumserunt immisissis Furiis, quibus tamdiu agitaretur, donec ad Tauricæ Dianæ aras scelus expiasset. Horatius autem ironice fabulam invertit, adserendo, Orestis furorem desuisse occisa matre; de his enim, quae ironice dicuntur, contrarium semper intelligendum est. Pylades, Strophii Phocensis filius, amicus fidelissimus Orestis, quem iuriosum factum non deseruit, sed eum usque

Nil sane fecit, quod tu reprehendere possis;
 Non Pyladen ferro violare aususve sororem
 Electram; tantum maledicit utrique, vocando 140
 Hanc Furiam, hunc aliud, jussit quod splendida bilis.
 Pauper Opimius⁸⁷⁾ argenti positi intus et auri,
 Qui Vejentanum⁸⁸⁾ festis potare diebus
 Campana solitus trulla⁸⁹⁾, vappamque profestis⁹⁰⁾,
 Quondam lethargo⁹¹⁾ grandi est oppressus, ut haeres 145
 Jam circum loculos et claves laetus ovansque
 Curreret. Hunc⁹²⁾ medicus multum celer atque fidelis
 Excitat hoc pacto: mensam poni jubet, atque
 Effundi saccos nummorum; accedere plures
 Ad numerandum: hominem sic erigit⁹³⁾: addit⁹⁴⁾ et illud; 150
 Ni tua custodis, avidus jam hoc auferet haeres.
 Men' ⁹⁵⁾vivo? Ut⁹⁶⁾ vivas igitur, vigila: hoc age. Quid⁹⁷⁾ vis?
 Deficient⁹⁸⁾ inopem venae te, ni cibus atque

in Tauricam regionem sequutus, pro ipso mori voluit. Electra fuit soror Orestis, quam hic in furis conviciis adfecit.

87) Opimius, homo avarus quidam, qui quamvis aurum argentumve intus, id est, domi in arca positum et reconditum haberet, ejus tamen erat pauper, quia illo non utebatur.

88) Vejentanum vinum, vile, in agro Etruriae Vejentano natum.

89) Trulla Campana, id est, vase fictili in Campania facto, vili patera.

90) Diebus profestis, h. e. diebus, quibus operi vacare solemus, bibere solebat vappam, hoc est vinum corruptum et aceto simile.

91) Lethargus, morbus est, quo, qui laborat, somno gravi et perpetuo obruuntur. Vide supra not. 27. Sensus est: aliquando tam profundo oppressus est lethargo, ut haeres jam sibi plaudens circum loculos, seu arcas, et claves, quibus erant Opimii thesauri conclusi, discurreret et saltaret.

92) Hunc, id est, Opimium medicus celer, hoc est, solers in consilio capiendi, vel remedio aliquo excogitando, atque fidelis sequenti modo e somno lethargico excitat.

93) Erigit, id est, hac re efficit, ut homo e lethargo excitatus, caput e lecto exserat.

94) Addit, id est, tum dicit adhuc medicus: nisi thesauros tuos melius custodiveris, haeres illos avidus occupabit.

95) Men' vivo? Verba sunt Opimii: Mene adhuc vivente et superstitute meos mihi nummos haeres auferet?

96) Medicus: Evigila ergo, somnum excute, ut vivas; hoc age, id est, in hoc unum incumbe; hoc tibi vel maxime sit curae; nam in eo, quo nunc es statu, lethargo scilicet oppressus, vix vivere videris.

97) Opimius: Quid vis igitur, quid imperas, suades, ut faciam?

98) Medicus: Vires te miserum, jejunum et opis egentem deserent, nisi optimo cibo sumto sustentens stomachum deficientem etc. Venae positae pro sanguine, defectus autem sanguinis etiam virium defectum post se trahit. Stomachi jejuni sultura vero est cibus.

Ingens accedit stomacho sultura ruenti.
 Tu cessas⁹⁹⁾? Agedum, sume hoc ptisanarium oryzae. 155
 Quanti¹⁰⁰⁾ emtae? Parvo¹⁾. Quanti²⁾ ergo? Octussibus³⁾.
 Eheu⁴⁾!

Quid refert, morbo, an furtis pereamve rapinis?
 Quisnam⁵⁾ igitur sanus? Qui⁶⁾ non stultus. Quid⁷⁾ avarus?
 Stultus⁸⁾ et insanus. Quid⁹⁾? si quis non sit avarus,
 Continuo sanus? Minime¹⁰⁾. Cur, Stoice¹¹⁾? Dicam¹²⁾. 160
 Non est cardiacus, Craterum dixisse putato,
 Hic aeger. Recte est igitur, surgetque? Negabit;
 Quod latus aut renes morbo tententur acuto.
 Non¹³⁾ est perjurus, neque sordidus; immolet aequis
 Hic porcum Laribus. Verum ambitiosus et audax: 165

99) Tu cessas? id est, ne moreris, ne differas; quantocius sorbe jusculum hoc arya incocta paratum. Ptisanarium oryzae est jusculum seu pulmentum ex oryza.

100) Verba Opimii.

1) Medicus respondet.

2) Opimius interrogat.

3) Medicus: Octo assibus.

4) Opimius: Me miserum! Quid refert an peream furtis et rapinis meorum haeredum, an morbo, qui curandus sit tot sumtibus, ita ut asses octo in unam ptisanam abeant.

5) Interrogat Damasippus Stertinium.

6) Stertinus: Qui non est stultus et aliqua cupiditate mala irretitus.

7) Interrogatio Damasippi.

8) Stertinus: Non solum stultus, sed etiam insanus.

9) Interrogatio Damasippi. Sanus, id est, sapiens.

10) Respondet Stertinus.

11) Damasippus: Cur, o Stertini, Stoice? Stertinus enim se ipsum Stoicum appellat.

12) Stertinus: Exponam tibi: Finge tibi medicum insignem, qualis est Craterus, dicere de aliquo aegrotante: non est cardiacus, id est, non laborat stomachi doloribus. An propterea recte, id est, bene valebit, ita ut surgere possit e lecto? Craterus certe negabit, valere hominem et posse surgere, quia lateris aut renem dolore idem laborat. Cardiacus dicitur, qui stomachi, quem veteres Graeci καρδίας adpellabant, doloribus affligitur.

13) Sensus: si potes de aliquo dicere: non pejerat, nec sordida tenetur avaritia: bene est; ille immolet Laribus propitiis porcum, id est, Diis Laribus gratias agat; sed si tamen ambitionis et arrogantiae laborat vitio; profecto mente captus est, et Anticyram naviget, ut ibi mentis morbo liberetur. Vide supra not. 53. Quid enim differt, an in barathrum tua omnia projicias, an nullum usum facias quaesitorum? De Diis Laribus, quibus porci offerebantur, vide L. III. od. 12. not. 12. et Myth. In barathrum projicere aliquid, idem est ac, profundere, pessumdare; ambitiosi enim maximos solent facere sumtus.

Naviget Anticyram: quid enim differt, barathrone
 Dones quicquid habes; an nunquam utare paratis? -
 Servius Oppidius Canusi¹⁴⁾ duo praedia, dives¹⁴⁾
 Antiquo censu, natis divisisse¹⁶⁾ duobus
 Fertur, et haec moriens pueris dixisse vocatis¹⁷⁰
 Ad lectum, postquam te talos¹⁷⁾, Aule¹⁸⁾, nucesque
 Ferre sinu laxo, donare et ludere vidi;
 Te, Tiberi, numerare, cavis abscondere tristem:
 Extimui, ne vos ageret vesania discors;
 Tu Nomentanum, tu ne sequere Cicutam.¹⁷⁵
 Quare¹⁹⁾ per divos oratus uterque Penates,
 Tu cavē ne minuas; tu, ne majus facias id,
 Quod satis esse putat pater, et natura coërcet.
 Praeterea²⁰⁾, ne vos titillet gloria, jure-

14) Canusium oppidum est Apuliae.

15) Dives antiquo censu: id est, pro ratione, qua aliquis antiquitus dives censebatur. Si enim quis antiquitus duo praedia habebat, dives censebatur.

16) Divisse, pro, divisisse.

17) Sicut hodie, ita olim quoque pueri talis seu sorte, nucibus pro praemio positus, ludere solebant. Hinc sponsi die nuptiali spargebant nuces, se puerilia nunc deponere velle significantes.

18) Oppidii alter filius, Aulus, paulo levior, et ad liberalitatem propensior, aperte in togae sinu laxo, id est, latius extenso, portabat nuces, quas vel obviis sodalibus donabat, vel iis ludebat, ita quidem, ut brevi tempore nihil ei restaret de nucibus; alter, Tiberius, paulo ad rem attentior, et ad avaritiam proclivior, saepius numerabat nuces, easque tristis, id est, severo et sollicito animo, in latebrosis locis abscondebat; hinc extimescebat pater, ne Aulus aliquando prodigus, Tiberius fieret avarus. Cavis, id est, locis excavatis sive latebris. Vesania discors, dissimilis; aliter enim insanit prodigus, aliter avarus. De Nomentano vappa et nebulone atque nepote vide L. I. sat. 1. not. 68. De Cicutā feneratorē avaro vide supra not. 49.

19) Sensus: uterque igitur per Deos penates rogati sunt: tu quidem vide, ne deteriorem facias rem; tu vero ne illam amplifices ultra id, quod pater sufficere iudicat, et naturae necessitas postulat.

20) Sensus est: ad haec, ne vos olim honorum pungat, ducat cupiditas, volo, ut iurejurando mihi promittatis, fore, ut qui vestrum unquam aut aedilitatem aut praeturam, hoc est, magistratus alicujus dignitatem susceperit, is potestate testandi excidat, et execrabilis fiat. Aedilium cura erat, aedificia tum profana, tum acra sarta tecta servare: annonae item praerant, et ludis publice habendis: praetores vero jus dicebant. Vide Antiquit. Intestabilis dicitur is, qui neque testamentum facere, neque ex facto aliquo testamento bona accipere, neque faciendū testamento testis adesse poterat, fuit igitur homo omnium contemptui expositus, homo nefarius et detestabilis. Sacer, id est, execrabilis, cui diras imprecamur.

Jurando obstringam ambo: uter aedilis, fueritve
 Vestrum praetor, is intestabilis et sacer esto.
 In²¹⁾ cicere atque faba bona tu perdasque lupinis,
 Laetus ut in circo spatire, et aeneus ut stes,
 Nudus agris, nudus nummis, insane, paternis?
 Scilicet, ut plausus, quos fert Agrippa²²⁾, feras tu,¹⁸⁵
 Astuta ingenium vulpes imitata leonem?
 Ne²³⁾ quis humasse velit Ajacem, Atrida, vetas cur?

21) Jam pater alloquitur in hunc fere modum alterutrum filiorum; ita tamen, ut idem utrique dicere voluisse putandus sit: nonne insanum esset, si ad populi gratiam captandam bona dilapidares ciceris, fabae et lupinorum largitionibus, ut superbus in circo incedas, deambules, aut statua tibi ex aere collocetur, dum interim hac vanitate nudaris, exueris omni patrimonio, agris et nummis, quos reliquerat pater? Putasne eosdem tibi plausus dari, quos fert Agrippa, qui scilicet, imitando hunc virum, vulpeculae astutiae in Aesopi fabula similis es, quae imitata vocem leonis feras territare coeperat, et mox agnita ludibrio fuit. Cicero, lupinos, fabas, et alia legumina id genus, populo distribuere in ludis maxime Florilibus aediles. Idem faciebant vulgo candidati, ut populi suffragia captarent. Latius ut in circo spatire, id est: summoto late circum populo: lepide hominis superbi et simulatam dignitatem praeseferentis incessus describitur. Scilicet, cum irrisione.

22) M. Vipsanius Agrippa a. u. 721. aedilis factus, tam ludis Circensibus et spectaculis magnificentissime adparatis, quam publicis aedificiis pulcherrime extructis et pluribus aliis operibus omnes alios aediles longe superavit, et a populo Romano, ubicunque in ejus conspectum venerat, ingenti plausu exceptus est. E verbis: plausus quos fert Agrippa, concludere licet, anno aedilitatis Agrippae scriptam esse satyram.

23) Postquam priori loco avaros, deinde ambitiosos exagitavit, adgreditur superbos nobiles, qui ob speciem gloriae inanem multa gravia peccant, nec leviter insaniunt. Instituitur autem inter plebejum aliquem et Agamemnonem, Graeci exercitus in bello Trojano ducem, et Atreo natum, dialogus fere ex Sophoclis Ajace expressus: Apud quem, cum Teucer Ajacem fratrem interfectum humare vellet, Agamemnonis jussu vetatur id facere, quod Ajax ipsum Agamemnonem et ejus fratrem Menelaum etiamque Ulyssem interficere in animo habuisset, fecissetque, nisi Diis volentibus oves, eorum loco, per errorem occidisset. Ne quis etc. sunt verba plebeji, ad quae respondet Atrides seu Agamemnon: Rex sum! quid libet, imperare mihi licet. Me vero plebejum, subjicit hic, non decet aliam requirere causam. Rex: Aequum praeterea est, quod jubeo, etsi cui videtur aliter, per me licet, impune proferat, quid sentiat. Plebejus: O Rex summe, Dii tibi concedant, ut expugnata Troja, id est, feliciter finito bello Trojano, feliciter etiam classem domum reducas! Licetne igitur interrogare, et accepto responso, iterum interrogare, consulere? Rex: Interroga. Plebejus: Cur Ajacis, qui heros fuit Achilli proximus, et cujus ob servatos tam saepe Graecos summa gloria est, cadaver insepultum putescit, id est, putredine corrumpitur, magna populi Priami, id est, Trojanorum et Priami ipsius laetitia, qui gaudent inhumatum cernentes eum,

Rex sum. Nil ultra quaero plebejus. Et aequam
Rem imperito: at, si cui videor non justus, inulto
Dicere, quod sentit, permitto. Maxime regum,
Dī tibi dent capta classem reducere Troja!
Ergo consulere, et mox respondere licebit?
Consu'le. Cur Ajax heros ab Achille secundus
Putescit, toties servatis clarus Achivis?
Gaudeat ut populus Priami Priamusque inhumato,
Per quem tot juvenes patrio caruere sepulcro?
Mille ovium insanus morti dedit, inclytum Ulyssem
Et Menelāum una mecum se occidere clamans.
Tu²⁴⁾ cum pro vitula statuis dulcem Aulide natam
Ante aras, spargisque mola caput, improbe, salsa,
Rectum animi servas? Quorsum²⁵⁾? Insanus²⁶⁾ quid enim
Ajax

Fecit, cum stravit ferro pecus? Abstulit vim
Uxore et gnato, male multa precatus Atridis.
Non ille aut Teucrum, aut ipsum violavit Ulyssem.
Verum²⁷⁾ ego, ut haerentes adverso in litore naves
Eriperem, prudens placavi sanguine Divos.

per quem tot juvenes Trojani patriis tumulis privati sunt? Regis sequuntur verba. Res autem ita gesta est: Ajax, non impetratis armis Achillis, quae contra Ulyssem petebat, repulsam adeo aegre tulit, ut in amentiam et furorē sit versus; tunc oves multas neci dedit iratus, clamitans, se Agamemnonem, Menelaum ejus fratrem, et Ulyssem occidere; donec, ense ipsius manu per pectus adacto, interiit. Vide L. I. od. 13. not. 25.

24) Plebejus: Tu vero, quando vitulae loco carissimam filiam ad aras immolandam offerebas Aulide, et mola salsa, id est, farre tosto ac sale misto caput illi adspergebas, improbe; anne tu integritatem animi tuebaris, sana mente fueras? Est Aulis in Boeotia portus, in quo cum classis Graeca Trojam petens ventis contrariis diu detineretur, nec solvendi facultas daretur: Agamemnon ejus dux Calchantis vatis monitu filiam suam Iphigeniam, domo evocatam spe nuptiarum, mactandam obtulit, ad placandam Dianam regionis praesidem, quae putabatur Graecis irata ob cervam ipsi sacram, et ab Agamemnone percussam.

25) Rex: Quorsum haec? in quem finem ista profers?

26) Plebejus: Quid enim gravioris sceleris commisit Ajax insaniens? Occidit gregem; at ab uxore, a filio manus violentas abstulit, id est, in eos non saevit; tantum mala multa, id est, diras, gravissima quaeque imprecatus est Atrēi filiis, Agamemnoni et Menelao. Ast nec Teucrum nec Ulyssem unquam violavit. Teucer fuit dux Graecorum clarus, in primis et fortis, Ajacis frater, de quo vide L. I. od. 6. not. 24. De Ulysse jam saepius dictum.

27) Rex: At ego, ut naves extraherem in portu alieno detentas, prudenter feci, Deorum iram leniens sanguine.

Nempe²⁸⁾ tuo, furiose. Meo²⁹⁾, sed non furiosus. Qui³⁰⁾ species alias veri scelerisque, tumultu Permistas, capiet, commotus habebitur; atque, Stultitiāne erret, nihilum distabit, an ira. Ajax cum immeritos occidit, desipit, agnos; Cum prudens scelus ob titulos admittit inanes, Stas animo? et purum est vitio tibi, cum tumidum est cor? Si³¹⁾ quis lectica nitidam gestare amet agnam, Huic vestem ut gnatae paret, ancillas paret, aurum, Rufam et Pusillam appellet, fortique marito Destinet uxorem; interdicto huic omne adimat jus Praetor, et ad sanos abeat tutela propinquo. Quid? si quis gnatum pro muta³²⁾ devovet agna, Integer est animi, ne dixeris. Ergo³³⁾, ubi prava Et furiosus erit; quem cepit vitrea fama,

28) Plebejus: Sed, sanguine filiae tuae Iphigeniae, o furiose!

29) Rex respondet.

30) Plebejus: Qui diversas rerum species, ideas, imagines, cogitationes, alias veri, id est, rei aequae ac rectae, alias sceleris tumultu, id est, affectuum vi et impetu inter se permistas animo concipiet; is commotus, affectuum vi correptus et perturbatus, id est, insanus habebitur; atque unum idemque erit, utrum aliquis stultitia, an ira peccet; scelera enim commissa manent scelera. Ajax sententia tua insanit, innocentes agnos occidens; at tu, quum volens et sciens, ut tibi concilies inanem gloriam servatae patriae, ut ambitioni servias, scelus committis, et filiam occidis, satiusne sapis, sana mente stas; et puro vitii corde te esse putas, cum animus tumidus est, inflatur, concitatur inanibus titulis et vana gloria?

31) Sensus: si quis pulchram agnam lectica propria gestari vellet; si vestem ei atque ancillas, ac si esset filia, designaret, et ornata aurea pararet, emeret; eam Rufam et Pusillam vocaret, eique fortem virum maritum destinaret; certe causa justa esset, cur Praetor insano illi eripiat jus omne, sua nimirum bona administrandi, et civilia obeundi munera, ejusque tutelam demandet ipsius propinquis mente sanis. Pro: Rufam et Pusillam alii legunt, Pupam et Pupillam, et alii adhuc aliter. Sunt autem haec nomina blandientia et ficta, qualiacunque demum sint. Interdictum, est decretum, certis formulis conceptum, quo Praetor aliquid fieri vel jubet, vel vetat.

32) Muta, id est, bruta, rationis experte.

33) Sensus: ergo qui stulte sectatur prava, rectissime insanus; qui perperat scelera, non solum insanus, sed etiam furiosus adpellabitur; qui virtutis bellicae gloria captus est, exsplendescere cupit, eum Bellona, gaudens rebus cruentis, furore vel insaniam percutit. Ita plebejus concludit, Agamemnonem et Bellatores alios insanire. Fama vitrea, id est, splendida vel etiam fragilis, instar vitri.

Hunc circumtonuit gaudens Bellona ³⁴⁾ cruentis. —
 Nunc ³⁵⁾ age, luxuriam et Nomentanum arripe mecum;
 Vincet enim stultos ratio insanire nepotes. *225*
 Hic ³⁶⁾ simul accepit patrimonii mille talenta;
 Edicit: piscator uti, pomarius, auceps,
 Unguentarius, ac Tusci ³⁷⁾ turba impia vici,
 Cum scurris fartor ³⁸⁾, cum ³⁹⁾ Velabro omne Macellum,
 Mane domum veniant. Quid ⁴⁰⁾ tum? Venere frequentes,
 Verba facit leno: quicquid mihi, quicquid et horum
 Quisque domi est, id crede tuum: et vel nunc pete, vel cras.
 Accipe ⁴¹⁾, quid contra juvenis responderit aequus:

34) Bellona, Dea belli, sororque Martis. Vide Mythol.

35) Jam Stertinius nepotes et prodigos quoque insanire docturus redit ad Nomentanum, quem jam supra produxit. Vide not. 118. et L. I. sat. 1. not. 68. Sensus: age porro, et luxuriam una cum Nomentano luxurioso et nepote simul arripiamus, expendamus, discutiamus; et rationum ac argumentorum pondere facile evincetur, ostendetur, probabitur; nepotes, dissolutos et prodigos homines insanos esse.

36) Sensus: hic Nomentanus, quam primum ex patrimonio suo mille talenta accepit, edicit, id est, palam denuntiari et illico moneri jussit, ut piscatores, unguentarii etc. postridie mane in domum suam veniant. Talenta fuerant diversi generis, majora et minora: Talentum Atticum seu commune autem respondebat nostris 1200 thaleris. Pomarius est, qui poma, seu fructus arborum; et unguentarius, qui unguenta vendit.

37) Tuscus vicus fuit Romae, in quo habitabant olim Tusci, qui, solvente obsidionem Porsenna, remanserant in urbe. Tempore autem Horatii erat idem vicus, lurconum, ganeonum, lenonum, aliorumque hujusmodi hominum faece plenus; ideo hos homines adpellat poeta turbam impiam Tusci vici, id est, quae inhabitat Tuscum vicum.

38) Fartor est, qui farcimina conficit et vendit.

39) Cum velabro omne Macellum, id est, cum omnibus, qui in vico Velabro et Macello varia escarum genera venalia habebant. Velabrum vicus Romae ad montem Aventinum, ubi olim paludes erant, per quas ex urbe in montem Aventinum ituri navicula utebantur; in hoc loco omnia prostabant, quae ad victus rationem et delicias pertinebant. Macellum locus erat, ubi vendebantur obsonia praecipue, praeterea pisces et caro animalium.

40) Quid tum factum est? paruerunt edicto, et quod exspectari poterat, quam plurimi venerunt; omnium nomine his illum verbis alloquitur leno: Quaecumque aut ego, aut isti omnes domi nostrae habemus, ea in tuis numera, jube ad te adferri hodie, vel cras. Lenoni non sine causa faciendi oratoris, qui et suas, et omnium, qui aderant, merces officiosissime commendaret, partes demandatae sunt.

41) Accipe, id est, audi nunc, quid reposuerit aequus, benignus, largus, juvenis Nomentanus, primum ad venatorem, dein ad piscatorem; denique ad lenonem conversus.

In nive Lucana ⁴²⁾ dormis ocreatus, ut aprum
 Coenen ego; tu ⁴³⁾ pisces hiberno ex aequore verris;
 Segnis ego, indignus, qui tantum possideam; aufer ⁴⁴⁾!
 Sume tibi deciesi tibi tantundem; tibi triplex,
 Unde uxor media currit de nocte vocata. —
 Filius ⁴⁵⁾ Aesopi detractam ex aure Metellae,
 Scilicet ut decies solidum absorberet, aceto
 Diluit insignem baccam: qui sanior, ac si
 Illud idem in rapidum flumen, jaceretve cloacam?
 Quinti progenies Arrii ⁴⁶⁾, par nobile fratrum,

42) Lucania est regio Italiae extremae, prope Calabriam ad mare inferum: ibi capiebantur apri praestantiores. Sensus: tu cum ocreis pernoctas in Lucaniae nivibus, ut ego aprum in coena habeam.

43) Tu piscator media hieme, ubi non sine magna opera pisces capi possunt, eosdem e mari intimo petis; ego vero molli otio fruor, parum dignus opibus tantis, quas possideo.

44) Sensus: quapropter aufer! id est, accipite! Tu decies centena millia sestertium, ad venatorem; tu, ad piscatorem, totidem; et tu, ad lenonem primas partes apud se agentem, triplo plus; unde, id est, e cujus domo uxor citata saepe media nocte currit, gressus geminat prae quaestus faciendi cupiditate. De Sestertio vide supra not. 19. et Antiquit. Quoties autem adverbium numerale occurrit semper supplendum est: centena millia sestertium.

45) Plinius in Hist. Nat. IX. 59. post narrationem de insaniam, qua Cleopatra, ut ostenderet, ingentem pecuniae summam brevissimo temporis spatio in ventrem demitti posse, immensi pretii margaritam, aceto liquefactam, sorbuisse dicitur, agit quoque de re, quae ad hunc locum spectat: Prius, ante Cleopatram nempe, id fecerat Romae in unionibus magnae taxationis Clodius, tragoedi Aesopi filius, relictus ab eo in amplis opibus heres, ut experiretur in gloria polati, quid saperent margaritae; atque, ut mire placere, ne solus hoc sciret, singulos uniones convivis quoque absorbendos dedit. Hic Clodius Metellae, quae eum deperibat, amabat, ablatum unionem, et aceto dilutum, sorbuit. Metellam mulierem admodum divitem fuisse, ex hac ipsa de illa narratione satis apparet. Sed cum plures hujus nominis fuerint mulieres vel matronae, quam potissimum jam designaverit poeta, manet in ambiguo. Sensus est: Aesopi filius, cum gemmam praeclarissimam ex aure Metellae sustulisset, eam aceto infuso liquefecit, ut integram decies centenorum millium H S summam uno haustu sorberet; quo in re non sanior fuit, ac si illam gemmam in fluvium aut cloacam projecisset. Solidum, idem ac, totum, integrum, non in partes divisum; ergo integram summam decies etc.

46) De Arrio vide supra not. 54. Ordo est: Qu. Arrii progenies, filii, nobile par fratrum gemellum, id est, fratres duo famosi similes ob nequitiam, puerilia studia, et amorem rerum pravaram, qui erant soliti prandere, comedere lusciniis impenso, id est, immenso pretio emtas; cur

Nequitia et nugis pravorum et amore gemellum
 Luscinias soliti impenso prandere coëmtas;
 Quorsum abeant? Sani ut creta, an carbone notandi?
 Aedificare⁴⁷⁾ casas; postello adjungere mures,
 Ludere par impar, equitare in arundine longa,
 Si quem delectet barbatum, amentia verset.
 Si⁴⁸⁾ puerilius his ratio esse evincet amare;
 Nec quidquam differre, utrumne in pulvere, trimus
 Quale prius, ludas opus, an meretricis amore
 Sollicitus piores: quaero, faciasne, quod olim
 Mutatus Polemon⁴⁹⁾? ponas insignia morbi,
 Fasciolas⁵⁰⁾, cubital⁵¹⁾, focalia⁵²⁾; potus ut ille
 Dicitur ex collo⁵³⁾ furtim carpsisse coronas,
 Postquam est impransi correptus voce magistri?

abeant, id est, praetereantur tanquam sani; quasi dubium esset, an ut sani creta, an ut insipientes carbone notandi essent. Fausta enim et bona albo, infausta vero et mala nigro colore notantur, hinc pervulgata illa locutio.

47) Ordo est: si quis homo barbatus et provector aetate delectetur casis e charta aedificandis, jungendo plaustro muribus, ludo paris et imparis, et equitatione in arundine longa; hunc certe amentia versari, vexari et agitari dices. Stertinius transit hic ad insaniam eorum qui delicias faciunt in amoribus.

48) Sensus: si autem ratio evincit, eos, qui amoribus indulgent, adhuc puerilius agere, quam ii, de quibus modo dixi; nec differre quidquam, sive in pulvere ludas opus seu ludum, qualem ante ludere solebas, cum trimus, id est, puer esses trium annorum, sive captus turpi amore piores; quaero a te, sisne facturus, quod olim fecit mente mutata Polemon? Pones, abjiciesne, sicut ille, morbi seu amoris istius insignia et ornamenta: fasciolas, cubital, focalia: quemadmodum narratur ille, ebrius licet, potuisse de collo coronas, postquam magistri sobrii oratione est reprehensus? Impransi, id est, sobrii.

49) Polemon juvenis fuit Atheniensis perditae luxuriae. Is cum ebrius incederet per urbem, fertur audisse Xenocratis vocem disputantis; deinde introiisse coronatus et unguentatus ad eum deridendum. Senex autem perseveravit, et invectus in luxuriam coëgit Polemonem poenitere sui, et coronas abjicere; qui postea tantus in philosophia Academica exstitit, ut dignus existimatus sit, qui Xenocrati succederet, et philosophiam Athenis doceret.

50) Fasciologiae sunt vincula et ligamina, quae placendi studio a delicatis adolescentibus brachiis vel pedum cruribus circumvolvebantur.

51) Cubital, erat pulvillus cubito coenantium suppositus; coenae enim adcumbebant veteres.

52) Focalia erant colli ornamenta, seu collaria a collis dependentia, ad fovendum collum, et fauces contra frigus muniendas.

53) In laetioribus conviviis vel commissionibus convivae duas coronas gestabant, alteram in capite, alteram in collo.

Porrigis⁵⁴⁾ irato puero cum poma, recusat:
 Sume, Catelle! negat: si non des, optat. Amator
 Exclusus qui distat, agit ubi secum, eat, an non,
 Quo rediturus erat non accessitus, et haeret
 Invisis foribus? Nec nunc, cum me vocet ultro,
 Accedam? an potius mediter finire dolores?
 Excludit, revocat: redeam? non, si obsecret. Ecce
 Servus, non paulo sapientior; O here, quae res
 Nec modum habet, neque consilium, ratione modoque
 Tractari non vult: in amore haec sunt mala; bellum:
 Pax rursus; haec si quis tempestatis prope ritu
 Mobilia, et caeca fluitantia sorte, laboret
 Reddere certa sibi, nihilo plus explicet⁵⁵⁾, ac si
 Insanire pareat certa ratione modoque.
 Quid⁵⁶⁾? cum Picens⁵⁷⁾ excerptens semina pomis,

54) Redit ad pueros, et docet porro, insanire amatores, puero- rum more. Sensus est: quando irato puero poma offers; non vult accipere: Sume, inquis, Catelle! (est haec vox blandientis) non vult: si non obtuleris, desiderat. Huic puero similis est amator etc. et pro hoc: in quo ab isto differt amator, quem amica exclusit? cum agit secum, id est, deliberat, an eat ad illam, an non eat, quo, id est, cuius in domum profecto rediturus fuisset, si non fuisset accessitus; at quia accessitus est, haeret in ipso limine, dubius, an ingrediatur, et ad invisam januam maneat, talia secum murmurans: Neque si me nunc ultro vocet ingrediari; an non satius est, finem doloribus, id est, amori imponere? ejecit me, nunc iterum revocat; redeamne? non si precibus infimis oret. Ecce servus haud paulo sanior adest inquis: O mi here, res, quae nec modum patitur, neque consilio regitur, ratione et modo tractari non debet: amoris enim ista propria mala sunt; bellum, et mox iterum pax; haec si quis tempestatis prope more mutabilia, et caeco agitata impetu ad certam rationem regere et compescere vellet, non plus proficiet, quam si certo modo insanendi praeccepta tradat, vel, quam si cum ratione stultus esse velit. Hic locus est expressus ex Eunucho, Terentiana comoedia. Act. I. scen. 1. inquit Phaedria: Egone non accedam ad Thaidem? ne nunc quidem, cum me ultro accersit? etc. Paulo post intervenit Parmenio servus; hero non sanior, et alloquitur Phaedriam in hunc fere modum, sicut hic heroicis est expositum versibus.

55) Explicet, id est, expediat, proficiat.

56) Pergit Stertinius ad aliud in amore insaniae genus, scilicet ad superstitionem, qua, qui amant, se aut faustum aut infaustum amoris sui eventum exquirere posse opinantur. Huc refert morem, ex quo amantes porum semina vel nucleos duorum primorum digitorum compressione et impulsu ideo in altum agebant, ut inde, si semina illa ad conclavis laquear usque exsiluissent, faustum amoris sui augurium caperent. Rem narrat Pol-lux Onom. IX. 123.

57) Picens; epitheton ornans, quia in agro Piceno in Italia ad oram maris Adriatici praestantiora poma nascebantur.

Gaudes, si cameram percusti⁵⁸⁾ forte, penes⁵⁹⁾ te es?
 Quid? cum⁶⁰⁾ balba feris annoso verba palato,
 Aedificante casas qui sanior? Adde⁶¹⁾ cruorem
 Stultitiae, atque ignem gladio scrutare modo, inquam;
 Hellade percussa Marius⁶²⁾ cum praecipitat se,
 Cerritus⁶³⁾ fuit? an⁶⁴⁾ commotae crimine mentis
 Absolves hominem, et sceleris damnabis eundem,
 Ex more imponens cognata vocabula rebus?
 Libertinus⁶⁵⁾ erat, qui circum compita siccus
 Lautis mane senex manibus currebat: et, Unum,
 Quiddam magnum addens, unum me surpите morti,

58) Percusti, pro: percussisti, teligisti.

59) Penes te es? id est, esne sanae mentis?

60) Inversa constructio, pro: verbis balbis annosum palatum feris; non enim palato verba feruntur, sed verba cum pronunciantur feruntur, percuntur, palatum. Sensus est: cum tu senex, ut mulieris gratiam captes, instar pueri balbutiente voce blanditias loqueris et verbis tremulis palatum tuum verberas, anne sanior es puero casulas aedificante?

61) Sensus: adde, quod illa stultitia interdum ad caedem rapit. Modo, referendum est ad, Adde. Adde modo, insuper, ad hanc in amore stultitiam caedem, et ignem, id est, pectus, amoris igne accensum; gladio scrutare, id est, percute, transfige.

62) Marius quidam ob amorem Helladen quamdam puellam occidit, cum ab ea contemneretur, et se postea praecipitem e saxo dedit.

63) Cerritus, idem ac, lymphaticus, insanus, furens. Sensus: hic Marius nonne insanus fuit?

64) Sensus: an tu absolves eum crimine commotae, furore percitae mentis, id est, insanum quidem fuisse hunc negabis, sceleratum vero esse fateberis, ex more hominum, qui dant rebus iisdem, quas diversas putant, nomina cognata, et prope idem significantia? Qui enim sceleratus est apud Stoicos, idem est insanus.

65) Stertinus denique hominum insaniam per ea, quae praeter sortem suam adpetunt, et per vota, quae animo concipiunt, probat, et adducit in exemplum libertinum quemdam hoc fere modo: quidam libertinus senex, mane siccus, id est, jejunos obibat compita (ubi Deos Penatos constitui et coli jusserat Augustus) lautis seu ablutis aqua manibus, ut eas puras ad Deos tenderet, et orabat hoc, quiddam magnum addens ad Deos sibi conciliandos: (quid autem illud magnum fuerit, an votum, vel quid aliud, ignoratur) O Dii, unum me ex omnibus morti precor surpите, id est, surripite, eripite, id enim Dii potestis facile, ajebat, mihi concedere. Ille sanus erat auribus et oculis, mente non item; ac si servus iterum a libertino factus fuisset, venditusque, debuisset dominus, nisi lites amaret et sibi vellet inferri, excipere caput, id est, emtorem admonere, illum cetero corpore sanum esse, praeterquam capite et mente. Venditor enim debebat vitia omnia rei venditae, praesertim Mancipiorum, emtoribus aperire, ni fecisset, mulctabatur, et in eum erat actio.

Dīs etenim facile est, orabat; sanus utrisque
 Auribus atque oculis; mentem, nisi litigiosus,
 Exciperet dominus, cum venderet: hoc quoque vulgus
 Chrysippus ponit foecundā in gente Meneni.
 Jupiter, ingentes qui das adimisque dolores,
 Mater ait pueri menses jam quinque cubantis,
 Frigida si puerum quartana reliquerit, illo
 Mane die, quo tu indicis jejunia, nudus
 In Tiberi stabit: casus medicusque levārit
 Aegrum ex praecipiti, mater delira necabit
 In gelida fixum ripa, febrimque reducet.
 Quone malo mentem concussa? timore Deorum.
 Haec mihi Stertinus, sapientum octavus, amico
 Arma dedit, posthac ne compellarer inultus,

66) Sensus: Hos quoque, qualis libertinus ille erat, e vulgo homines ad foecundam Menenii gentem Chrysippus refert. Chrysippus erat philosophus Stoicus. Menenius autem erat tunc temporis vivens stultus homo, cui non facile similis exstitit, ut stultorum esset quasi paterfamilias, vel stultae stirpis, numerosas admodum et foecundae, princeps.

67) Adducta in exemplum femina quadam vulgari, ostendit Stertinus porro, superstitiosos quoque insanire.

68) Id est: qui magnos morbos immittis et tollis.

69) Id est: aegrotantis.

70) Frigida quartana, id est, febris quarto quoque die recurrens.

71) Quo indicis jejunia, id est, quo sacerdotes jejunium aliquod imperabunt tuo nomine. Jejunii enim publice indictis et denunciatis placare Deos moris erat, ac festos dies celebrare.

72) Nudus stabit, id est, expiationis causa summo mane illum ad Tiberim constituam nudum.

73) Sensus: quod si igitur casus, id est, natura viribus suis; seu medici scientia illum et praecipiti, gravi, et periculoso morbo recreaverit, mater demens ex superstitioso voto filium, exponendo illum aëri frigido ad ripas Tiberis, vel occidet plane, vel saltem in pristinum morbi et febris statum rejiciet. Quone malo, id est, qua autem insaniam mentem concussa gerit haec mulier? seu: quidnam fuit illud, quod matrem ad hanc insaniam adigeret? nihil aliud certe, quam superstitiosus Deorum timor.

74) Damasippus, postquam praecepta Stoica ex ore Stertini enarravit; vide supra not. 38. nunc sermonem cum Horatio inchoatum continuat. Per arma intellige praecepta Stoica, quibus Damasippus ad se defendendum ab illis, qui se impugnaturi, h. e. insanum compellaturi sint, se tanquam armis uti velle ait. Sensus: his me Stertinus sapientum Graecorum octavus et amicus mihi, armis, id est, argumentis, instruxit, ne me deinceps quisquam contumeliosis verbis laeasseret impune. Stertinus dicitur octavus sapientum; proprie tantum septem fuerant.

Dixerit ⁷⁵) insanum qui me, totidem audiet; atque ⁷⁶)
 Respicere ignoto discet pendentia tergo.
 Stoice ⁷⁷), post damnatum sic vendas omnia pluris: ³⁰⁰
 Qua me stultitia (quoniam non est genus unum)
 Insanire putas? ego nam videor mihi sanus.
 Quid ⁷⁸)? caput abscissum manibus cum portat Agave
 Gnati infelicis, sibi tum furiosa videtur?
 Stultum ⁷⁹) me fateor (liceat concedere veris) ³²⁵
 Atque etiam insanum; tantum hoc edissere, quo me
 Aegrotare putes animi vitio? Accipe ⁸⁰), primum
 Aedificas, hoc est, longos imitaris, ab imo
 Ad summum totus moduli bipedalis; et ⁸¹) idem

75) Sensus: qui me insanum dixerit, is, quoties id dicet, toties idem a me audiet, h. e. toties vicissim eum insanum compellabo. Stoici enim docent, omnes insanire, ideoque eos ipsos insanire, qui alios insanire dicant.

76) Sensus: et discet respicere manticae partem, pendentem sibi a tergo, quam ignorat, quam non intuetur. Alluditur ad fabulam Aesopi de duplici mantica, qua quemque adfirmabat uti, ut anteriore quidem illius parte aliena vitia prae oculis semper haberet; propria vero removeret in tergum, ne possent a se conspici.

77) Verba sequuntur Horatii: O Damasippe, Stoice, dic mihi, quaeso, quo stultitiae genere, quoniam adeo multa sunt, tu me insanire putas? quod si dixeris, ego, siquidem jacturam fortunarum tuarum et naufragium feceris, hoc certe a superis tibi precabor, ut jam in vendendo sis fortunator, et pluris, quam omnes alii, merces tuas vendas, lucri plus facias. Vide not. 17. et 18. supra ad vers. 19. et 20.

78) Damasippus respondet: Ideone sanus es, quod tibi sanus videris? etiam Agave sibi videbatur sana cum maxime fureret. Agave erat Penthei mater, et Cadmi filia, immisso sibi furore a Baccho, quem Pentheus rex Thebarum laeserat, filii caput amputavit, rata se aprum vel taurum discernere.

79) Verba sunt Horatii. Liceat concedere veris, id est, liceat, quod verum est, fateri, vel: ut veritatem dicam. Animi vitium, pro: insania.

80) Damasippus respondet: Audi itaque; primum moliris aedificia et, cum statura sis duorum pedum ab imo ad summum, id est, a calce usque ad caput, longos h. e. proceros imitaris; quasi diceret: tu aemularis magnificentiam divitum pauper, praecipue autem Maecenatis, qui ad Esquilias hortos sibi et domum impensis maximis exstruxerat. Vide L. I. sat. 8. not. 6. 7. Credibile est, Horatium in villa Sabina, superiore anno sibi donata, amplificanda occupatum fuisse. Ditiore porro et beatiore, ad quos praecipue pertinebat Maecenas, jocosè Damasippus, longos; Horatium vero pauperem et in re tenui natum, bipedalis corporis hominem, adpellat; et re vera fuit Horatius exigui corporis homo. Vide vitam Horatii.

81) Sensus: tu idem autem rides spiritum, id est, fastuosam in armis jactantiam et incessum superbum Turbonis armati, qui tamen corpore majore est, quam tu.

(Spicula majorem, quam corpore Turbonis) ⁸²) in armis ³¹⁰
 Spiritum et incessum: qui ⁸³) ridiculus minus illo?
 An ⁸⁴) quodcunque facit Maecenas, te quoque verum est,
 Tanto dissimilem, et tanto certare minorem?
 Absentis ⁸⁵) ranae pullis vituli pede pressis,
 Unus ubi effugit, matri denarrat, ut ingens ³¹⁵
 Bellua cognatos ⁸⁶) eliserit: illa ⁸⁷) rogare
 Quantane? num tantum, sufflans se, magna fuisset?
 Major dimidio. Num tanto? Quum magis atque
 Se magis inflaret; non, si te ruperis, inquit,
 Par eris. Haec a te non multum abludit ⁸⁸) imago. ³²⁰
 Adde ⁸⁹) poemata nunc: hoc est, oleum adde camino;
 Quae si quis sanus fecit, sanus facis et tu.
 Non dico horrendam rabiem Jam ⁹⁰) desine. Cultum ⁹¹)
 Majorem censu Teneas ⁹²), Damasippe, tuis te.

82) Turbo gladiator fuit, parvus corpore, sed animosus pugna.

83) Sensus: si Turbo hic ridiculus est, num tu minus es illo?

84) Id est: te ne, tanto Maecenati dissimilem et inferiorem, verum h. e. aequum est facere et audere, quod ille audet, et cum eo contendere, quo longe minor es?

85) Sensus: cum ranae pullos, matre absente, vitulus pede oppressisset, concalasset, unusque effugiens matri narrasset, quo pacto etiam.

86) Cognatos, id est, pullus alios una secum natos, ex eadem ortos matre.

87) Illa, rana mater, rogare coepit, quanta fuisset illa bellua? et se sufflans quaesivit: Numne tam magna fuerit, ac ipsa sit? Pullus inquit: Dimidio major. Et adhuc magis se inflans mater interrogabat: Fuerit ne tanta? et magis semper inflante se matre, pullus tandem respondit: Neque, si te diruperis, aequabis belluam.

88) Non multum abludit, id est, non multum dissimilis est tibi; parum discrepat a te.

89) Sensus: adde nunc ad reliquas insanias tuas adhuc poëtices studium, adde oleum igni, h. e. insaniae nova praebe alimenta in praedio tuo Sabino, et penitus insanus eris; nemo enim sanus adhuc versus et carmina fecit, neque tu sanus facies; taceo adhuc de horrenda rabiè tua, qua te abripi siveras ad scribenda carmina criminosa, seu, ad scribendas satyras. Dictum hoc videtur ex sententia veterum, juxta quam nemo poterat esse verus poëta sine mania, seu, furore quodam poëtico. Heindorf.

90) Horatius nunc sermonem Damasippi, quo ipsum etiam adgreditur, interrumpit dicens: Desine tandem.

91) Damasippus continuat adhuc: Non dico, praetereo sumtus, quos facis, quive censum et opes tuas excedunt. Sumtus enim facere vires nostras et censum excedentes, etiam est insaniae genus.

92) Horatius: Contineas te, Damasippe, intra tua, h. e. intra e, quae ad te ipsum spectant: nosce te ipsum.

Mille ⁹³⁾ puellarum, puerorumque mille furores. 325
 O major ⁹⁴⁾ tandem parcas, insane, minori.

S a t y r a IV.

Occasio et argumentum.

Horatius, qui saepius inter coenandum apud Maecenatem non sine magna molestia audivisse videtur, convivam aliquem, vel plures, multa verba facientes de lautarum epularum sapore, natura, raritate, confectione etc. eorum jam in hac satyra vanitatem, et importunitatem derisurus, artis coquinariae et artis coenas adornandi praecepta, quae Catius quidam se ex ore magni in arte hac magistri hausisse fingit, mira diligentia Epicureorum more refert. Magister ille fuit probabilis unus convivarum, cujus nomen, ne iram illius sibi contrahat, consulto tegit poeta; ast Maecenatem ipsam fuisse, ut Heindorfius putat, nimis audax conjectura esse videtur. Carminis structura sequens est: occurrit forte Catius Horatio, de praeceptis, quae a magistro artis didicit, meditans, et rogatus ea profert. Tractat itaque 1° de ovis, 2° de oleribus, 3° de gallina celeriter paranda, 4° de fungis, 5° de moris sanitati valde conducentibus, 6° de mulso, 7° de cibus pro alvo, 8° de optimis speciebus conchyliorum, 9° de piscium praeparatione, 10° de carne ferina, 11° de piscium et avium bonitate, 12° de vino, 13° de stomachi vino marcentis refectione, 14° de jure, 15° de pomis, et iis, quae ad coenam secundam pertinent, et 16° de munditie in epulis observanda. Horum praeceptorum praestantia adeo se perculsum dicit facete Horatius, ut maximo, e magistro ipso ea percipiendi, desiderio se flagrare adfirmet. Tempus Satyrae ignoratur.

Unde ¹⁾, et quo Catius ²⁾? Non ³⁾ est mihi tempus, aventi

93) Damasippus: Omitto etiam reliquos tuos amores et insanias, quibus puellarum et puerorum more exagitaris; nihil dico de his.

94) Horatius: O tu, insane, cujus insania major est mea, parcas tandem mihi, cujus insania minor est tua; sive: o insane, parcas tandem mihi minus te insanienti.

1) Sensus: unde huc venit Catius, et quo tendit? Horatius enim fingit se illi occurrere ex improvviso.

2) Catius sine dubio nomen est fictum.

3) Respondet Catius: Non vacat mihi respondere nunc tibi; aveo enim,

Ponere signa novis praeceptis, qualia vincunt Pythagoram ⁴⁾, Anytique ⁵⁾ reum, doctumque Platona ⁶⁾.
 Peccatum ⁷⁾ fateor, cum te sic tempore laevo Interpellarim: sed des veniam bonus, oro.
 Quod ⁸⁾ si interciderit tibi nunc aliquid, repetes mox; Sive est naturae hoc, sive artis, mirus utroque. —
 Quin ⁹⁾ id erat curae, quo pacto cuncta tenerem, Utpote res tenues, tenui sermone peractas. —
 Ede ¹⁰⁾ hominis nomen, simul et, Romanus an hospes. —
 Ipsa ¹¹⁾ memor praecepta canam; celabitur auctor.
 Longa ¹²⁾ quibus facies ovis erit, illa memento,

id est, cupio ponere signa, id est, litteris mandare, scripto notare nova praecepta, quae praestantiora sunt longe praeceptis Pythagorae, Socratis et Platonis. Praecepta autem nova, qualia a nemine adhuc proposita sunt, concernunt res, e quibus, et modum, quo laetae epulae parabantur.

4) Pythagoras fuit ex insula Samo. In Italiam venit imperante Numa; philosophus praestantissimus.

5) Anytique reus, Socrates est, philosophus Graecus, et adcusatus ab Anyto Atheniensi divite.

6) Plato philosophus itidem Graecus et celeberrimus.

7) Horatius loquitur. Laevo, id est, non opportuno tempore. Bonus, id est, benignus.

8) Sensus: quodsi quid ex his praeceptis, quae jam litteris cupis consignare, tibi excidat animo, illud postea in mentem tibi revocabis; sive haec in memoriam audita revocandi facultas est res insiti tibi ingenii, id est, sive tibi est natura facilis et docilis ad recordandum; sive hoc tibi ars dedit; tu sane in utroque excellis.

9) Sensus est: atqui hoc ipsum agebam, in eo eram, cum mihi occurristi; mecum id agitabam, quomodo retinere memoria possem omnia illa praecepta; cum quaedam essent valde tenuia h. e. subtilia et subtili etiam sermone tradita, exposita. Haec respondet Catius.

10) Horatii verba. Hominis, nempe, apud quem res illae subtiles tractatae sunt. Hospes, id est, advena, non Romanus.

11) Catius respondet: Praecepta ipsa, quantum recordabor exponam, auctoris vero nomen non edam. Quis fuerit ille, cujus nomen poeta reticet, vix eos, qui tum vivebant, latere potuit, fuit fortasse vir quidam nobilior, cujus iram contra se irritare noluit poeta. Ceterum hic ipse subtilis saporum iudex et experientissimus praestantissimarum epularum aestimator atque magister huic scribendae satyrae omnem materiam suppeditasse videtur. Vide Argumentum.

12) Satis constat in coenis apud Romanos primum ova et postremum mala adposita esse. Itaque, qui nunc de epulis subtiliter aestimendis atque dijudicandis verba facit, servato, quo illae in coena se excipere solebant, ordine, primum sententiam suam fert de ovis. Sensus est: ova, quae longiorem faciem, id est, formam, figuram habent, illa prae aliis mensae ad-

Ut succi melioris et ut magis alma rotundis,
 Ponere: namque marem cohibent callosa vitellum.
 Caule¹³⁾ suburbano, qui siccis crevit in agris,¹⁵
 Dulcior: irriguo nihil est elutius horto.
 Si¹⁴⁾ vespertinus subito te oppresserit hospes,
 Ne gallina malum responset dura palato,
 Doctus eris vivam misto mersare Falerno;
 Hoc teneram faciet. Pratensibus¹⁵⁾ optima fungis²⁰
 Natura est: aliis male creditur. Ille¹⁶⁾ salubres
 Aestates peraget, qui nigris prandia moris
 Finiet, ante gravem quae legerit arbore solem.
 Aufidius¹⁷⁾ forti miscebat mella Falerno;
 Mendose; quoniam vacuis committere venis²⁵

ponere memento, id est, adponenda sunt, nimirum ut plena succo meliore, id est, melioris saporis, et ut plus alimenti praebentia rotundis; sunt enim magis callosa, id est habent albumen spissius et densius, quod cohibet, includit, continet marem vitellum h. e. semen pulli masculi.

13) Transit 2^{do} ad olera sive caules. Sensus: caules arido solo nati, sunt suburbanis suaviores; terra enim nullibi per aquam magis est eluta, nullibi magis est humida, quam in hortis suburbanis; sive quod illi siti erant in locis humidis; sive quod rivuli in eos deducebantur.

14) Tertia regula de paranda gallina. Sensus: si te hospes sub vesperam oppresserit, id est, tibi ex insperato advenerit, ne durior gallina palato responset, resistat, obluetur; doctus eris, id est, scito, utile fore, eam, dum adhuc vivit, Falerno aqua temperato immergere, sic tenera evadet. Gallina enim, quae, postquam sub improvviso hospitis adventu caesa est, statim coquitur, manet dura, ideoque parum respondere potest expectationi hospitis, non duram sed teneram carnem edere cupientis. Malum, positum est pro: male.

15) Praeceptum 4^{um} de fungis, quibus optima, salubris, et innoxia natura est, si in pratis leguntur; aliunde petitis non satis tute utaris; quia in silvis inveniuntur simul fungi mali et valetudini obnoxii, qui ob similitudinem, quam cum bonis habent, facile fraudi esse possunt.

16) Praeceptum 5^{um}. Qui per aestatem valere cupit, ille prandia sua finiet moris, a quibus etiam illa inchoaverit, et quidem nigris, lectis, decerpitis ex arbore, antequam sol meridie gravis sit, id est: ille nihil praeter ea mora comedet. Prandia vero Romana ex solis moris nemo mirabitur, aestate praesertim, quisquis meminerit, plerumque unica coena contentos fuisse Romanos, et prandium apud eos praecessisse coenae, convenissequae cum nostro jentaculo. Vide Antiq. de Coena.

17) Praeceptum 6^{um}. Aufidius, homo gulosus, cujus gentem nosse nihil attinet, forti Falerno et fervido vino admiscebat mel; sed mendose, id est, male, etenim vacuo et jejuno stomacho nihil adplicari oportet, quod lene ac moderatum non sit; satius fuerit lene mulsum praecordiis infundere. Vacuae venae et praecordia, posita sunt pro stomacho.

Nil nisi lene decet: leni praecordia mulso¹⁸⁾ *Mulum*
 Prolueris melius. Si dura¹⁹⁾ morabitur alvus,
 Mitulus et viles pellent obstantia conchae,
 Et lapathi brevis herba, sed albo non sine Coo²⁰⁾ *Alpium*
 Lubrica²¹⁾ nascentes implent conchylia lunae; ³⁰
 Sed non omne mare est generosae fertile testae.
 Murice²²⁾ Baiano melior Lucrina peloris:
 Ostrea²³⁾ Circejis, Miseno²⁴⁾ oriuntur echini²⁵⁾;
 Pectinibus²⁶⁾ patulis jactat se molle Tarentum. *Stipite*
 Nec²⁷⁾ sibi coenarum quivis temere arroget artem,

18) Mulsum dicebatur potus e vino et melle commixto, qui adhibebatur plerumque in prima coena.

19) Praeceptum 7^{um} Si alvus durior morabitur, id est, tardius, aegrius, se exonerabit, mitulus cum conchis vilibus et brevi lapathi omnem perumpet obicem, si tamen vinum Coum album addideris. Mitulus piscis parvus est ex genere concharum seu ostreorum. Lapathum vocatur etiam rumex, est herba amans prata brevibus et acutis foliis. Apud nos *Sauerampfer*.

20) Coum vinum, seu Graecum ex insula Coo, ad Cariam Asiae minoris provinciam posita. Apellis et Hippocratis patria.

21) Praeceptum 8^{um} agit de optimis speciebus conchyliorum et ostreorum. Sensus: ostreorum testae lubricae, id est, politae et leves, mucosae quodam liquore obductae, luna nascente impleri incipiunt; sed non quodlibet mare optimas gignit.

22) Sensus: pelorides lacus Lucrini muricibus Bajarum praestant. Murex et peloris pisces duo ex genere ostreorum seu testaceorum. Lacus Lucrinus fuit inter Puteolos et Bajas in Campania, et conchae captae in hoc lacu meliores erant illis, quae capiebantur in sinu prope Bajas.

23) Circeji urbs Volscorum fuit in Latio; prope hanc urbem est promontorium Circejum, nunc dictum: Monte Circello. Circensibus ostreae neque dulciora neque teneriora fuisse ulla, compertum est Plinio.

24) Miseno est promontorium Campaniae in Italia non procul a Cumis, nomen habens a Miseno Aeneae tubicini, ibidem sepulto; prope est etiam oppidum ejusdem nominis.

25) Echinus testaceorum genus, ubique spinis munitum. Nostris: *Seezgef.* Vide etiam Epod. V. not. 20. Sensus est: ostrea ad Circejum promontorium, echini autem optimi ad Misenum nascuntur.

26) Pectines, apud nos: *Ramm Muschel*, etiam sunt de genere testaceorum. Patulis, refer ad pectinum formam concavam. Molle Tarentum ab ingenio hominum mollius et luxuriosius ibi viventium. Est autem urbs Italiae in ea Calabriae parte, quae olim Messapia dicebatur. Jactat se, id est, superbit.

27) Praeceptum 9^{um}. Neque vero facile quisquam se jactare potest coenarum parandarum arte et scientia; nisi prius habeat exacte cognita tenuissima saporum discrimina et rationem. Non satis est pisces caros eme-

Non prius exacta tenui ratione saporum.
 Nec satis est, cara pisces averrere mensa²⁸⁾
 Ignarum²⁹⁾, quibus est jus aptius, et quibus assis
 Languidus³⁰⁾ in cubitum jam se conviva reponet.
 UMBER et iligna nutritus glande rotundas⁴⁰
 Curvet aper lances carnem vitantis inertem:
 Nam Laurens malus est, ulvis et arundine pinguis.
 Vineae submittit capreas non semper edules.
 Fecundae lepōris sapiens sectabitur armos.
 Piscibus³¹⁾ atque avibus quae natura et foret aetas,⁴¹
 Ante meum nulli patuit quaesita palatum.
 Sunt³²⁾, quorum ingenium nova tantum crustula promit.
 Nequaquam satis in re una³³⁾ consumere curam:

re, sed opus quoque est scire, qui eorum elixi, quive assi melius et jucundius sapiant. Averrere, est manum alicui rei cupide injicere, eamque auferre.

28) Mensa cara, intelligenda est de mensa in macello, in quo cari vel magni pretii pisces expositi sunt: ex hac igitur mensa cupidi lautiorum epularum entores, dum alter alteri mercem quasi ex manibus eripit, pisces averrunt.

29) Ignarum, id est, non sufficit huic, sc. pisces averrere, qui ignorat emtor, quod jus, id est, jusculum cuique pisci conveniat magis; et quinam sint pisces, quibus assis conviva jam languidus, id est, satur laevo cubito in pulvinari posito, iterum ad edendum se componat, id est, denuo ad edendum invitetur. Jusculum est diminutivum de jure, elixi pisces enim cum quodam jure, assi vero sine hoc adponebantur.

30) Praeceptum 10^{um} Carnem vitantis inertem, id est, qui non amat carnem insipidam, h. e. mollem et pinguem, nihil, quod palatum suaviter adficiat, habentem; illi curvet, pondere gravet, impleat lances seu patinas suas rotundas aper UMBER, id est, in Umbria Italiae regione natus et glande quercea nutritus, signatus; nam in agro Laurenti, qui est in Latio prope Ostiam, nutritus, bonus non est, ulva et arundinibus pinguefactus. Sic etiam capreae, quae in vineis aluntur, non semper sunt ad esum aptae. Sapiens autem, id est, subtilioris palati homo, boni saporis probe gnarus ex foecundis leporibus armos semper sectabitur, amabit, appetet. Per armos intelligit carnem, quam lepus a dorso vel spina usque ad lumbos habet.

31) Praeceptum 11^{um} Qualis esset piscium aviumque natura et bonitas, et qua aetate cuiusque caro optime saperet, ante me nemo potuit digoscere. Ante meum palatum, pro: ante me.

32) Sensus est: aliqui sunt, quorum ingenium et omnis industria in eo tantum posita est, si novam crustulam, id est, novum genus placentaepromere, invenire, conficere possint.

33) In una re, id est, in uno ciborum genere.

Ut si³⁴⁾ quis solum hoc, mala ne sint vina, laboret,
 Quali perfundat pisces securus olivo.⁵⁰
 Massica³⁵⁾ si coelo supponas vina sereno,
 Nocturna, si quid crassi est, tenuabitur aura,⁵¹
 Et decedet odor nervis inimicus; at illa
 Integrum perdunt lino vitiata saporem.
 Surrentina³⁶⁾ vafer qui miscet faece Falerna⁵²
 Vina, columbino limum bene colligit ovo;
 Quatenus ima petit volvens aliena vitellus.
 Tostis³⁷⁾ marcentem squillis recreabis et Afra
 Potorem cochlea; nam lactuca innatat acri⁵³
 Post vinum stomacho; perna magis, ac magis hillis⁶⁰
 Flagitat immorsus³⁸⁾ refici; quin³⁹⁾ omnia malit,

34) Sensus: quemadmodum si quis laboret, id est, sollicitus esset, ne vitiosa vina adponeret, securus, h. e. negligens interim, quali olivo perfundat, incoquat pisces.

35) Praeceptum 12^{um} De Massico vino in Campania vide L. I. od. 1. not. 19. Veteres minus callebant artem vina praeparandi et adservandi, quam recentiores. Eorum vina plerumque turbida fuerunt; Catius ergo praescribit hic, quomodo clara reddi possint, quin percolentur; si nimirum noctu aeri sereno exponantur. Sensus est: Massica vina tempore sereno sub dio collocata si quid nimis crassum, densum, turbidum habuerint, nocturna aura fient subtiliora, clariora, et perdent odorem, quo nervi offenduntur; sed omnem plane eadem vina saporem amittent lino vitiata, id est, vitium contrahent; si destillaveris, percolaveris per lineum sacculum. Vide L. I. od. 10. not. 9.

36) Sensus: qui vino Surrentino prudenter et provide miscet faecem Falerni, columbinis ovis bene utitur ad limum secernendum et faecem, quia vitellus ovi, imo succidens cado, quidquid vinum non est, id est, faecem secum trahit et devolvit. Est autem Surrentum urbs Italiae in sinu Puteolano in Campania. Ejus vina, ut odorem Falerni contraherent, in dolium fundebantur, in quo erat recens Falernum una cum faece. Vitellus est pars ovi flava et rotunda. De nobili vino Falerno, in Campania nato, jam saepius mentio facta est.

37) Praeceptum 13^{um} Marcentem, id est, saturum et nauseantem potorem recreabis, adjuvabis, squillis et ostreis Africani maris, non autem lactuca; haec enim innatat stomacho acri h. e. impleto vini fervore acido; et stomachus, in quo esca natat, male se habet, at bene, in quo esca sedet. Squilla est species quaedam cancerorum marinorum.

38) Immorsus stomachus, h. e. mordendo incitatus stomachus; salsamenta enim, vel cibi sale macerati mordent, urunt, pungunt stomachum, et sic novum incitamentum ei immittunt. Hilla, hilla; vel, hilla, hillo-rum; genus quoddam farciminum est, fumo duratorum. Sensus igitur erit: potius pernis aut hillis stomachus, quae non innatant eidem, sed mordendo incitant quasi eum, reficiendus erit.

39) Sensus: quoniam marcentem stomachus omnia fercula, quaecumque ex

Quaecunque immundis fervent allata popinis.
 Est ⁴⁰⁾ operae pretium duplicis pernoscere juris
 Naturam. Simplex e dulci ⁴¹⁾ constat olivo,
 Quod ⁴²⁾ pingui miscere mero muriae decebit
 Non alia, quam qua Byzantia putruit orca.
 Hoc ⁴³⁾, ubi confusum sectis inserbuit herbis,
 Corycioque croco sparsum stetit, insuper addes
 Pressa Venafranae quod bacca remisit olivae.
 Picenis ⁴⁴⁾ cedunt pomis Tiburtia succo;
 Nam facie praestant. Venucula ⁴⁵⁾ convenit ollis;
 Rectius Albanam fumo duraveris uvam.
 Hanc ⁴⁶⁾ ego cum malis, ego faecem ⁴⁷⁾ primus et allec ⁴⁸⁾

immundis popinis allata fervent h. e. ferventia adferuntur malit, quam lactucam; pro vulgari: stomachus marcens longe cibos solidos, communes, praefert exquisitissimis.

40) Praeceptum 14^{um} Magni omnino momenti est, plene habere cognitum, quae sit natura duplicis juris; per duplex jus autem intelliguntur duae species juris, nempe: jus simplex, et duplex h. e. magis compositum.

41) Dulci olivo, id est, recente non rancido oleo.

42) Sensus: hoc oleum miscere oportebit vino pingui et crasso atque muria, sed non alia, quam Byzantina. Muria est liquamen ex piscibus, nominatim ex thynnus; in genere autem muria est aqua seu liquor salsus. Orca testa est, in qua muria servabatur; hinc poetice dicit: Sed non alia, muria scilicet, quam qua testa Byzantia putruit, id est, graviore odore oluit, pro: muria Byzantina.

43) Sensus: hoc, jus simplex, ubi sectis permistum herbis inserbuit, h. e. ebullit igni impositum; et postea, croco Corycio sparsum, aliquamdiu bullire ac fervere desinit, addendum ei adhuc est aliquid olei, ex bacca Venafranae expressi, et secunda species juris parata erit. Corycium est oppidum et promontorium in Cilicia, ubi optimus crocus nascebatur. Sic etiam in agro Venafrano in Campania optimum oleum exprimebatur.

44) Praeceptum 15^{um} Tiburtina poma sapore a Picenis vincuntur, sed superiora pulchritudine sunt. De pomis Picenis perstantibus vide L. II. sat. 3. not. 157. Tiburtia poma, id est, Tibure, nunc Tivoli, nata.

45) Venucula est uva, quae in ollis condi solebat, nos: Tapprosinet. Sensus: uva Venucula intra ollas condenda est; Albana vero melius fumo duratur, id est, durabilis redditur.

46) Egregie jam Horatius exprimit sermonem et ingenium eorum, qui se primos alicujus rei inventores esse, jactant. Ego, ait, sapiens ille lautarum epularum instructor, ego primus hanc uvam Albanam cum pomis, ego primus faecem et allec, et primus piper album, cum sale nigro per cribrum adpersum, puris catillis in mensa circumposuisse invenior, sive, inventor circumposuisse laudor.

47) Faex ista videtur esse eadem cum faecula Coa, de qua infra satyra 8. hoc est, faex usta, gebrannter Weinstein; fuit autem condimenti genus, quod purum profluebat ex sedimento vini Coi, et quod addebatur alleci.

48) Alec, allec, halec, hallex vel alex, vilioris pretii genus quoddam gari

Primus et invenior piper album, cum sale nigro
 Incretum ⁴⁹⁾, puris circumposuisse catillis.
 Immane ⁵⁰⁾ est vitium, dare millia ⁵¹⁾ terna macello,
 Angustoque vagos ⁵²⁾ pisces urgere catino.
 Magna ⁵³⁾ movet stomacho fastidia, seu puer unctis
 Tractavit calicem manibus, dum furta ligurrit,
 Sive gravis veteri craterae limus adhaesit.
 Vilibus ⁵⁴⁾ in scopis, in mappis, in scobe, quantus
 Consistit sumtus? neglectis, flagitium ingens.
 Ten' ⁵⁵⁾ lapides varios lutulenta radere palma ⁵⁶⁾,

seu juris, ex visceribus scombrorum praecipue, fortasse halecum quoque et aliorum piscium marinorum confecti.

49) Incretum, admixtum, sc. cribro; nam incernere est, aliquid per cribrum alicui rei adspargere.

50) Sensus: at e contra pisces in macello magno pretio emere, eosque in angusto catino adponere ad maxima coenae vitia pertinet, id est: quemadmodum illas res v. g. uvam Albanam, faecem et allec et piper etc. parvis catillis; ita magnos pisces magnis catinis adponere decet. Rem ridicule exaggerat praecipue, dum ea, quae inepte fiunt, ad immania vitia et ingentia flagitia refert.

51) Dare millia terna, scilicet, sestertium, pro: emere ingenti pretio, vide L. II. sat. 3. not. 19.; de Macello vide eadem sat. not. 139.

52) Vagos pisces, id est, pisces, qui ante in amplo mari circumvagabantur, nunc in angusto, parvo, catino urgere, condensare, constipare, ut alter alterum premat.

53) Sequitur nunc praecipue 16^{um} de munditie in adornandis epulis observanda. Sensus est: fastidium magnum et grave causant haec; si vel servus, dum aliquid escae, furtim e patina manibus surreptae, deglutit, et sic manus inquinat, unctis, id est, pinguibus digitis calicem attractavit, tetigit; aut si limus gravis et foedus e veteri cratera vel vase non est deterus.

54) Sensus: quid expensarum fieri potest in vilibus scopis, ad pavimentum purgandum; in mappis, ad os vel manus in coena detergendas; et in scobe comparandis? id est: quam exiguo haec omnia parantur pretio? si tamen ea negligantur, valde indignum est. Scobs vel scobis significatamenta, seu partes exiguas, quae arenarum instar ex solidis corporibus decidunt, dum aut lima raduntur, aut serra dividuntur; iis pavimenta e marmore et variis lapidibus strata operiebantur, ut vinum aut aquam a convivis aut ministris, ut fit, humi jactam combiberent.

55) Tene etc. est elegans loquendi ratio; infinitivus pendet ab ejusmodi fere verbis omissis: decetne, licetne, estne fas etc. Sensus est: non te pudet, pavementum, varii coloris marmore stratum, lutulentae palmae ramo verrere, et toralia illota circumdare vestibus Tyriis, h. e. convivas Tyria indutos purpura in stragulis immundis excipere, parum curantem; quanto haec curam et sumtum levioerem requirunt, tanto, si negligas, aequius ea reprehendi, quam illa, id est, quam si non adhibeas illa, quae in divitum mensi adhiberi magno sumtu solent, quaeve nemo a te desiderat?

Et Tyrias dare circum illota toralia⁵⁷⁾ vestes,
 Oblitum, quanto curam sumtumque minorem⁵⁸⁾
 Haec habeant, tanto réprêndi justius illis,^{reprehenduntur}
 Quae nisi divitibus nequeant contingere mensis?
 Docte⁵⁸⁾ Cati, per amicitiam Divosque rogatus,
 Ducere me auditum, perges quocunque, memento,
 Nam quamvis referas memori mihi pectore cuncta,⁹⁰
 Non⁵⁹⁾ tamen interpret tantundem juveris; adde⁶⁰⁾
 Vultum habitumque hominis; quem tu vidisse beatus
 Non magni pendis, quia contigit⁶¹⁾: at mihi cura
 Non mediocris inest, fontes ut adire remotos,
 Atque haurire queam vitae praecepta beatae.⁹⁵

S a t y r a V.

Occasio et argumentum.

Dirutis Carthagine et Corintho, divitiae maximae ex omni terrarum orbe Romam confluerunt, quae in paucorum tantum manus devenientes horum mores magis semper ac magis depravarunt, ita, ut, quo diffluentius atque luxuriosius hi viverent, eo major cupiditas habendi eos quoque incesse- rit homines inferioris sortis, quos fortuna opibus suis minus

56) Palmae ramos pro scopis etiam adhibebant veteres, sed illi vestigia relinquebant impunda, propterea palma dicitur lutulenta.

57) Toralia sunt externa integumenta, vestem stragulam tori vel lecti triclinaris a sordè munitia. Vestes quae stragulae dicebantur, erant panni elegantiores, quibus in solemnibus conviviis iidem sternebantur lecti, quaeve toralibus circumdabantur.

58) Loquitur jam Horatius: Cati erudite, obsecro et rogo te per istam benevolentiam tuam et Deos, deduc me, quocunque opus fuerit auditum, id est, ad audiendum illum magistrum tuum. Auditum, est supinum.

59) Id est: non tamen perinde mihi prodesse poteris explicando illa memoriter interpretis more, ac si ego ipse a magistro tuo, quem reticuisti, percipiam.

60) Id est: isti tuo beneficio, quo me instituisti, adde aliud beneficium majus, et fac, ut oculis usurpem vultum et habitum hominis istius, sc. magistri.

61) Quia contigit, id est: quia felici fato evenit tibi, ut eum videres et audires.

62) Sensus: at ego summo desiderio teneor, ut, tanquam a fonte, ab illo ipso vitae beatae praecepta hauriam.

largiter consperserat, et horum, qui nullas fraudium artes cupiditati suae satisfaciendi intentatas reliquerant, praecipue vero eorum abjectorum, qui, hereditates captantes, a Romanis heredipetae adpellati sunt, numerus in immensum augetur. In hos itaque praesens Satyra directa est; forma ejus sicut praecedentium trium carminum est dramatica, qua personas alienas loquentes, suaque ipsius sensa explicantes inducit poeta. Res tota autem pendet ex iis, quae in Odyssea XI. 137. dicuntur de Ulysse; quem cum taederet longissimae a patria absentiae, hortata est Circe, cujus tum detinebatur praestigiis, ut ad inferos descenderet, Tiresiam vatem consulturus de rebus suis. Respondit iste rediturum illum brevi in domum suam, quod et factum est; sed ita, ut amissis navibus et sociis nudus in Ithacam enatarit. Ponitur in hoc carmine Ulysses rediens iterum Tiresiam consuluisse de modo reparandi res amissas; Tiresias id optime per hereditates, callidis artibus captandas, fieri posse respondens, has artes fusius pertractat, in iisque Ulyssem ironice instituendo simul mores Romanorum, misere depravatos, carpit et ante oculos ponit. Scripta est Satyra probabilius circa a. u. 719. Vide infra not. 48.

Hoc¹⁾ quoque, Tiresia²⁾, praeter narrata petenti Responde: quibus amissas reparare queam res Artibus atque modis. Quid³⁾ rides? Jamne⁴⁾ doloso Non satis est Ithacam⁵⁾ revehi, patriosque penates Adspicere? O nulli⁶⁾ quidquam mentite, vides, ut Nudus inopsque domum redeam, te vate⁷⁾, neque illic Aut apotheca⁸⁾ procis intacta est, aut pecus⁹⁾; atqui

1) Horatius lectorem in rem mediam rapit, nimirum in colloquium Ulyssis cum Tiresia. Sensus: praeter illa, quae hactenus mihi dixisti, hoc quoque responde, o Tiresia, quibus artibus fortunarum mearum jacturam rescire poterò.

2) Tiresias fuit vates Thebanus caecus; Apollo illi, ut caecitatem ejus beneficio solaretur, dedit artem vaticinandi.

3) Tiresias risisse ponitur Ulyssem, interrogantem de modo reparandi res suas, qui ipse dolosus et vaser satis multas ditescendi artes per sese inventurus esset. Ideo addit adhuc Ulysses: Cur rides?

4) Respondet Tiresias. Doloso: Ulyssis epithetum solenne, pro tibi.

5) Ithaca insula in mari Jonio, Ulyssis patria.

6) Ulysses; O Tiresia, qui nemini adhuc falsa praedixisti; cujus omnia vaticinia in effectum deducta sunt, vides etc.

7) Te vate, id est: ut tu ipse vaticinatus es.

8) Apotheca, seu, cella vinaria posita est pro omni penù; procis enim, qui nuptias Penelopes, uxoris Ulyssis, ambirent, ejus domum exhauriebant.

Et genus¹⁰⁾, et virtus, nisi cum re, vilior algā est. —
 Quando¹¹⁾ pauperiem, missis ambagibus, horres,
 Accipe, qua ratione queas ditescere. Turdus, ¹⁰
 Sive aliud privum¹²⁾ dabitur tibi, devolet illuc, ^{Donatus a te}
 Res ubi magna nitet domino sene; dulcia poma,
 Et quoscunque feret cultus tibi fundus honores¹³⁾,
 Ante Larem gustet venerabilior Lare dives;
 Qui, quamvis perjurus erit, sine gente¹⁴⁾, cruentus ¹⁵
 Sanguine fraterno, fugitivus¹⁵⁾; ne tamen illi
 Tu comes exterior¹⁶⁾, si postulet, ire recuses. —
 Utne¹⁷⁾ tegam spurco Damae latus? haud ita Trojae
 Me gessi, certans semper melioribus¹⁸⁾. Ergo¹⁹⁾
 Pauper eris. Fortem²⁰⁾ hoc animum tolerare jubebo: ²⁰
 Et quondam majora tui. Tu protinus²¹⁾, unde

9) Aut pecus, id est: nihilque pecoris reliquerint.

10) Sensus: cum tamen et genus, id est, nobilitas, et virtus sine re, seu opibus, res omnino vilissimae et nullius valoris sint. Alga enim proverbiali locutione pro re vilissima ponitur.

11) Sensus est: quando quidem candide loqueris, et confiteris, te paupertatem horrere, audi a me, quo pacto divitiis possis affluere. Sunt haec verba Tiresiae.

12) Privum: peculiare et singulare aliquid. Sensus est: si quis te donaverit turdo, aut alia quavis re singulari et rara; tu illuc statim mitte, ubi ampliarum opum dominus senex habitat. Idem a te accipiat poma dulcis saporis, et ex selectis frugibus, quascunque tulerit tibi fundus omni cura excultus; hisque etiam prius vescatur, quam Dii ipsi Lares, minore tibi cura venerandi, quam senex ille dives.

13) Honores, fructus insigniores, scilicet primitiae, quae offerri solent Laribus.

14) Sine gente, id est, sine majoribus, ignobilis, obscura stirpe.

15) Fugitivus, servus scilicet, qui olim mancipium fuerit, et clam e domo heri aufugerit.

16) Exterior, id est, loco minus honorato, apud nos, sinistra parte. Interior is dicebatur, qui inter aedes, aut aliud quidpiam ejusmodi, quo ejus latus unum protegeretur, et comitem ambulabat, ipse vero comes exterior adpellabatur, sive dextrum latus occuparet sive sinistrum.

17) Ulysses: Ego ne alicui Damae, homini impuro et foedo, tegam latus? Ili sim comes? Qui aliquem honoris causa comitabantur, dicebantur illi latus tegere; comites enim eam partem eundo tegebant, quae magis erat exposita injuriae. Dama nomen erat commune servis apud Romanos.

18) Melioribus, id est, cum nobilioribus et praestantioribus, ut, Achille, Ajace etc. de honoris gradu certavi.

19) Tiresias: Ergo pauper manebis.

20) Ulysses: Fortem animum meum cogam etc.

21) Sensus: tu, cum augur sis, dic tantum aliam artem aliumque mo-

Divitias, aerisque ruam, dic augur, acervos. —
 Dixi²²⁾ equidem, et dico. Captus astutus ubique
 Testamenta senum: neu si vafer²³⁾ unus et alter
 Insidiatorem praeroso²⁴⁾ fugerit hamo, ²⁵
 Aut spem deponas, aut artem illusus omittas.
 Magna²⁵⁾ minorve foro si res certabitur olim,
 Vivet uter locuples sine gnatis, improbus, ultro
 Qui meliorem audax vocet in jus, illius esto
 Defensor: fama civem causaque priorem ³⁰
 Sperne, domi si gnatus erit foecundave conjux. —
 Quinte²⁶⁾, puta, aut Publi (gaudent praenomine²⁷⁾ molles
 Auriculae) tibi me virtus tua fecit amicum;
 Jus anceps novi, causas defendere possum:
 Eripiet quivis oculos citius mihi, quam te ³⁵
 Contentum cassā²⁸⁾ nūc pauperet: haec mea cura est,

dum, unde, id est, quo divitias et thesauros mihi comparem. Ruam, positum est pro: eruum, parem, colligam.

22) Tiresias loquitur: Dixi jam, et iterum repeto: callide et perpetuo captandae sunt senum hereditates. Captat testamentum, qui alicui blanditur, et muneribus, obsequiis, insidiatur, ut ab eo heres scribatur. Illi homines apud Romanos hereditatae, dicti sunt, ac senes divites, et filii orbos, maxime sectabantur.

23) Vafer unus et alter, id est, senex unus et alter callidus, prudens.

24) Praeroso, id est, gustato hamo, ut piscis, qui arrosa esca elabatur piscatori.

25) Sensus est: si res, id est, lis aliqua, seu magni, seu levis momenti, disceptabitur in foro aliquando; esto illius defensor, qui e duobus locupletibus vivit sine filiis, qui nullas habet proles, licet improbus, et nulla injuria lacessitus, alium se longe meliorem, id est, aequiori longe causa et jure utentem audax in jus vocaverit: illum vero civem, cui filius aut foecunda conjux est domi, licet is tam bona fama quam causa, ex qua litem adversario suo intendit, sit potior, sperne, h. e. defensor ei adesere noli.

26) Quinte — neu sis jocus. Sententia est, et nexus: illum divitem senem, quem officii tuis capere, et tibi devincire cupis ejusmodi verbis blandioribus alloqueret: O Quinte v. g. aut Publi, nam praenomina, quibus familiariter se invicem adpellare solent amici atque propinqui, mollius et suavius ad aures accidere videntur, non mea causa tibi sum amicus, sed tuae virtutis studio et admiratione; ego jaris ambigui, de quo in utramque partem disputatur peritus sum, et causas haud male defendere scio; ante mihi oculos quis eruat, quam tibi vel minimam rem eripiat, te cassa nuce faciat pauperiorem; hoc in me sumo curandum, ne quid perdas, neque sis ludibrio adversariis tuis.

27) Romanis civibus erant vulgo tria nomina: praenomen, ut Marcus, Quintus etc., quod singulos a singulis ejusdem familiae distinguebat; nomen ut Tullius, quod familias discernerebat; et cognomen, quod ab eventuali quo impositum posteros etiam sequebatur, ut Coriolanus etc.

28) Cassa nux, est inanis, vacua.

Ne quid tu perdas, neu sis jocus. Ire ²⁹⁾ domum atque Pelliculam curare jube; si cognitor ³⁰⁾ ipse; Persta ³¹⁾, atque obdura, seu rubra canicula ³²⁾ findet ³³⁾ Infantes ³⁴⁾ statuas; seu pingui tentus omaso ³⁵⁾ Furius ³⁵⁾ hibernas cana nive conspuet Alpes. Nonne ³⁶⁾ vides (aliquis cubito stantem prope tangens Inquiet) ut patiens! ut amicis aptus! ut acer! Plures annabunt thunni, et cetaria crescent. Si cui ³⁷⁾ praeterea validus male filius in re ⁴⁵⁾ Praeclara sublatus aletur, ne manifestum Caelibus obsequium nudet te, leniter in spem Adrepe officiosus, ut et scribare secundus Heres, et, si quis casus puerum egerit Orco, In vacuum venias: perraro haec alea fallit. ⁵⁰⁾

29) Sensus: roga illum, ut otiosus sit, domi se contineat, tua fide ac diligentia fretus, et fias, sis cognitor, id est, causam illius promove, cognitoris munere apud ipsum fungens.

30) Cognitor, est forensis vox, eum significans, qui praesentis causam, cum probe notam habeat, tuetur ut suam. Procurator autem dicitur, qui absentis causam defendit. Hic autem per cognitorem procuratorem seu paronum intelligendum esse, satis patet, quia litigator dives domi pelliculam curare jubetur.

31) Persta, h. e. constanter urge causam, et obdura, id est, persevera in negotio; sive solis ardor, sive hiemis frigus tibi perferendum est.

32) Canicula posita est pro aestatis maximo calore, quia, oriente hac stella una cum sole mensibus Julii et Augusti, aestus maxime fervet.

33) Findet. Dicuntur statuae, ex ligno recens factae, solis aestu findi et dissilire.

34) Infantes, id est mutas statuas.

35) Furius cognomine Bibaculus, prumam describens, hoc versu tumido usus est: Jupiter hibernas cana nive conspuet Alpes. Ut itaque obiter hunc poetam rideat, in circumscriptione hac frigoris ineptam locutionem poetae illius risui exponit. Idem etiam valet de circumscriptione caloris aestivi: qui statuas infantis findit; nisi forte poeta noster Furium facere imitari voluisse putandus sit. Omasus, est pingue intestinum; ac proinde: pingui tentus omaso, idem est ac, homo obesus, adipe distentus, qualis Furius erat.

36) Nonne vides, dicit aliquis ad prope se stantem, eum cubito pulsans, quanta sit hominis hujus patientia! quantus ejus in amicum amor! quem acer, strenuus et diligens in opere pro amico persolvendo! Et sic plures thunni ad te ultro natabunt, et magnis piscibus implebuntur vivaria tua, id est: hac arte plures ditiorum senum capies, et sic res tuae crescent. Divites senes comparantur cum thunnis. Cetaria autem sunt stagna, piscinae marinae, in quibus capti pisces aluntur, unde etiam dicuntur vivaria.

37) Sensus: praeterea si quis in re praecelara, id est, dives, in re copiosa, filium habeat male validum h. e. aegrum, infirmae valetudinis sublatus, edu-

Qui ³⁸⁾ testamentum tradet tibi cunque legendum, Abnuere, et tabulas a te removere (memento ³⁹⁾): Sic tamen, ut limis ⁴⁰⁾ rapias, quid prima secundo Cera ⁴¹⁾ velit versu; solus multisne cohaeres, Veloci percurrere oculo. Plerumque ⁴²⁾ recoctus ⁵⁵⁾ Scriba ex quinqueviro ⁴³⁾ corvum deludet hiantem, Captatorque dabit risu Nasica ⁴⁴⁾ Corano. Num ⁴⁵⁾ furis? an prudens ludis me, obscura cadendo?

catum; ne nudet, id est, ne prodat, detegat se fraus tua, ac si nullos alios, quam viduos et uxore carentes captares, tam sedulo illis obsequendo; sensim te illi per varia officia insinuabis, sperans fore, ut saltem secundo loco heres ab illo instituaris; et, si quo casu filius in Orcum iverit, id est, mortuus fuerit, vacuum tu occupes locum: hic ludus, haec ars, hoc ditescendi periculum raro fallit, in vanum abit.

38) Qui — cunque, pro: quicumque.

39) Memento, id est: vide, ut renuas, et tabulas testamenti a te rejicias.

40) Limis rapias, hic est, obliquis oculis raptim inspicias, quid in prima tabula testamenti scriptum sit, an tu secundo versu, id est, secundo capite heres scriptus sis; atque an solus vel cum aliis pluribus sis heres constitutus, uno ictu oculi legas.

41) Prima cera, id est, prima tabula, quia in tabulis ceratis scribebant antiqui. Per secundum versum autem designatur secundum caput vel paragraphus; nam in primae tabulae secundo versu coheredis nomen continetur. Quid velit, id est, quid praefert, quid contineat.

42) Sensus est: non raro enim fieri solet, ut ex quinqueviro scriba factus, longo rerum usu vaferrimus, deludat ac frustretur, decipiat captatorem suum, vulpi similis Aesopicae, quae delusit corvum, qui ore patulo surripuit caseum: sicut etiam Nasica, deludetur a Corano, quem captare, id est, decipere, volebat; illique jocos dabit.

43) Quinqueviri non tam erant, ut videtur, magistratus ordinarii, quam commissa ad tempus procuratio alicujus administrationis, quae pro numero personarum mutabat appellationem, eratque modo duumviratus, modo triumviratus etc. Hic ergo, quinquevir, positum est pro temporaneo munere quovis. Scriba, qui acta publica, magistratum edicta, senatus consulta etc. scribebat.

44) Rem Romae tum temporis gestam tangit hic Horatius, quam Tiresias vaticinans praenuntiare fingitur; quapropter eam infra etiam ut futuram exponit. Est autem sequens: Nasica hereditatis locupletis obtinendae spe filiam suam Corano nuptui dedit, nolens reddere solidum aes alienum, quod debebat forte ipsi Corano, et sperans aut condonandum et remittendum sibi hoc aes alienum, aut magnas certe opes testamento et hereditate Corani ad se venturas. Coranus moriturus hoc fecit: vocavit Nasicam, tabulas testamenti sui legendas illi dedit; Nasica, se heredem scriptum esse non dubitans, recusavit primo legere; legit tandem, et invenit alium heredem a Corano institutum esse, nullamque sui factam esse mentionem.

45) Ulysses interpellit Tiresiam: Num te, ut vatem, furor agit, id est:

O Laërtiade⁴⁶⁾, quicquid dicam, aut erit aut non:
 Divinare etenim magnus mihi donat Apollo. — 60
 Quid⁴⁷⁾ tamen ista velit sibi fabula, si licet, ede.
 Tempore⁴⁸⁾ quo juvenis Parthis horrendus, ab alto⁴⁹⁾
 Demissum genus Aenea, tellure marique
 Magnus⁵⁰⁾ erit, forti⁵¹⁾ nubet procera Corano
 Filia Nasicae, metuentis reddere soldum⁵²⁾. 65 *culentis*
 Tum gener hoc faciet: tabulas sacero dabit, atque
 Ut legat, orabit; multum Nasica negatas
 Accipiet tandem et tacitus leget, invenietque
 Nil sibi legatum, praeter plorare⁵³⁾, suisque.
 Illud⁵⁴⁾ ad haec jubeo: mulier si forte dolosa 70
 Libertusve senem delirum temperet, illis
 Accedas socius: laudes, lauderis ut absens:
 Adjuvat hoc quoque; sed vincit longe prius ipsum

num furore divino afflatus et numine loqueris? an prudens, id est, sciens ac volens, dum canis obscura, quae nemo intelligit, me ludis?

46) Tiresias. Sensus: non ego te Ulysse ludo; quidquid dicam, futurum esse, id fiet; ac quicquid dicam, non futurum esse, id non fiet; nam divinandi facultatem mihi magnus Apollo donavit. Vide supra not. 2.

47) Ulyssis verba sunt. Si licet, id est, si fas est, ede, expone, narra mihi.

48) Tiresias fabulam nunc vaticinando narrat. Vide supra not. 44. Juvenis horrendus Parthis est Augustus. Si conjecturam facere licet, forsitan haec satyra scripta est circa a. u. 719: ab hoc tempore enim, quo Antonius implicatus amore Cleopatrae, gravioribus belli curis minus idoneus, a Parthis varie devictus est, Augustus solus Parthis metuendus dici poterat. Erat tunc Augustus 29 annos natus, ita ut eidem etiam conveniret adhuc Juvenis appellatio. Videtur enim hoc loco describi res fere praesens.

49) Ab alto genus demissum Aenea, id est: qui originem suam ab angusta stirpe Aeneae repetit. Octavianus enim, a Julio Caesare adoptatus, factus est consors gentis Juliae, cujus auctor Julius vel Ascanius, Aeneae filius, esse dicitur.

50) Terra marique magnus et clarus etiam dici poterat hoc tempore Augustus; devicto enim Sexto Pompejo a. u. 718, devicit etiam rebellantes populos in Japydia, Pannonia et Dalmatia subsequentibus annis.

51) Forti, h. e. seni vegeto Corano. Procera, id est, grandis filia.

52) Soldum, pro: solidum, integrum aes alicnum.

53) Nihil sibi aut suis legatum esse, praeter lacrimas et ploratum. Est haec Graeca locutio (praeter plorare), plorare vero jubentur, qui miserii aut decepti sunt.

54) Sequitur hic aliud praeceptum, ad captandi artem pertinens, scilicet de familiaritate cum domesticis ineunda. Sensus est: hoc insuper te admoneo, si forte delirantis senis animum callida femina, aut libertus temperet, regant, gubernent, socium te illis adjuget; eos lauda, ut absentem et ipsi vicissim te laudent: juvat hoc quidem etiam; sed longe efficacius est, si senem ipsum tibi ipse concilies.

Expugnare caput. Scribet⁵⁵⁾ mala carmina vecors?
 Laudato: scortator⁵⁶⁾ erit? cave te roget: ultro 75
 Penelopen facilis potiori trade. Putasne⁴⁷⁾ eo
 Perduci poterit tam frugi tamque pudica,
 Quam nequiere proci recto depellere cursu?
 Venit⁵⁸⁾ enim magnum donandi parca juvenus,
 Nec tantum Veneris, quantum studiosa culinae; 80
 Sic tibi Penelope frugi est: quae⁵⁹⁾, si semel uno
 De sene gustarit tecum partita lucellum,
 Ut canis a corio nunquam absterrebitur uncto. —
 Me⁶⁰⁾ sene quod, dicam, factum est: Anus improba Thebis⁶¹⁾
 Ex testamento⁶²⁾ sic est elata: cadaver 85
 Unctum oleo largo nudis humeris tulit heres:
 Scilicet elabi (si posset mortua; credo,
 Quod nimium institerat viventi. Cautus⁶³⁾ adito: *ut mortua saltem*
 Neu desis operae, neve immoderatus abundes. *h. heres*

55) Sensus: si vecors ille senex, id est, tamquam ineptus poeta malos versus scripserit; lauda illos, ut optimos.

56) Sensus: quod si scorta amaverit; noli exspectare, donec ille te roget; sed facilis, id est, officiosus ultro illi offer tuam uxorem Penelopen potiori, h. e. tanquam ei, qui te dignior, tibi que praefereendus sit.

57) Ulyssis verba sequuntur. Perduci, id est, persuaderi. Frugi, datus est a frux, id est, utilitas; idem ergo hoc loco ac, proba. Pudica, pro: casta. Recto depellere cursu, id est, a recto virtutis tramite seducere. Vide supra not. 8.

58) Tiresias respondet. Ordo est: sic tibi Penelope frugi est; ideo proha et casta non poterat seduci, quia venerant tantum juvenes ad eam admendum parci, qui magis culinam Penelopes, quam ipsam amarunt.

59) Sensus: ast si semel amplius a sene quodam donata fuerit muneribus; diviso tecum lucro, tam parum ab illo divelli poterit, quam canis a corio in uncto et pingui.

60) Sensus: narrabo nunc quid me sene, id est, dum ut senex adhuc viverem in terris, contigerit.

61) Thebis in urbe Boeotiae. Anus improba dicitur, non propter mores dissolutos, sed ob mandatum ingeniose in testamento excogitatum. Apud nos quoque non sensu proprio, sed jocosè nonnunquam aliquis vocatur: gottfö.

62) Testamento cavet, ut sic ad sepulcrum efferretur: jussit nimirum, ut ille, quem heredem scripserat, nudis humeris cadaver suum, unctum oleo largiter, efferret, portaret; credo eam propterea hoc jussisse, ut experiretur, possetne illum effugere defuncta, quem a se vivens repellere nunquam poterat. Athletae corpus ungebant oleo, ut ab adversariis non tam facile capi possent, ut iis elaberentur.

63) Sensus: tu ergo cautior sis in captando sene tuo; fac nihil tuae in ipsum observantiae, nihil officii desit; sed vide etiam, ne nimius sis.

Difficilem⁶⁴) et morosum offendes garrulus; Ultro⁹⁰
 Non etiam sileas. Davus⁶⁵) sis comicus, atque
 Stes capite obstipo, multum similis metuenti.
 Obsequio⁶⁶) grassare: mone⁶⁷), si increbuit aura,
 Cautus uti velet carum caput: extrahe turba
 Oppositis humeris: aurem substringe loquaci.⁹⁵
 Importunus⁶⁸) amat laudari? donec, 'Ohe jam!
 Ad caelum manibus sublatis, dixerit, urge, et
 Crescentem⁶⁹) tumidis infla sermonibus utrem.
 Cum⁷⁰) te servitio longo curaue levarit,
 Et certum vigilans; Quartae esto partis Ulysses,¹⁰⁰
 Audieris, heres; ergo nunc Dama sodalis
 Nusquam est? unde mihi tam fortem, tamque fidelem?
 Sparge subinde: et, si paulum potes, illacrimare. Est *hoc aptum ad*
 Gaudia⁷¹) prodentem vultum celare. Sepulcrum,
 Permissum⁷²) arbitrio, sine sordibus⁷³) exstrue: funus¹⁰⁵
 Egregie factum laudet vicinia. Si quis

64) Difficiles, id est, fastidiosi et asperi senes vix ferre possunt nimiam garrulitatem, neque tamen sileas data opera, sive consulto.

65) Sensus: imitare Davum illum, servum in comoedia, qui dum suas artes agit, timide ac reverenter cum hero loquitur; sta obstipo, depresso ad terram inclinato capite, sic, ut timere videaris.

66) Obsequio grassare, id est, dum quovis obsequii genere placere studes, procede et perge ad metam propositam, scil. ad divitis senis animum tibi conciliandam.

67) Sensus: si ventus vehementior spirat, mone illum, ut tam carum, caput defendat; si fuerit turba compressus, objectis propriis humeris illum extrica, defende; et si fuerit verbosus, aurem patienter praebe. Substringe idem ac, arrige aures, seu arrectas aures loquaci accomoda.

68) Importunus, id est, qui amat laudari usque ad importunitatem. Sensus: si admodum cupidum videris laudum suarum, cumula et obrue illum tamdiu laudibus, donec, sublatis in caelum manibus, ohe, jam satis est! dixerit.

69) Lepide hic laudator, qui vanas laudes spargit vel adflat, cum vento; laudatus vero, qui vanas laudes recipit et iis intumescit, cum utre, cui ventus immittitur, comparatur.

70) Sensus et nexus: quod si vero senex mortuus fuerit, et tu, non somnians de hereditate, sed revera vigilans audieris haec: Ulysses quartae partis heres esto; tum sparge subinde ejusmodi sermones: ergo sodalis meus Dama nusquam in hac terra amplius reperitur? Unde alium mihi tam fortem et fidelem parabo? et, si paulum potes, illacrima.

71) Sensus: licebit, intererit, juvabit lacrimando animi laetitiam de hereditate, in vultu expressam, occultare.

72) Permissum arbitrio, id est, tuae curae et arbitrio commissum.

73) Sine sordibus, pro: sine sordida avaritia, splendide igitur et magnifice

Forte cohæredum senior male⁷⁴) tussiet, huic tu
 Dic, ex parte tua seu fundi sive domus sit
 Emor, gaudentem nummo⁷⁵) te addicere. Sed me
 Imperiosa⁷⁶) trahit Proserpina: vive valeque. *110*

S a t y r a VI.

Occasio et argumentum. *105 Diffinitio fufflorum*

Vehementissimo Horatii desiderio, rure ita vivendi, ut, ab omnibus officiis negotiisque urbanis remotus ac liber, tempus in otio transigat, per villam Sabinam, quam a Maecenate donatam acceperat, non penitus satisfactum fuerat. Gratus enim animus, quo in Maecenatem, cui omnia sua debebat, ducebatur, aliaque fors an adhuc circumstantiae ruris amantem poetam in urbe saepius delitescere cogebant. Desiderium itaque illud ruris et otii vehementissimum hoc in carmine, quod Romae scriptum esse supponitur, exprimit. Exordium quasi praemisso, in quo Mercurium rogat, ut villam, ultra quam nihil prorsus desiderat, integram sibi servet ac tuateur, transit ad enumeranda varia et inamoena urbis negotia, eaque cum amoenitatibus ruris conferendo, has describendas adgreditur ita, ut, summo desiderii adfectu abreptus, iisdem quasi praesens fruatur. In fine tandem fabellam, de mure rustico ab urbano invitato, artificiose adeo intexit, quo episodio primarium carminis argumentum: Vitam rusticam urbanae longe praefendam esse, plurimum illustratur et confirmatur. Referendus est hic sermo ad annum circiter u. 720. Vide infra not. 38.

Hoc¹) erat in votis: modus²) agri non ita magnus, Hortus, ubi et tecto³) vicinus jugis aquae fons,

74) Mala seu periculosa, vehemens tussis non raro propinque mortis index est. Sensus est ergo: si quis cohæredum ob senectutem tussivexatus fuerit, ita, ut brevi moriturus esse judicetur; huic tu dic, te, sive ille fundi, sive domus ex tua hereditatis portione emor esse velit, gaudentem, id est, prompto paratoque animo ei vilissimo pretio addicere velle.

75) Nummus, id est, sestertius pro vili quolibet pretio hic ponitur. Vide L. II. sat. 3. not. 19.

76) Umbrae scilicet ex Orco in lucem emissae ex imperio saevae Proserpinae dicta hora in Orcum redire debebant.

1) Hoc erat in votis, id est, optaveram mihi agrum, hortum, fontem etc.

2) Agri modus non ita magnus, hoc est, cujus ambitus non magnae sed exiguae mensurae est.

3) Tecto vicinus jugis aquae fons, pro: non longe a domo positus fons jugiter, seu, perenniter fluens.

Et paulum silvae super⁴⁾ his foret: auctius⁵⁾ atque
 Dî melius fecere. Bene⁶⁾ est! nihil amplius oro,
 Maja⁷⁾ nate, nisi ut propria⁸⁾ haec mihi munera faxis,⁵
 Si⁹⁾ neque majorem feci ratione mala rem,
 Nec sum facturus vitio culpave minorem;
 Si¹⁰⁾ veneror stultus nihil horum? O¹¹⁾ si angulus ille
 Proximus accedat, qui nunc denormat agellum!
 O si¹²⁾ urnam argenti fors quae mihi monstret, ut illi,¹⁰
 Thesauro invento qui mercenarius agrum,
 Illum ipsum mercatus, aravit, dives amico¹³⁾
 Hercule¹³⁾; si¹⁴⁾, quod adest, gratum juvat; hac prece te oro,
 Pingue pecus domino facias, et cetera, praeter
 Ingenium¹⁵⁾, utque soles, custos mihi maximus adsis.¹⁵
 Ergo¹⁶⁾ ubi me in montes et in arcem ex urbe removi,

4) Super his, pro: insuper, praeterea.

5) Sensus: Dii vero plus mihi aliquid meliusque dederunt, largiti sunt.

6) Id est, satis est, contentus sum.

7) Mercurius fuit Majae filius, vatum Deus, idemque divitiis et lucro praestet. Vide Mythol.

8) Propria, id est, perpetua, stabilia, ita ut eorum usus et fructus nunquam imminuatur. Faxis, pro: facias.

9) Sensus est: si neque foedo lucrandi genere, fraude, opes meas unquam augere et amplificare studui, neque eas vitii h. e. turpis luxuriae culpa imminuam atque profundam.

10) Sensus: si non sum unus horum hominum, stulte ita precantium; si veneror, si exopto nihil horum, quae alii sibi exoptare solent. Sequuntur nunc illae stultae precationes.

11) Sensus: o utinam angulus ille vicini agri ad meum accedat, quem nunc angulus ille denormat, h. e. deformat, denormem et inaequalem reddit.

12) Ordo est: o si fors, seu fortuna quaedam mihi monstret urnam argenti, id est, thesaurum, sicut illi mercenario monstravit, qui, postquam thesaurum Hercule favente invenisset in agro, quem ut mercenarius colebat prius, postea, dives factus illo invento thesauro, ipsum hunc agrum emit, et jam ad se pertinentem aravit.

13) Hercule amico, id est, dum ei favebat Hercules. Favere enim credebatur Hercules ejusmodi lucris insperatis.

14) Id est: sed si, quod adest, quod possideo, me gratum, h. e. grati animi hominem juvat, delectat; si eo, quod possideo, contentus sum; hoc tantum, fili Majae, Mercuri, te rogo, ut mihi domino pecus quidem pingue facias, et cetera, quae in agris pinguescere debent, sed non meum ingenium, atque ut, quemadmodum consuevisti, pergas potentissimus custos mihi adesse.

15) Non vult ingenium pingue, quia idem est, pingue, ac stupidum, quoties de ingenio agitur.

16) Quae praecessere exordii cujusdam loco hactenus fuerant; hic jam rem adgreditur ipsam, urbanae vitae incommoda cum secessus et otii commodis

(Quid¹⁷⁾ prius illustrem satyris Musaque pedestri?)
 Nec¹⁸⁾ mala me ambitio¹⁹⁾ perdit, nec plumbeus Auster²⁰⁾
 Auctumnusque²¹⁾ gravis, Libitinae²²⁾ quaestus acerbae.
 Matutine²³⁾ pater, seu Jane libentius²⁴⁾ audis, 20
 Unde²⁵⁾ homines operum primos vitaeque labores
 Instituunt; sic²⁶⁾ Dis placitum; tu carminis esto
 Principium. Romae²⁷⁾ sponsorem me rapis. Eja,
 Ne prior officio quisquam respondeat, urge!

comparans. Ergo ubi me removi, id est: postquam igitur me recepi in montes meos Sabinos etc. Per arcem designavit Horatius villam suam, tamquam locum perfugii, ubi a vitae urbanae molestiis, curis et negotiis remotus in tuto vivebat.

17) Felicitatis sensu in villa sua penitus percussus poeta non poterat sibi temperare, quin media in oratione hanc sententiam interponat: quam tandem rem hac secessus mei felicitate prius carmine celebrem! Satyris, et pedestri sermonum meorum Musa, sunt synonyma, posita pro satyrico carmine, cujus sermo est pedester et simplex plerumque.

18) Hic, in villa nempe, non me perdit, id est, non me divexat.

19) Mala ambitio, pro: molestum gratiae captandae studium.

20) Auster, ventus meridionalis, omnia exsiccata hominesque reddit plumbeos, h. e. inertes.

21) Auctumnus dicitur gravis, quia valetudini solet esse noxius ob aëris gravitatem.

22) Libitinae quaestus, id est, quo tempore, nimirum auctumno, plurimum quaestum faciunt ii, qui curant funera, et Libitinarii dicebantur, a Libitina, quae Dea est funerum, in cuius templo ad mortuorum sepulturam necessaria aut vendebantur, aut locabantur. Acerba autem adpellatur, quia omnia, quae ad mortem aut funera pertinent, ita depinguntur a poetis.

23) Janum temporis Deum antiqui credere; unde et illum tamquam principem quemdam Deum, a quo inciperent, et in quem desinerent omnia, coluerunt. Ille anni et mensium, ille diei dominus habebatur, aperiens universa et claudens; fuit etiam bifrons, ut praeterita pariter et futura respuerit. Vide Mith. Talis ergo cum esset, ab ejus cultu omnia incipiebant, ut et hanc descriptionem Horatius, in qua urbis infinita officiorum negotiorumque genera depicturus a matutinis incipiens Janum invocat. Matutinus idem pater est dictus, quia ejus nomine non raro Sol veniebat, vel etiam a diei ortu et prima parte.

24) Libentius audis, id est, magis delectaris Jani nomine ac compellatione.

25) Unde, id est, a quo instituunt, incipiunt.

26) Sic placitum, h. e. sic Dii volunt.

27) Janum dispertientem quasi, et assignantem cuique diurnos labores adpellare pergit. Sensus: si in urbe versor, mane statim sponsorem me in forum properare jubes. Eja, ais, urge, age, propera, ne quis te prior huic officio satisfaciat! De sponsoribus et vadimoniis vide L. I. sat. I. not. 13.

Sive aquilo radit²⁸⁾ terras, seu bruma nivalem
 Interiore diem gyro²⁹⁾ trahit, ire necesse est.
 Postmodo³⁰⁾, quod mihi obsit, clare certumque locuto
 Luctandum in turba et facienda injuria tardis.
 Quid³¹⁾ tibi vis, insane, et quam rem agis improbus? urget
 Iratis precibus, tu pulses omne, quod obstat,
 Ad Maecenatem memori si mente recurras.
 Hoc juvat, et mellis est, non mentiar. At simul atras
 Ventum est Esquiliis³²⁾ aliena negotia centum
 Per³³⁾ caput et circa saliunt latus. Ante³⁴⁾ secundam
 Roscius orabat sibi adesses ad Puteal³⁵⁾ cras.

28) Radit, id est, perflat vehementer ventus septemtrionalis, quia vehementia sua terram quasi abradendo purgat et exsiccatur.

29) Gyro interiore, pro, circulo brevior. Dies enim in bruma sunt brevissimi, et sol, qui circa terram ut centrum et metam volvitur, propior est, ut adparet et quemadmodum veteres crediderunt, terris hieme quam aestate; circuli vero, quo sunt interiores, hoc est, quo magis ad centrum accedunt, eo sunt breviores et minores. Sensus: sive hiems dies, quibus terra nive contegitur, trahit, contrahit, breviores reddit; vulgaris sententia est: qualiscunque fuerit tempestas, ire ad spondendum debeo.

30) Sensus: postmodo, ubi clara voce et certa fide promisi, quod mihi obsit, damno esse possit (sponsio enim damno est sponsori, si ei vere praestandum est, quod se pro aliquo praestare velle promisit) redeunti mihi e foro luctandum est in turba hominum, vi submovendo eos, qui tarde procedunt.

31) Contextus: jam unus ex iis, per quos cubito viam mihi feceram, iratis imprecationibus me insectatur ejusmodi: o improbe, insane, quid tibi vis? quid hoc rei est? tunc quidquid tibi obsistit verberes, ut, quem unum cogitas Maecenatem tuum, quamprimum adeas? Et fateor, nihil sane contingere mihi potest hoc ad Maecenatem reditu jucundius, nihil dulcius.

32) Atras Esquiliis, id est, ad Maecenatis aedes et hortos, qui erant in Esquiliis, quae est regio Romae. Atrae autem dicuntur, quia prius ibi erat sepulcretum. Vide L. I. sat. 8. not. 6 et 7.

33) Per caput et circa latus saliunt, expressio proverbialis, pro: alia negotia mihi occurrunt, me obruunt, prenuunt.

34) Ordo est: Horati, inquit aliquis servorum, memineras, te rogatum a Roscio fuisse, ut sibi hodie adesses ad Puteal ante horam ab sole orto secundam. Cogita, servum aliquem Horatio sub ejus ad domum Maecenatis adventu jam referre, qui adfuerint in ejus absentia, et quid precibus ab eo impetrare voluerint.

35) Puteal: proprie putei operculum, murus, qui puteum cinxisse videntur in formam quadrati. Fuerunt autem Romae in foro duo putealia, alterum in Comitio, ubi jus dicebat Praetor, alterum ad arcum Fabianum a Scribonio Libone jussu senatus excitatum, ubi feneratores convenire et fenus exercere solebant. Ad posterius, quod Puteal Libonis dicitur, respexit jam Horatius, ubi Roscio in re pecuniaria adesse debebat.

De re communi³⁶⁾ scribae magna atque nova te
 Orabant hodie meminisses, Quincte, reverti.
 Imprimat³⁷⁾ his, curam, Maecenas signa tabellis.
 Dixeris, Experiar: Si vis, potes, addit et instat.
 Septimus³⁸⁾ octavo propior jam fugerit annus,
 Ex quo Maecenas me coepit habere suorum
 In numero, duntaxat³⁹⁾ ad hoc, quem tollere rheda
 Vellet iter faciens, et cui concredere nugas
 Hoc genus: Hora quota est? Threx⁴⁰⁾ est Gallina Syro par?
 Matutina parum cautos jam frigora mordent:
 Et quae rimosa bene deponuntur in aure.
 Per totum hoc tempus subjectior⁴¹⁾ in diem et horam
 Invidiae. Noster⁴²⁾ ludos spectaverat una,
 Luserat in campo: Fortunae filius! omnes.
 Frigidus⁴³⁾ a Rostris⁴⁴⁾ manat compita rumor;

36) Sensus: rogabant, porro nuntiat servus, scribae, ut pro re sibi communi, magni momenti et haud vulgari revertaris in urbem; Horatius enim ipse fuit scriba et quidem Quaestorius.

37) Porrigit alius mihi tabellas, rogans, ut eas a Maecenate consignandas curem; si dixeris, id est, si dicam experiri, conabor efficere; si velis, subjicit, omnino potes, et urget. Maecenas nomine Augusti, a quo annulum signatorum acceperat, tabellis sigillum imprimere, sive eas consignare solebat.

38) Septimus octavo propior, id est, septimus annus jam ad finem vergit. Ex hoc et sequenti versu colligere licet satyram hanc circiter scriptam esse a. u. 720. In amicorum enim numero jussit esse Maecenas Horatium anno aetatis ejus 23. et urbis 713. Vide Vitam Horatii.

39) Duntaxat ad hoc, id est, eo tantum consilio, ut, cum iter faceret, me secum esse in rheda juberet, et me de rebus levissimis interrogaret, v. g. Quota jam hora est? num gladiator Gallina Syro par est pugnando? Matutinum frigus nocet hac tempestate parum cautis, id est, indutis levius; aliaque ejusmodi nullius momenti, quae bene, id est, secure, sine omni cura deponuntur in aure rimosa, h. e. pervia, quae tribuitur homini, qui, quae audivit, temere effluit. Metaphora ducta est a vasis rimas habentibus, et quidquid in ea liquoris injicitur, effluentibus.

40) Threces fuerunt gladiatores ab armis Thraciis ita dicti, quae gestarunt; plura enim fuerunt gladiatorum genera; sic alii Samnites dicebantur ab armatura Samnitica; alii Galli, quia Gallicis armis erant induti etc.

41) Subjectior, id est, magis in dies et horas expositus fui invidiae.

42) Sensus: si Maecenas una mecum ludos spectaverat, vel una mecum in Campo Martio luserat, et sic singularem mihi favorem probaverat, tum omnes clamaverunt: Horatius fortunae est filius! per: noster, designatur Maecenas, qui Horatium inter suos amicos receperat.

43) Frigidus rumor; qui horrorem incutit, ac proinde, tristior, v. g. de Dacis rebellantibus, vel de funesto proelio aliquo. Manat, id est, divulgatur a Rostris per compita, seu urbis vias; ad rostra enim maxima hominum frequentia confluebat.

Cuicumque⁴⁵) obuius est, me consulit; O bone, (nam te Scire, Deos⁴⁶) quoniam propius contingis, oportet,) Numquid de Dacis⁴⁷) audisti? Nil⁴⁸) equidem. Ut⁴⁹) tu Semper eris derisor! at omnes Di exagitent⁵⁰) me, Si quicquam. Quid? militibus promissa Triquetra⁵¹) 55 Praedia Caesar, an est Itala tellure daturus? Jurantem me scire nihil, mirantur⁵²), ut unum unicum Perditur⁵³) haec inter misero lux, non sine votis: O rus, quando ego te adspiciam? quandoque licebit, 60 Nunc veterum libris⁵⁴), nunc somno et inertibus⁵⁵) horis Ducere⁵⁶) sollicitae iucunda oblivia vitae? O quando⁵⁷) faba Pythagorae cognata, simulque Uncta satis pingui ponentur oluscula lardo?

44) Rostra erant cathedrae quaedam et suggestus in foro, unde orationes ad populum habebantur; ejus aliqua pars lignea confecta erat ex rostris navium. Vide Geogr. Antiqu. et Liv. Lib. 6.

45) Cuicumque obuius est, rumor nempe, id est, omnes qui illum audiunt, me consulunt, interrogant.

46) Deos quoniam propius contingis, id est, quia cum Augusto et Maecenata familiariter vivis.

47) Daci, iidem, qui Getae, populi Scythiae, illi bellum meditari dicebantur, eo tempore.

48) Nil equidem; Horatius respondet.

49) Sensus: semperne, ajunt illi sciscitantes, finges te nihil scire, nosque illudes; qui enim, quod scit, se nescire ait, alios hac dissimulatione ludit.

50) Pro vulgari: Dii me perdant, si quidquam scio, respondet Horatius.

51) Triquetra, apud Graecos Trinacria, est insula Sicilia, sic dicta, quia trianguli speciem refert. Videntur autem interrogare hic illi, novarum rerum cupidi, de agris proscriptorum ob arma pro S. Pompejo gesta, quos anno proxime superiore promissis militibus suis nondum diviserat Augustus.

52) Mirantur me, ut hominem profundae inusitataeque taciturnitatis.

53) Sensus: his molestis occupationibus tota dies infeliciter consumitur voventi: o rus! etc.

54) Libris veterum, legendis scil.

55) Inertibus horis, id est, otio.

56) Sensus: turbulentae istius vitae sollicitudines oblivisci. Oblivia ducere. Hic Horatius cogitasse videtur de Lethe, e quo advenientes umbrae longa oblivia ducere, potare dicuntur.

57) Dicuntur haec ex doctrina Pythagorae, qui ideo traditur a comedendis fabis abstinuisse, quia transmigrationem animarum usque ad fabas extendit; verebatur enim, ne aliquid sibi cognatum voraret in faba. Vide L. I. od. 23. not. 12. Haec saepe admodum ridet Horatius optans: o quando faba, adfinitate Pythagorae illustris, mihi adponetur cum olusculis seu oleribus, lardi sufficiente copia pinguefactis?

O⁵⁸) noctes coenaeque Deum, quibus ipse meique Ante Larem proprium vescor, vernasque procaces Pasco libatis dapibus. Prout⁵⁹) cuique libido est, Siccat inaequales calices conviva solutus Legibus insanis; seu⁶⁰) quis capit acria fortis Pocula, seu modicis uvescit laetius. Ergo⁶¹) 70 Sermo oritur non de villis domibusve alienis, Nec, male necne Lepos⁶²) saltet; sed, quod magis ad nos Pertinet et nescire malum est, agitamus⁶³): utrumne Divitiis homines, an sint virtute beati? Quidve⁶⁴) ad amicitias, usus rectumne, trahat nos? 75 Et⁶⁵) sit natura boni, summumque quid ejus?— Cervius haec inter vicinus garrit aniles Ex⁶⁶) re fabellas. Si quis⁶⁷) nam laudat Arelli Sollicitas ignarus opes, sic incipit: Olim Rusticus urbanum murem mus paupere fertur 80 Accepisse⁶⁸) cavo, veterem vetus hospes⁶⁹) amicum;

58) Amoenitates porro ruris; ita depingit, ac si praesens iis frueretur. Sensus: o noctes et coenae Diis dignae, quibus ipse cum meis domesticis vescor, recreor coram Laribus propriis, id est, in propria domo, libatos, degustatos a me cibos laetis distribuens servis. Vernae procaces, idem ac, servi lascivientes, adeoque laeti, jucundi.

59) Sententia est: bibitur a convivis omnibus inaequaliter, et pro libitu, soluti enim sunt ab insanis legibus conviviorum. Siccat pro: haurit, bibit; qui enim e calice bibit, haurit fluidum, ille calicem exsiccat. De legibus conviviorum vide L. II. sat. 2. not. 76.

60) Sensus: estque, qui generose ingentia haurit pocula; et est etiam qui mediocribus mavult sensim humescere et hilarescere. Acria pocula, sollenni epitheti translatione; proprie enim non pocula, sed qui fortiter bibunt, acres potiores dicuntur. Uvescit, id est, uvidus fit, madet. Laetius, pro: jucundius, amoenius.

61) Ergo, id est, quod si sermo inter nos instituitur, non loquimur de etc.

62) Lepos, saltator ea tempestate celebris fuit.

63) Agitamus, id est, loquimur de ejusmodi rebus, quas sine damno nemo ignorare potest.

64) Id est: quid amicitias signat, an usus, seu utilitas; an vero rectum, seu virtus et honestas?

65) Id est: in quo sit posita natura boni; et quod sit summum bonum?

66) Ex re, id est, fabellas garrit, seu narrat, rei, de qua loquimur accommodatas.

67) Sensus: si quis enim e. g. Arelli opes laudat, ignorans, quanta cum divitiarum possessione conjuncta sit sollicitudo, sequentem fabulam narrat. Arellus in vicinitate fuisse videtur homo dives, et, ut omnes fere divites, de secura opum suarum possessione admodum sollicitus; tota enim fabula referenda est ad sollicitudinem, qua misere cruciantur divites.

68) Accepisse, id est, recepisse in paupere cavernula.

Asper⁷⁰⁾ et attentus quaesitis, ut tamen arctum
 Solveret hospitii animum. Quid multa? neque⁷¹⁾ ille
 Sepositi ciceris, nec longae invidit avenae,
 Aridum et ore ferens acinum semesaque lardi⁸⁵⁾
 Frustra dedit, cupiens variā fastidia coena
 Vincere tangentis male singula dente superbo:
 Cum pater ipse domus palea porrectus in horna,
 Esset ador loliumque, dapis meliora relinquens.
 Tandem urbanus ad hunc: Quid te juvat, inquit, amice,⁹⁰⁾
 Praerupti⁷²⁾ nemoris patientem⁷³⁾ vivere dorso?
 Vis tu homines⁷⁴⁾ urbemque feris praeponere silvis?
 Carpe⁷⁵⁾ viam, mihi crede, comes, terrestria quando
 Mortales animas vivunt sortita, neque ulla est
 Aut magno aut parvo leti fuga. Quo⁷⁶⁾, bone, circa,⁹⁵⁾
 Dum⁷⁷⁾ licet, in rebus jucundis vive beatus;

69) Per hospitem intelligendus est mus rusticus, qui urbanum murem, veterem suum amicum, invitavit.

70) Asper, id est, erat ille quidem vitae asperae et durae adsuetus, atque avarus et attente custodiens quaesitas res; ita tamen erat comparatus, ut arctum, parcum, avarum animum suum solveret, h. e. laxaret ad hospitem benigne suscipiendum.

71) Sensus: neque cicer, quod habebat reconditum, neque avenam invidit, id est, parce adposuit illi; uvae insuper adferens ore siccum acinum, et lardi semesi reliquias obtulit, volens convivii varietate fastidium expugnare conviviae, qui singula dente superbo, h. e. fastidioso male, aegre carpebat; cum hospitii dominus, rusticus mus, in palea recenti, eodem anno collecta, stratus esset, id est, comederet, non laridum, non cicer, sed ador, id est, triticeam farinam et lolium, id est, bromum, relinquens meliora quaeque hospiti. Invidit avenae, est Graeca constructio, pro: invidit avenam; Graeci enim dicunt, φθονίαν τῆς ἀβύσσου. Palea horna est talis, quae nuper in hujus anni messe collecta est.

72) Praerupti nemoris dorso, pro: in praecipitis, incultae silvae clivo; nam versu sequenti explicat hoc praeruptum nemus poeta per: feris, id est, incultis silvis.

73) Id est, qui tanta patiaris.

74) Homines, id est, societatem hominum.

75) Carpe viam comes, mihi crede, id est, comitare me in urbem et mihi te crede, trade te meae fidei meoque praesidio: vel etiam: si mihi credis, dabis te mecum in viam, quandoquidem ii, qui in terris vivunt, mortales animas sortiti sunt, et nemo, sive parvus sit, sive magnus, effugit mortem. Lepide mus urbanus, proposita Epicureorum opinione: animam cum homine mori et interire, murem rusticum ad arripiendos jucundioris vitae fructus exhortatur.

76) Quo, bone, circa, pro: quocirca, quapropter, o bone, amice.

77) Dum, id est, quamdiu licet, tempus est, vive felix et frui, utere jucunde bonis; memento, quam breve tibi concessum sit vivendi spatium.

Vive memor, quam sis aevi brevis. Haec ubi dicta
 Agrestem pepulere⁷⁸⁾, domo levis exsilit; inde
 Ambo propositum peragunt iter, urbis aventes⁷⁹⁾
 Moenia nocturni subrepere. Jamque tenebat¹⁰⁰⁾
 Nox⁸⁰⁾ medium coeli spatium, cum ponit uterque
 In locuplete domo vestigia; rubro ubi⁸¹⁾ cocco⁸²⁾
 Tincta super lectos candēret vestis⁸³⁾ eburnos,
 Multaque de magna superessent fercula coena,
 Quae procul exstructis⁸⁴⁾ inerant hesterna canistris.¹⁰⁵⁾
 Ergo⁸⁵⁾ ubi purpurea porrectum in veste locavit
 Agrestem: veluti succinctus cursitat hospes,
 Continuatque dapes, nec non verniliter ipsis
 Fungitur officiis, praelambens omne, quod affert.
 Ille cubans gaudet mutata sorte, bonisque⁸⁶⁾
 Rebus agit⁸⁷⁾ laetum convivium; cum subito ingens
 Valvarum strepitus lectis⁸⁸⁾ excussit utrumque.
 Currere⁸⁹⁾ per totum pavidi conclave, magisque
 Exanimes trepidare, simul domus alta Molossis⁹⁰⁾
 Personuit canibus. Tum rusticus: Haud mihi vita¹¹⁵⁾

78) Ubi pepulere, id est, postquam his dictis persuasus esset mus rusticus.

79) Aventes, cupientes per noctis tenebras urbem subrepere, clam ingredi.

80) Nox apud poetas post solis occasum ab Oriente surgit, et curru vecta per coelum solis vestigia legit. Sensus vulgaris: media nocte pedem uterque posuit in domo divite, id est, in domum divitem ambo pervenerunt.

81) Ubi, in qua domo, super lectos eburneos purpurea stragula fulgebat, splendebat etc.

82) Coccum, est ex opinione veterum granum, reapse autem, est vermiculus, inhaerens cortici arboris e genere quercus. Hos vermes conglomeratos ramis abradunt, et inde parant colorem coccineum, qui quidem, quia propius accedit ad colorem purpureum, poni fere solet pro purpureo.

83) Vestis, stragula nempe, qua lecti sternuntur.

84) Procul exstructis, id est, in altum congestis canistris.

85) Sensus: postquam ergo in uno lectorum purpura vestitorum agrestem murem locasset porrectum, stratum toto corpore; ipse hospes, nam nempe urbanus, tamquam praecinctus ad ministerium, huc illic properat, et continuo dapes adfert, servorum officio fungens, nihilque adportans a se non praegustatum. Verniliter, id est, ut vernae seu servi solent.

86) Bonisque rebus, id est, rerum bonarum fructu, constitutus quippe in rebus prosperis.

87) Agit laetum convivium, id est, hilariter conviyatur.

88) Lectis, in quibus ad mensam adcumbabant, excussit, coegit exsilire.

89) Currere, subaudi, coeperunt.

90) De canibus Molossis praestantibus, in Molossia Epiri regione natis, vide Epod. 6. not. 6.

Est opus hac, ait, et valeas: me⁹¹⁾ silva cavusque
Tutus ab insidiis tenui solabitur ervo.

S a t y r a VII.

Argumentum.

*Alon. Davus
Jam. Horat.*

Davus, servus, quem Horatius pro libertate, die Saturnalium servis concessa, paulo audacius secum loquentem inducit, accepta ea, quae vellet, dicendi facultate, ab initio statim levem et instabilem hominum animum carpit, a quo vitio ipsum etiam herum suum, poetam nostrum, haud immunem esse ostendit. Dehinc transit ad alia sapientiae praecepta, quae Crispini philosophi janitorem secum communicasse ait, eaque, prout audita in mentem sibi venerant, sine ordine ac nexu certo profert; quod servo, qui ea a janitore, alio itidem servo, acceperat, ad prime convenire videtur; prae ceteris autem adulterorum insaniam depingit, quatenus rem familiarem, famam, et vitam perdendi periculo se exponant; eosque vere servos esse, et liberum solum sapientem, qui cupiditatum suarum dominus sit, demonstrat. Denique adhuc vitia dominorum, quibus vel ipsi maximis laborant, non minus, quam illa servorum culpanda esse docet. Finis poetae fuisse videtur traductio et vituperatio vitiorum sui temporis, sicut in Satyra 3^a hujus Libri; quod, ut eo liberius faciat, sibi minime parcens, sua quoque vitia depingit et carpit. Forma satyrae est dramatica; tempus autem, quo scripta sit, ignoratur, nisi forte ad a. u. 721 circiter, quo satyram 3^{tiam} elucubratam esse constat, cum verisimilitudine quadam referenda sit.

Jam¹⁾ dudum ausculto, et cupiens tibi dicere servus
Pauca, reformido. Davusne²⁾ Ita. Davus amicum

91) Sensus: me in silva et cavo meo, longe a metu insidiarum remotum tenue ervum pro satis lauto convivio consolabitur. Eryum, est genus quoddam leguminis, positum pro tenui victu.

1) Horatius ad se vocasse servum suum Davum, eumque vel castigare verbis, vel docere voluisse putari debet, ita, ut servus tandem herum interpellaret tali modo: jam pridem attentus te audio, o here, et cuperem quaedam pauca ipsemet tibi dicere, sed reformido, non audeo, cum servus sim.

2) Tunc Davus, servus meus? interrogat Horatius; et Davus respondet: Ego sane, Davus, servus tuus; nam mancipium sum ego, qui te, dominum

Mancipium domino, et frugi, quod sit satis; hoc est,
Ut vitale putes. Age, libertate³⁾ Decembri,
Quando ita majores voluerunt, utere: narra⁴⁾.
Pars⁵⁾ hominum vitiiis gaudet constanter, et urget
Propositum: pars multa natat, modo recta capessens,
Interdum pravis obnoxia. Saepe⁶⁾ notatus
Cum tribus anellis, modo laeva Priscus inani.
Vixit⁷⁾ inaequalis, clavum ut mutaret in horas; 10
Aedibus ex magnis subito se conderet, unde
Mundior exiret vix libertinus honeste;
Jam moechus Romae, jam mallet doctus Athenis
Vivere; Vertumnis⁸⁾, quotquot sunt, natus iniquis.
Scurra Valanerius, postquam illi justa chiragra¹⁵
Contudit⁹⁾ articulos, qui¹⁰⁾ pro se tolleret atque

meum, amo; et bonae frugis, quantum satis est, servus sum, ita quidem, ut credere possis, me adhuc diu victurum esse. Jocosam igitur modestiam Davus bonus tantum servus, non optimus, videri vult; homines enim optimi et praestantissimi non diu vivere credebantur. Bonae frugis, a frux, vide L. II. Sat. 5. not. 57.

3) Libertate Decembri, hoc est, ea libertate, qua per Saturnaliorum dies mense Decembri ex majorum instituto utebantur et ipsi in dominos servi. Vide Myth. de Saturno.

4) Narra, id est, et dic, quod voles.

5) Sunt quidam homines, inquit Davus, constanter mali, qui, quod vitiose incipiunt, ad exitum vitiose urgent, perducunt; magna pars vero fluitat, modo recta amplectens, modo declinans iterum ad vitia.

6) Sensus est: conspectus saepe Priscus est cum tribus annulis, modo, sinistra illis omnino vacua, pro vulgari: Priscus modo tres annulos, modo nullum laeva manu gerere solebat. Plures annulos autem gestare, luxui et arrogantiae datum est.

7) Sententia: fuit homo adeo inaequalis et inconstans, ut in horas modo tunica laticlavata, modo angusticlavata prodiret, modo ex magnis aedibus se conderet, reciperet et abderet parvis et humilioribus aedibus, unde vix libertinus paulo cultior decenter exiret; modo Romae cum libertate grassantium, modo iterum Athenis sapientium et pilosorum more vivere cuperet, homo ille ingenii valde mobilis et parum constantis.

8) Vertumnus, antiquissimus Tuscorum Deus, rebus vertendis sive commutandis praepositus, sicut Proteus apud Graecos. Pro vulgari igitur: Diis iratis, adcommodate ad naturam Vertumni dixit poeta: iniquis Vertumnis, quasi nato Prisco ex ira Vertumni data sit mutabilitas.

9) Contudit, labefactavit, confregit, inutiles et infirmos reddidit articulos, seu digitos chiragra justa, id est, quam culpa contraxerat sibi, quam flagitiis suis promeruerat.

10) Sensus et ordo: quemdam, pacta in dies singulos mercede, conduxit et aluit, qui suo loco talos ex alveo lusorio tolleret, colligeret, et in turriculam conjiceret.

Mitteret in phimum¹¹⁾ talos, mercede diurna
 Conductum pavit: quanto constantior idem
 In vitiiis, tanto¹²⁾ levius miser, ac prior ille,
 Qui jam contento, jam laxo fune, laborat. — 20.
 Non¹³⁾ dices hodie, quorsum haec tam putida tendant,
 Furcifer¹⁴⁾ Ad¹⁴⁾ te, inquam, Quo¹⁵⁾ pacto pessime¹⁶⁾ Laudas
 Fortunam, et mores antiquae plebis; et idem,
 Si quis ad¹⁷⁾ illa Deus subito te agat, usque recuses:
 Aut¹⁸⁾ quia non sentis, quod clamas, rectius esse, 25
 Aut quia non firmus rectum defendis, et haeres,
 Nequidquam coeno capiens evellere plantam.
 Romae¹⁹⁾ rus optas; absentem rusticus Urbem
 Tollis ad astra levis. Sic nusquam es forte vocatus
 Ad coenam, laudas securum olus²⁰⁾; ac²¹⁾, velut usquam
 Vincit eas, ita te felicem dicis, amasque,
 Quod nusquam tibi sit potandum. Jusserit²²⁾ ad se
 Maecenas serum sub lumina²³⁾ prima venire

11) Phimus idem, quod fritillus, in quo tali seu tesserae concutiebantur, et inde per pyrgum sive turriculam mittebantur in tabulam lusoriam.

12) Tanto minus miser, quam ille prior, Priscus nempe, qui vitiiis modo laxabat ingentes habenas, modo contrahebat. Levitas hic cum laxo fune comparata est.

13) Horatius interruptit Davum: Non dices tandem etc. putida; id est, molesta, fastidiosa, scilicet ob longam rei, quam relaturus erat Davus, circumtionem. Furcifer, est notum dominorum in servos convicium.

14) Ad te pertinent, ait Davus.

15) Horatii interrogatio.

16) Respondet Davus. Antiquae plebis: homines enim antiqui erant frugales et parci.

17) Ad illa, id est, ad mores antiquos et vitam parciolem te adigat.

18) Sensus: aut, quia, quod rectum esse, ore clamas, non animi sensu complecteris; vana enim sunt praecepta, quae non sentiuntur. h. e. quorum veritas non percipitur; aut, quia non es in iudicando, in principiis tuis defendendis constans, et haeres in coeno, id est, in vitio, unde extricare te non potes. Vitium enim hic comparatur cum coeno, e quo pedes, qui in eo haerent, non facile expediri possunt. Planta pedis pro pede posita est.

19) Romae, id est, si Romae es. Rusticus, id est, si rure habitas. Levis, pro: inconstans.

20) Securus olus, quo quis in securo otio vescitur.

21) Sensus: et quisquam te catenis vincit ad coenam pertrahat; quasi eo, quo vocaris, iuventus pergat; quasi foris coenare non amares; asseris, te beatum esse, cui nullibi sit tibi potandum.

22) Supple: vide, quam parum in hac quoque re tibi constes. Jusserit, id est, quod si jusserit.

23) Sub lumina prima, id est, paulo ante vesperam, cum astra primum lucere incipiunt et faces domi accenduntur.

Convivam: Nemon²⁴⁾ oleum fert ocus? ecquis
 Audit? cum magno blateras clamore, furisque²⁵⁾.
 Mulvius²⁶⁾, et scurrae, tibi non referenda precati,
 Discedunt. Etenim²⁷⁾, fateor me, dixerit ille,
 Duci²⁸⁾ ventre levem; nasum²⁹⁾ nidore supinor:
 Imbecillus³⁰⁾, iners, si quid vis, adde, popino.
 Tu, quum sis, quod ego, et fortassis nequior, ultro³¹⁾
 Insectere, velut melior? verbisque decoris
 Obvolvas³²⁾ vitium? Quid³³⁾, si me stultior ipso
 Quingentis emto drachmis, deprenderis? Aufer
 Me vultu terrere; manum, stomachumque teneto;

24) Sensus: nullusne, clamas, adest, qui mihi oleum, lucernae infundendum, cito ferret? Lucerna enim noctis tempore euntes utuntur ad viam illustrandam.

25) In pluribus Codd. fugisque, invenitur; sed in lectione, furisque, imago hominis prae festinatione huc illuc discurrentis et tumultuantis vividius expressa est. Blateras, id est, clamitas.

26) Mulvius, aliquis parasitus, apud Horatium cum scurris coenaturus. Hi nempe, te domi non coenante discedunt tristes, et multa mala imprecantes tibi, non coram te quidem, sed clam, et inter se; hinc, non referenda, non audienda Horatio.

27) Sequuntur jam verba illa non referenda, quibus scurrae coenatum euntem Horatium insectari dicuntur. Ille, id est, unus aliquis.

28) Duci ventre levem, id est, me esse hominem levem, qui ventre se duci patitur, pro vulgari: me esse scurram.

29) Supinor, id est, attollo nasum, subrigo ad nidorem, seu fumum, et odorem obsoniorum. Supinor nasum, est Graeca constructio, pro: supinor naso, vel, supino nasum.

30) Supple: fateor, ego sum imbecillus, id est, otiosus; iners, id est, piger; et si vis, etiam popino, id est, qui popinis gaudet, ganeo, helluo.

31) Ultro insectere? id est: cur me insectaris, ac si esses melior? ultro, pro: insuper; vel, sponte, sine causa.

32) Obvolvas nempe: et, quod tibi ipsi vitio verti possit, ingens scilicet apud Maecenatem coenandi desiderium decora amicitiae, quae tibi cum Maecenate intercedat, specie involvis, excusas et occultas? Coniunctivus autem explicatur per formam interrogationis indirectae: tune insecteris, obvolvas etc.

33) Sensus: quid, si me, qui quingentis sum emtus denariis, id est, qui sum servus, convinceris esse insanior? Drachma fuit parvum monetae genus apud Graecos. Hic jam Davus oratione, quam contra Horatium habuisse, fingitur Mulvius scurra, finita, in iis, quae liberius se Horatio dicere velle, professus est, pergit. Sed nimiam primorum verborum acerbitatem: quid si me stultior deprenderis? non aequo animo ferre poterat Horatius. Vultum igitur torvum et minacem ostendit. Quod cum animadvertit Davus, inquit: Aufer, id est: noli me isto vultu tuo perterrefacere; manum et bilem contine a vi mihi inferenda, dum narvo, quae a Crispini janitore accepi.

152

*1) Natura incendit, sub clara mda Incerna
2) lineae curvatae ex cepit surgentis scabrae caudae
3) Clavibus, aut agitavit equum lascivum superum?*

Dum, quae Crispini³⁴⁾ docuit me janitor, edo, 45
Te conjux³⁵⁾ aliena capit; meretricula Davum:
Peccat³⁶⁾ uter nostrum cruce dignius? In dubio haeret.)
Tu³⁷⁾ quum projectis insignibus, annulo³⁸⁾ equestri
Romanoque³⁹⁾ habitu, prodis ex iudice Dama⁴⁰⁾ *abie mutata*
Turpis, odoratum⁴¹⁾ caput obscurante lacerna⁴²⁾ *50 lacerna*
Non es, quod simulas? Metuens induceris⁴³⁾, atque *turpion*
Altercante libidinibus tremis ossa pavore.
Quid⁴⁴⁾ refert, uri virgis, ferroque necari
Auctoratus⁴⁵⁾ eas; an⁴⁶⁾ turpi clausus in arca,
Quo te demisit peccati conscia herilis 55

34) Ut eo major Crispino paretur gravitas, facite adeo janitor ejus praecpta cupide imbisse, et propagasse fingitur. De Crispino v. L. I. sat. i. not. 80.

35) Hic jam Davus refert praecpta, in scholis Crispini ab ejus janitore sublecta; sed haec non sunt referenda ad Horatium et servum ejus. Verum Davus ex more, qui nunc quoque valet in orationibus, adpellat aliquem in singulari, dum omnes alios, qui ita, ut ait, agunt et sentiunt, intelligit.

36) Sensus: quis nostrum majori poena dignum scelus commisit? Decerni, aut dirimi hoc vix poterit, cum ambo aequaliter peccaverimus.

37) Sensus: quum tu a dignitate iudicis descendis ad servilem humilitatem; et, quod abjectioris conditionis servus facere solet, facis, habens obvolutum caput odoribus perfusum; nonne tum revera es id, quod simulas, servus scilicet?

38) Equites annulum aureum gestabant.

39) Romano habitu, positum est pro toga.

40) Pro: servus, posuit poeta servile nomen: Dama.

41) Odoratum, id est, unguentis bene olentibus delibutum; capita enim sive crines hominum elegantiorum unguentis nitere, et odore spargi solebant.

42) Lacerna, crassioris pallii genus, quo tempore frigido vel pluvioso se involvere solebant servi. Lacerna obscurante, id est, obtegente, occultante.

43) Inducere, scilicet in domum matronae, et altercante libidinibus pavore, id est: metu et libidine te alternatim invadentibus, totis ossibus concuteris.

44) Sensus est: quid interest tandem, utrum auctoramento gladiatorio addixeris te, ut virgis uraris, caedaris, et ferro eneceris; an adulter incedas, ut in adulterio deprehensus rem omnem, vitam, et famam cum corpore perdas?

45) Auctoratus. Homo certo pretio, auctoramento, domino alicui in servitute, vel pro ludo gladiatorio addictus, dicebatur auctoratus, id est, pretio emtus.

46) Illud vulgare: an in adulterio deprehendaris? poeta sic exprimit: an clausus intra turpem arcam, in qua te occultavit ancilla, conscia, id est, adjuvans adulterium dominae suae, et ibi capite tangas genua compressus, id est, totus contractus et in arctum reductus delitescas, ne a superveniente marito detegaris? Arca turpis dicitur, ob turpem foedum adulterum, qui in ea se occultare cogitur.

47) Sensus: quum tu a dignitate iudicis descendis ad servilem humilitatem; et, quod abjectioris conditionis servus facere solet, facis, habens obvolutum caput odoribus perfusum; nonne tum revera es id, quod simulas, servus scilicet?

Contractum genibus tangas caput? Estne⁴⁷⁾ marito
Matronae peccantis in ambo⁴⁸⁾ justa potestas?
In⁴⁹⁾ corruptorem vel justior; illa tamen se
Non habitu, mutatae loco, peccatae superne,
Quum te formidet mulier, neque credat amanti. 60
Ibis⁵⁰⁾ sub furcam prudens; dominoque⁵¹⁾ furenti
Committes rem omnem, et vitam, et cum corpore famam.
Evasti⁵²⁾? credo, metues, doctusque cavebis.
Quaeres, quando iterum paveas, iterumque perire
Possis. O toties⁵³⁾ servus! quo bellua ruptis, 65
Quum semel effugit, reddit se prava catenis?
Non⁵⁴⁾ sum moechus, ais. Neque ego, hercule, fur, ubi vasa
Praetereo⁵⁵⁾ sapiens argentea. Tolle periculum:

47) Estne, pro: nonne est etc.

48) In ambo, in adulterum nempe et adulteram. Antiquo jure Romano licebat viris deprehensos adulteros occidere. Augustus vero lege Julia sanxit, ut liceat maritis uxorum corruptores occidere, aut certe, apud iudices causam agentes, scelus poena capitis vindicare; uxores autem repudio mulctavit.

49) Sensus: certe potestas mariti in moechum justior est; nam femina neque vestem mutat, nec etiam in alium locum transmigraat; hinc, licet etiam peccet, peccat tamen superne, id est, non tam graviter, cum te timore aliquo refugiat, nec sine cura tibi amanti se tradat.

50) Sensus: dum ergo matronas sectaris, furcam subibis prudens, id est, sciens ac volens, cum nempe servi personam indueris. Fuit autem, furca lignum duplex, quod dedecoris magis, quam supplicii causa, collo servorum imponebatur, cum quid peccasset, et quod circumferre debebant; unde servi saepissime vocati sunt furciferi.

51) Domino furenti. Adposite ad servilem conditionem, quam subit libidinosus, matronae maritus nunc, dominus, vocatur.

52) Evasti? An forte tibi contingit, periculum evadere? Nunc, certe credo, periculum, quod effugisti, in posterum, prudentior factus, evitabis! Per ironiam hoc dictum est. Sensus est: etiamsi periculum evadas, id est, a marito matronae non detegaris, tamen non fis cautior, et data occasione, iterum idem periculum, rem seu opes, vitam, et cum corpore famam perdendi, parum cautus subis.

53) O tu, qui toties personam servi induis, et periculum subis! nequidem belluas imitaris, quae periculum semel evasae nunquam iterum stultae subeunt.

54) Davus, alium in singulari alloquitur, per quem designat omnes, qui non virtute sed poenae vel periculi metu a flagitiis absterrentur. Egregia sane, quam Crispinus docuisse fingitur, sententia! quod si hanc, cum prioribus componas, vix certum idearum ordinem reperies. Vide Argumentum.

55) Praetereo, id est, non surripio. Sapiens, id est, cautus.

Jam vaga⁵⁶⁾ prosiliet frenis natura remotis. —
 Tune⁵⁷⁾ mihi dominus, rerum imperiis, hominumque, 70
 Tot tantisque minor? quem ter vindicta quaterque
 Imposita haud umquam misera formidine privet?
 Adde⁵⁸⁾ super dictis, quod non levius valeat: nam,
 Sive vicarius est, qui servo paret (uti mos
 Vester ait) seu conservus: tibi⁵⁹⁾ quid sum ego? nempe 75
 Tu, mihi, qui imperitas, aliis servis miser; atque
 Duceris, ut nervis alienis mobile lignum. —
 Quisnam igitur liber? Sapiens, sibi⁶⁰⁾ qui imperiosus;
 Quem neque pauperies, neque mors, neque vincula terrent;
 Responsare⁶¹⁾ cupidinibus contemnere honores 80
 Fortis; et in⁶²⁾ se ipso totus, teres, atque rotundus,

56) Vaga natura, id est, indoles non satis firmata principiis statim prohibet, et ego furabor nihil timens.

57) Sensus: tune, qui ipse minor, id est, subjectus sis tot tantisque rebus atque hominibus, quorum imperio serviliter pares, qui licet ter, quaterque manumissus sis, tamen a misera formidine, h. e. servili conditione et sentiendi ratione nunquam libereris, tune, inquam, mihi dominus esse potes? Vindicta est virga praetoris, qua percutiebantur servi, dum liberi fiebant; tribus namque rebus fiebat manumissio: Vindicta; censu, cum dominus permittebat, ut servus a Censore in censum publicum referretur; et testamento. Privet, id est, liberet.

58) Adde iis, quae modo dixi, etiam istud haud levius, haud minus considerandum: nam, ut vos dicere soletis, sive vicarius, id est, qui alius servi vices obit, sive conservus, id est, alterius in servitio sodalis, est, qui servo servit; quid ego tibi sum? vel quomodo ego adpellandus sum? Cum scilicet tu, qui dominus mihi imperas, ut miserae conditionis homo, servitium praestas aliis, atque te regi pateris; uti fere mobilis ex ligno con-texta figura, non vi propria, sed alienis nervis regitur?

59) Davus interrogat, sibi que ipsi statim respondet. Etiam haec cum prioribus non satis bene cohaerent.

60) Sensus: qui in se ipsum imperium tenet, se ipsum temperat et moderatur.

61) Responsare cupidinibus et contemnere honores fortis, est Graeca constructio, pro: fortis in responsando, resistendo cupidinibus, id est, coercendo eas, atque in contemnendo honores.

62) In se ipso totus, id est, unice defixus in se ipso explorando atque cognoscendo, instar globi teres et rotundus; causa autem, cur is, qui totus est in interno animi cultu, aequiparari possit tereti et rotundo globo, statim subjicitur: ne quid externi valeat per leve morari, id est, ne quid externae sordis, vel labis, pravitatis per teres et rotundum corpus levigatum sedem invenire, residere, adhaerere possit. In quem Fortuna manca h. e. infirma ac debilis, irrita conatu impetum facit.

Externi ne quid valeat per leve morari,
 In quem manca ruit semper fortuna. Potesne⁶³⁾,
 Ex his ut proprium quid noscere?—Quinque talenta
 Poscit⁶⁴⁾ te mulier, vexat⁶⁵⁾, foribusque repulsum 85
 Perfundit gelidā⁶⁶⁾; rursus vocat: eripe turpi
 Colla jugo. Liber⁶⁷⁾, liber sum, dic age. Non⁶⁸⁾ quis:
 Urget enim dominus mentem non lenis⁶⁹⁾, et acres
 Subjectat lasso⁷⁰⁾ stimulos, versatque negantem. —
 Vel⁷¹⁾ quum Pausiaca⁷²⁾ torpes, insane, tabella, 90
 Qui peccas minus atque ego, quum Fulvi⁷³⁾, Rutubaeque
 Aut Placideiani contento⁷⁴⁾ poplite miror
 Proelia, rubrica picta aut carbone, velut si
 Revera pugnent, feriant, vitentque moventes
 Arma viri?—Nequam⁷⁵⁾, et cessator Davus; at ipse 95
 Subtilis veterum iudex et callidus audis.
 Nil⁷⁶⁾ ego, si ducor libo fumante; tibi ingens
 Virtus, atque animus coenis responsat opimis?

63) Sensus: potesne ex his, quae dicta sunt de sapientis virtutibus, animadvertere aliquid, quod tibi proprium sit, vel quod in te cadat?

64) En aliam iterum parum cum praecedentibus cohaerentem ideam. De Talento vide supra L. II. sat. 3. not. 136. Poscit te, pro: exigit a te.

65) Vexat, id est, contumeliose te tractat.

66) Gelida, sc. aqua perfundit clausa janua domo expulsus te.

67) Ordo: ut exclamare possis: a dominio libidinis liber sum.

68) Non quis, pro: non queis, id est, non potes, ut servus, qui paret domino, h. e. animo, qui libidine se regi et corripit patitur.

69) Non lenis, id est, durus dominus; intellige libidinem, amorem.

70) Lasso, id est, voluptatem fastidis, vehementer te tamen ad illam stimulat ille amor, et in ea nolentem volutat, agitat.

71) Nexus: vel ut aliud exemplum de hominum insania adferam. Sensus: anne tu, insane, cum in contemplatione tabellae Pausiacaе stupore torpes, minus peccas, quam ego, cum nobilium gladiatorum statum vel posituram, et proelia, rubrica aut carbone picta, miror, ac si reipsa pugnant?

72) Pausias, pictor nobilis Graecus.

73) Fulvus, Rutuba, Placidejanus, tria nobilium gladiatorum nomina.

74) Contento poplite: exprimitur per hoc status vel positura, cum gladiatores invicem se petunt; alteri pedi enim firmiter insistitur, alterius vero pedis poples contenditur, extenditur.

75) Sensus: si talibus mirandis, tempus impendo, vocor ego homo nequam et cessator, id est, piger, qui tempus in iis spectandis terem; tu autem vocaris subtilis veterum operum artificumque iudex.

76) Nil ego, id est: ego homo nullius pretii dicor, si libum fumans adpeto; Anne tu, pro ingente tua virtute et animo par es contemnendis coenis opimis? tune coenis opimis abstinaes? Responsare, idem ac, contemnere.

77) Sensus: cum ego indulgeo gulae, damnum fero, quia plector loris,

Obsequium⁷⁷⁾ ventris mihi perniciosius est: cur?
 Tergo plector enim. Qui tu impunitior illa,
 Quae parvo sumi nequeunt, obsonia captas?
 Nempe inamarescunt epulae sine fine petitae,
 Illisque pedes vitiosum ferre recusant
 Corpus. An hic peccat, sub noctem qui puer⁷⁸⁾ uvam
 Furtiva mutat strigili? qui praedia vendit,
 Nil servile, gulae parens, habet? Adde⁷⁹⁾, quod idem
 Non horam tecum esse potes; non otia recte
 Ponere: teque ipsum vitas, fugitivus ut erro,
 Jam vinō quaerens, jam somnō fallere curam:
 Frustra nam comes atra premit, sequiturque fugacem.
 Unde⁸⁰⁾ mihi lapidem? Quorsum⁸¹⁾ est opus? Unde⁸²⁾
 sagittas?
 Aut⁸³⁾ insanit homo, aut versus facit. Ocius⁸⁴⁾ hinc te
 Ni rapis, accedes opera agro nona Sabino.

at tu, an cares poena magis quam ego, cum lauta et cara captas fercula?
 Nequaquam; plectoris enim nausea, cum in stomacho epulae sine modo
 appetitae fiunt acidae, indigestae, amarae, et pedes illusi, id est, dubii ac
 vacillantes, aegrum corpus ac debile ferre nequeunt.

78) Id est: servus, qui strigilem, furto ablatam, donat pro uva, nonne
 peccat? An vero is, qui praedia vendit parans, id est, obsequens gulae, ut
 pretium inde redactum epulis det, minus serviliter agit? Strigilis est in-
 strumentum aeneum, quo homines in balneis sudorem solebant detergere,
 deradereque. Apud nos simili instrumento dstringuntur equi.

79) Sensus: Adde jam dictis, quod neque per horam ad te redire, et
 qualis sis, tecum reputare, tibi soli sufficere, quod spatium vacui temporis
 non sapienter occupare possis; quod te ipsum fugias, te ipsum descendere
 refugas, tamquam erro, id est, circumerrans, qui vitae taedium nunc vino,
 nunc somno pellere satagit; sed nequidquam; nam animo inhaeret semper,
 et fugientem sequitur illa ipsa cura, quam fugis.

80) Horatius servi libertatem non ferens eum interruptit: Unde lapidem
 sumam? quo scilicet te punire, ferire possim?

81) Verba servi: Ad quid lapide opus est tibi?

82) Horatii verba.

83) Servus iterum dicit: Herus meus aut furit, aut poematis aliquid
 parturit.

84) Et Horatius tandem rei finem imponit dicendo: Nisi te hinc illico
 auferas, accedes, mitteris nonus ad servos octo, qui faciunt opus in villa
 mea Sabina. Servi enim rustici erant deterioris et durioris conditionis,
 quam urbani.

S a t y r a VIII.

Occasio et argumentum.

Moris fuisse videtur Romae, ut homines humili loco
 nati, ast divites, viris magnis et amplo munere fungentibus
 convivia instruerent; partim ut horum favorem captarent,
 partim ut superbe familiaritatem suam cum iis apud alios
 jactitent. E numero horum etiam Nasidienum fuisse prob-
 abile est, qui in Maecenatis honorem convivium lautum
 adornavit. Descriptione hujus coenae itaque poeta ante ocu-
 los ponit ingenium eorum, qui, utut lautissimi ac splendi-
 dissimi, sordidam tamen avaritiam suam celare non pos-
 sunt, qua medias inter opes ridiculi fiunt. Narrantem au-
 tem inducit Horatius Fundanium, amicum suum, jam su-
 pra L. I. sat. 10 laudatum, qui coenae interfuerat. Forma
 Satyrae est dramatica.

Ut¹⁾ Nasidieni juvat te coena beati?

Nam²⁾ mihi quaerenti convivam dictus here illic

De medio potare die. Sic³⁾, ut mihi nunquam

In vita fuerit melius. Da⁴⁾, si grave non est,

Quae prima iratum ventrem placaverit esca.

In⁵⁾ primis Lucanus⁶⁾ aper (leni fuit Austro⁷⁾)

Captus, ut ajebat coenae⁸⁾ pater, acria circum⁹⁾

Rapula, lactucae, radices, qualia¹⁰⁾ lassum

Pervellunt stomachum, siser¹¹⁾, halec¹²⁾, faecula¹³⁾ Coa.

1) Sensus: quam bene coenasti apud Nasidienum? Juvat, id est, quam
 bene delectavit te coena ejus? De Nasidieno autem, praeterquam, quod
 sordidus dives fuerit, nihil notum est; ob divitias etiam beatus, dives no-
 minatur a poeta.

2) Sensus: cum enim te heri habere cuperem convivam, dictum est mihi,
 te illic, id est, apud Nasidienum ab ipso meridie jam bibere. Veteres vulgo
 sub vesperam coenabant; convivia vero lautiora solito maturius inchoabant.

3) Respondet Fundanium. Vide L. I. sat. 10. not. 31.

4) Hor. Da, id est, narra. Iratus venter positus est pro: esuriēte
 stomacho.

5) Fundanium incipit descriptionem coenae.

6) Lucanus aper, quia apri in Lucania ob pastum in quercetis erant
 admodum opimi.

7) Leni Austro; nam gravius et vehementius flante carnes putrescunt.

8) Coenae pater, id est, dominus convivii Nasidienus.

9) Circum, id est, circa hunc erant disposita etc.

10) Id est: quae stomachum, edendo fessum, nova fame stimulant, recreant.

11) Siser est genus leguminis, apud nos: Zuckerrüben.

His¹⁴⁾ ubi sublatis puer¹⁵⁾ alte cinctus acernam¹⁰
 Gausape purpureo mensam pertersit, et alter
 Sublegit¹⁶⁾, quodcunque jaceret inutile, quodque
 Posset coenantes offendere; ut Attica¹⁷⁾ virgo
 Cum sacris Cereris, procedit fuscus Hydaspes¹⁸⁾,
 Caecuba¹⁹⁾ vina ferens, Alcon Chium²⁰⁾ maris experts.¹⁵
 Hic²¹⁾ herus: Albanum, Maecenas, sive Falernum
 Te magis appositis delectat: habemus utrumque.
 Divitias²²⁾ miseris! Sed²³⁾ quis coenantibus una,
 Fundani, pulchre fuerit tibi, nosse laboro.
 Summus²⁴⁾ ego, et prope me Viscus Thurinus et infra,²⁰

12) Halec, vilioris pretii genus quoddam gari seu juris. Vide Lib. II. sat. 4. not. 48.

13) Faex Coa; faex delicatior vini Graeci ex insula Coa; seu condimentum ex ea factum. Vide sat. 4. L. II. not. 47.

14) His sublatis, e mensa nempe, ut novis ferculis locus esset.

15) Puer alte cinctus: id est, servus vestem habens altius praecinctam, ut esset expeditior, mensam ex acere arbore factam, purgavit gausape purpureo. Dicitur autem gausapes, is; gausapa, ae; et gausapum, i; fuit nimirum genus panni crassioris et villosi, ad mensas tegendas tergendasque adhibitum.

16) Sublegit, collegit, abstulit, nimirum frustula et reliquias, quae oculis convivantium potuissent offendere.

17) Apud Athenienses festo die cujusque numinis procedebant in publicum virgines, ejusdem sacra ferentes in cista, capiti imposita, vultu et gressu gravi atque modesto incidentes. Idem etiam fiebat apud Romanos in sacris Cereris.

18) Hydaspes et Alcon, nomina servorum.

19) De vino Caecubo Campaniae optimo. Vide L. I. od. 17. not. 11.

20) Vinum Chium maris experts, id est, aqua marina non temperatum. In Graecia enim solebat vino aqua marina admisceri, ut non facile corrumpatur. Nasidienus ergo vinum Chium purum, ut rem magnam adponebat. De vino Chio, vide L. II. sat. 3. not. 74. Sensus est: sicut solet virgo Attica, Cereris sacra graviter portans, incedere; ita niger Hydaspes se protulit Caecubum ferens, et Alcon onustus Chio puro. Ridet hic poeta nimiam pompam in tenui adparatu.

21) Sensus: tum ita loqui Nasidienus inceptit: Si forte, o Maecenas, Albanum vel Falernum vinum malueris, quam ista, quae oblata sunt, nempe Caecubum et Chium, utroque abundamus. De Albana uva vide L. II. sat. 4. not. 45. De Falerno vino jam saepius dictum.

22) Horatii verba, qui vini Albani et Falerni possessionem miseris divitias, adpellat, quae erant vulgaria, neque magnum erat iis abundare.

23) Sensus: sed scire vehementer cupio, Fundani, cum quibus convivam belle coenatum tibi sit.

24) Jam Fundanius describit ordinem, quo quisque mensae accubuerit.

Si memini, Varius; cum Servilio Balatrone
 Vibidius, quos Maecenas adduxerat umbras²⁵⁾.
 Nomentanus erat super ipsum²⁶⁾, Porcius infra,
 Ridiculus²⁷⁾ totas simul absorbere placentas.
 Nomentanus²⁸⁾ ad hoc, qui, si quid forte lateret,²⁵
 Indice monstraret digito: nam cetera turba,
 Nos, inquam, coenam usque aves, conchyliis: pisces,
 Longe dissimilem noto celantia succum;
 Ut vel continuo patuit, cum passeris²⁹⁾ assi, et
 Ingustata mihi porrexerat ilia rhombi.³⁰
 Post hoc me docuit, melimela³⁰⁾ rubere, minorem
 Ad lunam delecta. Quid³¹⁾ hoc intersit, ab ipso

Tres lecti, ut satis constat, ad mensam collocabantur, unde locus, ubi coenabatur, nomen accepit: triclinium; in unoquoque lecto tres, ad summum quatuor discumbent: unus lectus summus, secundus medius, tertius imus vocabatur; unum mensae latus cibus per servos subministrandis vacuum relinquebatur. Medius lectus e regione vacui lateris erat honorificentissimus; et post hunc magis honoratus erat summus lectus, a dextra accedentium per latus vacuum servorum. In medio lecto primum et ceteris omnibus in tota mensa honoratiorem locum occupabat Maecenas, secundum a sinistra Maecenatis, et tertium a dextra ejus adducti a Maecenate umbrae Servilii Balatro et Vibidii scurrae ambo. In summo lecto summus, hoc est, primus erat Fundanius ipse, secundus Viscus Thurinus et tertius Varius; in imo lecto primum locum coenae pater Nasidienus, secundum Nomentanus et tertium Portius, ambo Nasidieni parvasi, tenebant. Nota autem, in quolibet lecto primum locum fuisse medium, secundum a sinistra et tertium a dextra primi. Vide Antiquit.

25) Umbrae in convivio vocabantur illi, qui non suo nomine erant invitati, sed amicum aut virum nobilem comitabantur honoris causa, ut umbra corpus sectatur.

26) Super ipsum, id est, Dominum Nasidienum.

27) Portius ridiculus fuit eo, quod totas placentas uno haustu deglutiebat.

28) Nomentanus vero ad hoc erat vocatus a Nasidieno, ut, si quid forte delicati cibi alicubi se abderet, ipse digito indicaret; reliqua enim turba, nos nempe, minus periti ad istas ciborum delicias cognoscendas, coenabamus, quod occurrebat, aves, conchyliis, pisces, quae tamen fercula erant succi, id est, saporis exquisiti, et longe a vulgari et noto disjuncti; quemadmodum continuo manifestum fiebat, cum ille idem Nomentanus mihi porrexerit passeris assi et rhombi ilia, quae nunquam antea gustavi; vel, quae nemo nostrum attigerat, quia istius ferculi bonitatem ignorabamus.

29) Passer est piscis parum a rhombo discrepans.

30) Melimela, poma quaedam mellei saporis; haec continuat Fundanius, docuit me idem Nomentanus, magis rubere, id est, majorem ruborem induere; si ad lunam minorem, decrescerent, legantur.

31) Quid hoc intersit, nempe utrum melimela crescente vel decrescente luna sint lecta, hic tibi melius, quam ego, explicabit.

Audieris melius. Tum Vibidius³²⁾ Balatroni:
 Nos, nisi damnose³³⁾ bibimus, moriemur³⁴⁾ inulti;
 Et calices poscit majores. Vertere³⁵⁾ pallor
 Tum parochi³⁶⁾ faciem, nil sic metuentis, ut acres
 Potiores, vel quod maledicunt liberius, vel
 Fervida quod subtile exsurdant³⁷⁾ vina palatum.
 Invertunt³⁸⁾ Allifanis vinaria tota
 Vibidius Balatroque, secutis omnibus; imi
 Convivae lecti nihilum nocuere lagenis.
 Adfertur squillas³⁹⁾ inter muraena natantes
 In patina porrecta. Sub hoc herus: Haec gravida, inquit,
 Capta est, deterior⁴⁰⁾ post partum carne futura.
 His⁴¹⁾ mistum jus est oleo, quod prima Venafri

32) Vibidius, subaudi: dixit.

33) Damnose, pro: fortiter, immodice, ut damnum scilicet Nasidieno causemus.

34) Morieretur inulti: est usitata locutio Latinis, significans aliud nihil, quam miserimum esse; quia putabant eos esse miseris, qui inulti morerentur. Pessime nobiscum hic agetur, nihil sapimus, inquit Vibidius, nisi affatim bibamus.

35) Sensus: hic vero coenae praebitor mutato colore palluit, qui nihil adeo timuit, quam acres et strenuos potatores; vel quia hi libertate jocandi et ex joco maledicendi utuntur majore; vel quia vina ardentia subtilioris palati sensum obtusum et habetem reddunt; vanus enim iste homo Nasidienus de appositis epulis exquisitoribus, subtili palato dijudicandis, laudari cupiebat.

36) Parochi erant proprie tales homines apud veteres, qui proficiscentibus legatis et Magistratibus Romanorum necessaria praebebant. Vide L. I. sat. 5. not. 36. Hic designatur Dominus convivii, qui convivis suis necessaria subministrabat.

37) Exsurdant, dictum est per translationem ab aurium sensu ad gustum.

38) Sensus et ordo: Vibidius itaque et Balatro, atque horum exemplo nos omnes convivae poculis Allifanis cellam vinariam exhaustebamus; convivae vero in imo lecto, Nomentanus et Porcius, non multum biberunt; ut abstinentia sua placerent avaro coenae patri, pepercerunt lagenis. Allifa est oppidum Samnii, inter Venafrum et Beneventum, ibi pocula vinaria, fictiles cyathi fabricabantur. Vinarium, est vas majus. Porro amphorae, cum erant vacuae, invertabantur, id est, ore in terram verso statuebantur. Convivae imi lecti, id est, qui erant in imo lecto.

39) Squillae sunt pisciculi e cancrorum genere; natantes, id est, in juscule. Muraena autem erat apud Romanos piscis pretiosus et major. In patina porrecta, h. e. extensa, magna.

40) Deterior, id est: si illa antequam caperetur, peperisset, futura fuisset deterior, pro vulgari: cujus caro ante partum melius sapit.

41) Pergit loqui herus: istud jus, in quo videtis natantes squillas, his

Pressit cella; garo⁴²⁾ de succis piscis Iberi;
 Vino quinquenni, verum citra mare nato,
 Dum coquitur (cocto Chium sic convenit, ut non
 Hoc magis ullum aliud) pipere albo, non sine aceto,
 Quod Methymnaeam⁴³⁾ vitio mutaverit uvam.
 Erucas⁴⁴⁾ virides, inulas ego primus amaras
 Monstravi incoquere, illotos⁴⁵⁾ Curtillus⁴⁶⁾ echinos,
 Ut melius muria, quam testa marina remittit.
 Interea⁴⁷⁾ suspensa graves aulae⁴⁸⁾ ruinas
 In patinam fecere, trahentia pulveris atris,
 Quantum non Aquilo Campanis excitat agris.
 Nos majus⁴⁹⁾ veriti, postquam nihil esse pericli
 Sensimus, erigimur⁵⁰⁾. Rufus⁵¹⁾, posito capite, ut si
 Filius immaturus⁵²⁾ obisset, flere⁵³⁾. Quis⁵⁴⁾ esset
 Finis, ni sapiens sic Nomentanus amicum
 Tolleret⁵⁵⁾? Heu⁵⁶⁾, Fortuna, quis est crudelior in nos

rebus mistum et confectum est: Primo oleo nobilissimo ex olivis apud Venafrum in Samnio in cella prima, seu optima, expresso; deinde garo, confecto ex intestinis et succo piscium Hispanicorum, scombrorum scil. prope Hispaniam captorum; tum vino, nato citra mare, id est, in Italia, quod jui inditum est, dum coqueretur; nam postquam est remotum ab igne et coctum, illi adfundendum est Chium, quo nullum tunc aliud est convenientius; postremo pipere albo et aceto, quod ex vino Lesbio vitiatum, et corrupto seu acido natum est.

42) Garum erat condimenti genus, quoddam confectum ex intestinis pisciculorum, maxime scombrorum Iberorum, sale maceratis et putrefactis. Vide supra not. 12.

43) Methymna est urbs primaria Lesbi, insulae maris Aegaei.

44) Erucae apud nos: Stresse; inulae apud nos: Uvant; genera herbarum.

45) Illotos, id est, non exemptos muria, non salsugine sua purgatos.

46) Curtillus, helleus quidam, monstravit praeterea adhuc coquere, quem-admodum ego in hoc jure docui coquere erucas et inulas, echinos in muria, in liquore, quem testa marina remittit; ut melius, id est, tanquam hoc sit melius sapidiusque. Per testam marinam intellige autem pisces testaceos, ostreas etc.

47) Contextus: dum ista peroraret Nasidienus, aulae laqueari adpensa gravi ruina cecidere in patinam cum tanta nigri pulveris copia, ut vix tantum Aquilo in Agris Campaniae attollat.

48) Aulae sunt vela, quae supra mensam erant suspensa.

49) Majus, id est, majorem ruinam.

50) Erigimur, id est, animum recipimus.

51) Rufus est cognomen Nasidieni. Posito, demisso, inclinato capite, ex more lugentium.

52) Immaturus, pro: praematura morte.

53) Flere, subaudi, coepit.

54) Quis esset finis? id est: Flere profecto pergeret.

55) Tolleret, erigeret, solatus esset.

Te Deus? Ut semper gaudes illudere rebus
 Humanis! Varius mappā⁵⁷⁾ compescere risum
 Vix poterat.—Balatro suspendens⁵⁸⁾ omnia naso:
 Haec est conditio vivendi, ajebat; eoque⁵⁹⁾
 Responsura tuo nunquam est par fama labori.
 Tene⁶⁰⁾, ut ego accipiar laute, torquerier omni
 Sollicitudine districtum? ne⁶¹⁾ panis adustus,
 Ne male conditum jus apponatur? ut omnes
 Praecinctorum recte pueri comitumque ministrent?
 Adde⁶²⁾ hos praeterea casus, aulaea ruant si,
 Ut modo; si patinam pede lapsus frangat agaso.
 Sed⁶³⁾ convivoris, uti ducis ingenium res
 Adversae nudare solent, celare secundae.
 Nasidienus ad haec: Tibi Di, quaecunque preceris,
 Comoda⁶⁴⁾ dent: ita vir bonus es convivaque comis⁶⁵⁾:
 Et⁶⁶⁾ soleas poscit. Tum⁶⁷⁾ in lecto quoque videres

56) Callidus Nomentanus de subita aulaeorum ruina, quasi ad se ipsum, ut herum, pertinente, Fortunae crudelitatem incusat. Ut semper, id est, quantopere amas hominum turbare gaudia, et laetis rebus semper intervenire molesta!

57) Mappa ad os nempe compressa, ut solent, qui risum celare conantur.

58) Suspendens omnia naso, id est, solitus in singula joculari. Vide L. I. sat. 6. not. 4.

59) Sensus: eoque, ideoque etiam tuis Nasidienae studiis, curis et molestiis, quibus de aliis, uti jam de nobis, quos splendido convivio accepisti, bene meres, non debita laus et gloria tribuetur.

60) Contextus: num aequum est, te tantis curis tantaque sollicitudine torquerier, id est, turbari atque confici, ex eo solum fine, ut ego laute epuler? Torquerier est Archaismus.

61) Sequitur hic enumeratio harum curarum.

62) Sensus: adde porro ejusmodi casus, qui te sollicitudine torqueant, si, ut modo factum est, aulaea ruant; si servus hebes et stupidus pede labatur, et patinam confringat. Agaso est is, qui jumenta curat et agit; aliis vero rebus peragendis parum idoneus esse solet.

63) Sensus et ordo: sed sicut in adversa fortuna ducis ingenium, et prudentia, quae in prospera latebat, ostendit sese manifestius; sic etiam evenit convivoris; fracta enim per delapsa aulaea patina aperuit Nasidienae convivoris animum, dum ob hunc casum in tristissimas effundebatur lacrimas.

64) Comoda, id est, bona.

65) Conviva comis, humanus, amoenus.

66) Sensus: et surgit de mensa; fortasse, ut ordinem per casum aulaeorum turbatum iterum restituat, et ceteras epulas a servis ex ordine adferendas curet. Soleae sunt calceamenti genus humilium, plantas tantum pedum obtegens, domi et in conviviis gestari solitum.

67) Sensus: vidisses tunc in lectis omnibus submissa voce quaedam in aures invicem singulorum insusurrari. Stridere secreta divisos aure susurros,

Stridere secreta divisos aure susurros.
 Nullos⁶⁸⁾ his malle ludos spectasse; sed illa
 Redde, age, quae deinceps risisti, Vibidius⁶⁹⁾ dum
 Querit de pueris, num sit quocumque fracta lagena,
 Quod sibi poscenti non dentur pocula; dumque⁷⁰⁾
 Ridetur fictis rerum, Balatrone secundo:
 Nasidienne, redis mutatae frontis, ut arte
 Emendaturus fortunam; deinde⁷¹⁾ secuti
 Mazonomo pueri magno discerpta ferentes
 Membra gruis, sparsi sale multo non sine farre;
 Pinguibus⁷²⁾ et ficis pastum jecur anseris albi;
 Et leporum avulsos, ut multo svavius, armos,
 Quam si cum lumbis quis edit; tum pectore⁷³⁾ adusto
 Vidimus et merulas poni et sine clune palumbes;
 Svaves⁷⁴⁾ res, si non causas narraret earum et
 Naturas dominus; quem nos sic fugimus ultri,
 Ut nihil omnino gustaremus, velut illis
 Canidia afflasset pejor serpentibus Afris.

pro: alterum in alterius aures secreto aliquid insusurrare. Auris dicitur secreta, quia secreta in aures deponuntur eorum, quibus illa narramus. Susurri autem divisi dicuntur, qui modo huic, modo alii auri, sive diversis auribus committuntur.

68) Verba Horatii. Sensus: profecto, amoenissimum spectaculum! Narra autem reliqua.

69) Respondet Fundanius porro narrans.

70) Sensus: dumque ludicrum aliquid a singulis confingitur in rem praesentem, juvante jocos in primis Balatrone, qui, dum interea rediret Nasidienus, ait: Redis, o Nasidienne, laetio, quam antea fueras, vultu, restauratus nimirum arte aulaei fortuitam ruinam.

71) Sensus: subsequenti sunt illum pueri, in patina ingenti gruem ferentes, membratim divisum, plurimo sale aspersum cum panis mica. Mazonomum, nomen patinae majoris. Per far non farinam, sed minutas panis ex farre cocti particulas intellige.

72) Sensus: etiam jecur anseris, qui pastus erat ficibus pinguibus; et anteriores leporum partes a corpore avulsas tanquam sic suaviores futuras, quam si cum lumbis comederentur, scilicet adferebant.

73) Pectore adusto, id est, quarum pectus adustum fuerat coquendo.

74) Sensus: res convivarum palato certe gratissimae, nisi, quibus ex causis ista sic offerrentur, et quam vim a natura haberent, fuisse exposuisset coenae magister, qui tandem avaritiae suae ineptae has nobis poenas dedit, ut ingustatas illius dapes sic fugeremus, ac si illas Canidia veneno infecisset, illo pejore, quod serpentibus Afris exprimitur. De Canidia vide Epod. V. XII. et XIII.

Q. Horatii Flacci

Epistolarum

Liberr H.

Epistola I.

Ad Maecenatem.

Occasio et argumentum.

Sicut sermones Horatii, ita etiam epistolae ejus vitam communem hominum, tunc temporis viventium, depingunt, eo solum discrimine, quod hae ad personas singulares forma epistolica directae sint, illae vero ad usum communem et publicum destinatae fuerint. Has porro epistolas a poëta provectori non nisi aetate scriptas esse constat; hinc etiam stylus earum severior et plenus philosophicis discussionibus, satyrarum vero sermo facetus magis est et salsus. Quemadmodum autem 1^{am} odarum, et 1^{am} satyrarum, ita quoque hanc 1^{am} epistolarum, I^{um} earum librum in publicum editurus, Maecenati, patrono suo dedicasse videtur. Vide vers. 1. Provocatus nimirum ab eo, ut post longum temporis intervallum eandem semitam, quam olim odas et satyras scribendo tanta cum laude triverat, iterum ingredia- tur; ab initio statim, excusans, cum aetate, quae a salibus et nugis abhorreat, provector jam sit, philosophiae studio deditum, ast nulli sectae philosophicae peculiariter se ad- dictum esse profitetur; vide vers. 11. et sic ad primarium hujus epistolae argumentum philosophicum delatus demon- strat porro: Maxima pars hominum, divites aequae ac pau- peres, divitias aliaque diversissima sectantur bona, felicitatis consequendae causa; immo eorundem hominum stua- dia et conatus tam parum sibi constant, ut tantum in sapien- tia, id est, philosophiae studio vera felicitas quaerenda sit. Prima¹⁾ dicte mihi, summa dicende Camoena²⁾,

1) Sensus: tu, Maecenas, quem primis meis versibus celebravi ante omnes alios ut patronum meum, quemque etiam postremis debeo celebrare, vis me in eo ludo iterum exerceri, ex quo pridem abieram, libertate donatus.

Spectatum satis, et donatum jam rude³⁾, quaeris, Maecenas, iterum antiquo me includere ludo? Non⁴⁾ eadem est aetas, non mens. Vejanus⁵⁾, armis Herculis ad postem fixis, latet abditus agro, Ne populum extremam toties exoret arena. Est⁶⁾ mihi, purgatam crebro, qui personet aurem⁷⁾:

2) Camoena seu Musa posita est pro carmine; per primam Camoenam intellige odas, quas fere omnes priori loco cecinit, ante satyras nempe et epistolas; et earum prima, sicut etiam aliae nonnullae inscriptae sunt Maecenati. Summa igitur Camoena designat ultima poëtae scripta, epistolas.

3) Rudis erat virga seu bacillum ligneum; iis gladiatoribus dabatur, qui vacationem, et quasi missionem obtinebant ab arte gladiatoria, post annos certos in ea consumptos, sic, ut ad certandum in arena cogi non possent; hinc: spectatum me, sicut gladiatorem, jam satis, id est, emeritum, et rude, id est, libertate donatum iterum quaeris, vis, conaris includere, antiquo ludo, id est, ad eundem ludum cogere. Comparat hic se Horatius cum gladiatore: gladiator enim spectatur, cum in conspectu populi pugnat; poëta autem spectatur, cum ars et ingenium in ejus carminibus cognoscitur. Porro, sicut gladiator rude, ita poëta lauro donatus, se ut militem in castris Musarum emeritum vel exactoratum declarat. Per antiquum ludum spectatae autem intelligi debent odas et satyrae; Ludus enim proprie, ut hic sumitur, erat locus, in quo se gladiatores exercebant, et arma tractare docebantur; metaphorice itaque significatur palaestra poëtica.

4) Id est, aliter enim in juvenili, aliter in virili, et aliter in senili aetate sentimus. Adparet inde, Horatium, cum hanc epistolam scriberet, jam provectori aetate fuisse, licet annus, quo ea scripta sit, certo constitui nequeat.

5) Vejanus, gladiator celebris. Qui deponere artem aliquam, ejus instrumenta adpendere solebant Diis, qui illi praesidebant; ac quoniam Hercules praeesse putabatur rebus periculosus et laboribus, qualis haud dubie fuit gladiatura, ideo Vejanus arma sua obtulit Herculi, cum ab ea discederet; sic etiam milites post peractam militiam arma sua Marti consecrare solebant. Praeterea illi gladiatores, qui pugna inferiores, et ab adversario in ultimam partem arenae (ille enim locus erat in amphitheatro, ubi pugnabatur) recedere coacti erant, spectantem populum saepe rogabant, ut vitam sibi servaret prohibens, ne a victore occideretur. Vide Antiqu. Hujus igitur Vejanii exemplo probat poëta sibi jam a poësi abstinendum esse: Ille jam senior, et multis periculis perfunctus, recte artem deposuit, ne tandem victus a populo spectante vitam suam efflagitare cogeretur, et in otium villae rusticae se abdidit, cur mihi non idem concedatur?

6) Sensus: audire mihi videor aliquem, qui me non invitum sic admo- neat: si sanus es, loris solutis mittes, solves mature a curru equum senio fessum, ne demum aliquando anhelus et viribus defectus irrideatur, id est, quemadmodum equus vetulus currum in circo non belle trahit, ita et ego, jam senior, versiculos minus commode ac decenter facio.

7) Aurem purgatam sordibus, ac proinde clarius, vel etiam, libentius audientem; qui enim aliquid non libenter audiunt, aurem sibi obstruunt.

Solve senescentem mature sanus equum, ne
 Peccet⁸⁾ ad extremum ridendus, et ilia⁹⁾ ducat.
 Nunc itaque et versus et cetera ludicra¹⁰⁾ pono:
 Quid¹¹⁾ verum atque decens, curo et rogo, et omnis in hoc
 sum:

Condo¹²⁾ et compono, quae mox depromere possim.
 Ac ne forte roges, quo¹³⁾ me duce, quo Lare tuter:
 Nullius¹⁴⁾ addictus jurare in verba magistri,
 Quo me cumque rapit tempestas, deferor hospes¹⁵⁾.
 Nunc¹⁶⁾ agilis fio, et mersor civilibus undis,
 Virtutis verae custos rigidusque satellites:
 Nunc in Aristippi furtim praecepta delabor,
 Et mihi res, non me rebus, subjungere conor.
 Ut¹⁷⁾ nox longa, quibus mentitur amica, diesque

8) Peccet, corruat, tardius incedat.

9) Ilia ducat, id est, aegre anhelitum ducat, ut senes et fatigati solent.

10) Carmina sua et versus praecipue lyricos poeta saepius modeste
 lusus vocat.

11) Sensus: solum id, quid verum et honestum sit, curo et inquiri
 et totus in eo, id est, philosophiae studio, versor.

12) Condo, id est, recondo animo et mecum meditor praecepta philo-
 sophiae et recondita compono, id est, in ordinem redigo, ut ea dein pro-
 ferre in lucem, inde fructus depromere, utilitatem capere possim.

13) Sensus: quem philosophiae auctorem, quam philosophorum sectam
 et quasi familiam sequar, amplectar. Lar hic positus est pro domo vel familia.

14) Sensus: scito, me ita addictum, deditum esse philosophiae, ut in
 nullius magistri verba jurem, h. e. nullius philosophi auctoritate me decipi,
 et in errorem induci patiar, sed ea tantum, quae mihi vera esse viden-
 tur, amplectar.

15) Eleganter Horatius imagine a navigatione translata exprimit hoc:
 ad quemcunque philosophum me rapit impetus, apud eum sum hospes,
 et hospes maneo, non ejus scholae vel sectae me addico, sed ea tantum, quae
 mihi probantur, deligo. Voluit igitur Horatius philosophum agere, quem
 dicunt, eclecticum.

16) Sensus: nunc Stoicae disciplinae praecepta sequens agilis fio, id est,
 gravam operam de rebus gerendis civilibus, et earum mole obruor, dum
 veram virtutem severa cura custodire et defendere studeo; nunc furtim ad
 Aristippi, voluptate summum bonum metientis, disciplinam retro feror, et
 res mihi, non me rebus subjicio, id est, facio, quod lubet, non, quod fa-
 cere jubeor. Stoici summum bonum in virtute et honestate ponebant et con-
 tendebant sapientem solum posse rempublicam administrare, res civiles ge-
 rere. Epicurei et contra summum bonum in voluptate ponebant, hi itaque
 praeter se omnia reliqua negligentes sibi res, non se rebus subjiciebant. Ex
 horum numero fuit Aristippus Cyrenaicus. Vide L. II. sat. 3. not. 65.

17) Ut nox — nocebit. Sensus: ut nox longa est iis, qui mendacem

Longa videtur opus debentibus; ut piger annus
 Pupillis, quos dura premit custodia matrum:
 Sic mihi tarda fluunt ingrataque tempora, quae spem
 Consiliumque morantur agendi graviter id, quod
 Aequae pauperibus prodest, locupletibus aequae,
 Aequae neglectum pueris senibusque nocebit.
 Restat¹⁸⁾, ut his ego me ipse regam solerque elementis:
 Non possis oculo quantum contendere Lynceus,
 Non tamen idcirco contempnas lippus inungi;
 Nec, quia desperes invicti membra Glyconis,
 Nodosam corpus nolis prohibere chiragra.
 Est¹⁹⁾ quaedam prodire tenus, si non datur ultra.
 Fervet avaritia miseroque cupidine pectus?
 Sunt verba²⁰⁾ et) voces, quibus hunc lenire dolorem

amicam habent, et dies longus iis, qui mercede ad certum opus faciendum
 conducti sunt; sicut pupillis, quibus grave est sub matrum imperio vivere,
 longus est annus: sic mihi lente abeunt, et molesta sunt tempora, quibus
 retardatur mihi spes et facultas, serio id adgrediendi, quod, cum fit, pau-
 peribus aequae ac divitibus, id est, omnibus utile, cum autem negligitur per-
 inde pueris et senibus, id est, omnibus noxium est. Intellige hic progressus
 in philosophiae studio, et in exercitio virtutis, qui adeo parum procedunt,
 ut in eo exercitio et studio nimis longum tempus consumendum sit.

18) Sensus: confecto igitur jam, ac decurso propemodum vitae spatio,
 id unum faciendum mihi restat, ut elementis philosophiae et praeceptis re-
 gam vitam meam et mores componam. Ex his philosophicis praeceptis stam-
 tim adducit unum: „Noli aliquid assequi velle, quod pro facultatibus a na-
 tura tibi datis assequi non potes, sed ea, quae habes, diligenter cura et
 tuere,” quod duobus exemplis illustrat: Etsi quis non tanta oculorum acie
 praeditus sit, ac Lynceus; propterea tamen non negliget, oculos inungere,
 si lippitudine laboraverit; sic etiam, licet nunquam habiturus sis tam valida
 membra, quam Glyco, non ideo intermites prohibere et impedire, ne mor-
 bus corpus tuum corripiat; pro morbo autem nodosa chiragra posita est.
 De Lynceo, oculorum acie celebratissimo narratur, eum loca remotissima,
 immo etiam Orcum visu assequi potuisse. Fuit filius Apharei et Argonau-
 tarum unus. Glyco autem videtur fuisse gladiator ob corporis robur et va-
 stitatem invictus. Oculo contendere, id est, oculorum contenta et intenta
 acie Lynceum vincere vel assequi. Chiragra autem nodosa dicitur, quia in
 digitorum articulis intumescens humor, quosdam quasi nodos efficit, quibus
 eos constringit.

19) Sensus: est, licet itaque ad certum finem progredi, si ulterius pro-
 gredi non licet, id est, licet ad aliquam doctrinae virtutisque perfectionem
 prodire, provehi; etsi non liceat ulterius, nempe, ad summam ejus obsolu-
 tionem et quasi apicem pervenire.

20) Verba et voces: Intelligi hic possunt voces et incantationes magicae,

Possis, et magnam morbi deponere partem. ²⁵
 Laudis amore tūmes? sunt certa piacula ²¹), quae te
 Ter pure lecto poterunt recreare libello.
 Invidus, iracundus, iners, vinosus, amator ²²),
 Nemo ²³) adeo ferus est, ut non mitescere possit,
 Si modo culturae ²⁴) patientem commodet aurem. ⁴⁰
 Virtus est, vitium fugere, et sapientia ²⁵) prima,
 Stultitia caruisse. Vidēs ²⁶), quae maxima credis
 Esse mala, exiguum censum, turpemque repulsam,
 Quanto devites animi capitisque labore:
 Impiger extremos curris mercator ²⁷) ad Indos, ⁴⁵
 Per mare pauperiem fugiens, per saxa, per ignes ²⁸):
 Ne ²⁹) cures ea quae stulte miraris et optas,
 Discere et audire, et meliori ³⁰) credere non vis?
 Quis ³¹) circum pagos et circum compita pugnax,

quibus morbos putabant veteres sanari. Illis philosophiae praecepta comparat poeta, quibus avaritiam et cupidinem ex animo pellere homines iubentur.

21) Piacula erant apud Romanos ea omnia, quibus expiabant, id est, purgabant et pium ex impio reddebant hominem vel locum aliquem, ut, preces, sacrificia etc. Philosophia stultos et impios a vitiis et erroribus liberat. Sensus ergo est: sunt certa remedia, quibus laudis cupiditatem, qua pectus tuum turget, compescere et comprimere potes, saepius scilicet et puro animo legendo libellos philosophorum, quorum praeceptis aequae ac piaculis purgari atque expiari potes.

22) Amator, qui mulieres sectatur, libidinosus.

23) Nexus sententiarum: omnes denique a vitiis suis liberari, et emendari possunt praeceptis, nemo enim adeo indomabili natura est etc.

24) Culturae, praeceptis, quibus animus excolatur.

25) Sapientia prima, id est, initium sapientiae, primus gradus sapientiae, est, stultitia se exuere.

26) Sensus et ordo: advertis, quanta animi cura, et quanta capitis contentione, seu, quanto vitae periculo effugere coneris ea, quae summum malum esse existimas, nempe: tenues proventus, et repulsae turpitudinem, quam ii perferre coguntur saepe, qui honores petunt et ambiunt!

27) Mercator, id est, mercaturae causa.

28) Per ignes, id est, per aestuosas plagas; vel metaphorice per media pericula.

29) Sententia: Cur itaque non vis discere, et audire praecepta philosophiae, quibus docearis, ea non curare, ne cupiditate horum exaggereris, quae stulte magna credis et appetis?

30) Meliori, idem ac, doctiori, prudentiori, philosopho nempe, qui haec praecepta tradit et docet.

31) Id est: quis est, qui non malit coronari in ludis Olympicis, praecipue, si palmam in illis ludis sine pulvere, sine pugna consequi possit, quam

Magna coronari contemnat Olympia, cui spes, ⁵⁰
 Cui sit conditio dulcis sine pulvere palmae?
 Vilius ³²) argentum est auro, virtutibus aurum.
 O cives ³³), cives! quaerenda pecunia primum est,
 Virtus post nummos! haec Janus summus ab imo
 Prodocet ³⁴): haec recinunt juvenes dictata senesque, ⁵⁵
 Laevo ³⁵) suspensi loculos tabulamque lacerto.
 Si quadringentis ³⁶) sex septem millia desunt, ⁵⁸
 Est animus tibi, sunt mores, et lingua, fidesque,
 Plebs eris. At pueri ludentes, Rex eris, ajunt,
 Si recte facies. Hic murus ³⁷) aheneus esto; ⁶⁰
 Nil conscire sibi, nulla pallescere culpa.
 Roscia ³⁸), dic Sodes, melior lex, an puerorum est

athletae circumforanei more circum pagos et vicos pugnare? Expressit autem Horatius hac adumbrata imagine sententiam hanc: an non longe prudentius est, juxta philosophiae praecepta virtutem, quae sine curis et laboribus exerceri potest, curare et colere, quam humilia illa divitiarum et honorum studia? De ludis Olympicis vide L. I. od. 1. not. 3. Magna coronari Olympia, est Graeca constructio pro: coronari in magnis celebratissimis Olympiis.

32) Sensus: quantum enim argentum pretio cedit auro, tantum et longe plus adhuc virtus praeferenda est auro.

33) At nostra aetate morum magistri clamant et praecipiant: O cives, ante omnia quaerenda est pecunia, et post quaesitam pecuniam demum virtus; haec dictata, haec praecepta in Jano summo et imo, ubi feneratores sedent, publice docentur; eadem juvenes senesque repetunt, dum sicut pueri in scholam euntes tabulas et loculos secum portant. De Jano vide L. II. sat. 3. not. 17.

34) Prodocet, h. e. publice palam docet; nam particula, pro, in compositis notat fere: palam, foris, publice, aperte.

35) Hunc integrum versum vide L. 1. sat. 6. vers. 74. et not. 48.

36) Sensus: si sex aut septem millia sestertium desunt tibi, quo minus habeas quadringenta millia sestertium (qui census equitum erat, seu pecunia proventus annui illis necessaria, qui Romanos inter equites numerari vellent) et animo, id est, fortitudine et morum probitate, eloquentia, fide etc. praeditus sis, tamen plebejus semper manebis et in ordine civium infimo; quod quam inique sit institutum vel ipsi pueri docent, qui, cum ludunt, ita suos socios alloquuntur: Rex eris, id est, omnium primus, si omnium optime luseris. De sestertio vide L. II. sat. 3. not. 19. et Antiqu.

37) Dum poeta de pretio, non divitiis, sed virtuti statuendo loquitur, inserit gravissimam sententiam hanc: Nullius rei malefactae sibi conscium esse, de nullo flagitio pudore suffundi, hoc firmissime, instar muri aenei et arcis, pectus munire, et ab iis, quae turpia sunt, defendere debet. Ceterum haec sententia inserta idearum nexum turbare videtur; sequentia enim: Roscia etc. cum praecedentibus eam multo melius cohaerent.

38) Sensus: dic, quaeso, an lex illa, a Roscio Othone tribuno plebis

Naenia, quae regnum recte facientibus offert,
 Et maribus Curiis³⁹⁾ et decantata Camillis?
 Isne⁴⁰⁾ tibi melius suadet, qui rem facias, rem,
 Si possis recte; si non, quocumque modo rem,
 Ut propius spectes lacrimosa poemata Pupii⁴¹⁾:
 An, qui fortunae te responsare superbae
 Liberum et erectum praesens hortatur et aptat?
 Quod si⁴²⁾ me populus Romanus forte roget, cur
 Non, ut porticibus, sic iudiciis fruar isdem,
 Nec sequar, aut fugiam, quae diligit ipse, vel odit:
 Olim quod vulpes aegrotto cauta leoni
 Respondit, referam: Quia me vestigia terrent
 Omnia te adversum spectantia, nulla retrorsum.
 Bellua⁴³⁾ multorum es capitum: nam quid sequar? aut quem?
 Pars hominum gestit conducere⁴⁴⁾ publica: sunt, qui

lata, quae aditum in equestrem ordinem illi aperit, cui sint quadringenta HS, quam illa puerorum ludentium naenia, formula et cantilena, quae reges eos fore clamitat, qui recte fecerint, olim a Curiis illis et Camillis usurpata, qui dignitates et imperia optimis deferebant, melior, praeferenda sit? h. e. utrum auro an virtuti majus tribuendum sit pretium?

39) De Curiis et Camillis vide L. I. od. 11. not. 38 et 39. Hic positi sunt illi mares pro viris probis et generosis in genere.

40) Sensus: meliusne suadet tibi is, qui tibi consilium dat, ut rem, id est, opes colligas, quatenus id recte et honesto modo fieri potest; et si bono modo fieri non possit, ut id quocumque demum modo facias, donec tantas divitias congesseris, ut tibi Equiti in sede propiore et honoratiore spectare liceat Pupii tragoedias? An melius tibi consulit is, qui praesens adest tibi, hortans, aptans te ac confirmans, ut libera et erecta mente fortunae superbae, superbius contra te insurgenti, resistas ejusque munera contemnas?

41) Papius tragoediographus ita affectus spectantium movit, ut eos flere compelleret, hinc tragoedias ejus poeta vocat, lacrimosa poemata.

42) Sententia: quodsi forte me roget populus, cur, sicut in iisdem cum ipso porticibus deambulo, non eadem quoque cum ipso iudicem, amem aut rejiciam, quae ipse amat aut respuit? respondebo, quod olim cauta vulpes aegrotanti leoni, illam ad se in cavernam invitanti, respondisse dicitur: Quia me vestigia terrent, videns omnia versus te spectantia, nulla vero retrorsum. Vulpes enim in fabula timet leonis insidias; poeta vero populi Romani pravitate corruptosque mores exhorrescit.

43) Populum Romanum, modo hoc, modo illud vitiorum genus sectantem, alloquitur, ut monstrum multorum capitum: Quid enim amplectar, cuius sententiam sequar?

44) Conducere publica: intelligenda hic sunt imprimis vectigalia, unde, qui ea conducebant, praecipue equites dicti sunt publicani. Sed multa alia etiam, quae ad publica pertinebant, v. g. pontes, aedificia etc. conducebantur, id est, pro certa pecuniae summa exstruenda suscipiebantur a redemptoribus.

Crustis⁴⁵⁾ et pomis viduas venentur avaras,
 Excipiantque senes, quos in vivaria⁴⁶⁾ mittant:
 Multis⁴⁷⁾ occulto crescit res foenore. Verum⁴⁹⁾
 Esto, aliis alios rebus studiisque teneri;
 Iidem eadem possunt horam durare probantes?
 Nullus⁴⁸⁾ in orbe sinus Bajis praelucet amoenis,
 Si dixit dives, lacus et mare sentit amorem
 Festinantis heri; cui si vitiosa libido
 Fecerit auspicium, cras ferramenta Teanum
 Tollebis, fabri/Lectus⁵⁰⁾ genialis in aula est:
 Nil ait esse prius, melius nil coelibe vita;
 Si non⁵¹⁾ est, jurat bene solis esse maritis.
 Quo⁵²⁾ teneam vultus mutantem Protea nodo?

45) Crustum est particula vel frustum placentae. Sensus: quidam placentulis, pomis aliisque hujusmodi rebus se avaris viduis insinuant, et senibus callide blandiuntur, ad haereditatem eorum captandam.

46) Vivaria sunt loca, ubi in futurum usum viva animalia, quadrupedes, ayes, pisces etc. servantur. Lepide igitur capti senes, ut haeredipeta post mortem eorum captatae haereditatis fructus capiat, mitti ab eo dicuntur in vivaria.

47) Id est: multis placet clanculum foenore rem seu opes suas augere.

48) Sensus: sed esto sane, aliud aliis placeat; non id miror in tanta hominum multitudine, tanta varietate studiorum ac voluntatum; sed quis credat, eundem hominem in horas mutari, et modo hoc, modo illud probare?

49) Horatius jam exempla levitatis et mutabilis hominum animi adfert. Sensus et ordo: licet homo dives aliquis dicat: nullus in toto terrarum orbe sinus Bajis amoenis pulchrior est, et amoris hujus, quo Bajarum amoenitate captus est, argumenta lacus et mare sine mora accipiant ab hero seu domino, nova aedificia in mare procurrentia ibidem exstruente; tamen si vitiosa libido, si levitas illius aliud ipsi objecerit auspicium, id est, si alibi domum aedificare suaserit, crastina, id est, sequenti die jam iterum imperabit et dicet: Vos, fabri et operarii, deportate Bajis Teanum ferramenta et fabrilis instrumenta; pro vulgari: licet maxime delectentur divites nunc regione circa Bajas in Campania, mox iterum aliam huic praeferebant. Auspicium est divinatio, ducta e volatu avium, sicut jam saepius dictum. Similiter etiam vitiosa libido dicitur facere auspicium iis, qui eam unam consulunt. Teanum, Campaniae oppidum a mari remotum; Bajae autem mari proximae fuerant.

50) Sensus: si quis est maritus, laudat coelibem vitam, et contra. Lectus genialis lectus erat nuptialis, qui in aula, id est, domo, vel in ea domus parte, quae atrium dicebatur, sterni et poni Genio consueverat, quia Genius natiuitati hominum praesidebat. Vide Antiqu.

51) Si non est, nempe, lectus genialis ipsi, id est, si non duxit uxorem etc.

52) Sensus: quomodo comescam mutabilem divitis animum? et pro hoc dicit poeta: Quo modo, quo vinculo constringam et coercescam divitem, qui Protei instar tot formas induit? Proteus Deus marinus fuit, et Neptuni pa-

Quid⁵³) pauper? ride: mutat coenacula⁵⁴), lectos,
Balnea⁵⁵), tonsores; conducto navigio aequae
Nauseat⁵⁶) ac locuples, quem ducit priva trirēmis.
Si⁵⁷) curatus inaequali tonsore capillos
Occurro, rides; si⁵⁸) forte subucula pexae
Trita subest tunicae, vel si toga dissidet impar,
Rides. Quid⁵⁹)? mea cum pugnāt sententia secum,
Quod petiit, spernit, repetit, quod nuper omisit;
Aestuat, et vitae disconvenit ordine toto;
Diruit, aedificat, mutat quadrata rotundis;
Insanire putas sōlemnia me, neque rides,
Nec medici credis, nec curatoris⁶⁰) egere

stor, omnes formas induere, et in ignem, aquam, rupem etc. verti pro arbitrio solitus. Vide etiam L. II. sat. 3. not. 49.

53) Sensus: quid autem agunt pauperes? an sunt constantiores divitibus? Nequaquam; ride mecum, Maecenas, eorum levitatem; mutant et hi etc. pro vulgari: Pauperes aequae mutabiles sunt ac divites.

54) Coenaculum erat superior aedium pars apud Romanos, ubi habitabant et coenabant inquilini seu pauperes.

55) Balnea intellige publica, quibus utebantur pauperes; nam divites in suis quisque domibus exstructa habebant balnea.

56) Nauseat, id est, aequae fastidit, aequae pauperem capere solet satietas navigii, quod sibi conduxerat, quam divitem, qui privam h. e. propriam habet navim. Quem ducit, pro, qui velit, ducitur in propria navicula.

57) Sententia, quam poeta in sequentibus amplificavit, est haec: si quid apud me animadvertis, Maecenas, quod externae vivendi rationi repugnat, rides; at, si ego homo varius et inconstans sum, dum me ad solennes hominum errores conformiter agere putas, non rides. Quod autem de se hic dicit, de omnibus intelligendum est. Si curatus capillos, Graeca constructio pro: si capillis a tonsore curatis. Inaequalis tonsor autem est is, qui inaequaliter capillos tondet.

58) Sensus: si sub pexa, id est, nova, villosa tunica geram tritam, id est, detritam et veterem subuculam; vel si togam non aequaliter pendentem ab humeris habeam, ita, ut plus hinc pendeat, quam illinc; etiam rides. Subucula, est vestis intima, vulgo indusium, nostris Hemd. Tunica est vestis exterior, et toga extima. Vide Antiqu.

59) Sensus: quid autem? cum mihimet ipsi, modo hoc, modo illud adpetenti, repugno; cum sperno, quod petii, repeto, quod modo abieci; cum animi impetu et fervore huc illuc agitor, et totum vitae ordinem disturbo; cum destruo ac iterum destructa aedifico, quae sunt quadrata, rotunda facio; dum putas me insanire ad solennem hominum morem, id est, cum me communi laborare existimas insania, non me rides, nec me putas medico indigere, aut curatorem debere mihi a praetore dari; cum tamen meis studeas commodis, et graviter succenseas mihi ob rem levissimam, quae recedit ab externa elegantia; et pro hoc: si videris amici hominis, in te omnem spem reponentis, ac in te uno colendo occupati, unguis male praesectos esse.

A praetore dati, rerum tutela mearum
Cum sis, et prave sectum stomacheris ob unguem
De te pendentis, te respicientis amici?
Ad summam⁶¹): sapiens⁶²) uno minor est Jove, dives,
Liber, honoratus, pulcher, rex denique regum;
Praecipue⁶³) sanus, nisi cum pituita molesta est.

Epistola II.

Ad Lollium.

Occasio et argumentum.

Ad M. Lollium, qui anno aetatis Horatii 44. et Urbis 733. cum M. Lepido consul fuerat, scripsit Horatius L. IV. od. 8^{am}; ast cum haec epistola scribatur ad juvenem quemdam Romanum, ut manifesto constat, legentibus, Lollius hujus epistolae omnino alius esse debet ab illo consulari, qui Horatio vel senior, vel certe aequalis aetate fuerat, ita, ut ad eum versu 67. non potuerit scribere: Nunc adhibe puro pectore verba puer. Locus ergo relinquitur conjecturae valde probabili, Lollium hunc unum esse de M. illius Lollii juvenibus filiis, et quidem natu maximum, qui Romae artibus liberalibus operam navans, in oratoria praecipue exercēbatur. Vide vers. 1 et 2. et not. 2. Huic igitur Horatius parentis instar scribit e Praenestino, et hortatur eum, ut praeceptis sapientiae mentem quamprimum imbuat, atque ex iis vitam instituat; utatur autem potissimum Homero,

60) Curator dabatur insanis a praetore, ut eorum curaret bona, si propriis carerent.

61) Ad summam, id est, ut breviter dicam.

62) Hac sententia: solus is, qui ad sapientiae praecepta vitam componit, felix et beatus est, praecepta philosophiae, quae tradidit hac epistola, concludit. Ast pro hac vulgari sententia posuit poeta Stoicorum axioma: Qui sapiens est, unum supra se Jovem habet, ille est etc. Vide etiam L. II. sat. 3. vers. 125 et 136.

63) Sensus: praecipue autem summa sanitate praeditus est; et poeta adjungit: animi quidem semper, sed non item corporis. Stoici dicebant, sapientem in gravissimis morbis et cruciatibus sanum ac valentem esse; negat hoc Horatius jocando, conceditque animi bona recte tribui sapienti, non item corporis, quae non sunt in nostra potestate. Pituita est humor frigidus et hic vox trium syllabarum, quia prima longa. Ceterum pituita etiam de gravedine intelligi potest.

cujus doctrina de moribus planior atque uberior sit, quam quorumcunque philosophorum. Subjungit dein ex ipsis his praeceptis quaedam, ad quae juvenibus vita dirigenda sit.

Trojani ¹⁾ belli scriptorem, maxime Lolli ²⁾,
 Dum tu declamas Romae, Praeneste ³⁾ relegi;
 Qui ⁴⁾, quid sit pulchrum, quid turpe, quid utile, quid non,
 Planius ⁵⁾ ac melius Chrysippo ⁶⁾ et Crantore ⁷⁾ dicit.
 Cur ⁸⁾ ita crediderim, nisi quid te detinet ⁹⁾, audi. 5
 Fabula ¹⁰⁾, qua Paridis propter narratur amorem
 Graecia Barbariae lento collisa duello,
 Stultorum regum et populorum continet aestus ¹¹⁾,
 Antenor ¹²⁾ censet belli praecidere causam:
 Quid Paris? ut ¹³⁾ salvus regnet vivatque beatus, 10
 Cogi posse negat. Nestor ¹⁴⁾ componere lites

1) Sententia est: interim, dum tu, Lolli, Romae dicendi arte exerceris, ego ad Praeneste scriptorem belli Trojani Homerum relego, iterum lego.

2) De Lollio vide argum. Maxime, id est, natu maxime.

3) Praeneste urbs est in Latio; eo Horatius secedere, et ibi Musis atque sibi vivere solebat.

4) Qui poeta Homerus.

5) Planius, id est, majori perspicuitate.

6) Chrysippo, philosopho Stoico, vide L. I. sat. 3. vers. 127. not. 85.

7) Crantor erat Academicus philosophus, Xenocratis discipulus. Academici autem omnia in dubium vocabant, nihil certum esse contendebant.

8) Cur autem sic opiner et existimem.

9) Detinet, id est, si vacat tibi audire, nisi alia gravior res te detinet.

10) Homeri Ilias et in genere epopoeiae, tragoediae, comoediae fabulae dicuntur, quia multa in iis finguntur, et ad ornandam actionem primariam, quae poematis argumentum est, adduntur. Barbariae, id est, Phrygiae, Trojadi; Graeci enim ceteros populos omnes appellare Barbaros solebant. Idem etiam apud Romanos moris fuit. Sensus est: poema, in quo exhibetur Graecia tota longo bello cum Trojanis pugnans ob Paridis amorem in Helenam, quam rapuit. Duellum, positum est pro bello; et collisa, pro: commixta; qui enim invicem se petunt, colliduntur.

11) Aestus, id est, vehementiores animi motus et vitia; regum, id est, Agamemnonis et Achillis; et populorum, id est, Graecorum et Trojanorum.

12) Antenor, unus Priami filiorum, idemque prudentissimus, censet causam, ex qua bello Graeci petebant Trojanos, e medio tollendam, scilicet Helenam reddendam esse.

13) Sensus: ut regno potiatur incolumis, et beatam vitam ducat, persuaderi omnino nequit; contradicit sententiae Antenoris, et adfirmat, se invitum adigi nullatenus posse. Vide L. I. od. 13.

14) Nestor Graecus senex sapientissimus. Vide L. I. od. 13. not. 28.

Inter Peliden ¹⁵⁾ festinat et inter Atriden:

Hunc ¹⁶⁾ amor, ira quidem communiter urit utrumque ¹⁷⁾.

Quicquid delirant ¹⁸⁾ reges, plectuntur Achivi;
 Seditio, dolis, scelere, atque libidine et ira, 15
 Iliacos ¹⁹⁾ intra muros peccatur, et extra.

Rursus, quid virtus et quid sapientia possit,
 Utile proposuit ²⁰⁾ nobis exemplar Ulysses ²¹⁾;

Qui domitor Trojae, multorum ²²⁾ providus, urbes

Et mores hominum inspexit; latumque per aequor, 25

Dum sibi, dum sociis reditum parat, aspera multa

Pertulit adversis rerum immiserabilis ²³⁾ undis.

Sirenum ²⁴⁾ voces et Circae ²⁵⁾ pocula nostri;

15) Pelides, Achilles, filius Pelei. Atrides, Agamemnon, filius Atrai.

16) Hunc, id est, Agamemnonem urit, agitat amor Briseidis captivae, quam quia eripuerat Achilli, magna est inter ambos orta dissensio, Achilles a bello abstinuit, et multae clades Graecis illatae sunt.

17) Utrumque, id est, Achillem et Agamemnonem.

18) Delirant, peccant, agunt perperam. Plectuntur, id est, sequaelae eorum, quae reges (intellige Agamemnonem et Achillem aliosque Graecorum duces) committunt, peccant, transeunt in Achivos, Graecos.

19) Troja etiam Ilium dicebatur ab Ilo, rege Trojanorum. Sensus: a Trojanis intra urbem, et a Graecis extra urbem, seu urbem obsidentibus, multa perperam, imprudenter facta sunt.

20) Proposuit nobis, idem Homerus nempe, in alio poemate suo, Odyssea.

21) Ulyses fuit Ithacae insulae rex, sagacitate ac prudentia insignis, qui momentum ingens ad capiendam Trojam attulit; praecipue autem, detegendo Achillem, qui sub vestibus muliebribus in Lycomedis aula delitescebat, et Palladium simulacrum Minervae Trojanis rapiendo.

22) Multorum providus dicitur ob ingenii sui sagacitatem Ulysses. Expugnata vero Troja, in Ithacam, regnum suum, redire volens, per longam annorum seriem circumerravit. Hujus itineris fata describit Homerus in Odyssea. Multorum igitur hominum, id est, populorum urbes et mores expertus est hoc suo itinere.

23) Immiserabilis, pro, invictus, insuperabilis undis, id est, impetu adverso rerum seu fortunae.

24) Fuere Sirenes monstra marina superiore parte corporis virgines, inferiore autem pisces. Hinc fictum a poetis est, eas fuisse Acheloi fluvii et Nymphae Calliopes filias tres, quae cum Siculum litus incolerent, cantu suavitatis praeternavigantes deleniebant, et in scopulos naufragio aptos pertrahabant. Quod cum non ignoraret Ulysses, sociorum quidem aures cera obturavit, ne voces audirent, se vero ad navis malum alligavit.

25) Erat Circefamosa venefica, quae certis potionibus homines in belluas vertere dicebatur. Ejus insidias et pocula sapiens Ulysses respuit, cum ad ejus insulam, in ora maritima Italiae sitam, delatus fuisset tempestate; non item ejus socii, qui ab ea in porcos mutati fuere. Per Circen et Sirenes Homerus foedas voluptates adumbravit.

Quae si cum sociis stultus cupidusque bibisset,
 Sub domina meretrice fuisset turpis²⁶⁾ et excors,²⁵
 Vixisset canis immundus, vel amica²⁷⁾ luto sus.
 Nos²⁸⁾ numerus sumus, et fruges consumere nati,
 Sponsi Penelopae, nebulones, Alcinoique²⁹⁾,
 In cute curanda plus aequo operata juvenus,
 Cui pulchrum fuit in medios dormire dies; et³⁰⁾
 Ad strepitum citharae cessatum³⁰⁾ ducere curam.
 Ut jugulent homines, surgunt de nocte latrones;
 Ut³¹⁾ te ipsum serves, non expergisceris? atqui³²⁾
 Si noles sanus, curres hydropicus: et, ni
 Posces ante diem librum cum lumine, si non³⁵⁾
 Intendes animum studiis, et rebus honestis,
 Invidia vel amore vigil torquebere³³⁾. Nam cur,
 Quae laedunt oculum, festinas demere; si quid
 Est animum³⁴⁾, differs curandi tempus in annum?
 Dimidium³⁵⁾ facti, qui coepit, habet: sapere³⁶⁾ aude; ⁴⁰

26) Turpis, id est, pudendae conditionis homo abjectus. Excors, id est, sanae mentis expers.

27) Amica sus, id est, amans lutum et sordes sus, porcus.

28) Sensus et nexus: nos igitur, qui non virtutis et sapientiae exemplum, quod Ulysses dedit, sequimur, nos, qui in juventute vitae molliori nimis indulgemus, qui ad multam usque lucem dormire, et curas ex animo ad citharae cantum pellere pulchrum esse opinamur, nos inquam, non ad res gerendas, sed ad fruges consumendas et numerum tantum hominum explendum nati videmur, similes porcorum Penelopae, nepotes et luxuriosi, qualis describitur Alcinoeus apud Homerum.

29) Alcinoeus, rex erat Phaeacum in insula Corcyra, uni gulae et otio deditus, perinde, ac ceteri Phaeaces. Ab ejusmodi vita desidiosa, quam Penelopes porcos et Alcinoem vixisse refert Homerus, jam Horatius juvenes, nominatim Lollium, ad quem scripsit hanc epistolam, advocat, eumque, ut, lecto ante diem relicto, strenue animum studiis et rebus honestis intendat, nec tempus animi cultui impendendum in annum differat, exhortatur.

30) Cessatum, est supinum, pro: ut cesset; nempe, ut ab omni sollicitudine cessaret animus, eam cithara pulsata longe expellere.

31) Ut te serves, id est, ut te tutum praestes ab iis, quae tibi infesta sunt, ut vites improbam Sirenen, desidiā.

32) Sensus: certe si sanus, qui nunc es, nolueris currere, vires tuas exercere, in posterum, cum male valueris, sicut hydropicus, vel si desidiosa et luxuriosa vita factus fueris hydropicus; curres h. e. vires corporis exercebis deambulando et currendo ad medici mandatum.

33) Torquebere, id est, exagitaberis gravioribus animi adfectionibus, invidia, amore seu libidine etc.

34) Sensus: si quid est, quod animum exedit, absumit.

35) Est proverbium, exprimens: qui audacter et cito rem adgreditur, hoc

Incipe: qui recte vivendi prorogat horam,
 Rusticus³⁷⁾ expectat, dum defluat amnis; at ille
 Labitur, et labetur in omne volubilis³⁸⁾ aevum.
 Quaeritur³⁹⁾ argentum, puerisque beata creandis
 Uxor, et incultae pacantur vomere silvae.⁴⁵
 Quod⁴⁰⁾ satis est, cui contigit, hic nihil amplius optet.
 Non domus et fundus, non aeris acervus et auri
 Aegroto dominus deduxit⁴¹⁾ corpore febres,
 Non animo curas. Valeat⁴²⁾ possessor oportet,
 Si comportatis rebus bene cogitat uti. ⁵⁰
 Qui cupit, aut metuit, juvat illum sic domus⁴³⁾ et res,
 Ut lippum pictae tabulae, fomenta podagram⁴⁴⁾,
 Auriculas citharae collecta sorde dolentes.
 Sincerum⁴⁵⁾ est nisi vas, quodcunque infundis, aescit.
 Sperne⁴⁶⁾ voluptates: nocet emta⁴⁷⁾ dolore voluptas. ⁵⁵
 Semper avarus eget⁴⁸⁾: certum voto pete finem.

ipso jam dimidia parte perfectam considerare potest; quo libentius enim quis ad opus accedit, eo citius etiam illud absolvat.

36) Sapere aude, id est, aude solum, et incipe capessere vitae sapientis viam, philosophiae studio vacare.

37) Is, sicut stultus ille rusticus in fabulis, dum defluat amnis, expectat. Rusticus scilicet quidam ad annem stetisse, et, ut sicco pede eum transiret, donec aqua defluxisset, expectare voluisse fingitur, pro vulgari: sed frustra expectat.

38) Volubilis, id est, celeri cursu.

39) Nexus et sententia: sed plurimi homines non animo excolendo et ad virtutem atque sapientiam conformando, sed divitiis colligendis augendisque unice intenti sunt. Et pro hoc: laboratur in quaerenda pecunia, et conjugebat sua seu divite, et idonea ad filios procreandos; incultae etiam silvae vomere pacantur, excoluntur, arantur, mansvescunt, id est: loca inculta et vepribus obsita aratro purgantur et mitiora redduntur.

40) Sensus: qui habet, quod sufficit, nihil praeterea optare debet.

41) Deduxit, id est: depulit. Morbi et curae opibus non sanantur et arcentur.

42) Sensus et ordo: ille, qui cupit quaesitis jucunde frui, corpore et animo valere, sanus esse debet.

43) Domus et res, pro opibus et divitiis.

44) Podagra laborantem.

45) Sincerum, purum. Hoc transfer ad animum vitii purum.

46) Enumerat poeta vitia et cupiditates, quibus animus est expurgandus, voluptatem nempe, avaritiam, invidiam, iram etc.

47) Sensus: voluptas enim ita parta et praecepta, ut dolor eam sequatur, nocet.

48) Eget, id est, plura cupit. Propone igitur tibi desideriorum aliquem certum finem.

Invidus⁴⁹⁾ alterius macrescit rebus opimis:
 Invidia⁵⁰⁾ Siculi non invenerè tyranni⁵¹⁾
 Majus tormentum. Qui non moderabitur irae,
 Infectum⁵²⁾ volet esse, dolor⁵³⁾ quod suaserit et mens,⁶⁰
 Dum⁵⁴⁾ poenas odio per vim festinat inulto.
 Ira furor brevis est: animum rege: qui⁵⁵⁾, nisi paret,
 Imperat: hunc frenis, hunc tu compesce⁵⁶⁾ catena.
 Fingit⁵⁷⁾ equum tenera docilem cervice magister
 Ire viam, qua monstret eques. Venaticus⁵⁸⁾ ex quo⁶⁵
 Tempore cervinam pellem latravit in aula,
 Militat in silvis catulus. Nunc adhibe⁵⁹⁾ puro
 Pectore verba puer, nunc⁶⁰⁾ te melioribus offer.
 Quo semel est imbuta recens, servabit odorem
 Testa diu. Quodsi⁶¹⁾ cessas, aut strenuus anteis,^{70 660}
 Nec tardum operior⁶²⁾, nec praecedentibus insto.

49) Invidus macrescit, tabescit, cum alios opima re, id est, opibus videt gaudere.

50) Sensus: nulla alia cupiditas magis excruciat animum, quam invidia, et pro hoc: Tyranni Siciliae nullum tormentum cruciandis hominibus invenerè, quod comparari cum invidia possit.

51) Notus Dionysii ensis, Damoclis cervicibus imminens, de quo vide L. III. od. 1. not. 19. Notus est etiam Phalaris taurus; cum hic exquisita hominibus cruciandis supplicia quaereret, Perillus quidam faber ferrarius excogitavit aeneum taurum, in quo inclusi subjectis ignibus dire torquebantur; placuit inventum Phalaridi, at auctori nocuit; jussit enim tyrannus Perillum primum in illum taurum conjici, et vivum exuri.

52) Infectum, irritum, non factum; volet non accidisse.

53) Dolor et mens, id est, mens dolore seu ira incensa.

54) Sensus: dum irae expiandae vel explendae causa festinanter vim infert; et pro hoc: dum, odium suum inultum esse dolens, properat poenas acceptae injuriae per vim et nefas exigere.

55) Qui, nisi paret, nisi tuo subjectus est imperio, ipse imperat.

56) Compesce cohibe frenis et catena.

57) Sensus: sed puerili aetate, ubi pectus adhuc purum et integrum est, virtuti opera danda est. Exprimit hoc poeta duplici allegoria ab equo et cane venatico ducta, qui etiam tenera non nisi aetate finguntur, instituuntur a magistro.

58) Sensus: postquam adsimulatum cervum in aula allatravit canis venaticus, id est, postquam ei, adhuc juveni, injecta est venandi cupiditas, veros cervos in silva venatur, agitat. Cervus autem a venatoribus adsimulatur, cum pellis cervina stramine, musco etc. impletur atque intenditur.

59) Adhibe puer, imbibe. Alloquitur Lollium.

60) Melioribus, id est, doctioribus et sapientioribus trade, offer te docendum.

61) Finit Horatius epistolam hoc fere praecepto: Sed certum modum tene; quodsi epim in re suscepta aut cessas, aut nimis festinantius eam urgeas, scias, me neque cum cessantibus, neque cum nimis festinantibus facere.

62) Operior, expecto.

Epistola III.

Ad Julium Florum.

Occasio et Argumentum.

Viri amplo quodam munere reipublicae fungentes, cum in provincias suas proficiscerentur, praeter servos et libertos alios quoque ingenuos viros secum sumebant, quorum opera diversis in negotiis uterentur; et hi comites, amici, cohors amicorum, contubernales, commensales illius vocabantur. Tiberius itaque, privignus Augusti, a. u. 734, hoc jubente, expeditionem in Armeniam ducens, ut Tigranem regem ei praeficeret in locum Artabaci, ejus fratris, qui Armenis invisus erat, praeter alios comites uti Titium et Celsum, etiam Julium Florum secum habuit. Ad hunc, de quo nihil aliud constat, praeterquam quod etiam amicus Horatii fuerit, poeta hanc epistolam scribit, qua eum rogat, ut se certiore faciat, in qua regione nunc versetur exercitus, et quid rerum tam ipse, quam ceteri comites Tiberii, in specie vero Titius atque Celsus, gerant; facit etiam discordiae, inter Florum et Munatium locum habentis, mentionem, et tandem utrique felicem reditum precatur et exoptat.

Juli¹⁾ Flore, quibus terrarum militet²⁾ oris
 Claudius³⁾, Augusti privignus, scire⁴⁾ laboro.
 Thracane⁵⁾ vos, Hebrusque⁶⁾ nivali compepe victus,
 An⁷⁾ freta vicinas inter currentia turres,
 An pingues⁸⁾ Asiae campi collesque morantur?
 Quid⁹⁾ studiosa cohors operum struit? haec quoque curo;

1) De Julio Floro vide arg.

2) Militet, id est, bellum gerat.

3) Claudius Tiberius Nero, Liviae filius, quae postea Augusto nupsit.

4) Scire laboro, id est, scire vellem.

5) Thracia, idem quod Thracia, ex Graeco Θράκη. Potuit autem Tiberius cum exercitu in Armeniam ire per Thraciam, ac proinde per Hellespontum, quo Asia ab Europa dividitur.

6) Hebrus, Thraciae fluvius, nivali compepe victus, pro: glacie contractus.

7) An freta, id est, mare angustum interjacens inter vicinas turres. Hellespontus nempe inter duas arces Sestum et Abydum situs, hodie; Dardanellen.

8) Pingues, fertiles.

9) Cum tantopere literas et literatos amaret Augustus, fiebat, ut apud principes viros in pretio essent. Tiberium ergo etiam in bellum proficiscentem sequuti sunt viri docti non pauci, quos eleganter vocat Horatius studiosam cohortem; et hi quid rerum agant, poeta rogat.

Quis sibi res gestas Augusti scribere sumit?
 Bella quis et paces longum¹⁰⁾ diffundit in aeyum?
 Quid Titius¹¹⁾, Romana brevi venturus in ora,
 Pindarici fontis qui non expalluit haustus,
 Fastidire lacus, et rivos ausus apertos?
 Ut¹²⁾ valet? ut meminit nostri? fidibusne Latinis
 Thebanos aptare modos studet, auspice Musa?
 An¹³⁾ tragica desaevit et ampullatur in arte?
 Quid mihi Celsus¹⁴⁾ agit? monitus multumque monendus,
 Privatas¹⁵⁾ ut quaerat opes, et tangere vitet
 Scripta, Pälätinus quaecunque recepit Apollo;
 Ne, si forte suas repetitum venerit olim
 Grex avium plumas, moveat cornicula¹⁶⁾ risum
 Furtivis¹⁷⁾ nudata coloribus. Ipse¹⁸⁾ quid audes?
 Quae¹⁹⁾ circumvolitas agilis thyma? non tibi parvum

Ingenium²⁰⁾, non incultum est, nec turpiter hirtum.
 Seu linguam²¹⁾ causis acuis, seu²²⁾ civica jura
 Respondere paras, seu condidis amabile carmen;
 Prima²³⁾ feres hederæ victricis præmia: quodsi²⁴⁾
 Frigida curarum fomenta relinquere posses,
 Quo te caelestis sapientia duceret, ires.
 Hoc²⁵⁾ opus, hoc studium parvi properemus et ampli,
 Si patriæ volumus, si nobis vivere cari.
 Debes²⁶⁾ hoc etiam rescribere, si tibi curae,
 Quantae conveniat, Munatius: an male sarta
 Gratia nequidquam coit, et rescinditur? At²⁷⁾ vos,
 Seu calidus sanguis, seu rerum inscitia vexat,
 Indomita cervice feros, ubicunque locorum
 Vivitis, indigni fraternalium rumpere foedus:
 Pascitur in vestrum reditum votiva juvenca.

10) In longum diffundit aeyum, id est, scriptis mandat, ad posteritatem propagat, aeternitati consecrat.

11) Titius, poeta lyricus, brevi ob sua scripta celebrandus apud Romanos, qui non dubitavit, non timuit haurire aquam ex illo fonte recondito, ex quo Pindarus hauserat, id est: qui Pindarus ausus est imitari, contento vulgari poetæ genere, quae omnibus patens et obvia est instar fontis publici.

12) Sensus: quomodo valet? estne nostri memor? et conaturne versu Latino imitari carminum Thebanorum mensuram et modos? Pindarus enim fuit Thebanus. Vide L. IV. od. 1. not. 1. Auspice Musa, id est, adspirante vel favente Musa.

13) Sensus: an in scribendis tragoediis versans poetico furore corripitur, et altiore spiritu inflatus sublimiora adfectat? Dum laudat Horatius amicum suum Titium, eundem simul ut poetam turgidum notare videtur. Desaevit, id est, acri et vehementi stylo utitur; ampullatur, id est, utitur verbis sonantioribus, grandioribus, et quasi inflatis; instar ampullarum, quae sunt vasa turgido ventre, aut bullae vento tumentes, et in aqua summa exstantes.

14) Celsus est poeta, qui aliorum scripta compilabat.

15) Id est: ut versus edat Marte suo, neque aliorum scripta suffuretur ac sublegat, quae recepit bibliotheca prope templum Apollinis Palatini ab Augusto exstructa. id est, quae in ea servantur. Ibi enim praestantissimorum poetarum scripta cum eorum imagine honoris ergo publice reponebantur.

16) Pro cornicula graculum vulgo habent fabulae, qui, cum collectis avium aliarum versicoloribus pennis superbus ambularet, iis detractis agnitus, et irrisus est. Sensus: caveat igitur Celsus, ne simile quidpiam ipsi contingat.

17) Furtivis nudata coloribus, id est, exuta pulchris pavonis pennis, quas suas fecerat cornicula.

18) Tu autem, quid audes; quid tractandum perficiendumque tibi sumpsisti?

19) Poetae apibus comparantur. Quos circum flores volas, ut ex iis succum legas melli conficiendo? id est, quae condidis tu ipse carmina?

20) Ingenium non incultum comparatur cum agro, qui, si non colitur, vepribus et spinis hirtus et hispidus est.

21) Linguam acuis, id est, te ad causas acute et diserte in iudiciis dicendas praeparas; pro: sive causas defendis.

22) Sensus: sive consultus de iure civili respondes.

23) Sensus: semper hedera coronaberis victor. Poetae nimirum coronantur hedera, quae semper viret; versus enim aeternam pariunt gloriam.

24) Sensus: quodsi curas, quas foves, ejicere posses ex animo, ad altiora, quo te duceret divinae originis sapientia, evehereris, h. e. virtutis et doctrinae gloria conspicuus exsplendesceres. Videtur Horatius Florem mollius exprobrare divitiarum cupiditatem, quae neque parantur, neque possidentur sine curis, has igitur curas, quas alunt et fovent avari, eleganter vocat curarum fomenta, et quidem frigida, quia pectus, quod virtutis amore accendi, vel poetico spiritu incallescere debet, reddunt frigidum.

25) Sensus: huic operi et huic studio vacare, omnes, parvi et magni, absque mora debemus, siquidem patriae et nobismet ipsis prodesse volumus, ut nempe curis ex animo pulsatis virtuti exercendae adsuescamus.

26) Illud quoque, si dignam rem esse credideris, velim rescribas, id est, mihi significes; sit ne tibi tanta cura Munatii, quantam convenit esse? Num studiosè ita erga veterem amicum Munatium te geras, uti erga illum te gerere fas sit? (discordia scilicet inter Florem et Munatium gliscere coeperat.) An male sarta gratia, amicitia male redintegrata parum firmiter cohaereat, et iterum dirumpatur? Translata haec sunt a vulneribus, quae, ut coeant, consuuntur et colligantur; aut, postquam coierunt, rescinduntur.

27) Sensus: vos certe, sive aetatis fervor, sive aliquis error disjungit, et dissidere pertinaciter vos facit, ubicunque agitis vitam, dignissimi, quos foedus fraternalium conjunctos teneat, scitote: alitur a me juvenca, ex voto immolanda, cum primum ambo redieritis. Nota: intimus amicorum amor cum fratrum amore comparari solet. Quis autem iste Munatius fuerit, an idem

Ad Albiū Tibullum.

Argumentum.

Albiū Tibullum cultissimum poëtam, et sibi amicū, sed in praedio rustico suo curis aegrum, cujus aegritudinis causas autem non indicat, solatur Horatius, hortans, ut philosophiae studium sectetur, si quidem non careat ingenio; et ut interim, dum vivit, exemplo suo fruatur bonis, et genium curet.

Albi¹⁾, nostrorum sermonum²⁾ candide³⁾ iudex,
 Quid nunc te dicam facere in regione Pedana⁴⁾?
 Scribere⁵⁾, quod Cassi Parmensis opuscula vincat?
 An tacitum silvas inter reptare⁶⁾ salubres,
 Curantem⁷⁾, quidquid dignum sapiente bonoque est?
 Non⁸⁾ tu corpus eras sine pectore. Di tibi formam,
 Di tibi divitias dederant, artemque fruendi⁹⁾.
 Quid¹⁰⁾ voveat dulci nutricula majus alumno,

cum illo Munatio Planco L. I. od. 6. argum. an alter aliquis, qui nomen nonnisi hoc Munatorum gereret, quique ante hac amicissimus Floro fuerat, penitus ignoratur.

1) Albius Tibullus poëta in primis tersus, et Latinus, cujus exstant carmina cum Catulli et Propertii versibus vulgo excusa.

2) Sermonum, id est, satyrarum mearum, in quibus carmina proxime accedunt ad sermonem quotidianum, et colloquia familiaria; multi autem hoc scribendi genus non probabant, sive ob humilitatem quamdam dicendi, sive ob maledicendi licentiam, quae in his satyris exstat.

3) Candide, sincere, aequae.

4) Pedana, dicta a Pedito, Latii olim oppido, inter Praeneste, Tibur et Tusculum. Habebat hic Tibullus villam, in quam sese abdidit moestus, sed hanc animi aegritudinem notam sibi fuisse dissimulat Horatius, ea tantum scribens, quae possint amicum a moerore abducere. Dicam, id est, existimem.

5) Sensus: an putem te scribere aliquid carmen, quod superet opera Cassii Parmensis, poëtae nobilis, a Parma civitate Italiae in Longobardia ejus patria ita dicti? Supplicio est affectus Augusti jussu, quod unus fuisset e Caesaris percussoribus.

6) Reptare, id est, deambulare.

7) Curantem, meditantem de iis, quae virum sapientem deceant et bonum.

8) Eras, pro, es. Sensus: non desunt tibi ingenii animique facultates.

9) Fruendi divitiis partis.

10) Sensus: quid melius posset optare blanda nutrix caro alumno suo,

Qui sapere et fari possit, quae sentiat, et cui
 Gratia, fama, valetudo contingat abunde,
 Et mundus¹¹⁾ victus, non deficiente crumena?
 Inter¹²⁾ spem curamque, timores inter et iras,
 Omnem crede diem tibi diluxisse supremum;
 Grata superveniet, quae non sperabitur, hora.
 Me¹³⁾ pinguem et nitidum bene curata cute vises,
 Cum ridere voles, Epicuri de grege porcum.

Epistola V.

Ad Torquatum.

Occasio et argumentum.

Poëta amicum suum Torquatum ad convivium, non quidem lautum, ast laetum, quo natalem Caesaris celebraturus erat, familiariter invitat, hortaturque, ut, negotiis in urbe paulisper sepositis, ad se cum pluribus aliis genio indulsurus veniat. Torquatus hic probabilis idem est cum illo ad quem L. IV. odè 7. directa est; hanc vide. Ceterum e versu 4^{to} et 5^{to} colligere licet, epistolam hanc non multo post a. u. 728 scriptam esse. Vide etiam infra not. 5.
 Si potes Archiacis¹⁾ conviva recumbere lectis,
 Nec²⁾ modicā coenare times olus omne patella;

quam ut sapientia imbutus sit; animi sensa voce possit depromere; ut gratia valeat apud homines; fama que vigens et valetudine, habeat, unde honeste vivat, crumena nunquam omnino vacua?

11) Mundus victus; ratio vivendi frugalis, nec tamen sordida.

12) Sensus: unumquemque diem, sive meliora speras et assequenda curas, sive mala imminetia times et animo perturbaris, vitae tuae ultimum illuxisse existima, et, si non est ultimus, quod praeter spem evenit, lucro adpone.

13) Sententia est: cum autem cupies ridere porcum Epicureum, fac visas me pinguem plane et cute bene procurata, corpore toto residentem. Epicurei scilicet, qui summam voluptatem in corpore lautioribus et largioribus cibis curando ponebant, contentim Epicuri de grege porci vocabantur. Inde tamen non licet colligere, Horatium quoque Epicureum fuisse; sed ille tantum jocando dicere: se vitae bonis, quamdiu licitum est, frui, et idem etiam amico suadere voluisse, putandus est.

1) Archiacis lectis recumbere, idem est ac: simplicibus et non admodum affabre factis lectis adcumbere. Archias enim faber fuisse videtur, qui nonnisi lectos vulgares conficere solebat. Lectis recumbere, pro: mensae adcumbere.

2) Sensus: nec coenam times, cujus vilia fercula unica patina neque admodum magna contineat. Coenare olus, pro: vesci leguminibus.

Supremo³⁾ te sole domi, Torquate, manebo⁴⁾.
 Vina bibes iterum Tauro⁵⁾ diffusa palustres
 Inter Minturnas, Sinuessanumque Petrinum.
 Sin⁶⁾ melius quid habes, arcesse, vel imperium fer.
 Jam dudum splendet⁷⁾ focus, et tibi munda suppellex⁸⁾.
 Mitte⁹⁾ leves spes, et certamina divitiarum,
 Et Moschi¹⁰⁾ causam: cras nato Caesare¹¹⁾ festus
 Dat veniam somnumque dies; impune licebit
 Aestivam sermone benigno tendere noctem.
 Quo¹²⁾ mihi, fortuna si non conceditur uti?
 Parcus¹³⁾ ob heredis curam, nimiumque severus
 Assidet insano. Potare¹⁴⁾ et spargere flores
 Incipiam, patriarque vel inconsultus haberi.

3) Supremo sole: sole ad occasum vergente, extrema diei parte.

4) Manebo, expectabo.

5) Iterum Tauro h. e. Tauro iterum consule diffusa. Incidit autem secundus consulatus Tauri in annum R. 728. Diffundi dicitur id, quod e majori vase in minus transfunditur. Designatur porro hic vinum non optimae notae, quod licet ad Minturnas, Campaniae oppidum, loco tamen palustri esset natum. Petrinum est vicus prope Sinuessam, antiqui Latii oppidum.

6) Sensus: si melius quiddam tibi paratum ad coenam est, jube illud adferri, vel, sicut alii interpretantur, invita me; aut si hoc nolis, meo arbitrio et legibus vescere et morem mihi gerere; quod ego adponi jussero, aequo animo accipe.

7) Splendet, lucet accenso igne; qui enim tenuem coenam parat, modico facit igne focum splendere; lautum vero paraturus convivium, cum multo fumo flammam rotat ingentem. Praeterea opus fuit igne, ut haberetur aqua fervens, omni tempore necessaria, ad temperandam frigidam balnei, quod ante coenam offerri solebat convivis.

8) Suppellex mensaria.

9) Sensus: desine levium rerum lucra sectari, et augendarum divitiarum contentionem remitte, et differ paululum Moschi causam; crastinus enim dies, propter natum Caesarem festus, vacationem a foro dat, et otium producendi mane somni; fas nobis erit bonam partem aestivae noctis fabulando traducere.

10) Moschus Pergamenus rhetor clarissimus, cum beneficii adcusatus esset, patronos, qui ejus causam dicerent, Torquatam et Pollionem nactus est.

11) Nato Caesare. Dies natalis Caesaris (divi Caesaris) qui a. IV. Id. Jul. a Romanis celebratus est.

12) Sensus: quorsum igitur mihi expetam fortunas, id est, opes, et alia fortunae bona etc.

13) Sensus: qui parce vivit ac duriter, ut heredi suo magnas opes relinquat, is adsidet, id est, proxime accedit, similis est insano.

14) Sensus: ex hoc jam incipiam potare et flores spargere, id est, vita frui, licet propterea parum consultus habear.

Quid non ebrietas designat¹⁵⁾? operta¹⁶⁾ recludit;
 Spes¹⁷⁾ jubet esse ratas; in proelia¹⁸⁾ trudit inertem;
 Sollicitis¹⁹⁾ animis onus eximit; addocet²⁰⁾ artes:
 Fecundi²¹⁾ calices quem non fecere disertum?
 Contracta²²⁾ quem non in paupertate solum?
 Haec²³⁾ ego procurare et idoneus imperor; et non
 Invitus: ne turpe toral, ne sordida mappa
 Corruget nares, ne non et cantharus et lanx
 Ostendat tibi te; ne fidos inter amicos
 Sit, qui dicta foras eliminet; ut coeat par
 Jungaturque pari. Butram²⁴⁾ tibi, Septiciumque,
 Et nisi coena prior potiorque puella Sabinum
 Detinet, assumam: locus²⁵⁾ est et pluribus umbris;
 Sed²⁶⁾ nimis arcta premunt olidae convivia caprae.

15) Designat, profert, efficit, audet, suscipit.

16) Operta recludit, id est, arcana quaeque profert in lucem.

17) Spes jubet esse ratas, id est, dubitare non sinit de iis, quae optavimus.

18) Id est: ignavos facit fortes.

19) Sollicitis animis onus eximit, pro: levat animos pressos curarum pondere.

20) Addocet artes, id est, artium facit peritos.

21) Fecundi, largi, uberes, pleni.

22) Contracta paupertate, qua res admodum tenues in angustum quasi spatium contractae sunt, ac proinde: angusta, tristi. Solutum, sc. curis, hilarem.

23) Contextus et sensus: quae accepturus es apud me, non quidem multa sunt et lauta, attamen idoneus sum ad procuranda sequentia, et libenter in me suspicio horum procurandorum provinciam, si mihi demandatur: nempe, ut toralia, id est, vestes stragulae, quibus tori seu lecti teguntur, sint munda; ut mappa sordida non sit, quod nauseam convivis adfert, efficitque, ut prae fastidio nares corrugent; ut ciathi, ut patinae nitidae sint, adeo, ut in iis tamquam in speculo te contemplari possis; ne inter amicos sit, qui ea, quae dicentur liberius, foris evulget; ut pares convivae cum paribus adcumbant.

24) Sensus est: Brutam etiam atque Septicium, ut nobiscum sint, invitabo, adjungamque Sabinum, nisi forte illum alicubi lautior coena, et amica, quam praeferat, detinebit.

25) Sensus: est etiam adhuc spatium aliis, si quae tecum umbrae advenierint. Qui non invitati cum aliis venerunt ad coenam, umbrae dicebantur; et de his vide L. II. sat. ult. not. 25.

26) Nexus idearum et sensus: sed noli plures tecum adducere; nam, cum multi in eodem loco sunt stipati convivae, odor gravis alarum, qui ex calore nascitur, valde molestus est. Convivia posita sunt pro convivis. Odor teter sub alis capra seu etiam hircus appellatur, quia hircus est animal imprimis foetidum.

Tu²⁷⁾ quotus esse velis, rescribe; et rebus omissis
Atria servantem postico falle clientem.

E p i s t o l a VI

A d N u m i c i u m.

Argumentum.

Scripta est haec epistola ad Numicium quemdam, de quo nihil aliud constat, quam, quod amicus Horatii, et fortasse in divitiis atque honoribus adpetendis, si ex argumento epistolae conjecturam facere licet, nimius omnino fuerit. Primum illius argumentum in optima vitae ratione, quae hominem felicem reddat, designanda occupatum esse videtur, ita quidem, ut poeta cum Stoicis primum et praecipuum felicitatis momentum esse contendat: nihil admirari h. e. nulla cupiditate commoveri; solam enim virtutem, quae unica verum ac proprium rerum pretium determinat, omnesque cupiditates et delicias spernit, hominem beatum reddere posse. Ast Horatius, utpote nulli philosophicae sectae addictus sicut ipse fatetur Ep. I. vers. 13. 14. et 15. vide quoque not. 13 et 14. et fortasse etiam amico, cujus indoli haec philosophandi ratio minus placuerit gratificaturus, de hinc ex sententia Epicureorum subjungit: Quod si vero quis opes ac divitias felicitatem praebere existimet, is omni studio has conquirat; qui populi favorem et honores inter summa reponit bona, is omnino nihil ad hos consequendos intermittat; et qui lautis epulis curisque amoris felix esse cupit, is gulae atque amori serviat. His meliora si sciveris, claudit demum, mihi quoque illa perscribe. Scripta est epistola post a. u. 729. Vide infra not. 17.

Nil¹⁾ admirari prope res est una, Numici²⁾,

27) Sensus: rescribe, quot umbras tecum adducturus sis, vel, quot apud me coenare tibi placeat; et rebus seu negotiis et causis, quas defendendas susceperas, omissis, sepositis tantisper, falle clientes, qui atrium domus tuae, tecum de sua lite acturi, obsident; atque furtim perposticas, coeas et remotas in extrema domo fores egredere, te subtrahe.

1) Sensus: nulla re, sive sit laeta, sive tristis, nimium adfici; sed aequam in rebus arduis pariter atque in bonis mentem servare, L. II. od. 3. v. 1. haec una propemodum res est, quae nos beatos et felices reddere possit.

2) Numicia gens Romae nobilis et patricia fuit, a Numico seu Numicio Latii fluvio dicta.

Solaque, quae possit facere et servare beatum.
Hunc³⁾ solem, et stellas, et decedentia certis
Tempora momentis, sunt, qui formidine nulla
Imbuti spectent; quid censes munera terrae?
Quid maris extremos Arabas ditantis et Indos?
Ludicra quid, plausus, et amici dona Quirilis?
Quo spectanda modo, quo sensu credis et ore?
Qui⁴⁾ timet his adversa, fere miratur eodem,
Quo cupiens, pacto; pavor est utrobique molestus,¹⁰
Improvisa simul species exterret utrumque.
Gaudeat, an doleat; cupiat, metuatne; quid ad rem;
Si quicquid vidit melius pejusve sua spe,
Defixis oculis, animoque et corpore torpet?
Insani⁵⁾ sapiens nomen ferat, aequus iniqui,¹⁵
Ultra quam satis est virtutem si petat ipsam.
I nunc⁶⁾, argentum⁷⁾ et marmor vetus, aeraque et artes

3) Sententia est: sunt qui solem istum et sidera, et quatuor anni tempora, ad solis cursum praestituto momento decedentia, nulla formidine, absque omni stupore et admiratione contemplantur; quid autem putas judicare; quomodo spectare, quo vultu et animo dispicere eos credis res multo illis coelestibus inferiores, v. g. fruges, quas profert terra, et maris munera, ex quo margaritas etc. colligunt Arabes et Indi, Asiae populi; ludos in Circo et theatro edi solitos; plausus, adclamationes et honores, dignitates, Romani populi suffragiis et favore partas?

4) Sensus: qui contraria his, quae dixi, nempe honoribus, plausibus etc. id est, qui dedecus, repulsam etc. timet, afficitur eodem modo, ac ille, qui cupit; pavet enim uterque; is, qui contraria timet, ne eveniant, quae timet; et is, qui cupit, ne non eveniant, quae cupit: sic utrobique pavor est molestus; species enim improvisa, id est, eventus non speratus terret tam timidum, quam cupidum, neque interest, h. e. nullum plane est discrimen, gaudio an dolore, cupiditate an metu aliquis perturbetur; si torpet, si haeret attonitus, si commovetur, quidquid melius aut pejus viderit sua expectatione? Defixis oculis torpet, pro: vehementissime attonitus perturbatur; qui enim aliqua re nimium commovetur, is oculos in ea defigit, et animo atque corpore in ea haeret.

5) Nexus et sententia: tantum abest, ut rerum cupiditate aut metu perturbari debeamus, ut ne ipsa quidem virtus nimis optari aut nos perturbare debeat, insanusque dici homo sapientissimus, et iniquus haberi homo aequissimus possit, nisi moderate, et intra certos limites virtutem colat.

6) Nexus sententiarum: quod si virtus ipsa nisi moderato, et animo a perturbatione vacuo, adpetenda est, quid censendum de illis, qui argentum, statuas etc. mirantur et optant? I ergo nunc etc. Formula, qua cum irisione jubemus aliquem frustra quid tentare.

7) Argentum sc. factum, h. e. vasa argentea; marmor vetus, id est: veteres statuas ex marmore; aeraque et artes, id est, praestantium artificum

Suspice, cum gemmis Tyrios mirare colores:
 Gaude, quod spectant oculi te mille loquentem⁸⁾:
 Gnavus⁹⁾ mane forum, et vespertinus pete tectum; 20
 Ne¹⁰⁾ plus frumenti dotalibus¹¹⁾ emetat agris
 Mutus¹²⁾, et, indignum¹³⁾! quod sit pejoribus¹⁴⁾ ortus,
 Hic tibi sit potius, quam tu mirabilis¹⁵⁾ illi.
 Quicquid¹⁶⁾ sub terra est, in apricum proferet aetas,
 Defodiet condetque nitentia; cum bene notum¹⁷⁾
 Porticus¹⁷⁾ Agrippae, et via te conspexerit Appi¹⁸⁾,
 Irē tamen restat, Numa¹⁹⁾ quo devenit et Ancus.

opera ex aere; suspice, pro: contemplare, mirare; Tyrios colores, id est, purpuram cum gemmis ornatam.

8) Loquentem, id est, publice dicentem in concione.

9) Irrequietus semper et actuosus, postquam summo mane forum petisti, inde te domum non nisi sub vesperam recipe, ad foenus, ut videtur, exercendum; vel ad fidem sponsione praestandam, ut Lib. II. sat. 6. vers. 23. not. 27.

10) Sensus et ordo: omnem curam ac studium impende, ne Mutus te opibus antecedit.

11) Dotalibus agris, quos in dotem accepit, cum uxorem duceret.

12) Mutus, homo ignobilis, uxoris dote dives factus.

13) Indignum! quod indignum sane esset.

14) Pejoribus, id est, ignobilioribus majoribus ortus.

15) Mirabilis, pro: invidendus. Sensus et ordo totius est: et conare, fac, ut invidet potius Mutus tibi ditiori, quam tu illi; indignum enim esset, si tu illi, qui loco ignobiliori natus est, invideres, ut ditiori.

16) Nexus idearum et sensus: ast quam inepte hoc a te fiat, et quantopere necessarium sit, ut cupiditates frenes et coërceas, perspicias recordando, omnes res humanas breves omnino et mutabiles esse. Hanc brevitate rerum humanarum autem poeta sic exprimit: quidquid nunc latet, terra tegitur, in lucem proferetur quondam, venientes anni in apertum producent solem; et quae nunc splendent luci exposita, eadem aliquando alte defossa et densis tenebris sepulta abscondentur. Etiam si maxima felicitate potitus fueris, tamen moriendum tibi erit.

17) Inter omnia M. Vipsanii Agrippae opera magnificentissimum fuit templum, quod Jovi et Diis omnibus consecratum, Pantheon inde est adpellatum. Ad illud porticum et thermas addidit, quae Agrippae sunt dictae, ubi beatiore Romani deambulare solebant. Utrumque autem perfectum Dio refert a. u. 729, quae etiam causa fuit notandi supra, epistolam scriptam esse post hunc annum.

18) Appia via Roma Brundisium usque per Appium Caecum Censorem magnifice strata fuit lapide, in hac ditiores Romani curru vecti se ostendere solebant. Qui ergo porticui Agrippae et viae Appiae bene notus erat, frequenter ibi se ostendere, ac proinde ditior, beator esse debebat.

19) Numa et Ancus fuere reges Romani. Et hi ivere ad tumulum, id est, mortui sunt.

Si latus²⁰⁾ aut renes morbo tentantur acuto,
 Quere fugam morbi. Vis recte vivere? quis non?
 Si virtus haec una potest dare, fortis omissis²¹⁾
 Hoc age deliciis. Virtutem²¹⁾ verba putes, ut
 Lucum ligna? cave ne portus occupet alter; *mutat*
 Ne Cibratica²²⁾, ne Bithyna negotia perdas;
 Mille²³⁾ talenta rotundentur; totidem altera porro, et
 Tertia succedant, et quae pars quadret acervum. 35
 Scilicet²⁴⁾ uxorem cum dote, fidemque, et amicos,
 Et genus et formam regina Pecunia donat:
 Ac bene nummatum decorat Suadela²⁵⁾, Venusque.
 Mancipiis²⁶⁾ locuples eget aeris Cappadocum rex:
 Ne²⁷⁾ fueris hic tu. Chlamydes²⁸⁾ Lucullus, ut ajunt, 40

20) Sententia et nexus: quodsi aegrotas, morbo remedium quaeris; sic etiam, si vis recte, id est, heate vivere, et quis hoc non vellet? unice virtutem sectare, haec una enim te beatum facere potest. Omissis deliciis, id est, spreta voluptate.

21) Sensus: an vero putas virtutem esse in verbis positam, sicut lucus, id est, silva Diis consecrata solis arboribus constat; satis esse ad virtutem, si quis de illa recte et sancte loquatur? hoc si putas, tunc omite sane virtutis studium, et omnem curam in opibus conquirendis colloca; cave, ne alius mercator prius occupet portum, id est, lucrum, quam tu.

22) Cibra est urbs Phrygiae, e qua mercatores Romani, et e-Bithynia, Asiae minoris regione, mercēs suas petere solebant; qui ergo has non maturius advexit, negotia sua, h. e. questum perdidit.

23) Sensus: fac, conare, ut rotundo numero perfecta habeas talenta mille, vide L. II. sat. 3. not. 136. Fac, ut alia quoque mille, et tertio mille talenta accedant, tibi conquiras; tandemque, ut quadretur acervus, ut numeres quatuor millia talentorum.

24) Sensus est: pecunia enim regina potentissima est, quae uxorem dotatam, fidem, amicos, generis claritatem et famam, atque pulchritudinem donat et confert; praeterea nummis abundantem ipsa eloquentiae Dea et Venus ornant, id est, qui pecunia abundat, ab iis, qui divitias admittuntur, facundus et amabilis habetur.

25) Suadela erat eloquentiae praeses et Dea.

26) Sensus: non una re tantum esto dives, ut mancipiis abundat unice rex Cappadocum indigens pecuniae; sed omnibus rebus, fac, ut locuples sis; imitare Lucullum, cujus domus tot rebus affluebat, ut earum ipse numerum ignoraret. Cappadocia, minoris Asiae regio, unde multa mancipia Romam deportari solebant. Lucullus vixit aeo Ciceronis, erat sui temporis locupletissimus. Laudatur hic in Orat. Cic. pro lege Manil.

27) Ne fueris hic tu, id est, ut rex Cappadocum, tantum una re dives.
 28) Clamydes, fuere vestes militares, tunicae superinduebantur, et fibula connectebantur, utebantur illis etiam iter facientes.

Si posset centum scenae ²⁹⁾ praebere ³⁰⁾ rogatus,
 Qui ³¹⁾ possum tot? ait; tamen et quaeram, et, quod habeo,
 Mittam; post paulo scribit, sibi millia quinque
 Esse domi chlamydam; partem, vel tolleret. ³²⁾ omnes.
 Exilis ³³⁾ domus est, ubi non et multa supersunt; ⁴⁵
 Et dominum fallunt, et prosunt furibus. Ergo
 Si res ³⁴⁾ sola potest facere et servare beatum,
 Hoc ³⁵⁾ primus repetas opus, hoc postremus omittas.
 Si fortunatum species ³⁶⁾ et gratia praestat;
 Mercemur ³⁷⁾ servum, qui dictet nomina, laevum ⁵⁰
 Qui fodicet ³⁸⁾ latus, et cogat trans ³⁹⁾ pondera dextram
 Porrigere. Hic ⁴⁰⁾ multum in Fabia valet, ille Velina;
 Cui libet, is fasces ⁴¹⁾ dabit, eripietque curule ⁴²⁾,

29) Scena, vox Graeca, σκηνή, significat umbraculum, tentorium, quia olim theatrorum ornamenta erant mera e sylvarum frondibus umbracula.

30) Praebere, commodare.

31) Qui, id est, quomodo hoc est possibile, cum tot chlamydes non habeam.

32) Tolleret, acciperet is, qui comoediam edebat, vel aedilis, a quo Lucullus rogatus fuerat.

33) Exilis domus, id est, misera nimis ea domus est, in qua pauca superflua sunt, quae dominum fallunt, latent, a domino ignorantur et a furibus auferuntur. De epitheto, exilis, vide L. I. od. 4. not. 25.

34) Res, id est, opes et divitiae.

35) Sensus: in hoc opere, id est, in colligendis divitiis primam et ultimam operam colloca.

36) Species, id est, splendor, dignitas; gratia, id est, favor populi.

37) Sensus: conducamus mercede servum nomenclatorem, qui stans ad latus sinistrum compellat nos, saepius pungendo; ut per media plaustra, saxa et magnas trabes convehentia, adire cogat suffragatores eorumque manum prehendere. Solebant Romani, ad captandam populi gratiam et suffragia, obvium quemque suo nomine comite appellare; in eam rem mercebantur servos, qui omnium fere nomina memoria tenerent, et ea, cum opus esset, suggererent dominis; illi servi nomenclatores dicebantur.

38) Fodicet latus, id est, admoneat, tacto leviter latere sinistro, quod tenebat nomenclator; servi enim et comites a laeva parte ibant, utpote minus honorata.

39) Trans pondera, id est, dextram trans ea, quae obstant, super plaustra oneribus et saxis onusta, extensam porrigere transeuntibus, ut solent, qui salutant et blandiuntur.

40) Verba sunt nomenclatoris, dominum admonentis, ut aliquem saluet, qui multum auctoritatis habet in tribu Fabia aut Velina. Populus enim Romanus in tribus, quarum numerus ad 35 accrescebat, divisus fuit; earum una dicta est Fabia a Fabiis, nobili familia; alia Velina a lacu Velino, seu Velia, urbe Italiae. Valet, id est, magna auctoritate pollet.

41) Fasces: consulatum aut praeturam. Consulibus licet praeferebat fasces 12; praetoribus vero 6. De fascibus porro vide L. I. od. 11. not. 29. Cui libet, id est, ad libitum.

42) Ebur curule: magistratus majores; illis enim jus erat sellam ge-

Cui volet, importunus ebur: Frater ⁴³⁾, Pater, adde;
 Ut cuique est aetas, ita quemque facetus adopta. ⁵⁵
 Si ⁴⁴⁾, bene qui coenat, bene vivit; lucet, eamus,
 Quo ducit gula: piscemur, venemur; ut olim
 Gargilius, qui mane plagas, venabula, servos
 Differtum transire forum populumque jubebat,
 Unus ut e multis populo spectante referret ⁶⁰
 Emtum mulus aprum. Crudi ⁴⁵⁾ tumidique lavemur,
 Quid deceat, quid non, oblit, Caerite ⁴⁶⁾ cera
 Digni, remigium ⁴⁷⁾ vitiosum Ithacensis Ulysssei,

standi eburneam in suo curru, in eaque considendi cum senatus habebatur. Sella curulis intelligitur, et positum est signum pro re. Importunus dicitur qui non antea quiescit, quam candidatum sibi invisum honore sperato deiecerit.

43) Necte haec, quae sequuntur, cum superiori versu: si fortunatum species et gratia praestat; blandire insuper singulis, vocans patrem aut fratrem, prout cuique major aut minor aetas est, et comiter, lepide, per jucundum jocum illos adopta in familiam tuam; h. e. ita tracta eos, ac si in familiam tuam transiissent.

44) Sensus: quod si autem ii tantum, qui laute coenant, beati, felices sunt; tunc, quam primum dies illucescit, ea praeparemus et agamus, quae ad gulam pertinent: piscationem et venationem exerceamus, sicut quondam Gargilius, qui imperabat mane per forum differtum, id est, plenum populo, servos cum venabulis, plagis et retibus transire, ut rediret mulus e multis unus, inspectantibus omnibus, referens aprum pecunia emtum. Captat hanc occasionem poeta, ut obiter carpat Gargilium, ridiculum venatorem. Is enim, cum venatum iret, ut oculos hominum in se converteret, mane frequens forum transire solebat, retia, jacula, servos, mulos etc. secum ducens, quasi magnam e venatione praedam reportaturus esset. Sed ecce! e multis mulis unus tantum nil, nisi aprum, nec eum quidem captum vel fixum, sed emtum reportat. Nos quoque non raro e venatione videri solemus redeuntes, qui gestant manticam, non lepore ab ipsis percusso, sed emto turgentem.

45) Sensus: descendamus crudi, id est, pleni adhuc et cibo tumidi in balnea, ut ibi lavemur, non curantes quid deceat, quidve dedeceat; digni qui jure suffragii privemur, ut Caerites, et similes vitiosis remigibus Ulyssis, in Ithacam revertentis, qui maluerunt carere patria, quam nefaria voluptate.

46) Caerite urbs Etruriae fuit, cujus incolae, nec vestales virgines in bello Gallico benigne receptas, jus civitatis Romanae erant adepti; sed cum a Romanis postea defecissent, ea mulctati fuere poena, ut suffragii ferendi jure privarentur. Hinc factum est postea, ut Caeritum cera pro nota ignominiae usurpata fuerit, et qui ex tribu movebantur, quique privabantur jure suffragii etc. in Caeritum tabulas referri dicerentur. Porro cera in hoc proverbio significat tabellam ligneam, cera obductam, in qua scribebantur illi, qui privabantur suffragio etc.

47) Remigium, id est, sumus remigium, similes sumus remigibus Ulys-

Cui potior patria fuit interdicta voluptas.
 Si ⁴⁸⁾, Mimnermus ⁴⁹⁾ uti censet, sine amore jocisque
 Nil est jucundum; vivas in amore jocisque.
 Vive, vale: si quid ⁵⁰⁾ novisti rectius istis,
 Candidus imperti; si non, his utere mecum.

Epistola VII.

Ad Maecenatem.

Occasio et argumentum.

Horatius provectoris jam aetatis, et infirmioris valetudinis cum esset, sub finem mensis Augusti, ut ex initio epistolae adparet, Maecenati valedicens, corpus suum reficiendi causa rus concessit. Sed ibi diutius commorans probabilius a patrono suo, qui licet omnibus in urbe abundaret rebus, consuetudinem tamen cum nostro poeta desiderabat, invitatus est, ut quantocius in Urbem ad se redeat. Respondet illi Horatius per hanc epistolam, satis liberaliter animi sui sensa exponens. Excusat primo longiorem suam apud Maecenatem absentiam, valetudinem minus prosperam incusans, cujus curandae causa etiam hiemem in aliis partibus Italiae sub coelo mitiori se transacturum et vere demum Romam reversurum profitetur. Subjungit dein gratam beneficiorum ab ipso acceptorum commemorationem, sed potiorum his esse valetudinem, omniaque bona libertati hujus curandae post habenda esse exemplo Vulteji contendit. Ultimo tandem addit episodion de nobili causarum patrono Philippo, et praecone Mena, quo, quantum dimissa petitis saepe praestent, docet, et indirecte priorem sententiam confirmat. Quinque ¹⁾ dies tibi pollicitus me rure futurum,

sis et sociis, qui foedam et vetitam voluptatem praetulerunt patriae, et apud Circeam manere, ejus blanditiis capti et praestigiis, quam domum repetere maluerunt.

48) Sensus: denique, si, ut Mimnermus existimat, non potest vita jucunda et felix esse, si jocis et amoribus careat, in jocis et amoribus vive.

49) Mimnermus, poeta Graecus, sexcentis annis ante Horatium scripserat; secta et moribus Epicureus.

50) Sensus: si quid est tibi, quod credas istis sapientiae praeceptis melius, candidus imperti, id est, candide, sincere me participem fac, si autem nihil habes, quod sit praestantius, istis ambo utamur.

1) Sensus: licet discedens ex urbe promiserim tibi me tantum quinque dies in villa mea rusticaturum esse; nunc tamen jam toto mense sextili mendax sum, exspectas meum reditum.

Sextilem ²⁾ totum mendax desideror. Atqui,
 Si ³⁾ me vivere vis recteque videre valentem,
 Quam mihi das aegro, dabis aegrotare timenti,
 Maecenas, veniam ⁴⁾; dum ⁵⁾ ficus prima, calorque
 Designatorem ⁶⁾ decorat lictoribus atris;
 Dum ⁷⁾ pueris omnis pater et matercula pallet;
 Officiosaque ⁸⁾ sedulitas, et opella ⁹⁾ forensis
 Adducit ¹⁰⁾ febres, et testamenta resignat.
 Quodsi ¹¹⁾ bruma nives Albanis ¹²⁾ illinet agris,
 Ad mare descendet vates tuus, et sibi parcat ¹³⁾,
 Contractusque ¹⁴⁾ leget; te, dulcis amice, reviset

2) Mensis Augustus sextilis dicebatur apud Romanos, quod sextus esset a Martio, qui mensis olim annum inchoabat.

3) Ordo: verum, si me vis videre valentem, recteque, id est, et quidem bene valentem vivere.

4) Veniam dabis, sc. in villa diutius commorandi facultatem dabis mihi, nunc adpropinquante auctumno, quo timeo, ne in urbe aegrotem; et sequitur poetica auctumni circumscriptio.

5) Sensus: hoc tempore, quo fici maturescunt, et solis fervor perniciosam in corpore vim habet, et multos e medio tollit. Vide etiam L. II. sat. 6. v. 19. not. 21. et 22.

6) Designator is est, qui funebrem pompam designat, id est, ordinat, componit. Calor decorat designatorem lictoribus atris, id est, calor efficit, ut designator, a ministris suis stipatus, funera curare possit. Per ministros hic intelliguntur vespiliones, pollinctores, praeficae etc. quos facete lictores designatoris vocat, tamquam publici alicujus magistratus. Atri autem dicuntur, quia omne, quod ad mortem et inferos spectat, atro colore depingitur a poetis.

7) Sensus: dum metu pallent pater et mater, timentes filii; de illorum valetudine trepidant.

8) Officiosa sedulitas, id est, diligentia in praestandis amicitiae officiis v. g. in amicis visendis, procurandis eorum negotiis etc.

9) Opella forensis, id est, varia officiorum genera et negotia, quae in urbe viventi a primo mane usque ad noctem peragenda sunt.

10) Sensus: haec sedulitas et opella morbos causat et mortem adducit: pro morte autem ponit resignationem testamentorum; testamenta enim, obita morte, aperiuntur, resignantur.

11) Sensus: immo, ubi hiems advenerit, nondum tamen ego, vates tuus, redibo Romam, sed in aliquam civitatem maritimam, ubi aer est temperatior et benignior, valetudinis confirmandae causa me recipiam, et redeunte vere demum ad te redibo.

12) Illinet, id est, adperserit, immiserit agris Albanis.

13) Sibi parcat, id est, diligentem valetudinis suae curam habeat.

14) Contractus, scil. in locum angustum leget. Horatius ait, se, cum ex agris late patentibus se recepturus sit in tectum vel cubiculum angustius, ibi tempus legendo transigere velle.

Cum Zephyris, si concedes, et hirundine prima.
 Non ¹⁵⁾, quo more piris vesci Calaber ¹⁶⁾ jubet hospes,
 Tu me fecisti locupletem. Vescere ¹⁷⁾ sodes. — ¹⁸⁾
 Jam ¹⁸⁾ satis est. At ¹⁹⁾ tu quantumvis tolle. Benigne ²⁰⁾.
 Non ²¹⁾ invisa ferēs pueris munuscula parvis.
 Tam ²²⁾ teneor dono, quam si dimittar onustus.
 Ut ²³⁾ libet: haec porcis hodie comedenda relinquis.
 Prodigus ²⁴⁾ et stultus donat, quae spernit et odit.
 Haec ²⁵⁾ seges ingratos tulit, et feret omnibus annis.
 Vir ²⁶⁾ bonus et sapiens dignis ait esse paratus;
 Nec tamen ignorat, quid distent aera lupinis.
 Dignum ²⁷⁾ praestabo me etiam pro laude merentis.

15) Nexus: si ego hunc in modum consulam valetudini, spero me id facturum te volente; nihil enim meae libertati detractum, opinor, voluisti, quamvis maximis me beneficiis ornaveris; etenim non ita in me liberalis fuisti, ut hospes aliquis rusticus in Calabria liberalis esse solet in hospitem suum. Sequitur nunc dialogus inter hospitem et rusticum, qui illum trans-euntem domo sua excepit et mensa.

16) Calabria extrema pars Italiae est ad meridiem. Calaber hospes, pro quolibet rustico.

17) Verba rustici. Sodes, amice.

18) Responsio hospitis.

19) Verba rustici: At certe accipe, et tecum aufer, quantum voles.

20) Resp. Tu nimium benignus et liberalis es.

21) Rust. Rem gratam parvis pueris tuis feceris, si horum aliquid domum ipsis adferas.

22) Resp. Nihilominus ob istam tuam voluntatem debeo tibi, quam si his onustus discederem.

23) Rust. Sicut placet, quae tu non abstuleris, comedent hodie porci nostri.

24) Sensus: sic tantum prodigi et insani donant, quae spernunt.

25) Sensus: ast ejusmodi sparsa a stultis et prodigis dona nunquam gratos animi sensus protulerunt, nec unquam proferent. Haec dona cum segete seu semente mala comparantur.

26) Sententia: viri probi vero et sapientes aliter agunt; dona sua dignis tantum se paravisse affirmant, id est, se liberales fore tantum in eos, qui sua sint liberalitate digni; nec temere omnia profundunt in quoslibet, et magnum inter munera discrimen ponunt; norunt, quid minuta et vilia distent a magnis, ut a lupinis aera. Lupinus est genus leguminis, cujus folia nummis aureis similia sunt, et quibus non tantum pueri in ludis puerilibus, sed etiam histriones in comoediis pro vera pecunia et aere seu auro utebantur.

27) Nexus sententiarum et sensus: talis tu es, c Maecenas, talem te erga me praestitisti; ego quoque aduinar, ut praestem me dignum laude promerentis, h. e. ut videar tua munera esse promeritum. Ast non id mihi tamen imponam oneris, ut semper tecum Romae sim, a te nunquam dis-

Quodsi me noles usquam discedere, reddes ²⁵⁾
 Forte latus, nigros ²⁸⁾ angusta fronte capillos;
 Reddes ²⁹⁾ dulce loqui; reddes ridere decorum, et
 Inter vina fugam Cinarae moerere protervae.
 Forte ³⁰⁾ per angustam tenuis nitedula rimam
 Repserat in cumeram frumenti; pastaque rursus
 Ire foras pleno tendebat corpore frustra:
 Cui mustella procul: Si vis, ait, effugere isthinc,
 Macra cavum ³¹⁾ repetes arctum, quem macra subisti.
 Hac ³²⁾ ego si compellor imagine, cuncta resigno:
 Nec ³³⁾ somnum plebis laudo, satur altium ³⁴⁾, nec

cedam; hoc enim si velles, debebis etiam facere, ut iterum recuperem pristinum corporis robur etc.

28) Capilli Horatii jam albescere coeperunt.

29) Reddes dulce loqui, ridere decorum; et moerere etc. est Graeca constructio, pro: redde mihi iterum vocis et risus suavitatem, ac inter vina amatorias querelas de Cinara superbe me fugiente. Horatius hanc puellam prae aliis omnibus amasse videtur, ita, ut moerorem ob fugam illius post amatoriam altercationem, si conjecturae locus datur, ne inter pocula quidem dissimulare potuerit. Ceterum poeta non reposcit haec omnia a Maecenate, quasi contenderet, se paria dedisse bonis, quae ab ipso acceperat, ut quidam interpretes existimant: sed potius modeste excusatur, quod jam senex eas habere non possit vires, quibus valebat juvenis, quaeque faciebant, ut apud ipsum esse posset assiduus, forma, jocis, convivii etc. jucundus.

30) Nexus sententiarum: non sum homo, qui apud te, Maecenas, pasci et pinguescere volui; non in domum tuam, ut nitedula in cumeram frumenti, irrepsi; nam si comparor cum nitedula in fabulis, qui unice spectaverim hoc, ut apud te pinguescerem, omnia a te accepta reddere paratus sum. Nitedula est murium agrestium genus; nomen accepta a nitendo, vel enitendo, quia mures saltu enituntur in loca superiora.

31) Cavum, id est, locum angustum, foramen, unde in cumeram prorepisti.

32) Sensus: si ad me transfertur haec fabula, quasi ego quoque hoc consilio, ut muneribus a te accipiendis fruerer, in tuam, Maecenas, amicitiam adrepserim, cuncta resigno, reddo.

33) Sensus: nec laudo beatam hominum infirmiorum tranquillitatem et securitatem, postquam dives factus sum, sed vere atque ex animo idem putaturus, si pauper essem: nec etiam mutandam puto Arabum omnibus divitiis vivendi libertatem, id est: quemadmodum non is sum, qui plebis more post coenam somno et inertiae indulgere cupiam: ita illud otium ubi libere mihi vivere et studiis meis vacare possum, summis quibusque divitiis praefero.

34) Altia ad laetas epulas pertinent; h. e. anseres, gallinae, aves etc. quae aluntur et saginantur.

Otia divitiis Arabum³⁵⁾ liberrima tuto.
 Saepe³⁶⁾ verecundum laudasti; rexque paterque
 Audisti coram; nec verbo parcus absens:
 Inspice, si possum donata reponere laetus.
 Haud male Telemachus³⁷⁾, proles patientis Ulysssei:⁴⁰
 Non est aptus equis Ithace³⁸⁾ locus; ut neque planis³⁹⁾
 Porrectus spatiis, neque multae prodigus⁴⁰⁾ herbae:
 Atride⁴¹⁾, magis apta tibi tua dona relinquam.
 Parvum parva decent⁴²⁾: mihi jam non regia⁴³⁾ Roma,
 Sed vacuum Tibur⁴⁴⁾ placet, aut imbelle Tarentum.
 Strenuus⁴⁵⁾ et fortis, causisque Philippus⁴⁶⁾ agendis
 Clarus, ab⁴⁷⁾ officiis octavam⁴⁸⁾ circiter horam

35) Arabes ditissimi credebantur. Vide L. I. od. 24. not. r. 3.

36) Sensus: tu ipse saepe laudasti me, ut hominem verecundum, modestum in petendo, paucis contentum; ego quoque te regem meum, propter liberalitatem et munificentiam, et patrem, propter tuam in me benevolentiam saepe adpellavi, cum praesens adesses; neque minora, cum abesses, loquebar; inspice, experire nunc, an sine animi moerore possim tibi redere; quae donasti?

37) Telemachus, filius Ulyssis, adierat Menelaum resciturus, quid de patre suo factum esset, qui domum longo post expugnatam Trojam tempore non redibat; ei Menelaus praeter cetera munera equos dono dabat; recusavit Telemachus, cum diceret: Ithacam equis alendis non esse idoneam. Patientis, id est, labores multos et aerumnas ferentis Ulyssis.

38) Ithaca, insula in mari Jonio, Ulyssis patria.

39) Locus planis porrectus spatiis, pro: planities.

40) Prodigus multae herbae, id est, fertilis herbarum, qui multas habet herbas.

41) Atride, Menelaë, fili Atræi. Magis apta, tibi magis convenientia. Hoc Telemachi factum significare vult poeta; si forte nitedulæ similis haberetur a Maecenate, videri nunc sibi, sapientius se facturum fuisse, si mediocri contentus fortuna opes ab ipso oblatas non accepisset.

42) Decent, congruent.

43) Regia, id est splendida.

44) Tibur. Vide L. I. od. 6. not. 17. Vacuum, nempe a negotiis et curis forensibus, ubi otio et studiis vacare licet. Tarentum urbs Italiae inferioris, otio et deliciis adfluens, propterea dicitur imbelle.

45) Sensus: Philippus, in causis defendendis ob adsiduitatem atque constantiam omnibus notus, cum circa horam octavam officio perfunctus domum rediret, querereturque jam aetate propectu, Carinas nimis a foro remotas esse; vidit, ut ajunt, quemdam, qui postquam rasus fuerat, in tonstrina tum forte vacua, cultello unguis sibi placido tranquilloque animo purgantem etc.

46) L. Marcius Philippus vir consularis et censorius, qui Crasso et Antonio eloquentia proximus erat.

47) Ab officiis, forensibus nempe.

Dum redit atque, foro nimium distare Carinas⁴⁹⁾,
 Jam grandis natu queritur, conspexit, ut ajunt,
 Abrasum quemdam vacua tonsoris⁵⁰⁾ in umbra,
 Cultello proprios purgantem leniter unguis.
 Demetri⁵¹⁾ (puer⁵²⁾ hic non laeve jussa Philippi
 Accipiebat) abi, quaere, et refer: unde⁵³⁾ domo, quis,
 Cujus⁵⁴⁾ fortunae, quo sit patre, quove patrono⁵⁵⁾?
 It, redit et narrat⁵⁶⁾: Vultejum, nomine Menam,
 Praeconem⁵⁷⁾, tenui⁵⁸⁾ censu, sine crimine notum;
 Et properare⁵⁹⁾ loco, et cessare, et quaerere, et uti,
 Gaudentem parvisque sodalibus, et lare certo,
 Et ludis, et, post decisa negotia, Campo.
 Scitari⁶⁰⁾ libet ex ipso, quaecunque refers; dic, 60

48) Octavam, id est, secundam circiter post meridiem. Romani enim diem ab ortu solis usque ad occasum dividebant in 12 horas, ita ut meridies in sextam horam caderet.

49) Carinae, vicus quidam Romae erat, sic dictus a navium carinis, quia singulae domus ad carinarum similitudinem erant aedificatae, habitabat in hac regione Philippus, ibidem etiam fuerant aedes Ciceronis, a majoribus haereditate acceptae, et Pompeii.

50) Tonsoris umbra posita est pro tonstrina, seu taberna tonsoria.

51) Nexus sententiarum: invidia tactus hujus felicioris hominis adpectu, servum, qui quis sit ille, percontetur, in constrinam mittit etc. Ipsa haec narratio eo, quod personae tam loquentes quam agentes inducuntur, multo fit suavior et vividior; rem omnem autem, ut probaret sententiam: eos tantum recte felices dici posse, qui sorte sua contenti vivant, finxisse videtur Horatius.

52) Puer, id est, servus is, quae a Philippo jubebantur, non inepte, sedulo in effectum deducere solebat.

53) Id est: quanam e domo et familia sit?

54) Id est: pauper, an dives?

55) Patroni dicebantur viri nobiles, quorum in clientelam et fidem se conferbant tenuioris sortis cives.

56) Nunciat esse Vultejum Menam.

57) Quis fuerat Praeco. Vide Epod. IV. not. 12. et L. I. sat. 6. not. 53.

58) Tenui censu, id est, exigua re familiari praeditum.

59) Et properare, id est incumbere illum operi diligenter, et suo tempore ab eo cessare; quaerere rem, et nummos, lucro intendere, et uti quaesitis; amare eum, cum paribus seu sodalibus esse et conversari; habere domum certam et propriam, a qua a nemine pelli possit; spectare ludos scenicos et absolutis negotiis, quae ut praeco persolvere debebat, interesse eum cum ceteris in Campo Martio; ubi nempe animi recreandi causa juvenes et viri convenire, ambulare, natare et aliis gymnasticis exercitationibus detineri solebant.

60) Scitari, id est, rescire.

Ad coenam veniat. Non sane credere⁶¹⁾ Mena:
 Mirari secum tacitus. Quid multa? Benigne
 Respondet⁶²⁾. Neget ille mihi? Negat⁶³⁾ improbus, et te
 Negligit aut horret. Vultejum⁶⁴⁾ mane Philippus
 Vilia vendentem tunicato scruta popello⁶⁵⁾
 Occupat, et salvere jubet prior. Ille Philippo
 Excusare⁶⁶⁾ laborem, et mercenaria vincla,
 Quod non mane domum venisset; denique quod non
 Providisset eum. Sic ignovisse⁶⁷⁾ putato
 Me tibi, si coenas hodie mecum. Ut⁶⁸⁾ libet. Ergo
 Post⁶⁹⁾ nonam venies; nunc i, rem⁷⁰⁾ strenuus auge.
 Ut ventum ad coenam est, dicenda⁷¹⁾ tacenda locutus,
 Tandem dormitum⁷²⁾ dimittitur. Hic⁷³⁾, ubi saepe
 Occultum visus piscis decurrere ad hamum,

61) Infinitivus pro tempore definito: non credit Mena, dubitavit, et miratus est secum ipso hanc invitationem.

62) Id est, excusat se.

63) Negat improbus, ineptus, qui, quod honori sibi ducere debebat, repudiatur; vel propterea, quod te negligit, vilipendit; vel ideo, quod te, virum nobilem, adire non audet ex verecundia.

64) Sensus est: postridie mane Philippus ipse invenit Vultejum miserae plebi vestustae nescio quid mercis vendentem; occupat, praevenit, et salvere jubet, salutatur ipsum prior. Per vilia scruta intellige detritas vestes, vasa, instrumenta, et multa alia, tempore et usu viliora facta; ejusmodi merceres venales habebant scrutarii. Jam vero, cum Mena in auctionibus, ubi ille praeco pretia licitantium pronuntiabat, commoda rerum obsoletarum commendandarum suppeditaretur occasio, quomodo factum sit, ut praeco simul esset scrutarius, facile adparet.

65) Tunicato popello: hic infima plebs notatur; haec enim fere tunica incedebat, et sine toga, quae imponebatur tunicae, honestiorem aliquem in publicum prodire probrosum erat.

66) Excusare, id est, excusat. Per mercenaria vincla intelligenda sunt officia praeconi pro constituta mercede obeunda. Domum venisset, nempe, salutatur. Providisset, id est, eum venientem prior salutasset.

67) Sunt haec verba Philippi: Ea conditione veniam dabo, ignoscami tibi, ut ad coenam hodie venias ad me.

68) Vultejus: Fiet, si vis, imperas.

69) Post nonam, id est, tertiam a meridie, vide supra not. 48.

70) Rem strenuus auge, id est, lucro diligenter intende.

71) Dicenda tacenda, apta et inepta loquutus Vultejus Mena.

72) Dormitum, id est, domum.

73) Sensus: et postquam saepe visus est, tanquam piscis occulto hamo delectari, id est, ad aedes Philippi decurrere mane, ut cliens, illum salutandi gratia, ibique quotidie et adsiduo convivari; imperatum est illi tandem, ut per indictas ferias Latinas Philippum comitetur in praedium suburbanum.

Mane cliens et jam certus conviva, jubetur
 Rura suburbana indictis comes ire Latinis⁷⁴⁾.
 Impositus mannis⁷⁵⁾ agrum coelumque Sabinum
 Non cessat laudare. Videt ridetque Philippus:
 Et, sibi⁷⁶⁾ dum requiem, dum risus undique quaerit,
 Dum septem donat sestertia⁷⁷⁾, mutua septem
 Promittit, persuadet, uti⁷⁸⁾ mercetur agellum.
 Mercatur: ne te longis ambagibus ultra,
 Quam satis est, morer; ex⁷⁹⁾ nitido fit rusticus, atque
 Sulcos et vineta crepat mera, praeparat ulmos,
 Immoritur studiis, et amore senescit habendi.
 Verum ubi oves furto, morbo periere capellae,
 Spem⁸⁰⁾ mentita seges, bos est enectus arando;
 Offensus damnis, media de nocte caballum
 Arripit, iratusque Philippi tendit ad aedes.
 Quem simul aspexit scabrum⁸¹⁾ intonsumque Philippus,
 Durus⁸²⁾ ait, Vultei, nimis attentusque videris
 Esse mihi. Pol⁸³⁾, me miserum, patrone, vocares,
 Si velles, inquit, verum mihi ponere nomen.
 Quod te per Genium⁸⁴⁾, dextramque Deosque Penates
 Obsecro et obtestor, vitae me redde priori.

74) Feriae Latinae erant festa quaedam toti Latio communia, et Jovi Latiali dicata, qui in Albano monte colebatur; indicebantur autem a Romano consule quotannis, hoc est, denunciabantur et imperabantur.

75) Manni sunt equi parvi, vilioris generis. Vide Epod. IV. not. 14. Impositus, id est, vectus mannis, coelum, temperiem coeli, aërem.

76) Sensus: dum sedem sibi quaerit, ubi, remotus ab hominum turba et negotiorum molestiis, quiete frui possit. Per risus intellige omnia, quae vitam exhilarant, praecipue jocos.

77) De sestertio saepius jam dictum. Vide L. II. sat. 3. not. 19.

78) Id est, ut amat parvum agrum in vicinia.

79) Ex nitido, id est, ex elegantioris cultus homine urbano. Crepat, id est, nihil magis loquitur, laudat, quam etc. Praeparat, aptas reddit ulmos vitibus illis inducendis. Immoritur studiis, id est, totum se studio agriculturae devovet, et tempus omne in re augenda ponit.

80) Sensus: postquam mendacis fundi proventus tenuis spem ipsius fefellit, et hos inter arandum exstinctus concidit; tot damnis et detrimentis perturbatus, media nocte equum conscendit, et etc.

81) Scabrum, plenum squaloris et sordis, horridum; postquam enim Mena ex nitido factus erat rusticus, externum corporis cultum neglexit.

82) Durus, id est, duri laboris patiens, attentusque, nempe ad rem, avarus, lucri cupidus.

83) Pol: Per Pollucem! potius miserum me voca, si vis me vero nomine compellere.

84) Genius erat Deus quidam, singulorum hominum custos.

Qui⁸⁵⁾ semel aspexit, quantum ^{amissa} dimissa petitis
Praesent, mature redeat, repetatque relicta.
Metiri⁸⁶⁾ se quemque suo modulo ac pede, verum est.

Epistola VIII.

Ad Celsum Albinovanum.

Occasio et argumentum.

Epistola haec eadem occasione scripta est ad Celsum, qua 3^a hujus L. ad Florum; cum nimirum Tiberius Cl. Nero ab Augusto a. u. 734 in Armeniam cum exercitu missus fuerat, ut Tigranem regem ei praeficeret. Vide Arg. Ep. 3. Erat hic Celsus Albinovanus in comitatu Cl. Neronis, eique pro scriba datus, et idem probabilius, quem supra Ep. 3. vers. 15. ut poetam, aliorum scriinia compilantem noster commemorat. Non spirat haec epistola illum amorem, et molliores illos animi sensus, quos passim Horatius erga alios amicos in carminibus suis expressit. Semetipsum, ut hominem minus mente validum, sive, ut hominem malo, quod vocant, hypochondrico laborantem, et tam amicorum, quam medicorum consiliis obnitentem describit ab initio; dein admonet etiam Celsum, ut, scriba factus Tiberii Neronis, et unus de ejus comitibus, non abutatur praesenti fortuna, sed moderate agat cum omnibus, seque et alios veteres amicos suos non contemnat, indicans his, illum natura fastosum et arrogantem fuisse.

Celso¹⁾ gaudere, et bene rem gerere, Albinovano, Musa rogata, refer, comiti²⁾ scribaeque Neronis.

85) Sensus: quisquis, ut ego, continuat Mena, aspexit, animadvertit semel, quanto sint meliora haec, quae amisit, quam, quae desideravit, ad illa quam primum se referat.

86) Ita, concludit exinde Horatius, verum, aequum, rectum est, ut quisque intra mensuram sui moduli ac pedis sese contineat. Et similem se quoque illi Menae libenter fore, innuit Horatius, seque ait, malle priori vitae, libertati et egestati restitui, quam libertatis jacturam facere.

1) Ordo et sensus: ô Musa, rogo te, refer Celso Albinovano meam salutem, et jube illum, qui comes et scriba Neronis est, gaudere et bene rem gerere. Est haec formula, quam Graeci praefigere solebant epistolis.

2) Comites adpellabantur, qui viros principes aut magistratus honoris causa, vel necessitatis ergo, sectabantur in provinciis, e quibus eorum aula quaedam et familia constabat. Vide Argum.

Si quaeret, quid agam, dic, multa et pulchra minantem³⁾,
Vivere nec recte, nec suaviter: haud quia grando
Contuderit vites, oleamve⁴⁾ momorderit aestus,
Nec quia longinquis⁵⁾ armentum aegrotet in agris;
Sed quia⁶⁾, mente⁷⁾ minus validus, quam corpore toto,
Nil audire velim, nil discere, quod laeuet aegrum;
Fidis offendar medicis, irascar amicis,
Cur⁸⁾ me funesto properet arcere veterno;
Quae nocuere, sequar, fugiam, quae profore credam:
Romae Tibur amem ventosus⁹⁾, Tibure¹⁰⁾ Romam.
Post¹¹⁾ haec, ut valeat, quo pacto rem gerat, et se;
Ut placeat Juveni¹²⁾, percontare, utque cohorti¹³⁾.
Si dicet, Recte; primum gaudere¹⁴⁾; subinde¹⁵⁾

3) Minantem, id est, molientem, et perficere velle profitentem. Sensus: dic illi, quod ego, licet multa et praeclara moliar, animo designem, tamen non jucunde, non bene vivam, id est, non sim contentus. Alludit ad minus prosperam valetudinem, qua provectori jam aetate usus, et impeditus fuerat, multa illa praeclara, quae in animo habuerat, in effectum deducendi. Quae autem illa praeclara fuerant, ignoratur.

4) Id est: oleis aestus et siccitas nocuerit.

5) Longinquis in agris, id est, in remotis pascuis. Romanorum enim beatiores armenta in remotis regionibus, praecipue in Calabria et Lucania, ubi erant bona pascua, alere solebant.

6) Sensus est: sed quod mente minus, quam corpore valens, attendere nolim ad ea, quibus curari posset aegritudo; quod fidos medicos ferre non possim, et amicis succenseam, qui fatalem pigritiam mihi excutere conantur; quod noxia quaeque amplectar, quae profutura erant, rejiciens; et quod, animo levis, Romae Tibur, et Tibure Romam desiderem.

7) Mente minus validus; morbus enim, qui nunc vocatur hypochondria, licet proprie in corpore sedem suam habeat, attamen in mente se potissimum exerit.

8) Id est: quod a me arcere studeant veternum pernitiosum. Est autem veternum languor quidam, dormiendi necessitatem adferens, lethargus.

9) Venti instar mutabilis, inconstans, levis.

10) De Tibure, oppido Sabinorum, vide L. II. od. 4. not. 6.

11) Sensus: sciscitare deinde quomodo valeat, quam bene illi succedant res, id est, negotia et munus suum; qua sit apud Juvenem principem gratia; et quam ejusdem comitatu carus?

12) Tiberio Cl. Neroni. Vide argumentum.

13) Cohorti, id est, amicorum et comitum Neronis gregi. Vide hujus Libri epist. 3. not. 9.

14) Gaudere, subaudi, te significabis et me, id est, meo nomine gratulare.

15) Subinde, deinde illius auribus istiusmodi monitum insurra.

Praeceptum auriculis hoc instillare memento;
Ut¹⁶⁾ tu fortunam; sic nos te, Celse; feremus.

Epistola IX.

Ad Claudium Neronem.

Argumentum.

Hac epistola commendat Horatius amicum suum Septimium, ut virum fortem et bonum Tib. Cl. Neronis favori et benevolentiae, singulari plane artificio temeritatis suae excusationem intexens; ast ostendit simul hac commendatione gratiam haud mediocrem, qua ipse apud hunc principem fruebatur. Putant aliqui hunc Septimium esse eundem cum illo, de quo Ep. 3. vers. 9. mentionem facit poeta, et ad quem L. II. od. 4. directa est. Quodsi huic conjecturae locus detur, in aperto est eum fuisse Romanum equitem, poetam, et amicum nostro carissimum. Vide L. I. Ep. 3. not. 11. et L. II. od. 4. argum. Efficitur inde etiam hanc epistolam ante a. u. 734. scriptam fuisse, quod in hac commendatus Neroni Titius Septimius in Epistola 3^a, a. u. 734 scripta, jam inter comites Tiberii commemoratur.

Septimius¹⁾, Claudii, nimirum intelligit unus,
Quanti me facias: nam cum rogat, et prece cogit,
Scilicet ut tibi se laudare et tradere coner,
Dignum mente domoque legentis honesta Neronis,
Munere²⁾ cum fungi propioris censet amici,
Quid possim, videt ac novit me valdius³⁾ ipso.

16) Sensus: qualem tu, Celse, in fortuna, quae tibi nunc arridet, erga nos praebebis, tales erga te nos praebebimus; id est: si me, veterem tuum amicum, praesente tua fortuna, ut antea, amabis, vicissim et ego te amabo.

1) Sensus et ordo: agnoscit haud dubie, o Claudii, Septimius unus, quanti me facias, quanto sim apud te in loco et pretio. Cum enim tantis precibus obsecrat, ac pene me cogit, ut ipsum apud te commendatum coner tuum efficere quippe dignum, ut admittatur in amicitiam et familiam tuam, qui nihil, nisi honestum probas, nullos, nisi honestos et probos, eligis amicos; sane et tuis propioribus amicis esse me credit, et intelligit profecto liquidius, quam ego ipse, quid a te obtinere valeam.

2) Munere fungi propioris amici. Propior amicus idem est, qui familiaris et intimus, ut cui liceat propius accedere.

3) Valdius, comparativus ab adverbio valde, id est, magis, certius.

Multa⁴⁾ quidem dixi, cur excusatus abirem:
Sed⁵⁾ timui, mea ne finxisse minora putarer;
Dissimulator⁶⁾ opis propriae, mihi commodus uni,
Sic⁷⁾ ego, majoris fugiens opprobria culpae,
Frontis⁸⁾ ad urbanae descendi praemia. Quodsi⁹⁾
Depositum laudas ob amici jussa pudorem,
Scribe tui gregis hunc, et fortem crede bonumque.

Epistola X.

Ad Fuscum Aristium.

Argumentum.

Fuscum Aristium vitam in urbe omnibus reliquis bonis praetulisse ex epistolae exordio patet. Nec forte erraveris, si eum morbo illo, tum communiter grassante, divitias conquirendi et dignitates ambiendi studio, non penitus immunem fuisse dixeris, ita, ut Horatius, qui aliter longe his de rebus sentiebat, sapiens amico consilium dare non

4) Sensus: equidem multis excusavi, ne me cogeret scribere, tibi molestum esse.

5) Sententia est: sed timui, ne in suspicionem venirem, me consulto, meam apud te auctoritatem minorem fingere; ne crederet me propterea fingere et persuadere illi velle, meam gratiam apud te minorem esse, quam sit, ac si meis unius intentus commodis, aliena plane negligere, aliis plane nullam opem ferre vellem.

6) Dissimulator opis, id est, potentiae, qua quis multum pollet, multum efficere potest; vocat autem hanc propriam, quasi ea unice in suum ipsius commodum utatur.

7) Sensus: sic factum est, ut, gravius culpa notam devitans, adductus sim, hominis urbani personam adsumere. Nam qui alium, quem pro gratia sua commendare potest, commendare refugit, hac inhumanitate majorem culpam sibi contrahit, quam is, qui perfricta fronte in aliis commendandis laudem captat.

8) Frontis urbanae; facete frontem duram (impudentiam) vocat urbanam, quia non raro in urbe inveniuntur, qui, ut versu sequente dicitur, pudorem deponant. Descendere dicuntur ad aliquid, qui perpelluntur tandem ad rem aliquam faciendam, quam primum facere nolebant. Praemia hoc loco sonant urbanae frontis honorem, sive famam et existimationem, quam haec commemorata temeritas ipsi adferebat.

9) Sensus: quodsi me putas bene egisse, quodsi non improbas, quod amici jussu, id est, in amici gratiam impudens factus sim; hunc in tuorum accipe numerum, eumque strenuum ac probum virum esse ne dubita.

dubitaverit. Igitur se vitam rusticam vitae urbanae, sive vitae simplicitatem externo splendori longe praeferre, in hac una re ab amico suo Fusco urbis amatore discrepans, ab initio statim epistolae confitetur. Enumerat hunc in finem ruris amoenitates, quibus et ipsos urbis incolas non penitus carere posse demonstrat, transit dein ad contrarium, et urbis delicias, in specie vero divitiarum amorem libertate hominem privare, adjecto mythico exemplo, docet. Tandem monet adhuc Fuscum, ut, quod unice veram parit felicitatem, sapienter modico contentus vivat.

Urbis amatorem Fuscum ¹⁾ salvare jubemus.

Ruris amatores, hac in re scilicet una

Multum dissimiles, ad cetera paene gemelli²⁾,

Fraternis animis, quicquid negat alter, et alter;

Annuimus³⁾ pariter vetuli notique columbi. ⁵

Tu nidum⁴⁾ servas, ego laudo ruris amoeni

Rivos, et musco circumlita⁵⁾ saxa, nemusque.

Quid⁶⁾ quaeris? vivo⁷⁾ et regno, simul ista reliqui,

Quae vos ad coelum effertis rumore secundo,

Utque sacerdotis fugitivus⁸⁾ liba, recuso: ⁹

Pane⁹⁾ ego, jam mellitis potiore placentis.

Vivere¹⁰⁾ naturae si convenienter oportet,

1) De Fusco Aristie Grammatico istius aevi, jocoso homine ac jucundo et Horatio intimo amico mentio facta est L. I. sat. 9. vide not. 48. Ad eundem etiam scripta est L. I. od. 19. Vide Arg.

2) Sensus: prope tamquam gemelli fratres in ceteris rebus eosdem animi sensus gerimus, ita ut idem velimus ac nolimus.

3) Annuimus, id est, assentimur, probamus idem pariter, sicut columbi vetuli, id est, columbarum par, dudum familiare inter se; notique, id est, consuetudine invicem sibi facti noti, et mutuo amore inter se juncti.

4) Adcommodate ad institutam comparisonem nidum posuit pro urbe, ubi Fuscus, sicut columba in nido ovis incubans, haerebat.

5) Circumlita, obducta, vestita.

6) Quid quaeris? id est, ne multa.

7) Nexus et ordo: simul ac ista vitae urbanae commoda, quae vos urbis amatores ad coelum usque extollitis, et quae ego, ut servus fugitivus sacerdotis liba, contemno, reliqui; simul ac ex urbe rus secessi, mihi in villa mea vivo, ibique regno, pro animi mei arbitrio omnia facio. Rumore secundo, id est, faustis acclamationibus.

8) Seryus fugitivus: utque servus nequam, in sacerdotis domo nutritus, herumque suum deserens, qui liba et placentas, dulciaria crustula, Diis oblata, edere consuevit, iis saturatus, panem optat: sic ego urbem fastidens, rus amo, ubi operam do philosophiae, qui verus animi panis est.

9) Sunt verba fugitivi: Mihi opus est pane, quem placentis mellitis praefero.

10) Sensus: si vita illa beata est, quae est naturae humanae conveniens,

Ponendaeque domo quaerenda est area primum,

Novistine locum potiolem rure beato?

Est¹¹⁾ ubi plus tepeant hiemes? ubi gratior aura ¹⁵

Leniat et rabiem Canis¹²⁾ et momenta Leonis.

Cum semel accepit solem furibundus acutum?

Est ubi¹³⁾ depellat somnos minus invida cura?

Deterius¹⁴⁾ Libycis olet aut nitet herba lapillis?

Purior¹⁵⁾ in vicis aqua tendit rumpere plumbum, ²⁰

Quam quae per pronam trepidat cum murmure rivum?

Nempe¹⁶⁾ inter varias nutritur silva columnas,

Laudaturque domus, longos quae prospicit agros.

Naturam¹⁷⁾ expellas furca, tamen usque recurret,

nonne rusticana vita est naturae convenientissima? Et pro hoc dicit poeta: equidem, si vivere vitam debemus humanae naturae congruentem, idque ut fiat, quaerendus ante omnia locus est aedificandae domui aptus; potestne alibi aptior, quam rure esse? etc.

11) Estne locus, ubi hiemes mitiores sint, vel frigus minus sentiat?

12) Canis sidus est coeleste, cum oritur unacum sole mense Julio et Augusto, maximos calores adferens. Leo est signum in Zodiaco; ingreditur hoc signum sol etiam sub finem Julii. Sensus: ubi ventus magis mitiget aestum solis? et pro hoc: rabiem Canis, et momenta Leonis, id est, horas aestivas, calida tempora, quibus sol acutus, ferventissimus ingreditur Leonem? et pro hoc: quum recipit quasi in domum suam solem Leo furens ob calorem et aestum?

13) Sensus: ubi curae minus somnum inturbent? appellatur autem cura, invida, quia tranquillitatem animi et somnum turbando, eam quasi invidere videtur hominibus.

14) Sensus: an ruri herba deterioris est coloris vel odoris, quam gemmae et marmora Africana? E secto in minimas particulas marmore pavimenta sternebant, quod opus musivum adpellabant.

15) Sensus: puriorne est aqua illa, quae plumbeis canalibus et fistulis in urbem deducitur, quam quae tremulo defluens rivo blande murmurat. Per, tendit rumpere, pulchre exprimitur intenta quasi vis, qua aqua nunquam canales illos, quibus in urbem deducitur, rumpit. Pronus, idem ac, declivis.

16) Nexus sententiarum et ordo: documento est, naturam rure delectari; quod vel in ipsa urbe rus amamus, et inter porticus fultas columnis, factis e vario, id est, versicolore marmore, arbores videmus exsurgere tot, tantasque, ut silvas putes; eaque domus ceteris praestare existimatur, ex qua in agros patet prospectus longior.

17) Nexus et ordo: etsi coneris extinguere communes et genuinos illos, quos indidit nobis natura, sensus, eosque ex animo per vim, et quasi cum furca expellas; tamen semper redibunt, et superabunt mala fastidia; id est, quamvis simplicitatem illam rusticam divites et urbani fastidiant, spernarque, furtim tamen et tacite amabunt rus, duce natura, vel in ipsa urbe. Furca expellere, est locutio proverbialis de rebus, quas vi a nobis avelli-

Et mala perrumpet furim fastidia victrix.
 Non¹⁸⁾, qui Sidonio contendere callidus ostro
 Nescit Aquinatem potentia vellera¹⁹⁾ fucum,
 Nescit accipiet damnum, propiusve medullis,
 Quam qui non poterit vero distinguere falsum.
 Quem res plus nimio delectavere secundae,²⁰⁾
 Mutatae quatient; si quid mirabere, pones
 Invitus: fuge magna: licet sub paupere tecto
 Reges et regum vita praecurrere amicos.
 Cervus²¹⁾ equum pugna melior communibus herbis

mus et pellimus. Furca est instrumentum rusticum, quo stramenta et alia ex uno loco in aliam protruduntur.

18) Sententia: qui adulterinum purpurae colorem, quali Aquinates deicipere solent imperitos, non discernere didicit contendendo, conferendo illum cum genuino purpurae colore, is haud certiores et graviore erroris et imperitiae poenas dabit, quam ille, qui falsum a vero distinguere non poterit. Videtur hic jam urbanae vitae incommoda insectari poeta, ac si diceret: Illa bona, quae urbs suppeditat, hominem non aequae reddunt felicem, ac scientia, veram a fucata felicitate dignoscendi; igitur rus incolentes feliciores sunt iis, qui in urbe degunt.

19) Vellera potentia fucum Aquinatem, hoc est, vellera apud Aquinates, incolas Aquini, oppidi Volscorum, fucum, colore purpureo adulterato tincta. De fucum vide L. III. od. 5. not. 26. Contendere, id est, comparare cum velleribus, Sidonio ostro, colore purpureo genuino tinctis. Callidus, bene alicujus rei peritus. Damnum propius medullis, id est, quod penitius, magis sentitur.

20) Sensus: qui secundarum rerum felicitate plus justo delectatur, adversis idem plus justo perturbabitur; quod enim plurimi facis, aegre etiam amittes; fuge itaque magna, id est, divitias, honores amplios etc. fas est in domo paupere quoque vitam degere feliciorum, quam reges ipsi et amici horum, id est, in quos diligunt reges. Vita praecurrere, pro: felicitate vitae anteire et vincere.

21) Cum Himeraei, seu Himerenses Phalaridi, Agrigentinarum in Sicilia Tyranno, quem in auxilium vocatum summum ducem praefecerant suo exercitui, custodiam corporis quoque dare constituissent, Stesichorus Himerenses de imprudentia, qua se traderent potentiori, fabula de cervo et equo, quam hic narrat Horatius, monuisse dicitur. Sensus est ergo: cervus olim equo pugnator, hunc communibus pascuis abigebat, donec equus, infirmior in longa rixa, rogavit hominem, ut sibi adesset, passusque est sibi frenum injici: verum ubi jam hominis ope factus violentior, ferocior, de hoste, cervo, victoriam reportavit, ab eo tempore equitem dorso portare et frenum ore mordere coactus est: sic, qui, non paucis contentus, divitiarum colligendarum cupiditati rem pretiosissimam, libertatem, postponit, pecuniae experietur imperium, aeternumque serviet. Libertate caret, potiore metallis, id est, libertati renunciat, quae auro et argento, seu, divitiis longe praeferenda est.

Pellebat, donec minor in certamine longo²⁵⁾
 Imploravit opes hominis, frenumque recepit:
 Sed postquam victor violens discessit ab hoste,
 Non equitem dorso, non frenum depulit ore.
 Sic, qui pauperiem veritus, potiore metallis
 Libertate caret, dominum vehet improbus, atque²⁶⁾
 Serviet aeternum, quia parvo nesciet uti.
 Cui²⁷⁾ non conveniet sua res, ut calceus olim,
 Si pede major erit, subvertet; si minor, uret.
 Laetus²⁸⁾ sorte tua vives sapienter, Aristi:
 Nec me dimittes²⁹⁾ incastigatum, ubi plura
 Cogere²⁵⁾, quam satis est, ac non cessare videbor.
 Imperat²⁶⁾, haud servit, collecta pecunia cuique,
 Tortum²⁷⁾ digna sequi potius, quam ducere, funem.
 Haec tibi dictabam²⁸⁾ post fanum putre Vacunae²⁹⁾,
 Excepto, quod non simul esses, cetera lactus.

Dominum vehet: accommodate ad fabulam: pecuniam, sicut equus equitem, dominum suum portabit, h. e. pecuniam sibi imperare patietur. Improbus, ita etiam: pauperiem veritus; designat avarum, qui malo et improbo studio divitias congerit. Quia parvo nesciet uti, pro: quia paucis non est contentus.

22) Sensus: cui res suae non conveniunt, cui opes suae non congruunt, eae, si erunt nimis amplae, ut calceus, qui pede major est, illum subvertent et prosternent; at si fuerint angustiores, ut calceus angustior, urent eum atque vexabunt. Olim: aliquando, ut plurimum.

23) Sensus: Beatus igitur eris, Aristi mi, si in illis, quae habes, sapiens acquiescas.

24) Nec me dimittes incastigatum, id est, etiam me castiga.

25) Cogere, colligere; ac non cessare, id est, sine intermissione congerere divitias.

26) Sensus: pecunia avaro, sicut equus equo, imperat, non servit, vide supra versu 40. Avarus serviet aeternum.

27) Haec loquutio translata est ab animalibus, quae fune ducta ductorem sequuntur. Sensus: digna est pecunia, quae potius sequatur, ac serviat; quam praeeat et imperet, pro vulgari: divitiis potius sapienter uti oportet.

28) Dictabam, nempe, puero, ad te mittenda.

29) Vacuna, Dea quaedam, apud Sabinos culta, maxime ab otiosis rusticis, et operum vacuis, Victoriam eam fuisse, quidam putant, quod ejus beneficio vacamus curis, et otio indulgemus. Huic Deae apud Sabinos dicati erant luci cum fano, pene vetustate jam consumto, propterea: fanum putre, vetustum, vitiosum.

30) Non simul, id est, non mecum esses.

Ad Bullatium.

Argumentum.

Bullatius, nomine tantum notus, videtur fuisse dives et animo aeger, qui curarum abigendarum causa Asiam et Graeciam peragravit. Horatius igitur amicum suum hortatur, ut Romam redeat, curas enim non peregrinationibus, quibus coelum tantum, non animus, mutetur, sed prudentia et ratione pelli posse.

Quid tibi visa Chios¹⁾, Bullati, notaque Lesbos?
 Quid concinna Samos? quid Croesi regia Sardis?
 Smyrna quid, et Colophon? majora²⁾ minorave fama?
 Cunctane prae Campo et Tiberino flumine sordent?
 An³⁾ venit in votum Attalicis ex urbibus una?
 An Lebedum⁴⁾ laudas, odio⁵⁾ maris atque viarum?
 Scis⁶⁾ Lebedus quid sit; Gabiis desertior atque
 Fidenis vicus; tamen illic vivere vellem,

1) Chios, Lesbos, Samos, tres insulae maris Aegaei. Lesbos nota, id est, nobilis, celebris, quia patria est Sapphus et Alcaei. Samos concinna, ob aedificiorum concinnitatem et elegantiam, erat Junoni sacra. Sardis, urbs princeps Lydiae in Asia minori. Smyrna et Colophon sunt Joniae, in Asia minori itidem, civitates. Sensus: quid, seu quales tibi videntur, quid iudicis de his urbibus, quas vidisti, quas adivisti?

2) Sensus: num famam, qua celebrantur hae urbes, superant, an minus ei respondent? An eas contemnendas esse censet prae campo Martio et Tiberi, id est, an Roma tibi magis adhuc placet, quam civitates istae? Sordent, pro: displicent?

3) Sensus: an in una urbium Attalicarum vivere optas? an una ex urbibus, quibus Attalus praefuit, a te Romae praefertur? Ad urbes nobiliores, quibus imperabat rex Pergami Attalus, pertinent Myndus, Apollonia, Tralles, Thyatira etc. De rege Attalo vide L. I. od. 1. not. 12.

4) Lebedus, urbs Joniae maritima, et celeberrima, sed inde a Lysimacho, qui eam evertit, et incolas ejus deduxit Ephesum, deserta; hinc vocatur vicus desertior, scilicet ab incolis, infrequentior, quam Gabii, oppidum Latii inter Romam et Praeneste, atque Fidenae, oppidum Sabinorum.

5) Odio maris, atque viarum: itinerum maritimorum et pedestrium peritiosus dicitur lassus maris et viarum L. II. od. 4. vers. 7.

6) Sunt haec Bullatii verba, quem Horatius inducit loquentem, et postea refellit. Sensus: scis quam desertus sit vicus Lebedus; attamen, inquis, malim solus ibi manere, vitam illic degere, meorum immemor, et ex eorum quoque memoria delendus, et illinc contemplari eminens saevientis maris procellas, quam Romam redire.

Oblitusque meorum obliviscendus et illis:
 Neptunum procul e terra spectare furentem.
 Sed⁷⁾ neque, qui Capua Romam petit, imbre lutoque
 Aspersus, volet in caupona vivere; nec, qui
 Frigus collegit, furnos et balnea laudat,
 Ut fortunatam plene praestantia vitam.
 Nec, si te validus jactaverit Anster in alto,
 Idcirco navem⁸⁾ trans Aegaeum mare vendas.
 Incolumi⁹⁾ Rhodos¹⁰⁾ et Mitylene pulchra facit, quod
 Penula¹¹⁾ solstitio, campestre¹²⁾ nivalibus auris,
 Per brumam Tiberis¹³⁾, Sextili¹⁴⁾ mense caminus.
 Dum¹⁵⁾ licet, et vultum servat Fortuna benignum,
 Romae laudetur Samos, et Chios, et Rhodos absens.
 Tu¹⁶⁾, quamcunque Deus tibi fortunaverit horam,
 Grata sume manu; nec dulcia differ in annum,
 Ut, quocunque loco fueris, vixisse libenter
 Te dicas; nam si ratio et prudentia curas,

7) Hic respondet Horatius hac fere sententia: sed quaecunque tibi placuerit urbs vel regio, fac, quaeso, redeas Romam; nam quemadmodum is, qui Capua Romam petit, non ideo in caupona volet vivere, quoniam ibi corpus imbre adpersum siccare, reficere, et a luto purgare potuit, vel is, qui nunc frigore collecto furnos, et balnea laudat, non ideo illa ad summam felicitatem refert; ita tu quoque non in locis, quae te nunc delectant, haerebis, nec, in alto jactatus, vendita nave a reditu in patriam te abstrahi patieris.

8) Navem vendas: qui trans mare profectus navem suam vendit, domum redire non potest.

9) Incolumi, id est, illi, qui bona valetudine utitur Rhodus et Mitylene idem sunt, quod aliae res, quae, per se bonae, nisi opportuno tempore adhibeantur, nocent magis, quam prosunt; et sequitur harum rerum enumeratio.

10) Rhodus, insula in mari Carpathio ad meridiem Asiae minoris. Mitylene urbs primaria Lesbi.

11) Penula vestis villosa contra imbres. Solstitium, quod cadit in finem mensis Junii, aestivum, pro magno calore positum est.

12) Campestre, vestis levis, subligaculum; illa utebantur, cum exercebant corpus in campo Martio aestate; nivalibus auris, pro hieme.

13) Tiberis, id est, natatio in Tiberi, qui Romam praeterfluit, quae aestatis tempore fiebat.

14) Sextilis est Augustus mensis. Vide supra Ep. 7. not. 2. Caminus, seu focus, apud nos fornax.

15) Sensus: quamdiu igitur possumus, et Fortuna nobis adridet, Romae maneamus, et laudemus insulas illas longe a nobis remotas: sic etiam tu Romam redi, et hic lauda externa illa loca remotus, absens ab iis.

16) Sensus: Fruere bonis, quae fortuna tibi offert, ut, ubicunque fueris, jucunde vixisse dicere possis; nam si non loci alicujus amoenitas, sed rationis usus et sapientia, curas evellit ex animo, profecto ii, qui trans mare currunt, non animum sed coelum tantum mutant.

Non locus¹⁷⁾, effusi late maris arbiter, aufert; :
 Coelum, non animum, mutant, qui trans mare currunt.
 Strenua¹⁸⁾ nos exercet inertia¹⁹⁾: navibus atque
 Quadrigis petimus bene vivere: quod petis, hic est;
 Est Ulubris²⁰⁾, animus si te non deficit aequus.

Epistola XII.

A d I c c i u m .

Argumentum et occasio.

Iccium jam e L. I. od. 24. novimus, qui a. u. 730, omisso philosophiae studio ditescendi causa miles factus est; tardius autem procuratoris munere fungebatur in latifundiis Agrippae, quae hic possidebat in Sicilia. In hanc provinciam iter facientem Grosphum commendat Horatius amico suo Iccio, quae commendatio scribendae hujus epistolae occasio fuisse videtur. Jocatur primum egregie in insatiabilem ejusdem Iccii avaritiam, ab eo nihilominus philosophiae conjunctam studio; dein ad primarium epistolae argumentum, Pompejum Grosphum commendando, transit; et ultimo tandem subjungit quaedam de statu imperii Romani politico nova. Epistolam autem ante annum 736 non esse scriptam, patet e versu 26. not. 25.

Fructibus¹⁾ Agrippae Siculis, quos colligis, Iccii,
 Si recte frueris, non²⁾ est, ut copia major

17) Locus, effusi late maris arbiter, id est, locus, e quo libere prospici potest in late patens mare; hic enim dominus quasi maris, et amoenissimus est.

18) Sensus: sed sic sumus homines; navibus et quadrigis vecti, procul petimus, quod in propinquo est, et ante pedes jacet.

19) Strenua inertia. Agimus et laboramus plurimum, ut nihil agamus; id est, inertes sumus, quia non quaerimus felicitatem, ubi est, laboris ac virtutis taedio; et simul strenui atque agiles sumus, qui eam ibi quaerimus opere, ubi non est. Non raro enim homines inertes in iis quae non suscipere et exequi debebant, graves se probant ac strenuos.

20) Ulubrae oppidum exiguum in agro Pontino. Sensus: quod petis, nempe felicitas est etiam Ulubris; etiam Ulubris eam invenies, modo animum habeas perturbationis expertem.

1) Sensus et ordo: o Iccii, qui cogendis Agrippae Siculis redditibus praefectus es; si sapienter uteris procurationis tantae commodis, nihil tibi potest uberius ab Jove dari; noli itaque jam ultra conquiri, neque enim se pauperem dicere debet, cui suppetunt res necessariae in usum. De Agrippa Vip-sanio vide arg. L. I. od. 5.

2) Non est, id est, fieri non potest etc.

Ab Jove donari possit tibi; tolle querelas³⁾;
 Pauper enim non est, cui rerum suppetit usus.
 Si ventri⁴⁾ bene, si lateri est, pedibusque tuis, nil
 Divitiae poterunt regales addere majus.
 Si forte⁵⁾ in medio positorum⁶⁾ abstemius⁷⁾ herbis
 Vivis et urtica⁸⁾, sic vives protinus⁹⁾, ut te
 Confestim liquidus fortunae rivus inauret¹⁰⁾:
 Vel¹¹⁾ quia naturam mutare pecunia nescit;
 Vel quia cuncta putas una virtute minima.
 Miramur¹²⁾, si Democriti¹³⁾ pecus edit¹⁴⁾ agellos
 Cultaque, dum peregre¹⁵⁾ est animus sine corpore velox;

3) De paupertate sua Iccius saepius querebatur.

4) Sensus: si ventre, et lateri et pedibus vales, pro vulgari: si bona valetudine uteris, neque, si regias opes acciperes, augetur felicitas tua.

5) Sensus: Quodsi in media copia honorum tibi expositorum nihilominus aqua, oleribus, et vilibus herbis vivere mavis, hac etiam ratione fies ditissimus, et totus inauraberis.

6) Positorum, id est, expositorum tibi honorum, quorum data tibi est copia fruendi.

7) Abstemius a verbo abstineo et temetum, quae vox antiqua vinum significat, ac proinde idem, ac, vino abstinens.

8) Urtica, vile genus herbarum, nostris Nessel.

9) Protinus, hoc in loco non significat statim, sed, deinceps, postea; sic deinceps perges vivere, ut coepisti, quamvis ditescas.

10) Inauret; proverbiali locutione inaurari dicuntur, quibus tanta est vis auri, ut eo obrui videantur.

11) Duas Horatius adfert rationes, ex quibus cumulus pecuniae apud Iccium crescere debeat: vel quia naturam hominum non potest mutare pecunia, nec efficere, ut tu, qui esses parvus et avarus, laute atque indulgenter te tractes; vel quia philosophus cum sis, frugalitatem diligis et vitam beatam non in lauto victu et deliciis, sed in una virtute sitam putas, cui cetera omnia post habenda censes. Hoc Iccii ludendi causa protulisse videtur Horatius.

12) Sensus: quodsi miramur, Democritum toto animo ita philosophiae studio defixum fuisse, ut ille, nulla rerum domesticarum habita cura, vicinorum pecora agros suos depasci sineret, multo magis mirari debemus, te, Iccii, inter tantam scabiem et contagia lucri, inter tam foedam et contagiosam ditescendi cupiditatem ultra ea, quae parva sunt, sapere et in rerum sublimium, h. e. coelestium et physicarum causas et origines, ut olim, inquirere.

13) Democritus fuit philosophus insignis, qui res humanas ridere perpetuo solebat, tantoque flagrabat studio philosophiae, ut oculis ipse se orbaverit, patrimonium neglexerit, suosque agellos alienis pecudibus depascendo permiserit, quo liberius illi vacaret.

14) Edit, depascit fertiles agros et culta rura.

15) Peregre, id est, aliis rebus occupatus est animus sine corpore velox; praeclare de animo, qui, se junctus a corpore, per se viget, cogitat, ratiocinatur.

Cum tu inter scabiem tantam et contagia lucri
 Nil parvum sapias, et adhuc sublimia cures:
 Quae¹⁶⁾ mare compescant causae; quid temperet¹⁷⁾ annum;
 Stellae¹⁸⁾ sponte sua, jussaene vagentur et errent;
 Quid¹⁹⁾ premat obscurum Lunae, quid proferat orbem;
 Quid velit et possit rerum concordia²⁰⁾ discors;
 Empedocles²¹⁾, an Stertini deliret acumen.
 Verum seu pisces²²⁾ seu porrum et caepe trucidas,
 Utere Pompejo Grospho; et, si quid petet ultro,
 Defer: nil Grosphus nisi verum orabit et aequum.
 Vilis²³⁾ amicorum est annona, bonis ubi quid deest.
 Ne²⁴⁾ tamen ignores, quo sit Romana loco res:
 Contaber²⁵⁾ Agrippae, Claudii²⁶⁾ virtute Neronis

16) Sequitur hic enumeratio rerum sublimium. Mare compescant, id est, intra terminos suos cohibeant.

17) Temperet annum, id est, moderetur annum vicissitudinibus ad certas leges constitutis.

18) Stellae, id est, planetae. Disputant philosophi an astra innato motu agantur, an adscitio, et alieno impulsu.

19) Sensus: quid lunae orbem modo tegat, modo iterum ostendat, collustret.

20) Id est, quo spectet elementorum inter se pugnantium conspiratio ad commune bonum orbis, et discors concordia.

21) Empedocles, Agrigentinus poeta et philosophus, qui de rebus physicis scripsit; statuit, quatuor elementa esse principia rerum omnium. Fuit homo arrogantissimae superbiae, qui ut Deus haberetur, in Aetnam ardentem insiluit, ut, cum nusquam appareret sublatus in sidera putaretur. De Stertino Stoico vide L. II. sat. 3. not. 3r. Sensus est: an Empedocles, an vero acutus Stertinius deliret, erret in placitis suis philosophicis.

22) Intelligit poeta per pisces epulas lautiores; per porrum autem et caepe mensam parcam. Trucidas, interficis; alludit forte hic Horatius ad Pythagoram, qui in fabis et porris latere animas hominum dicitabat. Utere, id est, adhibe coenae. De Pompejo Grospho vide L. II. od. 5. argum. Sensus est: seu laute vivis, seu parce, invita Grosphum. ad coenam tuam, et si quid a te praeterea postulaverit, morem illi gere; omnino, nisi quod aequum atque honestum sit, ille te rogabit, a te postulabit.

23) Vilis annona proverbiali locutione de iis, quae, sicut annona, vili pretio acquiruntur. Sensus est: si enim vir bonus, qualis est Grosphus, re aliqua, qua ille indiget, a te juvabitur, vili pretio eum tibi amicum parare poteris, quia ea tantum, quae vilioris pretii sunt, a te petet; hoc autem generali sententia expressit poeta: vili enim pretio amicitiam honorum et proborum comparare nobis possumus.

24) Sensus: ut etiam novi quid de statu rerum Romanarum politico rescias, sequentia tibi scribo.

25) De Cantabris ab Agrippa tandem perdomitis a. u. 736. vide L. III. od. 7. not. 17.

Armenius cecidit²⁷⁾: jus imperiumque Phraates²⁸⁾
 Caesaris accepit genibus²⁹⁾ minor: aurea³⁰⁾ fruges
 Italiae pleno defudit Copia cornu.

Epistola XIII.

Ad Vinium Asellam.

Argumentum.

Horatius libros suos Augusto mittens per Vinium Asellam, mandata et praecepta, quomodo illa portanda et Caesari porrigenda sint, jocose exponit hac in epistola, quam lima haud perpolitam, subito tantum chartae illevisse videtur. De tempore ejus vix quiddam probabile statui potest. Vide infra not. 3.

Ut proficiscentem docui te saepe diuque,
 Augusto reddes signata²⁾ volumina³⁾, Vini¹⁾,
 Si validus⁴⁾, si laetus erit, si denique poscet;
 Ne studio⁵⁾ nostri pecces, odiumque libellis

26) Anno U. 734. Tiberius ab Augusto missus est in Armeniam, ut Regem Tigranem ei praeficeret in locum Artabaci, ejus fratris, qui Armenis invisus erat.

27) Cecidit, id est, devictus, subjugatus est.

28) De Phraate, qui signa cum captivis, Crasso erepta, reddidit Augusto a. u. 734 vide L. III. od. 7. not. 16.

29) Genibus minor, id est, provolutus in genua supplex et humilis. Non Phraates ipse Romam venit, sed a Perside misit legatos et obsides, qui ejus nomine ad genua Caesaris acciderent.

30) Sensus: beata abundantia pleno cornu omnis generis fruges in Italiam effudit. De cornu copiae vide Mythol.

1) Fuit Vinium Asella tabellarius, servilis conditionis homo, quem cum litteris proficiscentem jam saepe multumque, quomodo dextre obiret tabellarii officium, Horatius docuerat.

2) Signata, id est, sigillo impresso obsignata.

3) Non exprimit Horatius, quos libros tradat Vinio deferendos ad Caesarem; aliqui putant, omnia carmina quae variis temporibus Caesari oblata fuerant, a poeta nunc demum in unum collecta et ipsi tradita fuisse; quod si autem integram collectionem operum Horatii hic intelligas, epistolam hanc ante annum 745 non scriptam fuisse probabile fit ex eo, quod L. IV. od. 13. circa hunc annum scriptam fuisse constet.

4) Validus, id est, sanus.

5) Nexus sententiarum: cave, ne, dum meis rationibus servire studes,

Sedulus importes opera vehementer minister.
 Si te forte meae gravis uret⁶⁾ sarcina chartae,
 Abjicito potius, quam, quo perferre juberis
 Clitellas⁷⁾, ferus impingas, Asinaeque paternum
 Cognomen veritas in risum, et fabula fias.
 Viribus⁸⁾ uteris per clivos, flumina, lamas:
 Victor⁹⁾ propositi simul ac perveneris illuc,
 Sic¹⁰⁾ positum servabis onus, ne forte sub ala¹¹⁾ *case ne ponder
sub ala*
 Fasciculum portes librorum, ut rusticus agnum;
 Ut vinosa glomos furtivae Pyrrhia¹²⁾ lanae;
 Ut¹³⁾ cum pileolo soleas conviva tribulis.
 Ne¹⁴⁾ vulgo narres te sudavisse ferendo
 Carmina, quae possint oculos auresque morari

rem tuam sinistre agas; odiumque importes, id est, neve, dum praecipitan-
 tius et nimia sedulitate libellos tradis, Augustum offendas; Minister sedulus,
 id est, tabellarius male vel nimis sedulus.

6) Uret, id est, si gravius tibi videtur voluminum meorum pondus.

7) Id est: quam sarcinam librorum, quasi clitellas, instar feri, id est,
 asini aut equi fatigati, excutias, sub onere corruendo illudque terrae impingen-
 do, ex eo enim caperent homines ansam tui ridendi ob cognomen tuum
 paternum, Asella, dicendi: nihil te alienum a tuo cognomine fecisse, clitellas
 asini more abjiciendo. Fabula, id est, jocus, ludibrium.

8) Sensus: corporis robore tibi opus erit ad colles superandos tranan-
 da flumina, et ut lutosus viarum lacunis te expedias. Lama: locus palustris,
 lutosus, paludosus.

9) Victor propositi, id est, propositam viam emensus. Illuc in domum
 Augusti.

10) Sic positum servabis onus, librorum fasciculum tenebis; id est, hunc
 in modum apte et decenter positum; fortasse Horatius etiam, dum ajebat:
 sic, ostendit gestum aliquem, quo significabat Vinio, quomodo gestari ab eo
 libros velit.

11) Sub ala, id est, sub lacertis.

12) Pyrrhia, nomen est ancillae in quadam fabula Titinnii, quae furata lan-
 nae glomos, id est, lanam, in formam globi convolutam, ita se gestavit, ut
 deprehenderetur. Vinosa, pro: bibax.

13) Sensus: sicuti tribulis ex plebe vel rure, a superiore vel ditore ejus-
 dem tribus ad coenam vocatus, soleas cum pileolo sub ala portare solet. De
 soleis vide L. II. sat. 8. vers. 77. not. 66. Tribulis, id est, ad eandem tribum
 pertinens. Soleas autem portabant tales homines de plebe invitati, ne iis, qui-
 bus uterentur adumbentes, lectulos inquinarent. Piliolis obtegebant extre-
 mam partem capitis, iique ad externum tantum convivarum cultum perti-
 nuisse videntur.

14) Sensus: vide ne passim omnibus ac sine delectu dicas, te non abs-
 que sudore carmina detulisse, digna, quae Caesaris oculos et aures deti-
 neant, id est, quae Caesari placeant.

Caesaris; oratus¹⁵⁾ multa prece, nitere porro.
 Vade, vale, cave ne titubes, mandataque¹⁶⁾ frangas.

Episola XIV.

Ad Villicum suum.

Occasio et argumentum.

Horatius, mortuo fratre Lamiae, intimi amici sui, hunc,
 super hoc eventu tristem consulaturus diutius Romae com-
 moratus est, licet maximo ruris et villae suae teneretur de-
 siderio. Villicus Horatii fuerat prius servus in urbe, qui vitae
 urbanae adsuetus, rus summopere fastidians, illam sibi prae-
 optavit. Arrepta hac occasione praesentem poeta scripserat
 epistolam, quam potius fictam contentionem dixerim Horati-
 ii cum Villico suo, rationes exponentis, cur vita rustica ur-
 banae praeferenda videatur.

Villice¹⁾ silvarum et mihi me reddentis agelli²⁾,
 Quem tu fastidis, habitatum quinque³⁾ focis, et
 Quinque bonos solitum Variam dimittere patres;
 Certemus⁴⁾, spinas animone ego fortius, an tu
 Evellas agro; et melior sit Horatius, an res.

15) Sensus: etiamsi a curiosis multum rogatus fueris, non responde illis
 et continua iter.

16) Mandata frangas, carmina corrumpas, disperdas.

1) Est villicus, qui in praedio rustico agriculturae praeest et servus.

2) Agelli, scil. Sabini. Homines urbani tot negotiis officisque districti
 sunt, vix ut sint sui; vacant aliis, non sibi, eos sibi restituit villula, otium;
 hinc: agelli, me mihi reddentis.

3) Per quinque focos intelligendae esse videntur quinque domus, in qui-
 bus habitabant adhuc quinque familiae. Sensus est: quem agellum tu fasti-
 dis, contemnitis, licet quinque in eo, familiae sint, ac soleant ex eodem eligi
 quinque patres, id est, viri senes, et Variam, quae oppidum est Sabinorum
 ad Anienis ripam dextram, mitti negotiorum causa. Qualia haec fuerint ne-
 gotia, determinari nequit, forsitan erant talia, quae rem rusticam spectabant.
 Non sine causa porro Horatius ex hac parte commendat villam suam; nam
 quo amplior illa fuit et frequentior, eo jucundius ibi vivere poterat villicus.

4) Spinis evellere agro, sensu proprio; evellere animo, sensu metapho-
 rico dictum est de curis, quae animum pungunt et lacerant. Sensus est: cer-
 temus, experiamur, egone validius animum curis expurgem, quam tu agros
 vepribus; et sinne ego meliore statu, quam res, id est, villa, praedium meum.

Me⁵⁾, quamvis Lamiae⁶⁾ pietas et cura moratur,
 Fratrem moerentis, raptō de satre dolentis
 Insolabiliter; tamen istuc mens animusque
 Fert, et⁷⁾ amat spatii obstantia rumpere claustra.
 Rure ego viventem⁸⁾, tu dicis in urbe beatum:
 Cui⁹⁾ placet alterius, sua nimirum est odio sors.
 Stultus¹⁰⁾ uterque locum immeritum causatur inique;
 In culpa est animus, qui se non effugit unquam.
 Tu mediastinus¹¹⁾ tacita prece rura petebas;
 Nunc urbem et ludos et balnea villicus¹²⁾ optas:
 Me¹³⁾ constare mihi scis, et discedere¹⁴⁾ tristem,
 Quodocunque trahunt invisa negotia Romam.
 Non¹⁵⁾ eadem miramur; eo¹⁶⁾ disconvenit inter
 Meque et te: nam, quae deserta et inhospita tesqua¹⁷⁾
 Credis, amoena vocat, mecum qui sentit; et odit,

Exprobrat nempe villico taedium villae, in qua tamen sine curis ipsi vivere liceat; cum e contra urbs tantas secum ferat curas, ut iis se homo non facile expedire possit.

5) Sensus et ordo: ego, quamvis Romae detineor pietatis officio, quod debeo Aelio Lamiae, incredibili luctu dolenti defunctum fratrem; animo tamen toto eo feror, ubi tu es, conorque omnes tollere obices et impedimenta, quibus impediōr, ne istuc properem.

6) De Aelio Lamia, quem, ut ex hoc loco adparet, intimo amore amplexus est Horatius, vide L. I. od. 21. arg. et L. III. od. 12. arg.

7) Et amat obstantia claustra spatii rumpere, id est, impedimenta itineri in villam objecta e medio tollendi cupiditate impellitur. Claustra alias idem sunt, ac carceres in Circo.

8) Viventem, subaudi, beatum dico, et felicem.

9) Nexus: nimirum ita fieri solet, ut illi sua displiceat vitae conditio, qui alienam meliorem putat.

10) Sensus est: uterque stulte et immerito locum accusat, in quo vivit, cum culpa tota in animo resideat, qui a se ipso discedere nequit.

11) Mediastinus videtur esse servus, qui mediis in aedibus ad quaevis obeunda servitia praesto adstabat. Sensus: tu, cum adhuc servus esses infimae sortis in urbe, optabas tacitus mitti in villam.

12) Villicus, id est, cum es in villa.

13) Me constare mihi, id est, me idem semper optare.

14) Discedere tristem, id est, nec nisi moestum discedere e villa, quoties invitum rapiunt negotia semper ingrata me Romam.

15) Non eadem miramur, id est, non eodem sensu iisdem de rebus adficimur.

16) Eo, id est, ideo fit, ut parum inter me teque conveniat, ut tantopere dissentiamus.

17) Tesqua sunt loca aspera, inculta, hospitibus vacua.

Quae tu pulchra putas: fornix¹⁸⁾ tibi et uncta¹⁹⁾ popina
 Incutiunt urbis desiderium, video; et²⁰⁾ quod
 Angulus iste feret piper et thus ocus uva;
 Nec vicina²¹⁾ subest, vinum praebere taberna
 Quae possit tibi: nec²²⁾ meretrix tibi canens, cujus
 Ad strepitum salias terrae gravis: et²³⁾ tamen urges
 Jam pridem non tacta ligonibus arva, bovemque
 Disjunctum curas, et strictis frondibus explēs:
 Addit opus pigro rivus, si decidit imber,
 Multa mole docendus aprico parcere prato.
 Nunc²⁴⁾, age, quid nostrum concentum dividat, audi.
 Quem²⁵⁾ tenues decuere togae nitidique capilli,
 Quem scis immunem Cinarae placuisse rapaci,
 Quem, bibulum liquidi media de luce Falerni²⁶⁾,

18) Fornices subterranei plures erant Romae, ubi homines de infima plebe se diversis modis distrahebant.

19) Popina uncta, pro: pingues popinae, ubi laute vivitur.

20) Sensus: et quia angulus iste, id est, villa mea sterilis est, quae citius piper, thus et aliud quidvis fert, quam vinum, tu vero uvae praeter fructibus amas.

21) Vicina subest, id est, prope est, vicina est taberna, unde possis vinum accipere.

22) Sensus: quia nec meretricula, tibia canens, adest, ad cujus sonum saltans terram gravi pede percutias. Rustici enim, praecipue vino graves, cum saltant, gravius pulsant terram pedibus.

23) Sensus et nexus: et tamen non diffuis ignavo otio, quod excitare possit urbis desiderium; sed mox insudas agro inculto ligonibus fodiendo; mox iterum boves curas in stabulo iugo solutos, et illos foliis, ex ramis arborum strictim decisis, saturas; occuparis insuper nonnunquam, labore vacuus et otiosus, in rivo coercendo, quum ob copiam pluviarum exundat, et opus est aggeribus oppositis, ne prato optimo et soli exposito noceat. Docendus, id est, cogendus mole seu aggeribus, ne exundans noceat prato vel agro.

24) Sensus: nunc accipe, quae causa sit, quod non concinamus, conveniamus, idem de hac re sentiamus. Concentus hic idem est, ac consensus.

25) Sensus: me, qui olim togis molliter textis et e subtili panno confectis, unguentoque delibutis capillis delectabar; quem non ignoras immunem, id est, sine oblato munere carum existisse Cinarae rapaci, id est, avarae, munerum appetentissimae; quem scis ab ipso meridie consuevisse Falernum bibere, nunc coenula magis delectat, et somnus ad rivum in gramine; neque vero pudori mihi est, quod olim luserim, amoribus et genio indulserim, sed non incidere, non intermittere ludum illum, non finem facere juvenili proterviae, id pudori et dedecori esset.

26) Vinum Falernum, de quo jam saepe dictum, stat hic pro vino in genere. Cinarā, nomen est puellae, quam Horatius amabat.

Coena brevis juvat, et prope rivum somnus in herba:
 Nec lusisse pudet, sed non incidere ludum.
 Non istic²⁷⁾ obliquo oculo mea commoda²⁸⁾ quisquam
 Limat²⁹⁾; non odio³⁰⁾ obscuro morsuque venenat:
 Rident³¹⁾ vicini glebas et saxa moventem.
 Cum³²⁾ servis urbana diaria³³⁾ rodere mavis?
 Horum tu in numerum voto ruis? Invidet³⁴⁾ usum
 Lignorum et pecoris tibi calo argutus et horti.
 Optat³⁵⁾ ephippia bos piger: optat arare caballus.
 Quam scit uterque, libens, censebo, exerceat artem.

Epistola XV.

Ad Numonium Valam.

Occasio et argumentum.

Epistola haec, ut e parenthesisibus insertis longioribus adparet, incuriosius scripta, quam reliquae, directa est ad Nu-

27) Istic, id est, cum rure sum.

28) Mea commoda, id est, fortunas meas.

29) Limat, id est, obliquis oculis adspicit, ut invidi solent; limas enim adjectivum, idem est, ac obliquus, transversus.

30) Sensus: nemo mea commoda odio obscuro, tecto et morsu, sicut anguis, id est, ore maledico venenat, veneno quasi inficit, carpit.

31) Sensus et nexus: maximum malum, quod mihi rure obtingit, est; cum vicini rident, videntes me tollentem lapides et ferentem glebas, id est, labores ruris peragentem.

32) Sensus: tu vero mavis victum habere tenuem inter servos urbanos, et summum tuum votum est illis adnumerari?

33) Diaria rodere, id est, consumere cibos, qui dantur servis in singulos dies. Diarium alias etiam significat ephemeridem; hoc in loco est victus unius diei. Voto ruis: desiderio raperis.

34) Sensus: at contra calones tuae felicitati invident, et te beatum esse putant, quia rure habes assatim ligna, quibus utaris, pecora, et hortum. Calones proprie erant servi castrenses, quibus ad ligna et alia necessaria convehenda milites utebantur; hic eo nomine etiam adpellat Horatius servos, qui civibus in urbe eadem praestabant obsequia non sine magno labore suo. Arguti dicuntur, id est, callidi, astuti; quia hujus generis homines tales plerumque reperiebantur.

35) Concludit poeta: insipienter facere villicum dum urbem optat, cum ruri aptus, non urbi, sit. Et pro hoc dicit: sic etiam desiderant boves tardi equorum velocium phaleras; et vicissim equi, boum aratra. Ego vero auctor, esse omnibus vellem, ut ejus quisque artis peritus est, in ea se occupet libens. Uterque, refertur ad equum et bovem.

monium Valam, quem quidam legatum, Vari, a Germanis caesi, dicunt, quive ut ipsius epistolae argumentum clare prodit, non ultimus familiarium Horatii fuerat. Poeta nimirum, suadente medico Musa Antonio, lavandi causa non Bajas, sed Veliam et Salernum profecturus, hunc suum amicum Valam de aëris in his duobus oppidis temperie, de hominum, qui ibi vivant, moribus et ingenio; denique de via eo ducente, atque de victu et annonae vilitate percontatur. Se autem hoc facere ait propterea, quod, licet quolibet, etiam vilissimo, victu contentus sit; attamen meliori etiam, et lautiori, si hujus facultas sibi data sit, libenter omnino utitur; hocque exemplo Maenii facete illustrat.

Quae¹⁾ sit hiems Veliae²⁾, quod coelum, Vala, Salerni, Quorum hominum regio, et qualis via; (nam³⁾ mihi Bajas Musa⁴⁾ supervacuas Antonius, et tamen illis⁵⁾ Me facit invisum, gelida cum perluor undā Per⁶⁾ medium frigus. Sane⁷⁾ murteta relinqui, Dictaque cessantem nervis elidere morbum;

1) Oratio, duabus longioribus parenthesisibus interrupta, usque ad v. 25. progreditur. Sensus orationis, paulo molestius junctae, inchoandus est a versu 25. Par est te nobis scribere, id est: aequum, o Vala, est, ut tu roganti mihi scribas, quales esse hiemes soleant apud Veliam, et quale coelum Salernitanum; qua indole, et quibus moribus indigenae sint utrobique, et qualis sit via illuc ducentis; et ego tibi scribenti credam, id est, illis, quae tu mihi scripseris, consentaneum consilium capiam.

2) Velia et Salernum sunt Italiae extremae oppida maritima. Salernum quidem in sinu Paestano, qui Puteolanum sinum proxime sequitur, inter Campaniam et Lucaniam; Velia vero in ipsa Lucania prope promontorium Palinurum.

3) Sensus: nam Bajas sive thermas valetudini meae non convenire, me docuit medicus, Antonius Musa, et quamvis non mea, sed medici auctoritate utor balneis frigidis, tamen id aegre ferunt Bajarum incolae.

4) Antonius Musa, medicus, Romae et in tota Italia celebris factus, ex quo a. u. 731. Augustum gravi morbo explicuit lavaeris et potionibus frigidis, ob quam curationem multam ab Augusto pecuniam, et multam a Senatu accepit, cum jure annuli aurei, quod ante non habebat, quia libertus erat. Idem ille Horatio suaserat, Bajas ante adire solito, ut frigidis aquis ac marinis uteretur. Itaque Horatius sollicitè de Velia et Salerno, maritimis oppidis, inquit.

5) Illis, id est, Bajanis aquis me facit invisum; nempe oderunt me Bajanum, quod Antonius mihi suaserit frigida balnea, cum prius semper thermis Bajanis usus fuero. De Bajas vide L. II. od. 15. not. 21.

6) Per medium frigus, id est, hieme.

7) Sensus et ordo: profecto, vicus Bajanus, id est, Bajarum incolae,

Sulphura contemni, vicus gemit, invidus aegris,
 Qui caput et stomachum supponere⁸⁾ fontibus audent
 Clusinis⁹⁾, Gabiosque petunt, et frigida rura.
 Mutandus¹⁰⁾ locus est, et diversoria nota
 Praeteragendus equus: quo tendis! non mihi Cumas
 Est iter, aut Bajas, laeva stomachosus habena
 Dicit eques: sed equi frenato est auris in ore.)
 Major¹¹⁾ utrum populum frumenti copia pascat;
 Collectosne bibant imbres, puteosne perennes
 Jugis aquae: (nam vina nihil¹²⁾ moror illius orae:
 Rure¹³⁾ meo possum quidvis perferre patique:
 Ad¹⁴⁾ mare cum veni, generosum et lene requiro,
 Quod curas abigat, quod cum spe divite manet

murteta, id est, myrteta sua, loca myrtis consita, relinqui, et aquas sulphureas, quae jactabantur nervis elidere, id est, depellere morbum cessantem, raro intermittentem, nempe arthritidem vagam, contemni gemunt, vere dolent, invidentes, id est, indignantes aegris, balnea frigida alibi petentibus.

8) Supponere; aquae enim non tantum bibebantur, sed etiam aegris partibus, capite, humeris et stomacho excipi solebant, profluentis e fonte suo.

9) Clusium est Etruriae oppidum; Gabii autem fuere vicus Latinorum; in ambobus locis balnea erant frigida, ideo vocat illa frigida rura.

10) Sensus: interim tamen parendum est medico, mutanda sunt balnea. Facete autem Horatius jam animo sibi fingit instans iter, atque continuat: et si forte equus viam dextrorsum Bajas aut Cumas ducentem ob nota sibi in hac via diversoria transire nolet, ego, eques stomachosus, iratus, dicam: quo tendis? non mihi Cumas est iter, aut Bajas, non quidem verbis, sed habena laeva, id est, sinistrorsum equum flectente dicam; non audit enim equus, sed equi auris est in freno, h. e. equus non verbis, sed freno parat. Nota: Capuam et Neapolim a Roma proficiscentibus, et inde Veliam ac Salernum euntibus, sinus et vicus Bajanus ad dextram est

11) Pergit Horatius quaestiones proponere, ad quas Valam ipsi respondere par sit. Confer not. 1. Sensus: scribe mihi porro, utrum incolae Veliae et Salerni majori copia frumenti gaudeant, id est, utrum tractus ille feracior sit frumenti? bibantne aquas in cisternis collectas, an ex puteis hauriant perenni fluxu scaturientes? Jugis aquae, pro, jugiter promanantis aquae fontanae.

12) Nihil moror, id est, non curo, vina illius regionis non aestimo, ac proinde facile iis carere possum.

13) Sensus: didici quidem in villa mea tolerare quidvis, id est, qualibet re, quolibet vili victu et vino contentus esse; modo mihi e perennibus, jugis, aquae fontibus bibere liceat. Per, quidvis, intelligit quidem Horatius omnem victum viliozem, quem non recuset rure vivens, nominatim tamen ut doceat sequentia, regionis illius vinum, quo se haud invitum abstinere ait.

14) Sensus: sed ubi ad mare descendero, ubi in Veliam sive Salernum, loca maritima in Lucania, profectus fuero, generosum et lene, id est, suave,

In venas animumque meum, quod verba ministret,
 Quod me Lucanae juvenem commendet amicae:)
 Tractus¹⁵⁾ uter plures lepores, uter educet apros:
 Utra magis pisces et echinos aequora celent,
 Pinguis ut inde domum possim Phaeaxque¹⁶⁾ reverti;
 Scribere¹⁷⁾ te nobis, tibi accredere, par est.
 Maenius¹⁸⁾ ut, rebus maternis atque paternis
 Fortiter absumtis, urbanus coepit haberi;
 Scurra vagus¹⁹⁾, non qui certum²⁰⁾ praesepe teneret,
 Impransus²¹⁾ non qui civem dignosceret hoste,
 Quaelibet in quemvis opprobria fingere saevus,
 Pernicies²²⁾ et tempestas barathrumque macelli,
 Quicquid²³⁾ quaesierat, ventri donabat avaro.
 Hic²⁴⁾ ubi nequitiae fautoribus et timidis nil,

tantum vinum bibam, quod curas abigat, quod influens in venas animum mihi bona spe compleat, quod me facundum reddat, et quod me, senem licet, Lucanis puellis et feminis, ac si essem juvenis, juvenili amoenitate gratum efficiat. Manare, idem ac, fluere.

15) Pergit hic iterum poeta interrogare. Sensus: scribe insuper, ubi sit major leporum et aprorum copia, an in tractu, sive regione Veliae, an Salerni? in utro mari plures pisces et echini delitescant, ut similis Phaeacibus pinguis et obesus inde domum redire possim. Echini sunt pisciculi e genere cancerorum, pilis quibusdam, ut spinis, obsiti. Vide L. II. sat. 4. not. 25.

16) Phaeaces erant molles et voluptuarii populi insulae Corcyrae, eorum rex Alcinous. Vide supra Epist. 2. not. 29.

17) Vide supra hujus Epist. not. 1.

18) Horatius jam L. I. sat. 1. vers. 101. et sat. 3. vers. 2. Maenium ut vappam et nebulonem produxit. Ut, idem ac, postquam. Rebus maternis, id est, bonis a patre et matre haereditate acceptis. Fortiter absumtis, id est, strenue, impigre profusus. Urbanus coepit haberi, id est, facetus homo, risum movens ad captandas divitum in urbe mensas factus est.

19) Vagus, nulli certae mensae addictus.

20) Certum praesepe, domum statim et certam, ubi ad cubaret mensae.

21) Sensus: qui impransus, id est, jejunos adeo saevus fuit, ut in cives perinde ac si hostes fuissent, saeviret, non amicum ab inimico dignosceret, quemvis contumeliosis verbis peteret.

22) Sensus: qui omnia esculenta, quae in Macello venduntur, unis devorabat; propterea dicitur pernicies, tempestas et barathrum seu vorago omnia obsorbens totius Macelli. In Macello autem venibant res, quae vescendi causa in urbem adferebantur, praecipue autem pisces, et caro animalium.

23) Sensus: qui, quicquid demum collegerat, lucrificerat sua scurrilitate, in ventrem avidum conjiciebat, abliguriebat.

24) Sensus: hic idem Maenius, ubi ab iis, qui hanc illius nequitiam seu luxuriam alebant et fovebant, timentibus, ne sibi deesset, quod donarent, aut nihil aut parum acceperat; contentus erat cibis vilissimis, v. g. omaso, (omasum autem sunt intestina pecudum) praeterea vili carne agnina; et

Aut paulum abstulerat, patinas coenabat omasi,
 Vilis et agninae, tribus ursis quod satis esset;
 Scilicet ut ventres lamna candente nepotum
 Diceret urendos, corrector Bestius²⁵⁾. Idem²⁶⁾
 Quicquid erat nactus praedae majoris, ubi omne
 Verterat in fumum et cinerem: Non hercule miror,
 Ajebat, si qui²⁷⁾ comedunt bona; cum sit obeso²⁸⁾
 Nil melius turdo, nil vulvā pulchrius²⁹⁾ amplā. *ulcus b. h. m.*
 Nimirum³⁰⁾ hic ego sum; nam tuta et parvula laudo,
 Cum res deficiunt, satis inter vilia fortis:
 Verum ubi quid melius contingit et unctius³¹⁾, idem
 Vos sapere, et solos³²⁾ ajo bene vivere, quorum
 Conspicitur nitidis fundata pecunia villis.

Epistola XVI.

A d Q u i n c t i u m .

Argumentum et occasio.

Cum accepisset Horatius, Quinctium quaedam de suo
 Sabino praedio sciscitatum esse maligno animo et contem-

quidem tanta copia his vescebatur, ut tribus ursis suffecissent patinae, quas
 exhauriebat; et simul tamquam corrector Bestius, id est, tamquam homo
 sapiens et jam emendatus, qui omnem luxuriam summopere odisset, dicebat,
 nepotum, dissolutiorum, helluonum ventres urendos esse lamina et ferro
 candenti, ut poenam intemperantiae suae luerent.

25) Bestius videtur fuisse homo avarus, qui nepotes et prodigos acer-
 bissime tractandos censebat.

26) Sensus: idem tamen Maenius, cum in praedam majorem incididerat,
 postquam momento omnia in fumum cineremque converterat, id est, decoxe-
 rat, absumserat.

27) Id est: esse homines, qui laute vescendo suas opes male perdant.

28) Obeso, id est, pingui.

29) Nihil pulchrius, id est, nihil suavius vulva suilla satis magna, scilicet
 ventre et mamillis porcae, mensarum tunc deliciis.

30) Talis etiam ego sum, nempe Maenio simillimus, quod ad animum,
 utriusque sorti sese accommodantem, adinet; nam, cum res deficiunt, pau-
 peris sortem, ut tutiorem divitis sorte, laudo, et in vili ac tenui victu me vi-
 rum fortem ac sapientem praesto, satis fortiter absentes delicias contemno.

31) Unctius, pro: lautius.

32) Sensus: solos eos felices praedico, quibus in villa pulchre exstructa
 vitam transigere licet, unde magni fructus et proventus percipiuntur; unde
 census, in praediis et agris fundatus, est certior et tutior.

tim; ipse injuriam epistola ista ulturus, post veras villae suae
 laudes expositas, in mores Quinctii vicissim inquirat satyricè,
 dubiumque facit, num ille adfectata virtutis specie homini-
 bus imponat, sapientiam simulans, cum intus vitiiis suis om-
 nino non careat. Ille enim, philosophatur porro, non est vere
 bonus vir, qui externa tantum specie leges observat, servo
 similis, qui ob metum poenarum nihil sceleris committit.
 Quia vero Quinctium fortassis etiam avaritiae macula adspersum
 sciverat poeta, in specie ad hoc vitium in amico carpendum
 transit, illoque laborantem, in quem habendi cupiditas
 dominetur, vere servum, ac ideo inter sapientes ac bonos ne-
 quaquam numerandum esse, ostendit. Concludit ultimo: is
 enim tantum vere bonus et sapiens est, qui humana omnia
 vitamque ipsam contemnit.

Ne¹⁾ perconteris, fundus meus, optime Quincti²⁾,
 Arvo³⁾ pascat herum, an baccis opulentet⁴⁾ olivae,
 Pomisne⁵⁾ an pratis, an amicta vitibus ulmo:
 Scribetur⁶⁾ tibi forma loquaciter, et situs agri.
 Continui⁷⁾ montes, nisi dissocientur opaca
 Valle; sed ut veniens dextrum latus adspiciat sol,
 Laevum decedens curru fugiente vaporet.
 Temperiem⁸⁾ laudes. Quid⁹⁾? si rubicunda benigne

1) Ne perconteris, id est, noli inquirere.

2) Quinctus Hirpinus, ad quem etiam directa est L. II. od. 8. vide hu-
 jus arg. Gens Quinctia nobilis erat apud Romanos.

3) Arvo pascat, id est, utrum villa mea frumento in agris collecto do-
 minum alat?

4) Opulentet, pro: opulentum, divitem reddat.

5) An pomis, an pratorum proventibus, an vero ulmis vitibus circumda-
 tis; ulmi enim ei praecipue inserviebat usui, ut vites cum earum trunco
 jungerentur. Vide etiam L. II. od. 12. not. 5.

6) Sensus: ego ipse tibi describam fusius praedii formam et situm.

7) Continui, id est, ambiunt illud ex omni parte montes continua se-
 rie, nisi essent separati valle umbrosa, ita tamen, ut ejus dextrum latus sol
 oriens collustret, adspiciat, sinistrum vero occidens vaporet, id est, calefa-
 ciat. Sol enim occidens curru suo fugere dicitur a poetis.

8) Coelo utitur ita temperato, ut merito eam ob rem laudari debeat.

9) Sententia est: quid autem, si addidero, vel ipsos vepres cornorum
 illic atque prunorum abunde feraces existere, quercus vero et ilices pecori
 pastum, hero umbram praebere liberaliter? putes pulchrum Tarentum pro-
 pium huc ad nos accessisse cum jucundissima sua viriditate. Tarentum porro
 est urbs in Calabria, Italiae extrema parte ad meridiem non procul Brun-
 dusio; et Tarentinam regionem refert Horatius ad amoenissimas Italiae regiones.

Corna vepres et pruna ferant? si quercus et ilex
 Multa fruge pecus, multa dominum iuvat umbra? 10
 Dicas adductum propius frondere Tarentum.
 Fons ¹⁰⁾ etiam, rivo dare nomen idoneus, ut nec
 Frigidior Thracam, nec purior ambiat Hebrus ¹¹⁾,
 Infirmo capiti fluit utilis, utilis alvo.
 Hae ¹²⁾ latebrae dulces, et jam, si credis, amoenae, 15
 Incolumem tibi me praestant Septembribus horis. —
 Tu ¹³⁾ recte vivis, si curas esse, quod audis:
 Jactamus jam pridem omnis te Roma beatum.
 Sed ¹⁴⁾ vereor, ne cui de te plus, quam tibi credas;
 Neve putes alium ¹⁵⁾ sapiente bonoque beatum; 20
 Neu, si te populus sanum recteque valentem
 Dictitet, occultam febrem sub tempus edendi
 Dissimules, donec manibus ¹⁶⁾ tremor incidat unctis.
 Stultorum ¹⁷⁾ incurata pudor malus ulcera celat.

10) Sensus: adest etiam fons tam copiose fluens, ut rivi nomen possit statim accipere, gelidus adeo et purus, ut nec frigidiores aut puriores aquas Hebrus circa Thraciam volvat; sanandis capitis doloribus et ventris idoneus, utilis. Hunc fontem, Blandusiam, sive Bandusiam, laudavit Horatius L. III. od. 9.

11) Hebrus fuit nomen fluvii in Thracia, regione ad septemtrionem maris Aegaei sita.

12) Sensus: his ego latebris non suaviter modo, sed quod vix forte credas, magna cum voluptate me abdo, tibique sanus servor auctumni tempore. Autumni tempus Romae insanum, morbos adeo et mortem copiose adferre credebatur. Vide L. II. sat. 6. vers. 19. et Epist. 7. not. 5.

13) Sensus: quod ad te attinet, tu quidem vitam agis beatam, si talis esse revera curas, qualis putaris; jam dudum enim tota Roma felicem te praedicat.

14) Sensus: sed vereor, ne aliorum de te plus, quam tuo ipsius iudicio credas (quia probe scis, te non esse eum, qui vulgo esse diceris) vereor porro, ne alium, quam eum, qui sapiens et bonus sit, beatum habeas; vereor denique, ne, licet omnes te sanum esse et bene valere dictitent, reapse tamen aegrotas, vel plane similis sis ei aegrotis, et guloso, qui febrem sub edendi tempus, ne cibi sibi denegentur, occultat, donec febris, cum manus tremere incipiunt, prodatur. Ex hoc loco haud vulgarem Horatio cum Quinto intercessisse amicitiam, satis certe colligi potest. Quis enim sumat sibi cuiquam, nisi intimo amico, dicere vel scribere: tu non es is, qui esse diceris, tu vitia tua, sicut aegrotus febrem, dissimulas.

15) Alium sapiente, id est, diversum a sapiente, alium, quam sapientem, v. g. divitem.

16) Manibus unctis, ob tractatos cibos.

17) Sensus: stulti nimirum mala sua, occultantes pudore noxio, curare negligunt. Incurata, id est, quibus nihil adhibent curationis et medicinae, quia vitioso pudore ducti ea celant ac dissimulant.

Si ¹⁸⁾ quis bella tibi terra pugnata marique 25
 Dicat, et his verbis vacuas permulceat aures:
 „Tene magis salvum populus velit, an populum tu,
 Servet in ambiguo, qui consulit tibi et urbi,
 Jupiter;” Augusti laudes agnoscere possis?
 Cum ¹⁹⁾ pateris sapiens emendatusque vocari, 30
 Respondesne tuo, dic sodes, nomine? — Nempe ²⁰⁾
 Vir bonus et prudens dici delector ego, ac tu.
 Qui ²¹⁾ dedit hoc hodie, cras, si volet, auferet; ut, si
 Detulerit fasces ²²⁾ indigno, detrahet idem.
 Pone ²³⁾, meum est, inquit; pono, tristisque recedo. 35
 Idem, si clamet ²⁴⁾ furem, neget esse pudicum,
 Contendat laqueo ²⁵⁾ collum pressisse paternum;
 Mordeat ²⁶⁾ opprobriis falsis, mutemque colores?
 Falsus ²⁷⁾ honor juvat, et mendax infamia terret,
 Quem, nisi mendosum et medicandum? Vir ²⁸⁾ bonus est quis? 40

18) Sensus: si quem narrantem, celebrantem audires bella a te terra et mari gesta, qui tibi aures vacuas, id est, adulationibus patentes, his verbis delentia: Jupiter, qui tibi et urbi consulit, qui te et urbem amat, hoc semper incertum esse velit, an tu sis populo Romano carior, an populus Romanus tibi! certe facile intelligere posses, non te his verbis, sed Augustum laudari. Cum vero sis sapientem et perfectum appellari, dic amabo, tuone nomine respondes? id est, respondesne ita, ac si tibi hoc proprie dictum sit, et non alteri?

19) Cum pateris sapiens emendatusque vocari; Graece pro: cum pateris te sapientem emendatumque vocari.

20) Sensus: dices fortasse: Certo nos ambo, ego et tu, viri boni et prudentes vocari amamus.

21) Responsio: Verum qui hodie hujusmodi adpellatione sine nostro merito nos donat, eam cras, si libuerit, iterum nobis adimet; quemadmodum, si immerenti Magistratum populus detulerit, idem ipse cras iterum adimet eum.

22) Fasces, pro Magistratu; signum pro re.

23) Deponere, inquam populus hic, hos fasces, mei sunt, iste honor mihi debetur; et illico depono, atque moerens discedo.

24) Si clamet, id est, si adcauset me idem populus furti, impudicitiae, et parricidii.

25) Colum pressisse laqueo paternum, id est, patrem occidisse.

26) Sensus: anne movebor forte fictis criminibus? anne colorem vultus mutem, expallescam et rubescam eapropter? Adde: neutiquam sane, quia non sum mihi conscius istorum scelerum.

27) Sensus et ordo: quemadmodum itaque ignominia ficta neminem terret, nisi vitiosum, qui conscius est, ita etiam honor falsus, gloria immerita neminem delectat, nisi medicandum, id est, insanum, stultum, helleboro curandum.

28) Sensus: quod si interrogetur: Quis ergo vir bonus est? responsum communiter accipies: Ille vir bonus est, qui religiosus est observator se-

Qui consulta ²⁹⁾ patrum, qui leges juraque servat;
 Quo multae magnaeeque secantur iudice lites;
 Quo res sponsore, et quo causae teste tenentur.
 Sed videt hunc omnis domus et vicinia tota
 Introrsus ³⁰⁾ turpem, speciosum pelle decora. ⁴⁵
 Nec furtum feci, nec fugi; si mihi dicat
 Servus: Habes ³¹⁾ pretium, loris non ureris, ajo.
 Non ³²⁾ hominem occidi: Non pasces in cruce corvos.
 Sum ³³⁾ bonus et frugi: Renuit negitatque Sabellus.
 Cautus ³⁴⁾ enim metuit foveam lupus, accipiterque ⁵⁰
 Suspectos laqueos, et opertum milvius ³⁵⁾ hamum.
 Oderunt ³⁶⁾ peccare boni virtutis amore:
 Tu nihil admittes ³⁷⁾ in te formidine poenae:
 Sit spes ³⁸⁾ fallendi, miscebis sacra profanis:

natus - consultorum, et legum omnium; cujus arbitrio dirimuntur plurimae gravesque controversiae; quo sponsonem faciente, et quo teste secantur, deciduntur, obtinentur causae et lites.

29) Senatus Consultum dicebatur quodvis decretum, a senatu legis auctoritate sancitum; quodsi vero legi cuidam, de qua referebatur in senatu, aliquis, cui intercedendi jus competeat, contradixisset, ea tantum senatus auctoritas dicebatur. Reliqua vide in Antiquit.

30) Introrsus turpem, id est, intus in animo esse turpissimum, domesticis vitiis et libidinibus infamem, solaque extrinsecus pelle pulchrum et honestum videri; specie tantum virtutis et honestatis eum fulgere subintelligit: hic igitur certe vir bonus esse nequit. Omnis domus, id est, tota familia.

31) Sensus: respondeo illi: Mercedem inde habes tuam, nempe, non ureris non caederis flagellis, non vapulas.

32) Nexus sententiarum: si dixerit idem servus: non etc. Respondeo: Propterea non ageris in crucem, ut ibi corvos pascas.

33) Verba servi prius inducti: Sum itaque vir bonus et virtute conspicuus. Hoc verum esse plane nego. Suavissime Horatius vocat se Sabellum, ob praedium suum, ubi frequentissimus erat, quasi, qui rure vivunt, liberius et apertius loquantur.

34) Addit nunc rationem, cur illum, qui non est fur, non homicida etc. hominem bonum esse negarit: quia nempe non amore virtutis, sed metu poenae a sceleribus abstinet. Poëta hoc tractat per comparationes cum lupulo, qui foveam timet et ab ea sibi cavet; cum accipitre, qui laqueos, et cum milvio, qui hamum tectum metuit.

35) Milvius; non rapax tantum avis e genere accipitrum; sed rapax quoque piscis nomen gerit milvii, qui volanti similis praedae captandae causa supra mare se attollere dicitur. Hamum opertum, id est, tectum, absconditum esca.

36) Sensus: quicumque boni sunt, vitant vitia et culpas virtutis studio.

37) Nihil admittes; id est, nihil sceleris committes.

38) Sit spes fallendi, id est, detur tibi latendi spes; si speras fore, ut

Nam ³⁹⁾ de mille Fabae modiis cum surripis unum, ⁵⁵
 Damnum est, non facinus, mihi pacto lenius isto.
 Vir bonus ⁴⁰⁾, omne forum quem spectat et omne tribunal,
 Quandocunque Deos vel porco, vel bove placat,
 Jane ⁴¹⁾ pater, clare, clare, cum dixit, Apollo,
 Labra movet, metuens audiri: Pulchra Laverna ⁴²⁾, ⁶⁰
 Da mihi fallere, da justo sanctoque videri;
 Noctem peccatis, et fraudibus objice nubem.
 Quis ⁴³⁾ melior servo, quis liberior sit avarus,
 In triviis fixum cum se demittit ob assem,
 Non video: nam ⁴⁴⁾ qui cupiet, metuet quoque; porro ⁶⁵
 Qui metuens vivet, liber mihi non erit unquam.
 Perdidit ⁴⁵⁾ arma, locum virtutis deseruit, qui

lateas, non detegaris, tunc perinde res sacras violabis et profanas, nihil inter utrasque discriminis pones.

39) Sensus: cum enim ex mille Fabae modiis unicum furto mihi tollis, minore quidem damno me adfacis, peccati tamen te nihilo minoris reum existimo, quam si omnes surriperes; nam omnia peccata sunt aequalia: ita Stoici contendunt, quos hic Horatius sequitur. Porro non alloquitur his poeta ipsum Quinctium, sed unum e multis; secunda enim persona pro tertio saepe sic usurpatur.

40) Sensus: bonus ille vir opinione vulgi, non reipsa; qui nempe nihil sceleris non admittat, si speret clam fore; quem omne forum, id est, omnis populus, et omne tribunal, id est, cuncti magistratus spectant, admirantur, quoties porcum aut bovem Diis immolat; postquam clara et alta voce intonavit suum: O Jane pater! aut, o Apollo! labra vix movet, timens, ne audiat, cum subjicit: Pulchra Laverna, fac, quae so, ut fallam, et nihilo minus justus et sanctus videar; absconde tenebris mala, quae ago, et fraudes meas involve nube.

41) Janus, ut Deus, tam toto anno, quam unoquoque die rebus suscipiendis favens, invocabatur. Vide L. II. sat. 6. v. 20. not. 23. De Apolline vide Mythol.

42) Laverna erat furum Dea, quibus amica nox, fraudibus apta et latrociniis.

43) Sensus et ordo: non video, qua ratione avarus, qui se ob assem, in triviis fixum, demittit, servo melior et liberior sit. Faciant hoc ipsum homodie pueri astute improbi, cum vel adulterinum nummum, vel aliud quiddiam specie bonum, sed reipsa inutile, in vicos projiciunt, ad quod tollendum cum se demittere transeuntes conspexerint, rident.

44) Sensus: qui enim pecuniae cupiditate laborat, cruciabitur ejusdem amittendae metu, qui autem vivit in metu, eum liberum nunquam putabo.

45) Sensus: Ille non est recensendus inter homines probos, et virtute praeditos, qui avarus est. Metaphora sumitur a militia, in qua milites nequam, et desertores abijciunt arma; locum et stationem, sibi destinam a duce, deserunt. Dux vitae virtus est, ea locum unicuique suum adsignat etc. Perdidit, id est, abiecit arma, quibus contra vitia, nominatim, contra avaritiam

Semper in augenda festinat et obruitur re.

Vendere ⁴⁶⁾ cum possis captivum, occidere noli;

Serviet utiliter: sine pascat durus, aretque; ⁷⁰

Naviget, ac mediis hiemet mercator in undis;

Annonae prosit; portet frumenta penusque.

Vir ⁴⁷⁾ bonus et sapiens audebit dicere: Pentheu ⁴⁸⁾,

Rector Thebarum, quid me perferre patique

Indignum coges? Adimam ⁴⁹⁾ bona. Nempe ⁵⁰⁾ pecus rem, ⁷⁵

Lectos, argentam: tollas licet. In ⁵¹⁾ manicis et

Compedibus saevo te sub custode tenebo. —

Ipse ⁵²⁾ Deus, simul atque volam, me solvet. Opinor ⁵³⁾,

Hoc sentit; Moriar; mors ultima linea rerum est.

pugnari debet; per arma intellige virtutis praecepta. Locum virtutis deseruit, id est, locum, ubi virtus exerceri debet, deseruit homo avarus, qui divitiis semper augendis insudat, et rei pecuniariae negotiis, vel pecuniae acervo obruitur.

46) Facete hic avarus, ut desertor virtutis et servus pecuniae, vocatur captivus, captivi autem tam vendi, quam occidi poterant. Sensus: interim hunc captivum noli occidere, sed vende illum potius. Addit nunc rationes, ex quibus captivo nostro parcendum sit: Non enim inutilem hero navabit operam; laboris patiens pecora pascat, et terram aret; imponatur in navem, et merces convehens hieme tota in mari sit; annonam augeat, frumenta convehat et cetera ad vitam necessaria.

47) Jam definit nunc poeta, quis vere dicendus sit vir bonus, nempe qui humana omnia, vitamque ipsam contemnit. Nexus sententiarum: longe aliter res se habet, cum viro vere bono et sapiente, is enim vim sibi allaturo sine omni timore audebit dicere, quod captivus vinculusque Bacchus Pentheo dixerat.

48) Pentheus, filius Echionis, et Thebarum rex, qui fingitur Deorum contemtor, et nominatim Bacchum tyrannice vexasse. Hic tamen nullis terribus malis aut minis, ostendit, qualem esse oporteat virum, qui bonus revera sit, nempe infractum animo ad quaevis mala; quique nullius quantumvis magni commodi spe, aut incommodi metu desciscat a virtute ad vitium.

49) Adimam bona sunt verba Penthei.

50) Responsum vere boni viri seu Bacchi.

51) Minae Penthei. Sensus: vinculis tibi manus et pedes constringam.

52) Respondet vir bonus, sive Bacchus. Per Deum intellige Jovem, Bacchi et omnium virtutem colentium pater. Per Bacchum autem non est intelligendus ebrietatis et vinolentiae Deus; sed ille omnis ordinatae laetitiae praeses, qualem veteres coluere. Vide Myth.

53) Sensus: hoc credo intelligit: Mortem mihi consciscam, postquam nihil aliud restat. Ultima linea rerum, ultimus peracti cursus terminus, meta, calx, rerum humanarum finis. Sumtum est a Circo vel stadio, in quo locus, ubi desinit, vocabatur linea, quia ducta linea designabatur.

A d S c a e v a m.

Argumentum.

Haec et sequens epistola ejusdem fere sunt argumenti, ambae enim regulas et praecepta vitae tradunt pro iis, qui favore alicujus magni viri, ut Horatius Maecenatis, gaudent, vel illum inire cupiunt. In hac vero scribens Horatius ad Scaevam, qui in flore aetatis ad familiaritatem potentiorum adspirasse videtur, de artibus, quibus rem non periculosam minus quam arduam consequi possit, eum, qui rem aliquam strenue et prudenter peragat, multo potiore esse illo, qui illius suscipiendae et tentandae molestiam fugiat. Ipsemet quidem, ait, tibi satis prudens esse videris, attamen et meum consilium non aspernaberis. Habet certe vita privata suas amoenitates, sed et potentiorum gratia et familiaritas suis non caret commodis. Inducens hanc in rem Aristippi et Diogenis litem, illius vitam in Aula Dionysii potiore vita sordida hujus esse, demonstrat. In captanda vero divitum gratia strenue quidem agendum, ast et prudentia, ab omni importunitate remota, opus esse docet, quod in fine adhuc exemplo importuni mendicis atque impostoris confirmat. Horatii amicus, Scaeva, videtur quibusdam filius ejus Cassii Scaevae, quem virum fortem laudat Jul. Caesar. B. C. III. 53.

Quamvis ¹⁾, Scaeva, satis per te tibi consulis, et scis, Quo tandem pacto deceat majoribus ²⁾ uti; Disce ³⁾, docendus adhuc, quae censet amicus, ut si ⁴⁾ Caecus iter monstrare velit; tamen ⁵⁾ adspice, si quid Et nos, quod cures proprium fecisse, loquamur. Si ⁶⁾ te grata quies, et primam ⁷⁾ somnus in horam

1) Sensus: etsi satis tibi sit consilii et prudentiae; etsi tua ipsius prudentia satis tibi consilii suppetat.

2) Id est: qua ratione se gerere erga ditiores; agere, versari cum potentioribus oporteat.

3) Nexus: ne dedignare tamen accipere, audire etc. Amicus, Horatius nempe.

4) Ut si, ac si; licet quasi caecus iter tibi monstrare velim.

5) Sensus: vide nihilominus, an ego etiam aliquid dicam; quod proprium tibi facere, in usum tuum convertere velis.

6) Sensus: si sectari vis ea, quae animo tuo grata et jucunda sunt,

Delectat; si te pulvis strepitusque rotarum,
 Si laedit caupona; Ferentinum⁸⁾ ire jubebo.
 Nam neque divitibus contingunt gaudia solis;
 Nec vixit male, qui natus moriensque fefellit⁹⁾ 10
 Si prodesse tuis, pauloque benignius¹⁰⁾ ipsum
 Te tractare voles, accedes siccus¹¹⁾ ad unctum¹²⁾.
 Si¹³⁾ pranderet olus patienter, regibus uti
 Nollet Aristippus¹⁴⁾. Si sciret regibus uti,
 Fastidiret olus, qui me notat. Utrius¹⁵⁾ horum 15
 Verba probes et facta, doce; vel junior audi,
 Cur sit Aristippi potior sententia; namque
 Mordacem Cynicum¹⁶⁾ sic eludebat, ut ajunt:

quietem et dulce otium; vitare autem ea, quae tibi ingrata et molesta sunt, vehiculorum in urbe strepitum, excitatum pulverem, clamores in cauponia, age, secede in Ferentinum; non solis enim divitibus concessa est voluptas, quae in locis amoenis percipitur, non divites soli vitam felicem et beatam degunt. At si familiae tuae rationibus consulere, et tuum ipsius simul corpus mollius curare voles, age, concilia tibi divitem, apud quem lautius vivitur.

7) Primam in horam, id est, usque ad ortum solis; Romani enim diem et noctem 24 horis definiunt, ab ortu solis numerare incipiebant primam, secundam etc.

8) Ferentinum, parvum et infrequens apud Hernicos in Italia oppidum.

9) Fefellit, latuit, obscurus et ignotus fuit. Sensus: neque miseri sunt, qui et in vitam veniunt sine strepitu, et etiam ab illa abeunt, ut nemo neque ad nascentem, neque ad mortuum advertat.

10) Benignius: referendum est in primis ad largiorem epularum copiam.

11) Siccus, pauper, jejunos.

12) Ad unctum, divitem, sumtuosum.

13) Sunt haec verba Diogenis, quibus exprobrabat Aristippo, quod mensam regum, id est, divitum captaret: si posset Aristippus contentus esse oleribus, id est, tenui mensa, nollet uti regibus, h. e. careret mensa et familiaritate nobilium. Respondebat illi Aristippus: Tu, qui me notas et carpis, o Diogenes, non vesceris oleribus, si artem scires versandi cum regibus, quam quia ignoras, domi te cum tuis oleribus contines. Diogenes Synopaeus, philosophus Cynicus, qui opes contempsit, et mendicans libere carpebat errantes, et nulli adulabatur.

14) Aristippus Cyrenaicus, auditor Socratis, hic voluptatem statuit esse summum bonum, et in aula Dionysii Syracusani versatus est; quare Diogenes eum vocavit, regium canem.

15) Sensus: tu dic, utrius horum tibi verba et mores magis probentur? vel cum sis me aetate minor, intellige, cur Aristippi sententiam praeferebam existimem? Nam mordacem maledicum Cynici dentem sic effugiebat, h. e. ad maledica Cynici verba haec respondebat.

16) Philosophi Cynici vocati sunt a Graeca voce, κυων, κυωνες, quae canem significat, quia insignis erat eorum impudentia et obtrectandi libido

Scurror¹⁷⁾ ego ipse mihi, populo tu: rectius¹⁸⁾ hoc et Splendidius multo est: equus ut me portet, alat rex, 20
 Officium facio: tu poscis vilia rerum
 Dante minor, quamvis fers te nullius egentem.
 Omnis¹⁹⁾ Aristippum decuit color, et status, et res,
 Tentantem majora²⁰⁾ fere, praesentibus aequum.
 Contra²¹⁾, quem duplici panno patientia velat, 25
 Mirabor, vitae via si conversa decebit.
 Alter²²⁾ purpureum non exspectabit amictum,
 Quidlibet indutus celeberrima per loca vadet,

qua omnes mordere, ut canes, videbantur. In iis praecipuus Diogenes fuit.

17) Sensus: ego, ut mihi ipsi prosim, scurram ago apud potentiores et ditiores, tu vero tua philosophica scurrilitate placere studes populo. False autem philosophum scurrari dicit.

18) Sensus: certe, multo aequius est hoc, imo et longe dignius: si fungor omni urbanitatis officio et munere, et rursus accipiam a potente ac rege, quibus ego, nempe victum, equum ad iter faciendum etc. Tu vero vilibus rebus contentus, petendo has demittis te infra eum, qui eas tibi dat, subministrat, quamvis profitearis, praedices, jactites, nullius rei te egere.

19) Nexus et sensus: in Aristippo mihi maxime placet hoc, quod se ad omnem fortunae ac vitae rationem accommodaverit. Color: externa fortunae species; vitae ratio, conditio. Res: opes, et census.

20) Tentantem majora, id est: nitentur ille quidem ad commodissima quaeque et amplissima, si posset; contentus idem tamen erat praesentibus et acquiescebat in tenui fortuna, si melior non adesset.

21) Sensus: at Cynicus, qui philosophica patientia pallio, e crassiore panno confecto, sese involvit, vix decenter, puto, ad fortunae quamdam mutationem sese accommodabit. Alii duplicem pannum accipiunt de pallio, quod super alterum humerum rejectum quasi duplicetur; sed adjecta vox, patientia, satis ostendit, sermonem esse de pallio corpori admodum gravi et molesto. Hinc duplex hoc loco idem, ac, crassior, densior. Vitae via conversa, id est, fortunae conditio mutata. Non decebit illum, pro: ille vix feret.

22) Alter, id est, Aristippus iter facturus, non desiderabit amictum splendidum, sed qualibet, vel vilissima veste indutus loca celeberrima peragrabit, et in utraque sorte, sive amictus pulcher et tenuis, sive vilis et crassus ei gestandus sit, partes suas apte sustinebit: at Cynicus chlamydem e lana pretiosa contextam, ut rem perniciosam et abominabilem fugiet, seque necari frigore sinet; nisi reddatur ipsi pallium suum. Reddatur illi ergo pallium, et vivat ineptus, id est, sinite illum ut hominem ineptum vivere. Ajunt nempe Aristippum, invitato Diogene ad balneas, dedisse operam, ut omnes prius egrederentur, ipsiusque pallium induisse, illique purpureum reliquisse; quod Diogenes cum inquirere nolisset, suum repetiit. Tunc Aristippus increpuit Cynicum, qui algere mallet, quam conspici in veste purpurea.

Personamque feret non inconcinnus utramque:
 Alter Mileti²³⁾ textam cane²⁴⁾ pejus et angue³⁰
 Vitabit chlamydem; morietur frigore, si non
 Retuleris pannum; refer, et sine vivat ineptus.
 Res²⁵⁾ gerere et captos ostendere civibus hostes,
 Attingit solium Jovis, et coelestia tentat.
 Principibus placuisse viris non ultima laus³⁵
 Non cuivis homini contingit adire Corinthum.
 Sedit²⁶⁾, qui timuit, ne non succederet: esto:
 Quid, qui pervenit, fecitne viriliter? Atqui
 Hic est, aut nusquam, quod quaerimus: hic onus horret,
 Ut parvis animis et parvo corpore majus:
 Hic subit et perfert. Aut virtus nomen inane est,
 Aut decus et pretium recte petit experiens²⁷⁾ vir.

23) Miletus urbs insulae Asiae, ubi pretiosissimae texturae panni fiebant.

24) Cane pejus et angue: proverbium, id est, vehementissime; canem autem rabiosum intellige.

25) Sensus: si magnum est et laude dignum, res praeclaras gerere, hostes bello captos per urbem in triumpho ducere; si hoc est proximum Jovi decus, et par coelestibus honor, id est, divinum quidpiam et coelestibus rebus simillimum; certe etiam non postrema, non contemnenda est laus et gloria, viris principibus placuisse, principum gratiam promereri; ea enim non omnibus contingit, quemadmodum paucis evenit, ut in Corinthi portum navem inoffensam provehant. Erat enim aditus in portum angustior, et periculosus. Adagium hoc, de difficili aditu Corinthi quidam etiam sic explicant: non cuivis, sed ditioribus tantum aditus ille obtingit, nemo enim urbem illam opulentissimam sine magnis sumtibus frequentare poterat. De Corintho vide L. I. od. 6. not. 4.

26) Continuatur hic allegoria: Qui de successu hujus itineris anxius atque sollicitus fuit, deses domi mansit; bene; sed quaero, an non ille, qui eo pervenit, fortiter egit, et ut virum se praestitit? Atqui ea, quae quaerimus, et assequi studemus, hoc ipso viriliter tentandi omnia studio, aut nusquam reperiuntur et impetrantur. Hic, id est, alius autem rei alicujus suscipiendae molestiam refugit, tanquam ei perferendae exiguae animi corporisque vires impares sint; et hic, id est, alius rem strenue adgreditur et peragit. Certe igitur aut virtutis vocabulo nihil significatur, aut gloriam et opes tamquam sibi debitas exigit, qui difficilia audet et experitur. His omnibus autem Horatius Scaevae commendat gravum studium, quo potentiorum colligenda sit gratia. Ac si diceret: Id agitur, id quaeritur, uter laude dignior sit, is qui principum amicitiam prudenter colit, aut ille, qui eam fugit. Patet certe illum, qui scit uti potentioribus, viriliter facere et fortius, atque adeo recte illi praemium et laudem deberi, quae virtuti debetur; nisi quis virtutem rem inanem esse putet, ac nullius fructus, nullius utilitatis, quod certe non sic se habet.

27) Experiens, qui rem tam difficilem, quam difficilis est amicitia principum, experiri et tentare audet, qui voti compos fit.

Coram²⁸⁾ rege sua de paupertate tacentes
 Plus²⁹⁾ poscente ferent: distat³⁰⁾, sumasne pudenter,
 An rapias; atqui³¹⁾ rerum caput hoc erat, et fons.
 „Indotata mihi soror est, paupercula mater,
 „Et fundus nec vendibilis, nec³²⁾ pascere firmus,”
 Qui dicit³³⁾ clamat: „Victum date:” succinit³⁴⁾ alter,
 „Et mihi dividuo findetur munere quadra.”
 Sed³⁵⁾ tacitus pasci si corvus posset, haberet
 Plus dapis, et rixae multo minus invidiaeque.
 Brundisium³⁶⁾ comes³⁷⁾ aut Surrentum ductus amoenum,

28) Nexus sententiarum: adde his etiam illud: Qui coram rege, id est, patrono suo divite etc.

29) Plus poscente, id est: plura obtinebunt et auferent a suo rege, quam is, qui aperte poscat, seque pauperem esse clamitet.

30) Distat, est discrimen aliquod, an pudenter, verecunde accipias dona, an vero rapias, id est, extorqueas importunis precibus.

31) Sensus: atqui in hoc vertitur ars illa, de qua hic agimus; hoc unum maxime necessarium est ad colendas potentiorum amicitias; haec est prima et praecipua causa colendi ditiorum gratiam, ut aliquid lucri faciamus; nempe, ut nihil, aut prudenter et modicum poscamus. Vulgo enim homines precum et querelarum, quas fundunt, formulis molestiam iis, a quibus petunt, creant. Et ejusmodi formula egregie ab Horatio, ad vulgarem precantium morem composita, statim subjicitur.

32) Id est, qui non sufficit ad me alendum. Nec vendibilis, quia emtor hujus agelli reperiri non potest.

33) Sensus: qui sic cum suo rege queritur: Habeo sororem nubilem, sed carentem dote etc. is idem facit, ac si clamitaret: aperteque posceret victum, pecuniam etc.

34) Nexus sententiarum et sensus: audit alter, et pariter clamat, rogatque secum dividi quadram. Munere dividuo, id est, ita, ut munus dividatur inter illum et me. Quadra est frustum panis vel plantae in formam quadri decimum.

35) Altos clamores, quos corvi, quibus esca contingit, excitant, comparat cum importuna precantium vociferatione, id enim unice in hac comparatione spectandum est. Fingit autem Aesopus corvum gestientem, quod caseum reperisset, ab avibus supervenientibus, orta de caseo rixa mulctatum, et parte dapis spoliatum fuisse.

36) Brundisium, Apuliae oppidum maritimum. Surrentum, Campaniae oppidum ad sinum Puteolanum.

37) Comes. Qui divitem aliquem colit, assectatur, comitatur. Sensus: qui a suo rege, Brundisium aut pulchrum Surrentum petente, comes assumptus, viae et frigidis asperitatem, atque imbres conqueritur, qui viatoribus arculam per vim apertam, et viaticum furto sublatum luget; imitatur astutias argutas et notas meretricis, quae multa se perdidisse ait, ut aliquid nummorum ab amatore auferat; ast in fine hoc adsequitur, ut nemo fidem habeat, etiam cum veris damnis et vero dolore lamentatur.

Rui queritur salebras, et acerbum frigus, et imbres,
 Aut cistam effractam, aut subducta viatica plorat;
 Nota refert meretricis acumina, saepe catellam³⁸⁾,
 Saepe periscelidem raptam sibi flentis; uti mox
 Nulla fides damnis verisque doloribus adsit.
 Nec³⁹⁾ semel irrisus triviis attollere curat
 Fracto⁴⁰⁾ crure planum⁴¹⁾; licet illi plurima manet
 Credita: per sanctum juratus dicat Osirim⁴²⁾:
 Credite; non ludo; crudeles, tollite claudum;
 Quaere peregrinum, vicinia rauca reclamat.

Epistola XVIII.

A d L o l l i u m.

Argumentum.

Sicut in praecedente epistola Scaevae, ita in hac Lollio praecepta dat Horatius, ad quae is, qui gratus et jucundus esse cupit potentioribus, se gerere debeat. Ab initio statim, egregie adumbrata scurrae et hominis asperi imagine, docet medium inter adulantem scurrilitatem et agrestem austeritatem esse tenendum. Hortatur porro Lollium, ne potentioris patroni luxum imitetur, neque commissa sibi ab ipso arcana prodant; ut vero indoli illius se accommodare studeat et cautus sit, non minus in societate eorum, qui inter familiares et domesticos ejus numerantur, quam etiam in conversatione cum ipso domino; in genere autem id agat,

38) Catella, id est, catenula et monile. Periscelis; taenia, qua crus ligatur et ornatur.

39) Nec vero, qui semel est delusus, in trivio jacentem imposterum curat erigere; quantumvis multis lacrimis deprecetur hic, et jurans per sanctum Osirim his verbis supplicet: Credite etc.

40) Fracto crure vere nempe; sed homini jam fraude noto nulla fides habetur.

41) Planum, id est, circumvagum, circumforaneum impostorem.

42) Osiris Aegyptius Deus cum conjuge Iside, etiam Romae magna cultus religione, quod tanquam alter Aesculapius morbis mederi credebatur; quare et hic a plano nostro fingitur invocari.

3) Sensus: respondent enim vicini omnes: Advenam quaere, quem possis fallere. Peregrinum, id est, hominem cui sis ignotus, quales sunt hospites et peregrini.

quod huic placet, et sereno semper vultu coram eo compareat. Sed et philosophiae studium, quo veram animi tranquillitatem, adeoque veram felicitatem doceatur, suo ipsius exemplo confirmans, nullatenus negligendum esse monet poeta. Ceterum Lollius idem esse videtur, ad quem scripta est epistola hujus libri secunda, scilicet Maximus Lollius, M. Lollii Palicani, ad quem directum est carmen lyricum 8um Libri IV. filius. Anno vero urbis 734. aut non multo post, exaratam esse hanc epistolam, patet e versu ejus 57. Vide not. 46.

Si bene te novi, metues, liberrime¹⁾ Lolli,
 Scurrantis²⁾ speciem praebere, professus³⁾ amicum.
 Ut⁴⁾ matrona meretrici dispar erit, atque
 Discolor, infido⁵⁾ scurrae distabit amicus.
 Est huic⁶⁾ diversum vitio vitium prope majus,
 Asperitas agrestis et inconcinna gravisque,
 Quae se commendat tonsa cute, dentibus atris;
 Dum vult libertas dici mera, veraque virtus.
 Virtus⁷⁾ est medium vitiorum, et utrinque reductum.
 Alter⁸⁾ in obsequium plus aequo pronus, et imi

1) Liber dicitur, qui alienus ab omni simulatione, quae sentit et iudicat, libere et ingenue profert et aperit.

2) Scurrantis, illiberaliter adulantis.

3) Professus amicum, id est, si semel te alicujus amicum professus es. Sensus et ordo: si bene novi tuum ingenium, Lolli, qui liberrime soles proferre, quid de quaque re sentias, tu certe, quando alicujus amicus esse profiteris, huic scurrarum more nequaquam adulaberis.

4) Eleganter matrona, cujus honesta species diversa est a meretricis specie inhonesta, vocatur meretrici discolor, pro vulgari: dissimilis.

5) Sensus: ita amicus a malae fidei scurra discrepabit.

6) Huic vitio, nempe, scurrili dicacitati, et facetiis placendi studio. Sensus: sed huic vitio aliud prope magis noxium opponitur, morum nempe asperitas rustica, et omnibus gravis, molesta, odiosa, quae se commendat, conspiciendam praebet, tonsa cute, id est, breviter adtonso capillo capitis, et dentibus nigris; dum ejusmodi homines asperis moribus suis videri volunt tam candidi, qui omnia libere dicant, quam verae virtutis studiosi.

7) Sensus: sed virtus mediam quasi sedem inter duo dicta vitia tenet, pari spatio ab utroque reducta, sive remota.

8) Sensus: alter, scurra nempe, plus aequo placendi cupidus, nec nisi eos, qui in infimo lecto accumbunt, jocis petere solitus, divitis convivoris ita nutus omnes observat, sic omnes ejus sermones et minima quaeque vocabula repetit admirando, ut putes te audire puerum ea, quae a magistro severo accepit, singulatim reddentem, aut secundarum partium actorem scenicum.

Derisor⁹⁾ lecti, sic nutum divitis horret¹⁰⁾,
 Sic iterat voces, et verba cadentia tollit,
 Ut puerum saevo credas dictata magistro
 Reddere¹¹⁾, vel partes¹²⁾ mimum tractare secundas:
 Alter¹³⁾ rixatur de lana¹⁴⁾ saepe caprina,¹⁵⁾
 Propugnat¹⁵⁾ nugis armatus; scilicet¹⁶⁾, ut non
 Sit mihi prima fides, et, verè quòd placet, ut non
 Acriter elatrem¹⁷⁾; pretium¹⁸⁾ altera aetas sordet.
 Ambigitur¹⁹⁾ quid enim? Castor sciat, an Dolichos plus?
 Brundusium²⁰⁾ Minuci²¹⁾ melius via ducat, an Appi?²²⁾
 Quem²²⁾ damnosa Venus, quem praeceps²³⁾ alea nudat,

9) Derisor, qui alios illudendo risum captat in imo lecto; scurræ enim una cum convivatore in imo lecto triclinii adcumbere solebant. Vide L. II. sat. 8. not. 24.

10) Horret: plenus horroris et verecundiae observat.

11) Reddere, id est, accepta vel audita recitare, proferre.

12) Partes secundas tractare, agere, idem est, ac: rem ita agere sicut primus actor. In actoribus enim comoediarum erat actor quidam praecipuus, qui primariam fabulae personam agebat, alii, qui alias; isti hoc servabant cavebantque, ne tanta contentione agerent loquerenturque, quanta primus actor, sive primarum partium.

13) Alter, id est, agrestis, homo asper, et inurbanus.

14) De lana caprina, id est, de re nullius momenti; ex veteri proverbio.

15) Propugnat, id est: pugnat pro nugis, quasi res armis ageretur; nugatoriis argumentis instructus contendit.

16) Sensus: evincere scilicet conatur; ne mihi potius credatur, quam ipsi; et quod pretiosius vita existimat, ipsique summe placet; ne ego ejus dicta magna voce confutem.

17) Elatrem. Qui enim summa pulmonis intentione vociferantur, non loqui, sed sicut canes latrare dicuntur.

18) Pretium sordet, id est, vilis pretium est. Sensus: non concedit, ut ego dicta ejus refutem, etiamsi promittatur ipsi altera aetas, id est, tantum vitae, quantum hactenus exegit, in praemium.

19) Sensus: de qua autem re disceptatur? utrum Castor, an Dolichos artis gladiatoriae peritior sit. Erant hi duo illius temporis nobiles gladiatores.

20) Sensus: qua via melius Brundusium eatur, Minucia, an Appia?

21) Minucii via, a L. Minucio strata et ornata. Is in seditione per Spurium Melium excitata, utilem reipublicae operam navavit, quam ob causam statua illi posita fuit ante portam Trigeminae, quae idcirco etiam Minucia dicta est; ducebat haec via a porta illa per Sabinos Brundusium. De via Appia vide Epod. IV. not. 14. De Brundusio, urbe maritima in inferiori parte Italiae, saepius jam dictum.

22) Jam hic enumerat vitia, a quibus is, qui ditioris gratia frui cupit, sibi cavere debeat.

23) Praeceptus, id est, periculosa alea, seu ludus. Nudat, pro: bonis exiit.

Gloria quem supra vires et vestit²⁴⁾ et ungit,
 Quem tenet argenti sitis importuna famesque,
 Quem paupertatis pudor et fuga²⁵⁾, dives amicus,
 Saepe decem vitiis instructor, odit et horret:
 Aut, si non odit, regit; ac, veluti pia mater,
 Plus quam se sapere, et virtutibus esse priorem
 Vult; et ait prope vera: Meae (contendere noli)
 Stultitiam patiuntur opes; tibi parvula res est:
 Arcta decet sanum comitem togā; desine mecum
 Certare²⁶⁾. Eutræpelus²⁷⁾, cuicumque nocere volebat,
 Vestimenta dabat pretiosa; beatus²⁸⁾ enim jam
 Cum pulchris tunicis sumet nova²⁹⁾ consilia, et spes;
 Dormiet in lucem; scorto³⁰⁾ postponet honestum
 Officium; nummos³¹⁾ alienos pascet; ad imum³²⁾

24) Quem gloria vestit et ungit, id est, qui ex vana ostentatione et jactantia supra suas vires sumtum in vestes et mensam facit. In mensis enim lautioribus a cibis manus quasi unguuntur pinguedine.

25) Quem pudor et fuga tenet, id est, qui prae paupertatis pudore nomen pauperis fugit.

26) Sensus et ordo totius est: gratia et favor majorum saepe tantum eo pessumdat, quod illis similiores justo nos esse profiteamur; si quis enim cliens, aut tenuioris conditionis homo opes suas damnosa et foeda libidine aut alea periculosa dilapidat; si supra vires suas sumtum in vestes et mensam facit; si nunquam satiatur argento, et paupertatis notam plus aequo timet ac fugit; illum certe locuples patronus et amicus, licet ipse vitiis decies sit locupletior, decies pauperem superet aliis vitiis, tamen odit et abominatur; aut si non odit illum et aspernatur, saltem admonet, et tantquam amantissima parens hortatur, ut se virtute ac sapientia superet, talibusque illum monitis prudentibus, et quidem veris, instruit: Noli mecum certare sumtibus et luxu; divitiae enim meae insanis, stultis, immensis istis sumtibus pares sunt; tibi angusta domi res est, tu ideo modum tenebis in vestibus; clientulo enim, qui patronum officii causa comitatur, bene congruit arcta toga; noli mecum contendere. Arciam togam gestabant pauperes, laxam divites.

27) Laudi, quam homo dives opibus suis tanquam stultitiae clypeo tribuit, statim Horatius in divitiarum contemtum subnectit narrationem de Eutræpelo, qui iis, quibus nocere volebat, pretiosa vestimenta dedisse, et his corruptelarum illecebris a virtutis via illos abducere tentasse dicitur. Eutræpelus probabilis nomen fictum est.

28) Nexus idearum: sic enim apud se reputabat beatus, id est, elegantior vestitus, lautus et dives etc.

29) Nova consilia, id est, altiores sumet spiritus, et majora sperabit.

30) Sensus: scorto gratia officium suum negliget.

31) Nummos alienos pascet, id est, nummos mutuo sumtos absumet et abliguriet.

32) Ad imum, id est, ad extremum Threx seu gladiator erit. De hoc gladiatorum genere vide L. II. sat. 6. not. 40.

Threx erit; aut ³³⁾ olitoris aget mercede caballum.—
 Arcanum ³⁴⁾ neque tu scrutaberis illius unquam; *Seneca*
 Commissumque teges, et vino tortus et ira.
 Nec tua laudabis studia ³⁵⁾, aut aliena reprædes:
 Nec, cum venari volet ille ³⁶⁾, poemata panges. ⁴⁰
 Gratia ³⁷⁾ sic fratrum geminorum, Amphionis atque
 Zethi, dissiluit, donec ³⁸⁾ suspecta severo
 Conticuit lyra. Fraternalis ³⁹⁾ cessisse putatur
 Moribus Amphion, tu cede potentis amici
 Lenibus ⁴⁰⁾ imperiis: quotiesque educet in agros. ⁴⁵
 A etolis onerata plâgis ⁴¹⁾ jumenta canesque:
 Surgê et inhûmanæ ⁴²⁾ senium depone Camoenae,
 Coenes ut pariter pulmenta ⁴³⁾ laboribus emta.

33) Id est, aut olitoris equum certo pretio ducendum sumet, pro vulgari: aut erit auriga apud olitorem. Praeceptum ergo quod his omnibus tradit poeta, sequens est: Noli potentibus et divitibus, quorum gratiam inire cupis, nimis adsimilari, aut eos imitari.

34) Sensus: cavebis etiam, ne, quod ille dives esse arcanum cupit, tu curiose rimeris; et id, quod fidei tuae et taciturnitati creditum est, occultabis tam vino, quam ira accensus h. e. neque inter pocula, neque ira abreptus retegés.

35) Studia, occupationes, exercitationes. Reprædes, pro, reprehendes, vituperabis.

36) Ille, nimirum dives et potens. Panges, facies.

37) Jam ut doceat, inter duos diversa studia sectantes non constare posse amicitiam. Amphionis et Zethi, Jovis ex Antiopa filiorum, exemplum adfert. Amphion celebratissimus fidicen, erat homo mitioris et mollioris ingenii, Zethus pastor et rerum agrestium studiosus. Gratia, id est, concordia, mutuus amor; dissiluit, id est, discissa, rupta est.

38) Sensus: donec Amphion lyram tacere jubens, fraternalis moribus cessit, et lyram deposuit, quae fratri severo, id est, severioribus, quam musicae, nempe operi rustico adsueto, suspecta et odiosa fuit.

39) Nexus sententiarum: sicut Amphion, ita tu etc.

40) Imperia lenia dicuntur, dum quis petendo aliquid nobis imperat, vel a nobis postulat.

41) Plagae sunt retia densiora, et arctioribus maculis distincta. Aetoliae dicuntur ab Aetolia provincia Graeciae ad occidentem Achajae, ubi erat rex Meleager, qui aprum Calydonium in venatione cepit. Vide Ovid. Metam. L. VIII. vers. 270 et Myth. Calydon urbs est in Aetolia. Sensus: quoties venatum iverit.

42) Inhumanae Camoenae senium depone, id est, depone taedium. morositatem, qua versaris in studiis, a comitate et facilitate alienis, pro: depone Musas venatori odiosas.

43) Pulmenta ex carne ferina confecta. Laboribus emta, id est, venationis labore parta.

Romanis ⁴⁴⁾ solemne viris opus, utile famae,
 Vitaque et membris; praesertim cum valeas, et ⁵⁰
 Vel cursu superare canem, vel viribus aprum
 Possis; adde, virilia quod speciosius arma
 Non est, qui tractet; scis, quo clamore coronae
 Proelia sustineas campestris: denique ⁴⁵⁾ saevam
 Militiam puer et Cantabrica ⁴⁶⁾ bella tulisti ⁵⁵ *Cantabrig. p. 272*
 Sub duce, qui templis Parthorum signa refixit ⁴⁷⁾,
 Nunc et, si quid abest, Italis adjudicat armis. —
 Ac ⁴⁸⁾, ne te retrahas et inexcusabilis absis;
 Quamvis nil extra numerum ⁴⁹⁾ fecisse modumque
 Curas, interdum nugaris rure paterno: ⁶⁰

44) Sensus: Romanis certe usitatissima semper fuit venatio, qua acquiruntur fama, et confirmantur vires; tuque eam in primis amare debes, quia tam agilis et fortis es, ut canes currendo, et aprum viribus superare valeas; adde, quod nemo te aptius arma virorum propria tractare soleat; nosti enim, quo spectantium plausu exerceas te in ludicris Campi Martii certaminibus. Speciosius; eleganter, quia species, status, ars et dexteritas armorum tractandorum in spectantium oculos incurrit. Clamor, applausus coronae, id est, spectantium te cingentium. Campestris; exercitationis causa in Campo Martio pugnata.

45) Sensus: tu denique adhuc in tenera aetate graves militiae labores tolerasti in Cantabrica expeditione sub eo duce, qui signa nuper nostra sustulit e Parthorum templis, nunc vero, si quid nondum imperio subiectum erat, pergite victor adiacere.

46) Quodnam bellum Cantabricum puer Lollius gesserit sub duce Augusto, non satis liquet, et conjectura utendum est. Octavius Caesar a. u. 728 in Hispaniam venit, ubi Cantabri et Asturi rebellabant, et victi hostes sunt hoc et sequenti anno. Anno dein 734 Phraates, Parthorum rex, signa Romana restituit Augusto, et eodem anno etiam Armenia adhuc expugnata est a Tiberio, quem Augustus miserat, ut regem Tigranem huic provinciae praeficeret in locum Artabazi, fratris ejus, qui Armenis invisus erat. Quod si hanc provinciam subactam hic innuit poeta, etiam tempus epistolae hujus ad a. 734 circiter referri poterit.

47) Refixit, revulsit. Italis adjudicat armis, id est, armorum vi parere jubet Italis, seu Romano imperio; vel parere jubet Italis armis, id est, Romani imperii potentiae.

48) Sensus esse videtur: ac, ne te a venatione cum potentiore amico retineri patiaris, et ratione, quae neutiquam te excuset, inductus ab ea absis, cogita, quaeso, haud ignotum esse, quod tu ipse, quantumvis ab eo, quod decet et rectum est, haud facile recedas, nonnunquam ludicres exercitationes rure paterno tractes.

49) Numerus et modus sunt propriae rhythmus et certi pedes, quibus versus componitur. Extra numerum modumque, ergo idem ac, extra normam, ad quam aliquid exigi debet; et in hoc quidem loco: praeter decorem, praeter ea, quae decent et tibi conveniunt.

240 *Tabula marisaeorum* *quoniam* *linen* *amicis*,
Ne dominus quoniam placet, carere quibus
quoniam *te paros* *hest*, *aut* *in comadris angat* (Te)

Partitur ⁵⁰) lintres exercitus; Actia ⁵¹) pugna
Te duce per pueros hostili more refertur;
Adversarius est frater; lacus, Adria; donec
Alterutrum velox victoria fronde coronet.
Consentire ⁵²) suis studiis qui crediderit te, ⁶⁵
Fautor utroque tuum laudabit pollice ⁵³) ludum. —
Protenus ⁵⁴) ut moneam (si quid monitoris eges tu)
Quid de quoque viro, et cui dicas, saepe videto:
Percontatorem ⁵⁵) fugito, nam garrulus idem est,
Nec retinent patulae ⁵⁶) commissa ⁵⁷) fideliter aures;
Et semel emissum volat irrevocabile verbum. —
Qualem ⁵⁸) commendes, etiam atque etiam adspice, ne mox
Incutiant aliena tibi peccata pudorem.
Fallimur ⁵⁹), et quondam non dignum tradimus: ergo

50) Sequitur hic enumeratio harum nugarum et exercitationum: Dividuntur naviculae in duas partes, quasi essent duo navales exercitus; exhibetur a domesticis, tanquam si hostes essent, pugna Actiaca te imperatore; agit adversariam, qui fraterno te amore diligit; lacus in villa, seu stagnum aliquod repraesentat mare Adriaticum; pugnaturque, donec breve certamen unius victoris fronti laurum imponat, id est, donec una pars victoriam reportet.

51) Actia pugna pugnata est inter Augustum ex una, et Antonium atque Cleopatram ex altera parte a. u. 723. Vide arg. L. I. od. 31. et arg. Epod. 8.

52) Sententia: si vis istas ludicras, quae tibi placent, exercitationes ab amico probari, tu illius quoque occupationes, v. g. venationem etc. proba, neque te retrahere ab illo, cum venatur etc.

53) Utroque pollice, id est, summo favore; pollex enim pressus erat signum favoris et gratiae, pollex versus, subversus, subrectus signum infensi animi. Pollicem premere, autem nihil aliud erat, quam sublata manu, pugnoque facto, pollicem ipsum intra pugnum arcte vehementerque comprimere.

54) Protenus; praeterea illud adhuc te monere volo (si tamen tibi monitore opus est) etc. Vel: praeterea, ut ulterius progrediar in te monendo.

55) Percontatorem; curiose de omnibus interrogantem.

56) Aures patulae, patentes audiendis narrationibus, quas illae retinere non possunt.

57) Commissa, arcana sibi credita cum fide non servant.

58) Sensus: commendaturus aliquem, fac illum penitus cognitum, perspectumque habeas; ne, quae ille peccaverit, brevi pudorem adferant tibi. Per aliena peccata intelligenda sunt illa commendati hominis.

59) Sententia est: si tamen fallaris, et quondam indignum tradideris, commendaveris; eum, qui te decepit, postquam culpa sua illum premi compereris, defendere noli; ut, quemadmodum eum, qui tibi penitus notus et spectatus est, cujus exploratam habes virtutem, si tenetur et petatur criminationibus, tuae confidentem tutelae, fortiter servabis et tutabe-

Quem sua culpa premet, deceptus omitte tueri;
Ut penitus notum, si tentent crimina, serves,
Tuterisque tuo fidentem praesidio: qui
Dente Theonino ⁶⁰) cum circumroditur, ecquid
Ad te post paulo ventura pericula sentis?
Nam ⁶¹) tua res agitur, paries cum proximus ardet;
Et neglecta solent incendia sumere vires.
Dulcis ⁶²) inexpertis cultura potentis amici:
Expertus metuit. Tu, dum tua navis in alto est,
Hoc age, ne mutata retrorsum te ferat aura.
Oderunt ⁶³) hilarem tristes, tristemque jocosus;
Sedatum ⁶⁴) celeres, agilem gnavumque remissi:
Potores bibuli ⁶⁵) media de nocte Falerni
Oderunt porrecta negantem ⁶⁶) pocula, quamvis
Nocturnos jures te formidare vapores.
Deme ⁶⁷) supercilio nubem: plerumque modestus

ris; nam si ille impune mordetur dente Theonino, maledico, annon verendum est, ne idem paulo post etiam tibi ipsi accidat?

60) Theonem fuisse tradunt poetam maledicentissimum, quem hic obiiter more suo perstringit Horatius.

61) Sensus: certe, si paries, domus proximi ardet, etiam tua maximo in periculo versatur; et si flamma illico exstingui negligatur, vires sumit, accipit, vehementior fit, et eo certius tua quoque domus ab illa corripitur. Sensus hujus allegoriae in plano est.

62) Sententia: studium, quod in colendo potentiore amico ponitur, dulce videtur iis et amoenum, qui nondum ejus fecerunt periculum; at ii, qui illud experientia cognoverunt, non sine timore et circumspectione ei operam dant. Hinc tu, dum favet tibi fortuna, dum felici navigas cursu, omnibus conare viribus, ne, verso in contrarium vento, retrorsum feraris, id est: cum gratiam et favorem potentis amici semel inivisti, adeptus es, omni studio caveas, ne illam iterum perdas.

63) Hic exprimit Horatius sententiam: diversi ingenii homines non inter se conveniunt; ad ingenium igitur patroni tui te accommodare, et in ejus agendi sentiendique rationem amice conspirare debes; amanti enim potentes suae indolis speciem quamdam et in clientibus; hinc oderunt tristes patroni etc.

64) Sedatum, id est, quietioris et lentioris animi hominem. Alacres: vividioris et alacrioris ingenii patroni. Remissi: qui vires non intendunt, arctui laxato et remisso sunt similes.

65) Bibaces vini Falerni; vino, Falerno ad mediam usque noctem sese ingurgitantes etc. Vinum Falernum optimum in Campania.

66) Negantem, id est, te, si oblata tibi pocula recusaveris, quamvis tibi a nocturnis vaporibus cavendum esse jures.

67) Sensus: Frontem itaque explica, et exhibila vultum; non raro enim evenit, ut, quae modestia est, astuti hominis tectique indoles existimetur; taciturnitas vero austeritatis et morositatis cujusdam nimiae praeferat speciem.

Occupat obscuri speciem, taciturnus acerbi.
 Inter⁶⁸⁾ cuncta leges et percontabere doctos;
 Qua ratione queas traducere leniter aevum:
 Ne te semper inops agitet vexetque cupido⁶⁹⁾,
 Ne⁷⁰⁾ pavor et rerum mediocriter utilium spes:
 Virtutem⁷¹⁾ doctrina paret, naturae donet:
 Quid⁷²⁾ minuat curas, quid te tibi reddat amicum:
 Quid⁷³⁾ pure tranquillet, honos, an dulce lucellum,
 An secretum iter, et fallentis semita vitae?
 Me quoties reficit gelidus Digentia⁷⁴⁾ rivus,
 Quem Mandela bibit, rugosus frigore pagus,
 Quid sentire putas, quid credis, amice, precari?
 Sit mihi, quod nunc est; etiam minus: et mihi vivam,
 Quod superest aevi, si quid superesse volunt Di:
 Sit bona librorum et provisae frugis in annum
 Copia; neu flitem dubiae spe pendulus horae.
 Sed⁷⁵⁾ satis est orare Jovem, qui donat et aufert:
 Det vitam, det opes, aequum⁷⁶⁾ mî animum ipse parabo.

68) Inter cuncta: praecipue, ante omnia autem tibi auctor sum, suadeo; ut doctos et legas et audias, quaerens ab eis, quo pacto possis tranquillam vitam ducere et jucundam, ne etc.

69) Inops cupido, avaritia, quae semper eget, tam iis, quae habet, quam iis, quae non habet, quae adeo nunquam exsatiari potest.

70) Sensus: ne agiteris metu, aut spe rerum levium. Inter res leves Stoici numerant externa fortunae bona.

71) Sensus: unde hominibus virtus proveniat, an a praeceptis, an a natura? seu: utrum virtus praeceptis et disciplina parari possit, an naturae debeatur.

72) Sensus: quo pacto minuantur curae; quidve ita te agere et sentire sinat, ut tibi ipsi placeas, tibi ipsi carus sis?

73) Quid veram paret tranquillitatem; honores an opes, lucro auctae, an vita secreta, remota a publica luce, et fallens, latens oculos hominum; obscura, ignota vitae ratio? Lucellum, diminutivum, pro: lucrum.

74) Digentia est rivulus per agrum Horatii serpens, prope Mandelam pagum, septentrioni expositum in colle. Rugosus frigore, quasi frigus rugas inducat pagi incolis. Sensus: quoties ego potu recreor aquarum gelidarum rivi Digentiae, quas bibit mecum pagus Mandela, rugis non raro sectus propter gelu terras adstringens, quid existimas me cogitare, aut a Diis precari, amice? Hoc certe, ut semper sit mihi, quod modo habeo, imo etiam aliquid minus; ut, quod vivendum temporis restat, si tamen superis volentibus restat aliquid, mihi vacare liceat; ut adsit librorum copia, neque desit annona, qua sic fruam, ut non sit mihi anxius animus de futuro incerto.

75) Sensus: sufficit, si haec a Jove petam, qui ea donat et tollit, nempe vitam et opes.

76) Quod attinet ad animi tranquillitatem, quam Deus non dat, eam mihi ipse parabo.

Ad Maecenatem.

Argumentum.

Licet carmina Horatii multis ingenuis omnino placerent, et diligentissime ab iis legerentur; multi tamen malevoli ex invidia eadem improbabant. Ad patronum igitur suum et amicum, Maecenatem, scribit de his obtrectatoribus, in eosque, ut imitatores suos, invehitur. Se dein principem poetarum lyricorum ac proinde alienissimum ab hac imitatorum cohorte, quae tamquam servile pecus aliena tantum pede premit vestigia, modeste defendit. Rationem demum adjungens, quod nonnisi consortium horum malorum subterfugiens tam invidio dente ab iis mordeatur, salse admodum eos carpit et vituperat.

Prisco si credis, Maecenas docte, Cratino¹⁾,
 Nulla placere diu, nec vivere carmina possunt,
 Quae scribuntur aquae poteribus²⁾. Ut³⁾ male sanos
 Adscripsit Liber Satyris Faunisque poetas,
 Vina fere dulces oluerunt mane Camoenae⁴⁾.
 Laudibus⁵⁾ arguitur vini vinosus Homerus,
 Ennius⁶⁾ ipse pater nunquam, nisi potus, ad arma
 Prosiluit dicenda. Forum⁷⁾ putealque⁸⁾ Libonis

1) Cratinus fuit Atheniensis poeta, veteris comoediae scriptor celebris, et homo ebriosus. Vide etiam L. I. sat. 4. not. 2.

2) Aquae poteribus, id est, quae scribuntur a calore quasi, quo agitari debent poetae, carentibus.

3) Sensus: postquam scilicet Bacchus poetas male sanos, id est, poetico furore correptos in suam fidem et tutelam recepit, et adnumeravit inter Satyros et Faunos, Deos agrestes, Bacchi comites, redolent illi vino, quo a primo mane ora proluunt.

4) Camoenae, pro Musarum alumnis h. e. poetis. Sunt autem poetae in fide Bacchi, quia poesis insaniae aliquid et furoris habet; adde, quod comedia vetus a Bacchi festis et laudibus initium duxerit. Vide artem poeticam. Vers. 28r. not. 149.

5) Sensus: Homerus ob laudes, quas vino tribuit, vinosus fuisse arguitur.

6) Ennius poeta antiquissimus Romanorum, cum verecundia quadam pater vocatur, sicut philosophi, quorum maxima est auctoritas, verecunde patres vocari solent. Scripsit Ennius Bellum Punicum secundum carmine epico, hinc: ad arma dicenda, nempe ad bellum describendum nunquam prosiluit, se accommodavit etc. Vide etiam L. IV. od. 7. not. 20.

7) Sensus et ordo: ab illo tempore, quo ego hoc edictum ex joco tantum promulgavi: sicci, id est, omnes, qui non bibunt vinum, abstemii conferant

Mandabo siccis, adimam cantare severis.
 Hoc simul edixi, non cessavere poëtae
 Nocturno certare mero, putere diurno⁹⁾.
 Quid¹⁰⁾? si quis vultu torvo ferus, et pede nudo,
 Exiguaeque togae simulet textore¹¹⁾ Catonem,
 Virtutemne repraesentet moresque Catonis¹²⁾?
 Rupit¹³⁾ Jarbitam¹⁴⁾ Timagenis¹⁵⁾ aemula lingua,
 Dum studet urbanus, tenditque disertus haberi.
 Decipit¹⁶⁾ exemplar vitii imitabile: quod si
 Pallerem casu, biberent exsanguè cuminum.

se ad forum et puteal Libonis; prohibeo enim hos severos, id est, aquae potiores a canendis carminibus; simulac hanc sententiam de vi, quam vini potus in poëtarum ingenia habeat, publice professus sum; statim mali poëtae et imitatores, quasi edicto aliquo proposito, dies noctesque vino indulgere coeperunt. Severi, idem ac, sicci. Putere, pro, foetere.

8) Quid fuerit Romae puteal, dictum est L. II. sat. 6. not. 35. Libonis autem puteal fuit tribunal in foro Romano, e quo primus jus dicere coepit Libo. Cur autem hoc proprie tribunal putealis nomen acceperit, factum videtur, quod ad similitudinem veteris putealis rotunda forma, et ut ajunt superiori parte instar putei patens, exstructum esset.

9) Ridet igitur hic Horatius stultitiam eorum, qui, modo vino se ingurgitaverint, se poëtae partes explere posse existimarent.

10) Sensus: quemadmodum nemo Catonis virtutem, solo ad externum ejus habitum se componendi studio; ita etiam nemo poëtae laudem solo vini potu assequi potest. Et pro hoc: quid autem? si quis austero vultu, pedibus nudis, angusta toga et crasso filo texta, Catonem referat, illene statim Cato futurus est, aut ei similis fiet virtute?

11) Textore. Positus est opifex pro opificio, nempe pro panno crasse texto, quo toga Catonis parva constabat. Toga parva et angusta porro erat signum paupertatis; toga latior vero et major signum opulentiae.

12) De Catone Censorio vide L. II. od. 12. not. 11.

13) Sensus: cum voluisset Maurus quidam Timagenis pronuntiationem vocemque imitari et aemulari, in ipsa contentione disruptus est, cupiens auditoribus urbanus et disertus videri. Timagenis lingua, facundia et ars; aemula, id est, aemulationem excitans; rupit Jarbitam, id est, fecit ut Jarbitae illa rumperentur.

14) Jarbita. Hoc nomen non videtur hominis proprium, sed gentis, et significat hominem ex Mauritania, ubi Jarbas regnavit, qui aemulus fuerat Aeneae, ortum, hoc est, natione Maurum. Hic Jarbita seu Maurus fuit autem Cordus, qui dum Timagenem imitabatur, post convivium et inter pocula declamantem, propter insolentiam faciendi, quod conabatur, paene disruptus est.

15) Timagenes, ut tradit Suidas, fuit Rhetor Alexandrinus, et captivus a Gabinio Romam deductus est, ubi ad Augusti tempora vixit; hujus facundiam, cum Maurus quidam Cordus admiraretur, putavit se assequiturum, si, ut ille, dicendo vocem contenderet, quod illi sane infelicitate cessit.

16) Sensus: sic exempla, quibus adhaerent vitia, quae facilia imitatu esse putantur, facile decipiunt, et in errorem deducunt imitatores, magis ad vi-

O imitatores, servum¹⁷⁾ pecus, ut¹⁸⁾ mihi saepe
 Bilem, saepe jocum vestri movere tumultus!
 Libera per vacuum¹⁹⁾ posui vestigia princeps:
 Non aliena meo pressi pede. Qui²⁰⁾ sibi fedit,
 Dux regit examen. Parios²¹⁾ ego primus jambos
 Ostendi Latio, numeros animosque secutus
 Archilochi²²⁾, non res et agentia verba Lycamben²³⁾.
 Ac, ne me foliis²⁴⁾ ideo brevioribus ornes,
 Quod timui mutare modos²⁵⁾ et carminis artem;
 Temperat Archilochi Musam pede mascula Sappho²⁶⁾,
 Temperat²⁷⁾ Alcaeus; sed²⁸⁾ rebus et ordine dispar,

tiorum, quam ad virtutis imitationem propensos. Et sunt certe, qui, si fortasse me pallere cernerent, cumini potu uterentur, ut et ipsi exsanguës adparerent et pallidi. Cuminum herba quaedam est, cujus succus facit exsanguës et pallidos.

17) Servum pecus, qui servilem in modum alios sequimini.

18) Ut saepe, id est, quam saepe. Bilem, stomachum, iram, Tumultus, hic idem ac, magnum studium imitandi, contentio.

19) Per vacuum, subaudi, locum, per campos nullius pede adhuc tactos. Libera vestigia opponuntur servorum imitatorum vestigiis. Sensus: ego primus ingressus sum semitam Heliconis, qua nemo praeiverat, non pedem posui in alieno, non sum imitatus alios poëtas. Alludit hic ad poësim lyricam, cujus auctor apud Romanos fuerat Horatius, ut infra.

20) Sensus est: qui enim virium suarum sibi conscius est, ducem se praebet aliis. Regit examen; metaphora deducta est ab apibus.

21) Horatius, cum primus Romanorum poëtarum usus esset in libro epodon jambis ab Archilochi inventis, jamborum usum Latio ostendit, palam fecit, h. e. jamborum usum Romanos docuit. De numeris vide praecedentem epistolam not. 49. Animos, id est, poëticos, spiritus.

22) Archilochus fuit poëta Graecus, ex insula Paro natus, quae est in mari Aegaeo. Fuit hic versus Jambici inventor.

23) Lycambes Archilochi filiam suam despondit, et cum eam dein alteri tradidisset, poëta tam graviter in illum scripsit, ut ille se suspenderit. Hinc dicit Horatius: Numerum quidem impetumque animi, id est, spiritum Archilochi sequutus sum; non autem argumentum; nec etiam verbis usus sum, quibus ille Lycamben ad laqueum adegit.

24) Foliis brevioribus ornes, id est, minori corona; ne me parcius laudandum putes.

25) Modos, id est, versus, ut supra: numeros. Carminis ars, id est, structura versuum.

26) Sappho erat poëtria, et Alcaeus poëta Graecorum, ambo ex insula Lesbo in mari Aegaeo. Illa habetur inventrix versus Sapphici, hic vero Alcaici.

27) Temperat, id est, ita scripsi versus Jambicos exemplo Archilochi, ut eos temperaverim admistis versibus Sapphicis et Alcaicis. De his versibus vide praec. eloqu. Musam, pro: carmina mea. Mascula, id est, masculae virtutis vel masculi ingenii mulier.

Nec socerum quaerit, quem versibus oblinat atris,
 Nec sponsae laqueum famoso carmine nectit.
 Hunc²⁹⁾ ego, non alio dictum prius ore, Latinus
 Vulgavi fidicen; juvat immemorata ferentem
 Ingenuis oculisque legi, manibusque teneri.
 Scire velis, mea cur ingratus³⁰⁾ opuscula lector
 Laudet amētque domi, premat extra limen iniquus?
 Non³¹⁾ ego ventosae plebis suffragia venor,
 Impensis coenarum; et tritae munere vestis;
 Non³²⁾ ego, nobilium scriptorum auditor et ultor,
 Grammaticas ambire tribus et pulpita dignor:
 Hinc³³⁾ illae lacrimae! Spissis³⁴⁾ indigna theatris

28) Sensus: sed Alcaeus meus, id est, versus Alcaici, a me scripti, dissimiles sunt versibus Archilochi, quod spectat materiam et rerum dispositionem: non enim quaero, ut Archilochus, socerum, quem carminibus maledicis insecter, neque sponsam contumelioso, famoso carmine ad suspendium adigo. Vide supra not. 23. Filia enim Lycambae, Neobula, post patrem se suspendit, laqueo peremit.

29) Sensus: ego hunc ita temperatum versum Archilochium, a nemine Latinorum poetarum antea productum, vulgavi Latinus fidicen, id est, Latino sermone scripsi; et hoc me non parum delectat, quod ego canens versus, non antea dictos et memoratos, ingenuorum oculis libenter legar, frequensque sim in eorum manibus.

30) Qui carmina privatim laudat, et iis delectatur, at eadem publice malevole carpit, is sane est lector ingratus. Premat, id est, vituperet foris, extra suam domum.

31) Nexus idearum et sensus: id inde est, quod ego turbae mobilis et ventosae plausum nec coenis, nec detritarum vestium largitione captem.

32) Dœringius hunc locum ita explicat: Quia ego infra dignitatem meam positum esse existimo, me immiscere Grammaticis, et, quae apud illos a nobilibus scriptoribus e pulpitis recitantur, audire, factamque scriptoribus injuriam ulcisci. Erant enim Romae plures, qui altioris doctrinae laudem, vel potius speciem prae se ferentes, auditoria quasi aperirent, in quibus recitata a scriptoribus aut probarentur, et a reprehensionibus defenderentur, aut improbantur et damnarentur. Horum, quos salse vocat Grammaticos, impudentius in rebus doctis auctoritatem aliquam sibi arrogantium, societatem et consuetudinem cum fugeret Horatius, iniqua illorum de carminibus suis expertus est judicia, quae ille tamen parum curavit. Nobilium: per ironiam dictum, ut videtur. Grammaticorum porro, ut ita dicam, collegia facite nominat tribus grammaticas, quasi penes eas jus suffragiorum, sive laudis distribuendae potestas fuisset.

33) Hinc illa Grammaticorum invidia et indignatio! Hoc dictum Terentii in And. I. 1,99. jam tum de querelis, quarum causa tandem aperitur, in proverbium abiit.

34) Sensus et ordo: si excusans dico: Pudet me, non audeo mea car-

Scripta pudet recitare, et nugis addere pondus,
 Si dixi; rides, ait, et Jovis³⁵⁾ auribus ista
 Servas; fidis enim manare poetica mella
 Te solum, tibi pulcher. Ad³⁶⁾ haec ego naribus uti
 Formido: et, luctantis acuto ne secer ungui,
 Displicet iste locus, clamo, et diludia³⁷⁾ posco.
 Ludus enim genuit trepidum certamen et iram,
 Ira truces inimicitias, et funebre bellum.

Epistola XX.

Ad librum suum.

Argumentum.

Simili prorsus ratione, qua tres primos libros odarum in publicum emissurus Horatius ultimam libri III. subjunxerat; etiam primum librum epistolarum editurus hanc ultimam epilogi loco addidit. Simulans itaque hunc librum epistolarum ipso invito viam e penetralibus adfectare in publicum, fata, quae illum in hoc temerario consilio persistentem manent, tamquam vates canit, sicque modestum de suis scriptis iudicium exprimit. In fine adjungit quaedam de sua

mina recitare, quippe indigna, quae recitentur in theatro coram frequenti corona, id est, in loco, ubi magna frequentia hominum convenit; illico ait aliquis e tribu Grammatica: tu nos ludis, et carmina tua Augusti auribus servas; persuasum enim tibi habes, te esse solum, a cujus ore manare possint carmina mellitissima, tu tibi ipsi mirifice places; pro vulgari: superbia potius tu a carminibus tuis recitandis retineris; tu enim, tanquam omnium poetarum primus, Augusti tantum auribus digna canere tibi videris. Spissis theatris, pro: frequenti coetu indigna. Nugis addere pondus, pro: levia redere velle gravia.

35) Augustum non semel dixit Horatius in odis praesidere terris, ut coelo Jovem. Fidis, id est, persuasum tibi habes.

36) Ad haec, quasi vere dicta, consulto Horatius nihil respondet, sed addit tantum: Ad haec ego clamo: Nolo dictis vobiscum pugnare; nam vobiscum pugnantem timendi sunt vestri unguis; nolo versari in loco ubi huic pugnae expositus sum; veniam ex hoc ludo abundi peto; ex ludo enim non raro oritur certamen et ira, ex ira inimicitiae et bellum. Naribus uti dicuntur, qui naso sursum tracto aliquem rident. Formido, timeo.

37) Diludia dicuntur tempora, quae gladiatoribus inter dies munera concedebantur, ut a ludo et certamine gladiatorio vacarent, viresque otio reficerent; diludia posco, ergo idem ac: respirandi spatium, et pugnae dilationem posco. Trepidum, tumultuosum certamen.

propria persona, simulque tempus indicat, annum nempe urbis 753. quo scripta fuerit haec epistola. Vide vers. 27. et 28. not. 21.

Vertumnus ¹⁾ Janumque, Liber, spectare videris;
 Scilicet ut prostes Sosiorum ²⁾ pumice mundus.
 Odisti ³⁾ claves, et grata sigilla pudico:
 Paucis ostendi gemis ⁴⁾, et communia laudas.
 Non ⁵⁾ ita nutritus! Fuge ⁶⁾, quo descendere gestis:
 Non erit emisso reditus tibi. Quid miser egi?
 Quid volui? dices, ubi quis te laeserit ⁷⁾; et scis ⁸⁾,
 In breve te cogi, plenus ⁹⁾ cum languet amator.
 Quod ¹⁰⁾ si non odio peccantis desipit augur,

1) Vertumnus Janumque, h. e. forum, ubi erant Vertumni et Jani statuae, qui locus ob hominum frequentiam cum celebraretur, ibi suas tabernas et pilas biblioplae habebant. Vertumnus a vertendo dicitur; quia in varias formas verteret se, Deus ille credebatur; hinc praeerat foro et commercio, in quo res venditione et emptione aliae aliis commutantur. De Jano vide L. II. sat. 3. not. 17. et supra Ep. 1. not. 34.

2) Sosii erant biblioplae tum incliti. Sensus est: video, mi Liber, cur forum cupidus respicis oculis; nimirum ut prostes, publico loco appareas, Sosiorum industria pumicatus, id est, pumice laevigatus et expolitus; nam quae in membranis erant hirta et aspera, pumice abradebantur. Liber igitur, qui vendi et publicari cupit, lepide dicitur spectare ad locum, ubi libri venduntur.

3) Sensus: displicet tibi, in quo hucusque clausus latebas, locus angustior, id est, arca; ex umbra prodire gestis in solem et pulverem. Pudico tibi grata sigilla, id est, tibi, qui hucusque modestus verecundus in arca sub sigillo sive claustro delituisti, cuique grata erant haec sigilla. Omnia enim, quae adservabantur, sigillo muniri solebant, quod et hodie moris est.

4) Gemis, id est, aegre fers, si a paucis tantum legaris; communia laudas, ab omnibus legi cupis, in publicum prodire satagis.

5) Non ita vero nutritus, educatus, hac sentiendi agendique ratione a me non es imbutus; talem te non sinxi, id est, opera mea in publicum edere nolui.

6) Sensus: abi tamen, quo te fert voluptas; postquam vero semel abieris redeundi facultas non erit.

7) Te laeserit, id est, te improbaverit, vituperaverit.

8) Sensus: scis etenim, paulo post te cogi, coactari, in angustum statum redigi; pro vulgari: e manibus seponi; membranae enim evolutae latiore, convolutae vero et e manibus sepositae angustiore locum in arca occupant.

9) Cum nimirum plenus, satur legendo amator, id est, lector coeperit te fastidire.

10) Sensus: quod si egi, qui tibi peccanti, ut augur, futura mala denuntio, non desipio, id est, non fallor jodio tui, qui peccas graviter, cum exire gestis in publicum; Romanis in deliciis eris, donec annis labentibus

Carus eris Romae, donec te deseret aetas.
 Contractatus ¹¹⁾ ubi manibus sordescere vulgi
 Coeperis, aut tineas ¹²⁾ pasces taciturnus ¹³⁾ inertes,
 Aut ¹⁴⁾ fugies Uticam, aut vincus mitteris Ilerdam.
 Ridebit ¹⁵⁾ monitor non exauditus; ut ille,
 Qui male parentem in rupes detrusit asellum
 Iratus: quis enim invitum servare laboret?
 Hoc ¹⁶⁾ quoque te manet, ut pueros elementa docentem
 Occupet extremis in vicis balba senectus.
 Cum ¹⁷⁾ tibi sol tepidus plures admoverit aures,
 Me libertino natum patre, et in tenui re
 Majores pennas nido extendisse loqueris:
 Ut quantum generi demas, virtutibus addas.
 Me ¹⁸⁾ primis urbis belli placuisse domique,

desinas novus esse. Aetas, pro: juvenus; id est, donec eris novus et recens, placebis.

11) Sensus: at ubi diu in manibus vulgi versatus sordes collegeris aut eris praeda tinearum etc.

12) Tineae sunt vermiculi, qui chartas et libros corrodunt. Inertes, quia, praeterquam, quod libros corrodunt, nihil agunt.

13) Taciturnus, quia nemo te legit. Cum libris enim, quos legimus, quasi colloquimur.

14) Aut ex urbe, ubi contemneris in terras longe remotas fugies. Pro terris longe remotis ideo Uticam, nobilem illam urbem in Africa extrema, et Ilerdam, urbem in Hispania, posuit; quia tum in his locis Romanarum literarum studia tractari, et fervere incipiebant. Vincus, scilicet funiculis, quibus nunc quoque colligantur et constringuntur libri, in terras remotas mittendi.

15) Sensus: tum ego te, qui non exaudisti, quae monui, ridebo; sicut ille in fabulis risit asellum, qui, cum parere nolle, ab eo irato in rupem protrusus, se inde praecipitem dedit; quis enim curet servare repugnantem?

16) Sensus: haec quoque tibi destinata est sors, ut pueros in extremis vicis elementa docendo consenescas. Docturum dicit pueros librum suum, quod eo usuri sint ludimagistri, ut ex ipso pueros doceant modum legendi; libri vero levissimi huic rei et officio destinabantur. Senectus balba; non raro enim vox grandaeavorum balba esse solet. Occupet, scilicet te, te operat, tibi obrepat.

17) Sensus: quando autem sub vesperum, cum tepidus est, minus fervet sol, plures te audituri confluerint; pro vulgari: si plures te legerint; narabis me patre libertino et in angusta re familiari natum (vide vitam Horatii) pennas ultra nidum ausum esse protendere, id est, humilitatem mei generis fama et opibus superasse, majora et altiora assequi studuisse, ut gentis meae ignobilitatem compenses virtutum mearum nobilitate.

18) Nexus sententiarum: addes et illud, me pace et bello viris Romae

Corporis exigui, praecanum ¹⁹⁾, solibus ²⁰⁾ aptum,
 Irasci celerem, tamen ut placabilis essem.
 Forte meum si quis te percontabitur aevum,
 Me quater ²¹⁾ undenos sciat implevisse Decembres,
 Collegam ²²⁾ Lepidum quo dixit Lollius anno.

principibus placuisse, nominatim vero Maecenati et Augusto etc. Vide Vitam Horatii.

19) Praecanum, id est, canos ante tempus crines gerentem.

20) Solibus aptum, libenter ad solem consistere solitum, hoc est, hominem corpus mollius curantem.

21) Quater undenos, id est, 44 annos natum; Consulibus Lollio et Lepido, qui annus incidit in a. u. 733. Inde etiam ad tempus hujus epistolae rite concludi potest.

22) Collegam, id est, quo anno Lollii collega in Consulatu fuerat Lepidus.

Q. Horatii Flacci

Epistolarum

Liber II.

Epistola I.

Ad Augustum.

Argumentum.

Primarium epistolae hujus argumentum esse videtur artis poëticae commendatio, cui et laudem Augusti, ad quem scripta est epistola, artificiosissime intexit Horatius. Ab initio statim, quo nihil magnificentius in laudem Principis hujus dici poterat, maximos, et de genere humano optime meritos heroes post mortem suam demum inter Deos relatos, ipsi vero adhuc viventi a populo Romano divinos honores consecratos esse commemorans, in hoc uno, non item in aliis rebus sapienter, et juste judicare contendit populum Romanum, qui non nisi antiqua magna et laudabilia esse censet, nova vero et recentia reprobant. Hanc ineptam opinionem, in specie quoad veteres poëtas, quos singillatim recenset, eorumque errores et menda exponit, salse admodum cavillans, tandem concludit, in operibus poëticis dijudicandis non ad eorum vetustatem sed internum valorem respiciendum esse; simul etiam causam hujus falsi et inepti de poëtarum valore iudicii disquirens, eam ponit in amore, quo homines in eas ducuntur res, quas pueri jam didicerunt. Transit dehinc ad Graecos, ab hac caeca omnis antiquitatis veneratione, novitatis vero reprobatione alienissimos, qui tamen mature satis, pace et fortuna secunda utentes, ingenium suum in omnibus artium generibus excoluere. Cum his comparans dein Romanos, apud istos, ait, longe aliter res se habebat; hi primis temporibus simplicitatem morum tantum colentes, omniumque artium rudes, tarde nimis Graecos imitantes, ast haud laudabili cum successu, animum adjecere ad artem poëticam, quae, ut ut inculta adhuc, suis tamen et pro privato cujusque

et publico civitatis bono commodis omnino non carebat. Delatus sic ad poëseos quodammodo historiam, exponit primo originem ejus apud Romanos, tum incultam ejus epocham, et quomodo tandem majorem perfectionis gradum adscenderit. Omnem poësim post haec in dramaticam et epicam quasi discerpens, diversasque adferens causas, ob quas dramatica magis excoli non potuerit, transit ad epicam poësim, eamque, hujus quoque, ne partium studii, cum ipse dramaticus non sit, reus argueretur, mendis expositis, praecipue commendat Augusto, ut illo favente et protegente tandem perfectus aliquis poëta existat, summis illius laudibus celebrandis idoneus; se certe tantis rebus gestis describendis et celebrandis imparem esse, probeque scire, poëtam malum magni viri gloriam et famam attenuare potius, quam amplificare, in fine adhuc confitetur, hacque ipsa confessione debilitatis ingenii sui Augusto haud parum laudis tribuit. Scriptam esse hanc epistolam post a. u. 734 patet infra e nota a 73.

Cum ¹⁾ tot sustineas et tanta negotia solus,
Res Italas armis tuteris, moribus ²⁾ ornes,
Legibus emendes; in publica commoda peccem,
Si longo ³⁾ sermone morer tua tempora, Caesar.
Romulus ⁴⁾ et Liber ⁵⁾ pater, et cum Castore ⁶⁾ Pollux,

1) Vulgaris, sed elegans inferioris ad superiorem scribentis excusatio: Si ausim te, Caesar, longo sermone detinere, et avocare a gravissimis negotiis, quibus tu unus tam armorum potentia, quam legibus salutaribus populi mores emendandos curas; profecto commoda, quae tu paras populo, ego turbare et intercipere videar. Solus: Lepido enim in ordinem redacto, et mortuo Antonio imperabat jam solus Caesar.

2) Leges vitia emendant, et emendatis moribus ornant.

3) Haec epistola, si epistolam ad Pisonem exceperis, omnium Horatii epistolarum est longissima. Scilicet non raro rei alicujus, quam paucis expedire volumus, gravitas vel jucunditas nos disertos et verbosos reddit.

4) Romulus ex Hist. antiqua satis notus.

5) Liber, est cognomen Bacchi, Pater vocatur, ad verecundiam, quae ei debetur, designandam.

6) De Castore et Polluce vide L. III. od. 21. not. 57. et Mythol. Sensus est: Romulus, Bacchus, Castor et Pollux, qui tandem post res maximas gestas inter Deos relati sunt, dum adhuc terras et homines colerent, excolerent, id est, inter homines viverent; et in his terris bella componerent, finirent; agros colendos assignarent colonis, id est, colonias deducerent; civitates aedificarent, non semel doluerunt ob populorum, de quibus optime meruerunt, minus, quam speraverant, gratum in ipsos animum; quod nempe in hac vita non cognoverint eorum de genere humano merita.

Post ingentia facta Deorum in templa recepti,
Dum terras hominumque colunt genus, aspera bella
Componunt, agros assignant, oppida condunt;
Ploravere suis non respondere favorem ⁷⁾
Speratum meritis: diram ⁸⁾ qui contudit hydram ⁹⁾,
Notaque fatali portenta ¹⁰⁾ labore subegit,
Comperit invidiam supremo fine domari;
Urit ¹¹⁾ enim fulgore suo, qui praegravata artes
Infra se positas: extinctus amabitur idem. ¹²⁾
Praesenti ¹³⁾ tibi maturos largimur honores,
Jurandasque tuum per nomen ponimus aras,
Nil oriturum alias, nil ortum tale fatentes.
Sed ¹³⁾ tuus hic populus, sapiens et justus in uno,

7) Favor, fama, gloria.

8) Sensus: Hercules ipse, qui Hydram interfecit, totque alia monstra omnibus cognita, maximis aditis periculis oppressit, expertus didicit, invidiam non nisi morte illius, cui invidetur, exstingui posse.

9) Hydra serpens fuit inusitatae magnitudinis prope Lernam paludem, ad urbem Argos in Peloponneso; erant illi plura capita, quorum, si unum secaretur, alia duo subnascebantur; illam tamen Hercules igne ac ferro domuit. Vide L. IV. od. 3. not. 56.

10) Portenta et monstra dicuntur, quae contra leges naturae apparent; eo pertinent horrendae illae hominum et bestiarum formae, contra quas pugnare debebat Hercules. Nota: nihil enim 12 laboribus Herculis magis notum. Fatali Jupiter edixerat, ut si prius nasceretur Euristheus, rex Mycenarum, quam Hercules, imperaret huic pro arbitrio; fecit autem Juno, ut prior Euristheus in lucem ederetur. Per fatalem laborem ergo maxima designantur pericula, a fato ipsi destinata, quae superare debuerat.

11) Sensus: qui enim aliquid in quavis arte eximum facit, seque supra caeteros tollit, iis, qui ipso inferiores sunt, gravis semper est ac molestus, dum vivit; si autem semel esse desierit, diligeat. Praegravare, id est, gravius pondus habere, graviore pondere vincere ac proinde, superare artes, pro artificibus. Urere idem ac, punire et invidia inflammare.

12) Sententiarum nexus: at tibi, Auguste, multo major, quam heroibus illis, Romulo, Baccho etc. contigit felicitas; illi enim post mortem demum inserti sunt Deorum ordinibus, tu vero adhuc praesens, vivens Deus a populo coleris. Maturos, id est, tempestivos in vita, non seros post mortem. Jurandas, id est, extruimus aras, ad quas per tuum nomen juremus. Aram enim ponere et per ejus, cui posita sit, nomen jurare, Deorum immortalium honor est; is Augusto viventi delatus est a Romanis, consentibus universis, nihil, id est, neminem unquam similem illi aut natum, aut nasciturum esse.

13) Sensus et nexus: idem tamen hic populus tuus, qui in hoc uno, quod te Romanis et Graecis ducibus anteposit, sapiens et justus est, nunquam simili ratione modoque caeteros aestimat, sed eos, donec vivunt, fastidit et odit; nihil omnino magnum reputat aut tolerabile, nisi quod terris procul disjunct-

Te nostris ducibus, te Grajis anteferendo,
 Caetera nequaquam simili ratione modoque
 Aestimat, et, nisi quae terris semota suisque
 Temporibus defuncta videt, fastidit et odit:
 Sic fautor veterum, ut tabulas¹⁴⁾ peccare vetantes,
 Quas bis quinque viri sanxerunt¹⁵⁾, foedera regum
 Vel Gabiis¹⁶⁾, vel cum rigidis aequata Sabinis,
 Pontificum¹⁷⁾ libros, annosa volumina¹⁸⁾ vatum,
 Dictitet Albano¹⁹⁾ Musas in monte locutas.
 Si²⁰⁾, quia Graecorum sunt antiquissima quaeque
 Scripta vel optima, Romani pensantur eadem
 Scriptorum trutina; non est, quod multa loquamur:
 Nil intra est oleam, nil extra est in nuce duri.
 Venimus ad summum fortunae; pingimus, atque

tum, vel longis retro actis temporibus antiquissimum sit: tam caeco vetustatis amore captus, ut leges tabularum 12, quibus culpa vetantur, sanctitas a Decemviris, et pacis a nobis cum Gabiis et cum Sabinis consensu olim mutuo initas conditiones; rituales sacerorum libros, et antiquas vatum praedictiones, contendat (ille populus nempe tuus) in monte Albano a Musis ipsis jam olim pronunciatas fuisse.

14) Tabulas, id est, leges Romanorum in 12 tabulis scriptas. Anno nempe U. 303 missi sunt in Graeciam decem viri, ut e legibus Graecorum optima quaeque excerptent; collegerunt illi certa quaedam capita, quae in 12 tabulas aereas incisa sunt, diuque jus Romanum 12 illis tabulis constituit. Peccare vetantes, proponendo poenas peccantibus.

15) Sanxerunt, observandas esse a populo Romano decreverunt, auctoritate sua ratas esse iusserunt.

16) Foedera aequata, id est, ex aequo constituta et composita, vel cum Gabiis vel cum Sabinis. Gabii populi erant non procul Roma in Latium, cum iis foedus initium est a Tarquinio Superbo. Sabinorum ager erat super Latium ad Orientem Etruriae. Urbs illorum primaria Cures. Populus Sabinorum cum Romano post raptum virginum Sabinarum foedere icto in unum confluerat. Sabinii autem vocantur rigidi, non tantum, quia severa disciplina apud eos vigeat, sed etiam quia fortes et bellicosi erant.

17) Pontificum libri continent praecipue artem sacrificandi, et auguralis ritus.

18) Hic praecipue intelligendi sunt libri Sibyllini.

19) Albanus mons erat in Italia prope Albam, quasi fuisset ille Italiae Parnassus, et eo Musae, relictis Graeciae montibus, secessissent. Per Musas Horatius respexisse videtur Nympham Egeriam, quacum Numà Pompilius, ut miraculosi commentis fidem faceret, sibi in monte Albano nocturnos congressus esse simulabat. Dixit autem, Musas, quia Egeria in Musarum choro et consortio fuisse dicitur.

20) Sensus huius loci sequens esse videtur: si Romani scriptores eadem pensantur trutina, eodem modo aestimantur, atque Graeci, apud quos vel optima, id est, longe optima sunt ea scripta, quae sunt antiquissima, h. e. si

Psallimus, et luctamur Achivis doctius unctis²¹⁾.

Si²²⁾ meliora dies, ut vina, poemata reddit,

Scire velim, pretium chartis quotus arroget annus:

Scriptor ab hinc annos centum qui decidit, inter

Perfectos veteresque referri debet? an inter

Viles atque novos? excludat²³⁾ iurgia finis.

Est vetus²⁴⁾ atque probus, centum qui perficit annos.

Quid²⁵⁾? qui deperit minor uno mense vel anno,

Inter quos referendus erit? veteresne poetas?

An quos et praesens et postera respuet aetas?

Iste²⁶⁾ quidem veteres inter ponetur honeste,

Qui vel mense brevi vel toto est junior anno.

Utor²⁷⁾ permissio, caudaeque pilos ut equinae,

apud Romanos, sicut apud Graecos antiquissima etiam optima reputantur; non est, quod multa loquamur, id est, hoc, breviter dicendo, tam absurdum est, ac si quis contenderet; nihil duri esse intra oleam (in oleae nucleo) et nihil duri extra in nuce (in nucis putamine) et nos Romani olim rudes et imperiti jam summum perfectionis gradum assequuti sumus, praestantiores sumus jam Graecis in arte pingendi, luctandi, canendi. Neutrum enim de Romanis affirmari poterat; antiquissima apud illos non erant praestantissima, quia primis temporibus erant adhuc rudes et inculti; sed neque summum adhuc tunc temporis gradum perfectionis attigerunt, ita, ut Graecos omnes superarent. Haec omnia autem protulit Horatius, ut ostenderet, praestantiam rei non dependere a vetustate ejus.

21) Unctis; luctaturi enim in palaestra, vel in Campo Martio oleo ungi solebant.

22) Quodsi, ut vino, sic versibus prodest ad bonitatem, dies, vetustas, diuturnitas; dic quae, quot annos necessarios putas ut boni fiant? satisne est poetam centum ab hinc annis decidisse, mortuum esse, ut perfectus putetur, ut ejus chartae, poemata in pretio sint? an post centum annos adhuc novus, adeoque vilis consensus erit?

23) Sensus: definitus enim sive praestitutus annorum, quibus vetustas efficitur, numerus tollet, et removebit omnem de hac re litem et controversiam.

24) Responsio est alicujus Censoris vel Critici, quem se interrogare fingit Horatius: Sit e. g. satis antiquus, et probus, id est, perfectus, laude dignus, quisquis poeta vixerit ante centum annos.

25) Respondet Horatius. Deperit, mortuus est. Inter quos, id est, quorum in numero habebitur, veterum, an recentium istorum, quos non solum nostrae, sed et proximae securitatis aetatis homines contemnent?

26) Verba Censoris. Honesti, non immerito, recte.

27) Verba Horatii. Permittis unum mensem aut annum demere, idque nihil referre ais; utor permissio, id est, accipio, quod das, et, sicut alterum pilum, post alterum ex cauda equina, ita de annorum numero, quibus vetustas scriptorum constituatur, paulatim vello, et demo alterum numerum post alterum; dum, seu donec is, qui redit ad fastos, id est, qui scriptorum prae-

Paulatim vello, et demo unum, demo etiam unum,
 Dum cadat²⁸⁾ elusus ratione ruentis acervi,
 Qui redit ad fastos, et virtutem aestimat annis,
 Miraturque nihil, nisi quod Libitina²⁹⁾ sacravit.
 Ennius³⁰⁾ et sapiens et fortis, et alter Homerus,
 Ut critici dicunt, leviter curare videtur,
 Quo promissa cadant et somnia Pythagorea.
 Naevius³¹⁾ in manibus non est, et mentibus haeret
 Paene recens, adeo sanctum est vetus omne poemata.
 Ambigitur³²⁾ quoties uter utro sit prior; aufert

stantiam numero annorum, in fastis consignatorum, aestimat, et nihil, nisi scripta jam diu mortuorum miratur, cadat h. e. victus concidat, ratione corruentis acervi elusus, id est, donec ei, ratione numeri sensim sensimque minuti decepto, aqua haereat. Quemadmodum nempe acervus v. g. tritici, e quo perpetuo granum post alterum tollitur, tandem corrui; ita magnus numerus, e quo alterum post alterum demis, minuitur tandem, ut, ubi ille magnus esse desinat, nescias.

28) Cadat: cum acervo concidat, h. e. se ad incitas redactum esse intelligat. Virtutem, pro: praestantiam. De fastorum libris vide L. I. sat. 3. not. 79.

29) Nisi quod Libitina sacravit; nisi quod scripserunt Libitinae, id est morti sacrati, seu sepulti. De Libitina vide L. II. sat. 6. vers. 19. et not. 22.

30) Jam Horatius adfert veterum poetarum celebratissimos, non quidem hoc consilio, ut illos vituperet; sed tantum ut ostendat, praestantiam horum minus a vetustate eorum, quam potius a valore operum suorum dependere. Laudat hinc, quod laudandum est, et reprehendit, quod reprehensionem incurere videtur. Sensus est: Ennius ille, quem Grammatici nostri sapientem, doctum, eruditum, et fortem, id est, altiore spiritu exsurgentem, et denique Homerum alterum esse adfirmant, ita negligenter scripsit, ut parum videatur fuisse sollicitus, quomodo verosimile faciat, quod de se ipse ex Pythagorae somniis jactabat asserens, animam Homeri in suum commigrasse corpus. Alludit hic Horatius ad somnium, quod de se ipse narrabat Ennius, cum ex Pythagorae doctrina assererat, visam sibi dormienti immigrare animam Homeri, et promittere, ipsum fore alterum Homerum. Breviter haec omnia sic efferenda esse videntur: Licet Ennius suum valorem habeat, oblitus tamen est, quid promiserit, et somniaverit; id est, alter tamen Homerus non est. Quo cadant, id est, qualem eventum habeant promissa et somnia. De Pythagora philosopho vide L. II. sat. 6. not. 57. et sat. 4. not. 4. De Ennio poeta Latinorum vide L. IV. od. 7. not. 20.

31) Naevius fuit aliquot annis Ennio senior, et vixit circa a. u. 520. Scripsit non tantum comoedias et tragoedias, sed etiam carmen epicum de bello Punico primo. Sensus est: Naevius non amplius est in manibus, ejus opera temporum lapsu interiere; verum tam alte haec inhaerent animis et memoriae hominum, ut nuper scriptas putes; adeo omnibus putatur veneratione dignum, quidquid antiqui carminis est.

32) Jam Horatius sententias, quae a vulgo de veterum poetarum pretio

Pacuvius³³⁾ docti famam senis, Accius³⁴⁾ alti:
 Dicitur Afrani³⁵⁾ toga convenisse Menandro;
 Plautus³⁶⁾ ad exemplar Siculi properare Epicharmi³⁷⁾;
 Vincere Caecilius³⁸⁾ gravitate, Terentius arte.
 Hos³⁹⁾ ediscit, et hos arcto stipata theatro.
 Spectat Roma potens; habet hos numeratque poetas
 Ad nostrum tempus Livii⁴⁰⁾ scriptoris ab aevo.
 Interdum vulgus rectum videt, est ubi⁴¹⁾ peccat.

feruntur, referens, eos, qui in veterum, tanquam perfectissimorum scriptorum et recentioribus longe praefereendorum, laude sint nimii, errare, illos vero, qui ea, quae vitio vertenda sint veteribus, agnoscant, rectius secum de iis judicare ait. Quoties in coetu hominum controvertitur, disputatur, quis cui sit anteponeendus? Pacuvium universi doctum senem, Accium sublimioris spiritus poetam dicunt; Afranium vero Graeco Menandro parem in togatis comoediis conscribendis adfirmant; Epicharmum denique Siculum Plauto nostro prope aequatum, superatum autem a Caecilio et a Terentio, isto plus artis, illo plus gravitatis exhibente, pronunciant. Aufert, id est, obtinet famam, laudem, gloriam.

33) Pacuvius, Ennii ex sorore nepos; tragoedias scripsit non inconcinne, ut erant tempora. Brundisii natus obiit Tarenti prope nonagenarius, unde ab Horatio doctus senex vocatur.

34) Accius fuit Pacuvii aemulus inter ejus fabulas tragicas insignis ea fuit, cui nomen, Atrous; quam cum Ennio aliquando recitasset, carperetque Ennius nonnulla, respondit Accius: ea similia esse pomis acerbioribus, quae melius conservantur, ac tempore ipso mitescunt.

35) Afrani toga, quia togatas comoedias scripsit; ita enim vocabantur illae, quarum erat argumentum Latinum et personae; palliatae vero dicebantur, quarum argumentum et personae a Graecis erant sumptae. Fuit Afranius paulo junior quam Terentius, peracutus, et disertus, Menandri diligens imitator; unde illius toga, id est, stylus, et ratio scribendi fabulas Latinas, dicitur convenisse Menandro. Menander autem fuit Graecus poeta comicus.

36) Plautus (M. Accius) natione Ueber. Adfirmabat Varro, Musas, si Latine loquerentur, Plautino sermone loquuturas. Obiit a. u. 570. Dicitur hic ad exemplar, id est, ad imitationem Epicharmi properare, celeriter, stylo humili, jocosu et nugaci scribere. Scripsit enim Plautus comoedias, quae adhuc prostant.

37) Epicharmus fuit poeta Graecus Syracusanus.

38) Caecilius poeta comicus Mediolanensis, aequalis fere Terentii, vixit uterque circa a. u. c. 590. Terentii comoediae exstant.

39) Sensus: hos Roma urbium et orbis domina memoriter discit; ad horum fabulas in theatro spectandas frequens adcurrit; hos veros agnoscit poetas ab eo tempore, quo Livius Andronicus fabulam primus in urbe exhibuit.

40) Livius Andronicus, poeta comicus. Livii Salinatoris, cujus filias erudiverat, libertus a. u. 514 primus Romae fabulam dedisse dicitur.

41) Est ubi peccat, id est, aliquando fallitur. Videt, id est, judicat.

Si veteres ita miratur laudatque poëtas,
 Ut nihil anteferat, nihil illis comparet, errat:
 Si ⁴²⁾ quaedam nimis antiquae, si pleraque dure
 Dicere cedit eos, ignave multa fatetur;
 Et sapit, et mecum facit, et Jove iudicat aequo.
 Non ⁴³⁾ equidem insector, delendave carmina Livii
 Esse reor, memini quae plagosum ⁴⁴⁾ mihi parvo
 Orbiliū dictare; sed emendata videri,
 Pulchraque, et exactis minimum distantia, miror.
 Inter ⁴⁵⁾ quae verbum emicuit si forte decorum,
 Si versus paulo concinnior unus et alter,
 Injuste totum ducit venditque poema.
 Indignor ⁴⁶⁾ quidquam reprehendi, non quia crasse
 Compositum illepideve putetur, sed quia nuper;
 Nec veniam antiquis, sed honorem et praemia posci.
 Recte ⁴⁷⁾, necne, crocum ⁴⁸⁾ floresque perambulet Attae

42) Sensus: si vero fatetur, concedit eos quaedam dicere antiquae, obsoletae, plurima asperae et impolite, at multa ignave, frigide, languide, sapienter dicit, et mecum consentit, habetque ipsum Jovem sui iudicii aequissimum adprobatores. Jove aequo, id est, adprobante Jove. Facit, pro: consentit.

43) Sensus: equidem ego Livii Andronici versus, quos memini, cum puer essem, mihi dictatos ab Orbilio magistro meo; homine in discipulos acerbo, non sic vitupero, ut plane abolendos decernam; sed miror tantum, quod illos, ut emendatos, omni errore vacuos, pulchros, et proximos perfectis, laudari, existimari videam.

44) Cum esset Orbilius homo acerbae naturae, et proinde pueros, sibi erudiendos traditos acerbe tractaret, Horatius, jam plagarum ab eo acceptarum memoriam refricans, eum plagosum vocat.

45) Sensus: si forte in carminibus, quae scripsit Livius, elegans verbum, vel unus et alter versus concinnior enituit, vulgus injuste totum poema pulchrum et concinnum esse censet, et hoc nomine laudat. Emicuit, pro: placuit. Ducit, id est, magni ducit, aestimat, iudicat. Vendit, laudat, commendat; est enim translatum a mercatoribus, qui laudant et commendant merces, quas vendere cupiunt.

46) Sententia: indigne fero, quod carmina non ideo, quod crasse et illepide, sed quia nuper, id est, recentiori aetate composita sunt, reprehenduntur; et quia antiquis poëtis, quasi illi nihil omnino peccaverint, non venia, sed honor et praemia poscuntur.

47) Sensus et ordo: si vocare in dubium audeam, an comoedia quaedam a J. Quinctio Atta, veteri poëta, scripta mereatur necne in theatro recitari; statim senes omnes clamabunt, me esse impudentissimum, qui velim eam reprehendere comoediam, in qua fuerint actores Aesopus et Roscius, duo praestantissimi ea tempestate histriones, quasi hoc satis argumenti foret, eam esse optimam.

48) Crocus est herba odorata, quae in aqua macerata illi suum odorem

Fabula, si dubitem, clament periisse pudorem
 Quincti paene patres; ea cum reprehendere coner,
 Quae gravis Aesopus ⁴⁹⁾, quae doctus Roscius ⁵⁰⁾ egit:
 Vel ⁵¹⁾, quia nil rectum, nisi quod placuit sibi, ducunt;
 Vel quia turpe putant parere minoribus, et quae
 Imberbi didicere, senes perdenda fateri.
 Jam ⁵²⁾ Saliare Nūmae carmen qui laudat, et illud,
 Quod mecum ignorat, solus vult scire videri:
 Ingeniis non ille favet plauditque sepultis,
 Nostra sed impugnat, nos nostraque lividus odit.
 Quodsi tam Grajis ⁵³⁾ novitas invisā fuisset,
 Quam nobis, quid ⁵⁴⁾ nunc esset vetus? aut quid haberet,
 Quod legeret, tereretque viritum publicus usus?
 Ut primum positis ⁵⁵⁾ nugari ⁵⁶⁾ Graecia bellis

conciat. Crocum perambulare et flores, idem sonat, ac incedere per theatrum aqua odorata, in qua nempe crocus et flores macerabantur, aspersum; hoc enim fieri solebat ad odorem gratum in theatro conciliandum.

49) Aesopus, nobilis tragoediarum actor, vocatur gravis ob gravium personarum partes in tragoediis suscipiendas et sustinendas. Cicero hujus Aesopi, quem ut familiarem suum laudat, passim mentionem facit. Off. I. 31.

50) Roscium Cicero in peculiari oratione contra criminationem aliquam defendit; eumque ut summum rei scenicae artificem sive histrionem perfectissimum saepius laudat. V. g. in Orat. pro Archia Poët. cap. 8. Quis nostrum animo tam agresti et duro fuit, ut Roscii morte nuper non commoveretur? Qui cum esset senex mortuus, tamen propter excellentem artem ac venustatem (quam ostendebat toto corporis habitu et gestibus) videbatur omnino mori non debuisset.

51) Nexus idearum: hoc autem inde venit: vel quia senes hi et majores nihil bonum et rectum esse existimant, nisi quod ipsi probaverint; vel quia turpe putant, si ad juniorum sententiam se accommodent, et ea, quae pueri olim imberbes a ludimagistro ex Attae comoediis dictata didicerint, perdenda, id est, tanquam vana et falsa e memoria delenda esse, fateantur.

52) Sensus: jam vero, qui carmen a Numa Pompilio scriptum tanquam bonum commendat, putari certe vult et videri, se id intelligere solum, quod tamen reipsa mecum ignorat; et hoc non facit eo consilio, ut hominibus ingeniosis mortuis suam dignitatem et famam afferat; sed tantum propterea, quia coeco veterum studio abreptus et amore, recentiores ex invidia contemnit. Saliare carmen, erat poësis obscurissima, et nulli satis intellecta, quae, a Numa rege composita, a Saliis Martis sacerdotibus saliendo canebatur.

53) Grajis, id est, Graecis.

54) Quid nunc esset vetus? Quid modo haberemus antiquum? Nam situm, cum scriberent Graeci propter novitatem illi contemti fuissent, non legere, non manibus terere et imitari nunc possemus veteres Graecos. Publicus usus, id est, vulgus.

55) Positis, id est, finitis bellis. Finito enim bello Persico, magis magisque efflorescere coeperunt bonarum litterarum studia apud Graecos.

Coepit, et in vitium⁵⁷⁾ fortuna labier aequa, :
 Nunc⁵⁸⁾ athletarum studiis, nunc arsit equorum;
 Marmoris⁵⁹⁾ aut eboris fabros, aut aeris amavit;
 Suspendit⁶⁰⁾ picta vultum mentemque tabella;
 Nunc⁶¹⁾ tibicinibus, nunc est gavis tragoedis;
 Sub nutrice⁶²⁾ puella velut si luderet infans,
 Quod cupide petiit, mature plena reliquit.
 Quid⁶³⁾ placet, aut odio est, quod non mutabile credas?
 Hoc⁶⁴⁾ paces habuere bonae, ventique secundi.
 Romae⁶⁵⁾ dulce diu fuit et solenne reclusa
 Mane domo vigilare, clienti promere jura,
 Cautos nominibus rectis expendere⁶⁶⁾ nummos,

56) Nugari, id est, ludicra tractare; rebus, ad animi oblectationem spectantibus, vacare.

57) Vitium, pro: otium, luxum. Fortuna aequa, id est, fortuna melior. Sensus est: ubi a bellis quievit Graecia, otio primum et nugis vacare; deinde etiam, cum jam meliorem fortuna uteretur, molliore vita, ab antiqua morum disciplina recedens, corrumpi coepit.

58) Principio itaque delectata est gladiatorum spectaculis, curulibus certaminibus, ludis equestribus. De athletis vide L. IV. od. i. not. 20.

59) Sensus: mox se ad signa et statuas ex marmore, aere, aut ebore sculptas convertit, earumque artifices plurimi fecit.

60) Sensus vulgaris: Graeci nunc toti fuerunt in pictarum tabularum admiratione. Qui enim rem aliquam cum admiratione et animi intentione contemplantur, eleganter dicuntur: vultum et mentem aliqua re suspendere, h. e. oculos et mentem in aliqua re defigere.

61) Sensus: successit omnibus musicae amor, et actionum e theatro exhibitarum.

62) Graecia post bella modo hoc, modo aliud rei ludicrae studium amplexa, lepide comparatur cum infante puella, sub nutrice ludente, quam rei, modo petita, mature capit satietas. Nutrix dicitur non tantum ea, quae infantem lactat, sed etiam quaevis alia, sub cuius custodia infantes educantur. Plena, pro: satiata, nempe Graecia.

63) Sensus: quid enim est, quod diu placeat, aut displiceat?

64) Hoc, id est, hanc mutabilitatem et inconstantiam paces bonae, salutare, et venti secundi, id est, fortuna secunda, favens secum tulere.

65) Sensus et nexus: haec studiorum mutabilitas apud Romanos quoque locum habuit, sed non eodem felici cum successu pro artium cultura. Olim Romani primo mane lectum relinquere; et, reseratis domi foribus, clientes, quibus consulerent, et jura exponerent, admittere; nummos, justa cautione in tuto positos, debitori expendere, adnumerare; et juniores senioribus, quomodo res familiaris crescere, et perniciosam libidinem domari possit, docentibus faciles aures praebere, et obedientiam praestare solebant: nunc levis populus mutavit illam mentem; nunc unum scribendi studium fervet; nunc seniores neque ac juniores corollis redimiti convivia sectantur et dictant carmina.

66) Nummi rectis nominibus cauti, sunt nummi, quibus certa syngrapha,

Majores audire, minori dicere, per quae
 Crescere res posset, minui damnosa libido.
 Mutavit mentem populus levis et calet⁶⁷⁾ uno
 Scribendi studio: puerique patresque⁶⁸⁾ severi
 Fronde^{68*)} comas vincti coenant, et carmina dictant⁶⁹⁾.
 Ipse⁷⁰⁾ ego, qui nullos me affirmo scribere versus,
 Invenior Parthis⁷¹⁾ mendacior; et prius orto
 Sole, vigil calamum et chartas et scrinia⁷²⁾ posco.
 Navem agere ignarus⁷³⁾ navis timet; abrotonum⁷⁴⁾ aegro
 Non audet, nisi qui⁷⁵⁾ didicit, dare: quod⁷⁶⁾ medicorum est,
 Promittunt medici, tractant fabrilis fabri;
 Scribimus indocti doctique poemata passim.
 Hic error tamen, et levis haec insania, quantas⁷⁷⁾
 Virtutes habeat, sic collige: vatis⁷⁸⁾ avarus
 Non temere est animus; versus amat, hoc studet unum;

debetoris et testium nominibus consignata, a fraude cautum est. Respexit autem Horatius aetatis suae homines avaros, qui non honesto et legitimo, ut olim, sed inhonesto et illegitimo foenore, id est, enormibus usuris pecuniam mutuo dabant. Res, familiaris nempe, opes.

67) Respexit hic Horatius indoctorum, qui tum caput efferebant poetarum gregem.

68) Patres severi, non quod fuerunt patres illi severi, sed quod pro aetate sua severi esse debuissent.

68*) Fronde, id est, hedera vel lauro, unde fiebant poetis coronae.

69) Dictant, pueris nempe, scribis privatis. Ut supra Epist. 10. L. I. vers. 49.

70) Sensus: ego ipse professor non semel, nullos me versus condere, magis mendax convincor, quam Parthi; cum ante solis ortum, somno pulso, afferri mihi calamum, chartas, et scrinia jubeam.

71) Parthi dicuntur mendaces, quia saepe fidem Romanis datam fregerant. Mar. Crassum insigui olim mendacio, et pacis, quam minime vellent, simulatione, circumvenierunt; et dein captivorum ac signorum restitutionem saepe promissam diutissime distulerunt.

72) Scrinium, capsula vel arca, in qua charta, litterae, et res ad scribendum necessariae servabantur.

73) Navis, id est, navigationis et artis nauticae ignarus.

74) Abrotonum herba est medica, aliqui silvestrem cupressum adpellant; ponitur hic pro quolibet pharmaco.

75) Qui didicit, id est, artis mendendi peritus.

76) Sensus: medici medica, fabri fabrilis tractare solent; una est ars pangendorum poematum, ad quam nos omnes, docti et indocti, nullo discrimine factos putamus.

77) Quantas virtutes habeat, id est, cum quantis commodis et opportunitatibus conjuncta sit, ex sequentibus argumentare.

78) Sensus: vatem avarum non facile invenies, contentus est solis versibus, ultra fere nihil amat aut curat. Non temere, id est, non facile.

Detrimenta, fugas servorum, incendia ridet⁷⁹⁾;
 Non fraudem socio puerove incogitat ullam
 Pupillo; vivit siliquis et pane secundo;
 Militiae quamquam piger et malus, utilis urbi;
 Si⁸⁰⁾ das hoc, parvis quoque rebus magna juvari.
 Os⁸¹⁾ tenerum pueri balbumque poeta figurat;
 Torquet⁸²⁾ ab obscœnis jam nunc sermonibus aurem;
 Mox⁸³⁾ etiam pectus praeceptis format amicis,
 Asperitatis et invidiae corrector et irae;
 Recte⁸⁴⁾ facta refert; orientia tempora notis
 Instruit exemplis; inopem solatur et aegrum.
 Castis cum pueris ignara⁸⁵⁾ puella mariti
 Disceret unde preces, vatem ni Musa dedisset?
 Poscit opem chorus⁸⁶⁾, et praesentia numina sentit;
 Coelestes implorat aquas docta prece blandus;
 Avertit morbos, metuenda pericula pellit;
 Impetrat et pacem et locupletem frugibus annum;

79) Damna rei domesticae, transfugia mancipiorum, incendia ridet, tanquam res nihil ad se pertinentes; nullam consortibus, nullam pupillis motitur fraudem; contentus siliquis ac pane secundario, et quamquam parum bello idoneus, domi tamen et in urbibus utilis est. Incogitat, pro: machinatur. Siliquae, idem ac, legumina; sunt proprie olerum involuera. Panis secundus, seu secundarius est panis niger. Malus, ignavus, timidus.

80) Sensus: si concedis hoc, quod esse verissimum constat, res parvas nempe adjumento esse maximis.

81) Os, id est, vocem et pronuntiationem figurat, format et fingit.

82) Sensus: in ipsa aetate tenera obscœnitatem omnem verborum ab auribus avertit, honesta solum ingerens.

83) Sensus: paulo post animum salutaribus praeceptis informans, monet, ut in convictu mutuo, asperitatem, invidiam et iram devitent, pueri nempe. Asperitas, id est, incultior et asperior vita. Corrector: qui haec vitia corrigi monendo.

84) Sensus: recte factorum narrat historias; ante oculos ponit nota exempla, quae futurae aetatis homines virtutem sequi, et vitia fugere doceant; et pressis inopia rerum, atque aegris animo solatium adhibet blandae orationis. Orientia tempora: hic intelliguntur homines futurae aetatis.

85) Ignara puella mariti, id est, inupta. Sensus vulgaris: chorus castorum puerorum et castarum virginum unde disceret precum formulas, nisi magistros vates Musae dedissent? Intelligit hymnos ad Apollinem et Dianam, similes Carmini saeculari, qui a choro nobilium puerorum puellarumque decantabantur in publicis calamitatibus, et post exactum saeculum.

86) Sensus: his ergo precibus juvenum chorus virginumque Deos invocans opem, quam orat, sentit, accipit; et modo quidem tempestivum imbrem elicit coelo, modo impendentes morbos depellit et alia pericula etc. Chorus blandus, id est, blanda, Diis amoena prece institutus a poeta etc.

Carmine⁸⁷⁾ Di superi placantur, carmine Manes⁸⁸⁾.
 Agricolae prisci, fortes⁸⁹⁾ parvoque beati,
 Condita⁹⁰⁾ post frumenta, levantes⁹¹⁾ tempore festo
 Corpus et ipsum animum, spe finis dura ferentem,
 Cum sociis operum, pueris et conjuge fida,
 Tellurem⁹²⁾ porco, Silvanum⁹³⁾ lacte piabant⁹⁴⁾,
 Floribus et vino Genium⁹⁵⁾, memorem brevis aevi.
 Fescennina⁹⁶⁾ per hunc invecia licentiam morem
 Versibus alternis opprobria rustica fudit,
 Libertasque recurrentes accepta per annos
 Lusit amabiliter: donec jam saevus apertam
 In rabiem verti coepit jocus, et per honestas
 Ire domos impune minax. Doluere⁹⁷⁾ cruento

87) Sensus: carminibus enim Di superi et inferi propitii sunt.

88) De Diis Manibus seu umbris mortuorum vide L. I. od. 20. not. 20. Hic autem per Manes intelligi debent in genere Dii inferorum.

89) Fortes, robusti; parvo beati, id est, paucis contenti.

90) Condita post frumenta, id est, peracta messe.

91) Sensus: fessa corpora et animum, qui obventurae copiae spe operi fortiter insisterat, relaxantes, festo die una cum adjutoribus laborum, cum pueris et pudica uxore Deae Telluri porcum offerebant etc.

92) Telluri sus immolabatur; sus enim foecunditate sua terrae ubertatem adumbrat.

93) Silvanus, silvarum et pastorum Deus; huic lac offerebatur.

94) Piabant, id est, propitium redabant; expiabant et luebant sacrificio, si quid in eum peccatum esset.

95) Inter plurimas Genii significationes una est, qua exprimitur tutelare quoddam numen, singulis hominibus, ex fide veterum, ab ipsa statim nativitate attributum, cum ipsis natum, et ipsis morientibus desitutum; ideo, brevis aevi memor, seu, de vitae brevitate monens, adpellatur hic ab Horatio Genius.

96) Sensus: ex ea rusticorum consuetudine, qui post messem operum soluti genio indulgebant, orta est licentia et libertas dicendi alterno carmine convicia quaedam rustica, quae quotannis certo tempore recurrentes fuit grata, omnibusque jucunda: donec ab istis jocularibus conviciis licentia illa in furorem versa est, id est, ad vera et aperta convicia descendere, atque cives honestissimos minaci carmine deformare coepit. Vocatur haec licentia, Fescennina, a Fescenia, oppido Etruriae, unde ista rustica et obscœna convicia sunt allata.

97) Doluere, id est, male habebant, aegre ferebant hoc conviciis illis petiti; imo et illi, qui erant intacti, non lacessiti, haud sine cura fuere, periculum commune timentes, id est, eadem convicia in se quoque conspergi timentes; et sic eo res processit, ut lege lata et propositis pennis caveretur, ne quis versu maledico cuiusquam nominatum mores notaret. Cruento dente lacessiti: adposite ad tropum dictum est, quia dentis morsus vulneratos cruentat.

Dente lacessiti; fuit intactis quoque cura
 Conditione super communi; quin etiam lex
 Poenaeque lata, malo quae nollet carmine quemquam
 Describi. Vertere ⁹⁸⁾ modum, formidine fustis
 Ad bene dicendum delectandumque redacti.
 Graecia capta ferum ⁹⁹⁾ victorem cepit ¹⁰⁰⁾, et artes
 Intulit agresti Latio. Sic ¹⁾ horrendus ille
 Defluxit numerus Saturnius, et grave virus
 Munditiae pepulere; sed in longum tamen aevum
 Manserunt, hodieque manent vestigia ruris ²⁾:
 Serus ³⁾ enim Graecis admovit acumina chartis,
 Et post Punica ⁴⁾ bella quietus ⁵⁾ quaerere coepit,
 Quid Sophocles ⁶⁾ et Thespis et Aeschylus utile ferrent ⁷⁾.
 Tentavit ⁸⁾ quoque rem, si digne vertere posset;

98) Sensus: delinere poëtae modos, quibus adhuc carmina contumeliosa decantaverant, mutarunt, cum metu poenae ad scribenda carmina, quae benedicendo placent et delectarent, adigerentur. Cum poëtae maledici comparari soleant cum canibus mordacibus, quos fuste abigimus et repellimus, profecto huic comparationi bene respondet constituta in poëtas maledicos poena fustuarum.

99) Romanos feros vocat, id est, indoctos adhuc, et bonarum litterarum rudes.

100) Cepit: vicit litterarum voluptate et inescavit eos, a quibus erat victa Graecia, et subacta viribus armorum et saevitia. Sensus et nexus idearum: in hoc statu permansit poësis Romana, donec per Graeciam victam artes in rude et incultum Latium translatae fuissent. Ab expugnatione Graeciae enim per Mummium a. u. 608 secunda epocha poësis Latinae incipit.

1) Sensus: sic coepit abolescere ac vilescere poësis illa inculta, versus et numeri impoliti, qui olim, regnante in Italia Saturno, floruerant. Sermo mundus elegansque expulit gravem, virulentum et barbarum, qui hactenus viguerat. Virus idem est, ac venenum; ponitur pro quolibet odore gravi, et transfertur ad ea, quae foeda et abominabilia sunt.

2) Ruris, id est, rusticae poëseos et incultae.

3) Serus enim, scilicet Latinus; admovit acumina, id est, ingenii facultates, legendo acuendas, pro vulgari: admovit manus, operam dedit, vacavit Graecis scriptoribus.

4) Punica bella, quae contra Poenos, id est, Carthaginienses gesta sunt, tria numerantur. Vide Hist. Antiq.

5) Quietus, id est, pace fruens.

6) Sophocles fuit scriptor tragoediarum Graecarum, ut Thespis et Aeschylus.

7) Ferrent, proferrent, suppeditarent.

8) Sensus: quin ausi quidam sunt experiri, rectene Graeca in Latinum sermonem converterentur, et gratulati sibi sunt ob ingentem sublimitatem et acrem, vehementem spiritum, quem in se ipsis reperiebant. Rem, id est, Graeca carmina, tractata a Graecis poëtis argumenta.

165 Et placuit sibi, naturā sublimis et acer;
 Nam ⁹⁾ spirat tragicum satis, et feliciter audet;
 Sed turpem putat inscite, metuitque lituram.
 Creditur ¹⁰⁾, ex medio quia res arcessit, habere
 Sudoris minimum, sed habet ¹¹⁾ comoedia tanto
 Plus oneris, quanto veniae minus. Adspice, Plautus ¹²⁾
 Quo pacto partes tutetur amantis ephebi ¹³⁾!
 Ut patris attenti ¹⁴⁾, lenonis ut insidiosi!
 Quantus ¹⁵⁾ sit Dossennus edacibus in parāsitis!
 Quam non adstricto percurrat pulpita socco ¹⁶⁾!
 Gestit enim nummum in loculos demittere, post hoc
 175 Securus, cadat ¹⁷⁾, an recto stet fabula talo.

9) Sensus: nam sublimiori tragicorum spiritu satis agitur, Latinus, et ea, quae in hoc genere tentat, satis feliciter succedunt; et felicius adhuc multo succederent, nisi curam, quam in iis, quae minus recte scripsit, emendandis atque delendis ponere debebat, ut rem turpem, stulte fugeret. Quod in tabula cerata inverso stylo complanatur et deletur, litura vocatur.

10) Sensus et ordo: sunt, qui putant, comoediam esse multo faciliorem, quia res, id est, sua argumenta sumit e medio, h. e. e communi, quotidiana vita. Est enim comoedia repraesentatio actionis alicujus ex illis, quae in plebeja fortuna et quotidiana vita contingunt; tragoedia vero illustris actionis et heroicae.

11) Sed revera, qui eam, comoediam nempe, scribunt, tanto plus oneris in se suscipiunt, quanto minus, si quid peccaverint, solet ipsis ignosci.

12) Jam Horatius Plautum et ignobilem quemdam poëtam comicum, Dossennum, de productis in scenam personis, parum naturae convenienter partes suas sustinentibus, notat. Sensus: vide, quo pacto, quam male, et parum accurate Plautus versetur in exhibenda nobis imagine adolescentis amatoris, patris avari ac suspiciosi, fraudulentum lenonis! Vide quam negligenter parasitos descriperit Dossennus! Hoc unum nempe curabat, ut e scriptis comoediis suis lucrum capiat, parum sollicitus, bene ne, an male succederent; an probentur, aut explodantur.

13) Ephebi, id est, adolescentis partes tutetur, h. e. personam exhibeat, mores effingat.

14) Attenti, ad rem nempe, avari.

15) Quantus sit: videtur Dossennus risus captandi causa in experimen-
 da parasitorum edacitate nimius fuisse.

16) Histriones, qui socco non arctius adstricto, h. e. laxo per pulpita incedebant, externae negligentiae culpam sibi contrahebant; hac imagine igitur jam Dossenni in scriptis comoediis incuria atque negligentia designatur. Soccus erat cruris indumentum, sive calceus humilior, quo utebantur actores comoediarum, hinc soccus ponitur pro comoedia; cothurnus grandior et sublimior, quo tragoediarum. Pulpitum erat locus editor in theatro, ubi symphoniaci versabantur; pro toto theatro sumitur.

17) Cadere dicebantur fabulae, quae spectatoribus parum probatae, explodantur; stare vero, quae ab initio ad finem cum plausu spectaban-

Quem ¹⁸⁾ tulit ad scenam ventoso Gloria ¹⁹⁾ curru,
 Exanimat lentus spectator, sedulus inflat;
 Sic ²⁰⁾ leve, sic parvum est, animum quod! laudis avarum
 Subruit, ac reficit! Valeat ²¹⁾ res ludicra, si me
 Palma negata macrum, donata reducit opimum. —
 Saepe ²²⁾ etiam audacem fugat hoc terretque poetam,
 Quod numero plures, virtute et honore minores,
 Indocti stolidique et depugnare parati,
 Si discordet eques, media inter carmina poscunt
 Aut ursum, aut pugiles: his nam plebecula gaudet.
 Verum ²³⁾ equitis quoque jam migravit ab aure voluptas
 Omnis ad incertos ²⁴⁾ oculos et gaudia vana.
 Quatuor ²⁵⁾ aut plures aulaea premuntur ²⁶⁾ in horas;

tur. Metaphora autem deducta est ab homine, qui recto talo stat, everso cadit.

18) Alteras hic addit Horatius causas, quibus fiat, ut poësis dramatica perfecta non sit; et postquam in Plauto negligentiam, in Dosseno avaritiam notavit, alios esse dicit nimis gloriae cupidos; et denique addit plebis insaniam, clamores etc. Sensus: qui scribit fabulas gloriae captandae causa, is unum spectatorem consulit; is, si convenire segniter videat spectatores et fastidire, animo concidit; si vero alacres accurrant, cupideque attendant, effert, inflat se impudice.

19) Gloriae personificatae currus significanter dicitur ventosus.

20) Sensus: adeo parva res est, quae gloriae adpetentem animum dejicit, aut sustollit.

21) Sensus: longe itaque a me absit rei ludicrae, sive fabularum scribendarum studium, si poëtae vita tam inops et macra, quam opulenta in populi aut non faventis aut faventis posita est arbitrio. Reducit opimum, id est, obesum, ovantem laetum. Palma, pro laude. Macrum, id est, tristem.

22) Sententia: saepe audacioris et sublimioris ingenii poetam a re ludicra repellit et deterret hoc, quod e numero eorum, qui ad spectandum conveniunt, pars multo maxima, dignitate inferior, h. e. indoctum vulgus et stolidum, non raro in media comoedia, poscat spectaculum aliquod, et certamen ferarum aut athletarum, paratum etiam ad arma et verbera venire, si equites et nobiliores spectatores, qui sunt pauciores, discordent, id est, respuant id, quod vulgus petit, malint spectare comoediam, quam ursos et pugiles.

23) Sensus est: verum et ipsi quoque equites jam delictantur magis videndis spectaculis, quam audiendis comoediis et tragoediis; quod ex eo probat, quia ornamenta actorum, vestes, et omnis ejusmodi apparatus magis placebant, quam ipsi versus.

24) Incertos oculos, qui huc illuc curiose circumferuntur in magna rerum contemplandarum varietate.

25) Quatuor, id est: comoedia per horas quatuor aut plures durat, quamdiu nempe aulaea strata jacent.

26) Premuntur, id est, complicantur. Scena sive theatrum obtagebatur

Dum ²⁷⁾ fugiunt equitum turmae peditumque catervae;
 Mox trahitur manibus regum fortuna retortis;
 Esseda festinant, pilenta, petorrita, naves;
 Captivum ²⁸⁾ portatur ebur, captiva Corinthus ²⁹⁾.
 Si foret ³⁰⁾ in terris, rideret Democritus ³¹⁾; seu
 Diversum ³²⁾ confusa genus panthera camelo,
 Sive elephas albus vulgi converteret ³³⁾ ora:
 Spectaret populum ludis attentius ipsis, *s. Demodo.*
 Ut sibi praebentem ³⁴⁾ mimo spectacula plura;
 Scriptores ³⁵⁾ autem narrare putaret asello

aliquo velo, quod demittebatur, et stratum complicatumque humi jacebat, cum actores prodibant; attollebatur et explicabatur, finita fabula.

27) Jam Horatius, ut carpat aevi sui ingenium, recenset quaedam, quibus spectandis plebecula imprimis inhiabat, v. g. exercitus inter se decertantes; triumphum in quo reges olim fortunati trahebantur, vincitis post tergum manibus, et rariores in scenam productas bestias etc. Esseda, pilenta, petorrita, sunt Gallica et Belgica vehiculorum genera, quibus in pompa triumphali capti reges reginaeque vel spolia vehebantur. Per naves hic intelliguntur rostra navium captarum, vehiculis imposita.

28) Captivum ebur; intellige variam suppellectilem affabre ex ebore factam.

29) Captiva Corinthus, de more, quo simulacra captarum urbium in triumpho praeferi, et ostendi solebant, vix accipiendum videtur. Posuit fortasse Horatius Corinthum ut urbem opulentissimam, non praestantiore aere tantum et status inde effictis nobilem, sed et multarum rerum copia abundantem; itaque per captivam Corinthum splendidissima et pretiosissima quaeque intelligenda veniunt.

30) Si foret in terris, id est, si viveret.

31) Democritus fuit philosophus, Abderae natus, qui ex omnibus ridendi ansam captabat, ut Heraclius stendi. Vide L. I. Ep. 12. vers. 12. Sensus et ordo: risum certe non teneret, videns plebem ore converso et hiante spectantem seu camelopardalim, seu album elephantem; attentius multo contempleretur plebem, quam spectaculum, et plus voluptatis caperet ex hac curiositate ejus, quam ex ipsis ludis.

32) Diversum genus confusa panthera camelo; est poetica circumscriptio camelopardalis, quae est genus quoddam diversum a panthera et camelo, ex utroque tamen confusum et mistum.

33) Vulgi ora converteret; quod enim animo intento spectamus, in illud vultum convertimus, ac proinde spectaculum hoc convertit, id est, efficit, ut in illud convertamus ora nostra.

34) Praebentem spectacula plura; id est, populum, qui jucundius ipsi spectaculum esset, quam mimus quilibet. Erat autem mimus histrio, qui ridiculos gestus edebat, vel scurrilia et jocularia, oblectandis spectatoribus inferri solita inter actus singulos comoediae.

35) Narrare asello fabellam surdo, est proverbium, quod dicitur de iis, qui narrant quid non audientibus, et desumptum est ex Graeco: οὐκ οὐκ

200 Fabellam surdo: nam³⁶⁾ quae pervincere voces
 Evaluere sonum, referunt quem nostra theatra?
 Garganum³⁷⁾ mugire putes nemus, aut mare Tuscum:
 Tanto cum strepitu ludi spectantur et artes,
 205 Divitiaeque peregrinae, quibus oblitus actor
 Cum stetit in scena, concurrir³⁸⁾ dextera laevae.
 Dixit adhuc aliquid? Nil sane. Quid placet ergo?
 Lana³⁹⁾ Tarentino violas imitata veneno.
 210 Ac ne⁴⁰⁾ forte putes me, quae facere ipse recusem,
 Cum recte tractent alii, laudare maligne;
 Ille per extentum funem mihi posse videtur

ἐλεγε μῦθον, ὃ δὲ τα ὡτα κειναι: narrabat quis asino fabulam, et hic auribus nutavit. Ac proinde sensus: stuperet Democritus, videns, populum unice intentum spectaculis theatri, inconditosque clamores edentem, non audire versus praeclaros poetarum, qui ab actoribus recitantur in comoedia vel tragoedia. Per spectacula theatri intellige pretiosas vestes, gemmas, et alia, quae ad oculorum oblectamentum pertinent, de quibus infra not. 37.

36) Sensus: nam quis histrio ita vocem intendere potest, ut pervincat populi in theatris nostris tumultuantis strepitum et clamores? h. e. quis prae ingente strepitu in theatris nostris histrionum verba auribus percipere potest.

37) Garganum est mons in Apulia, silvosis, ubi ventorum fremitus, et arborum stridor est vehementior. De mari Tyrrheno vide L. I. od. 10. not. 7. Sensus: credas te audire ventos in monte Gargano, aut in mari Tyrrheno mugientes; tantus editur strepitus, quoties luditur in theatris nostris, adparentque actores in pretiosis vestibus, et arte hactenus Romae incognita elaboratis; vix enim prodiit e scena actor illis indutus, cum manibus undique plauditur, non quod praeclarum aliquid dixerit, qui adhuc tacet; sed quod admirationi sit purpura Tarentina violas referens, qua vestitus processit. Artes hic esse videntur ornamenta arte elaborata, quae vel in scena, vel in vestitu histrionum conspiciuntur. Divitiae peregrinae, sunt purpura, gemmae, margaritae, aurum etc. Oblitus, pro oblectus, indutus; cum contentu nimiae magnificentiae.

38) Concurrir dextra laevae, pro simplici: statim plauditur; manus enim, cum plaudimus, concurrunt et colliduntur.

39) Lana, id est, vestis confecta e lana, quae Tarenti tincta est purpurae colore praestantissimo, violaceum fere colorem referente. Venenum ponitur etiam pro quolibet liquore, succo, quo lanae color inducitur. De Tarento, urbe in Italia inferiore maritima, saepius jam sermo fuit.

40) Sensus et ordo: ne forte putes, Auguste, me non sine invidia aliqua maligne, id est, parce laudare poetas comicos et tragicos, quia recuso, h. e. non possum facere, quod alii recte faciunt, nempe comoedias et tragoedias; jam dicam quod sentio: ille poeta, qui pectus meum inaniter, h. e. in re ficta angit tanquam vera, qui animum ad iram incitat, aut eum suaviter mulcet, delent; qui, ut magus et praestigiator, non veris, sed falsis terroribus ludit; qui me ita afficit, ut Thebis, si res agitur Thebis,

Ire poeta, meum qui pectus inaniter angit,
 Irritat, mulcet, falsis terroribus implet,
 Ut magus, et modo me Thebis⁴¹⁾, modo ponit Athenis.
 Verum⁴²⁾ age et his, qui se lectori credere malunt,
 215 Quam spectatoris fastidia ferre superbi,
 Curam⁴³⁾ redde brevem, si munus⁴⁴⁾ Apolline dignum
 Vis complere libris et vatibus addere calcar⁴⁵⁾,
 Ut studio majore petant Helicon virentem.
 Multa⁴⁶⁾ quidem nobis facimus mala saepe poetae,
 220 (Ut vineta⁴⁷⁾ egomet caedam mea) cum tibi librum
 Sollicito⁴⁸⁾ damus, aut fesso; cum laedimur⁴⁹⁾, unum
 Si quicquid amicorum est ausus reprehendere versum;
 Cum loca jam recitata revolvimus⁵⁰⁾ irrevocati;
 Cum lamentamur, non apparere⁵¹⁾ labores

Athenis, si res agitur Athenis, mihi versari videar, ille inquam poeta mihi rem adeo difficilem perficere posse videtur, ac is, qui per extentum funem incedit; brevius: poeta, qui spectatores in rem, quam tractat, ita rapit, ut ipsi ei interesse videantur, et, quidquid agitur, toto animo sentiant, is poetae comici vel tragici artem tenet.

41) Thebae et Athenae sunt urbes Graeciae. Geogr. Antiq.

42) Sensus: verum age, o Auguste, his quoque poetis, qui legi, quam spectari malunt, qui nempe epico scribendi generi operam suam impendunt (ad hoc scribendi genus refertur enim etiam poësis lyrica) breve tempus consecra, si bibliothecam in templo Palatini Apollinis novis libris augere, et poetas, ut majore studio carminibus scribendis vacent, favore tuo impellere et excitare vis. Per fastidia intelliguntur reprehensiones spectatoris superbi, arrogantis.

43) Curam redde brevem. Horatius Augustum, qui unice adhuc spectandis comoediis et tragoediis deditus fuisse videtur, monet, ut legendis carminibus breve tempus impendat.

44) Munus Apolline dignum, id est, bibliotheca a te aedificata et Apollini consecrata.

45) Calcar, stimulus, animus. Helico, Boeotiae mons, Musis sacer.

46) Multa malla, intellige ea, quae poetae importune, inepte, et praepostere faciunt, haec nunc enarrat.

47) Sensus: ut contra me ipsum disputem, ut me quoque adusem, qui agam id, quod in aliis reprehendo; nam qui sua ipsius vineta caedit, ipsimet sibi nocet.

48) Sollicito, occupato negotiis; ac proinde: intempestive damus.

49) Cum laedimur, id est, cum aegre ferimus. Reprehendere, pro: reprehendere, improbare.

50) Revolvimus irrevocati, id est, non jussi sed sponte iterum recitamus.

51) Non apparere, id est, opera nostra non in lucem produci, et celebrari, non justo pretio aestimari. Sensus est: non intelligi, quantum la-

225 Nostros, et tenui deducta poemata filo;
 Cum speramus, eo rem venturam, ut, simulatque
 Carmina rescieris nos fingere⁵²⁾, commodus⁵³⁾ ultro
 Accessas, et egere⁵⁴⁾ vetes et scribere cogas⁵⁵⁾.
 Sed⁵⁶⁾ tamen est operae pretium cognoscere, quales
 230 Aedituos⁵⁷⁾ habeat belli spectata domique
 Virtus, indigno non committenda poetæ. —
 Gratus Alexandro regi magno fuit ille
 Choerilus⁵⁸⁾, incultis qui versibus et male natis
 Retulit acceptos, regale nomisma, Philippos.
 235 Sed veluti⁵⁹⁾ tractata notam labemque remittunt
 Atramenta, fere scriptores carmine foedo
 Splendida facta linunt. Idem⁶⁰⁾ rex ille, poema

horaverimus, et quam sint subtilia et delicata, quae scripsimus poemata.
 Metaphora deducta est a tela subtiliter texta.

52) Fingere, facere, componere.

53) Commodus dicitur, qui facit, quod nobis gratum et acceptum est; benignus, liberalis.

54) Qui poetam egere vetat, ei donat, unde vivat; ac proinde: opibus ageas.

55) Cogas, imperes; ejusmodi mandatum enim poetis non ingratum fuit.

56) Sensus: nihilominus tamen summe expedit, aequum est te intelligere, et bene perpendere ac proinde, non penitus negligere eos, qui tuae virtutis possint esse aeditui, id est, qui tuas res praeclare domi et militiae gestas possint conservare scribendo; hoc enim qualiscunque poeta non potest pro merito facere.

57) Aeditui sunt, quibus rerum sacrarum custodia demandatur et cura. Vult ergo virtutem Caesaris ejusque famam res sacras esse, quae nonnisi dignis aedituis curandae ac custodiendae committi debeant, hoc est, quas soli tractare debeant poetæ praestantissimi, non autem Choerilus aliquis poeta malus, in quo parum existimationi suae cavet Alexander.

58) Choerilus fuit malus poeta, qui in Alexandri magni, Macedoniae regis, cui gratus erat, comitatu fuit. Pro versibus rudibus, et sinistro Apolline, id est, crassa Minerva factis, Philippos, nummos aureos, regis Philippi imagine insignitos, accepit. Fuit autem Philippus Alexandri magni pater. Si porro verum est, quod dicitur, Alexandrum M. Choerilo dixisse, se malle Thersiten esse Homeri, quam Choerili Achillem profecto Alexander, oblati pro malis versibus Philipphis, idem fecisse videtur, quod Sulla, qui, ut refert Cic. Arch. c. 10, malo cuidam poetæ praemium dari jussit hac conditione, ne quid postea scriberet. Fuit Thersites Graecus ex Aetolia, profectus ad Trojam, nobilis, sed deformissimus et ignarus; ab Achille pugno necatus est. Vide Ep. ad Pis. vers. 357.

59) Sensus: sic enim fere fit, ut, sicut atramenta tractantium manibus labem adspargunt, ita insulae laudationes illustribus factis adhibitae, ea commaculent.

60) Nexus idearum: et quod mirandum est, idem ille rex etc. Hic enim

Qui tam ridiculum, tam care prodigus emit,
 Edicto vetuit, ne quis se praeter Apellen
 270 Pingeret, aut alius Lysippo duceret aera
 Fortis Alexandri vultum simulantia⁶¹⁾. Quod⁶²⁾ si
 Judicium subtile videndis artibus illud
 Ad libros et ad haec Musarum dona vocares,
 Boeotum⁶³⁾ in crasso jurares aere natum.
 275 At⁶⁴⁾ neque dedecorant tua de se judicia, atque
 Munera, quae multa dantis cum laude tulerunt,
 Dilecti tibi Virgilius Variusque poetæ;
 Nec⁶⁵⁾ magis expressi vultus per aenea signa,
 Quam per vatis opus, mores animique virorum

latet admiratio, quomodo fieri potuerit, ut unus idemque rex, qui a nemine nisi a perfectissimo pictore Apelle, Coo, et a nullo alio, nisi a praestantissimo statuaria Lysippo, Sicyonio, aere effingi voluit, ineptos et ridiculos versus Choerili regali munificentia ornaret. Mira autem arte Horatius hoc Alexandri exemplo viam sibi munit ad celebrandum Augustum, ut virum, rectius de pretio bonis poetis statuendo judicantem.

61) Simulantia aera, id est, statua ex aere, imaginem Alexandri repraesentans.

62) Sententia est: quod si iudicium illud Alexandri, subtile ad aestimanda peritorum artificum opera, vocares, traduceres, transferres ad libros, et ad dijudicanda poetarum opera; si comparares Alexandrum iudicantem de tabulis pictis et statuis, cum Alexandro iudicante de versibus; diceres illum imperitum in aestimandis versibus, et tam stupidum, quam sunt Boeotii; adeo prave de his iudicabat, qui tanti faceret Choerilum, insulsum poetam; in quo tu Alexandrum longe superas, dum Virgilium et Varium, optimos poetas, magni facis. Videndis, id est, dijudicandis. Carmina vocat, Musarum dona.

63) Boeotios olim pro stupidis habitos esse constat; stupiditatis vero causam Horatius confert in crassam aëris adfectionem.

64) At tu Auguste, probe tenes, quid distent aera lupinis; non enim dedecorant tua de se judicia, imo laudi tibi et honori sunt, Virgilius nempe et Varius, dum tales sunt re vera, quales esse illos praeclare iudicasti; ornant tua munera, quia dignis fuisse collata ostendunt. Tulerunt, acceperunt. Multa dantis cum laude: haec verba duplici modo explicari possunt, aut: dum illi te, qui munera das, multa laude celebrant; vel: dum tu numeribus, quibus illos ornas, multam simul laudem addis, et sic, dantis, eleganter pro; tua, est positum.

65) Nexus sententiarum et sensus: profecto enim non melius per statuas repraesentari virorum illustrium imagines; quam eorundem mores et virtutes versibus exprimi possunt. Vide L. IV. od. 7. vers. 13 — 20, ubi in hanc rem dicit Horatius: Non incisa notis marmora publicis (per quae spiritus et vita redit bonis post mortem ducibus) clarius indicant laudes, quam Calabrae Pierides.

250 Clarorum apparent. Nec ⁶⁶⁾ sermones ego mallet
 Repentes ⁶⁷⁾ per humum, quam res componere gestas,
 Terrarumque ⁶⁸⁾ situs et flumina dicere, et arces ⁶⁹⁾
 Montibus impositas, et barbara ⁷⁰⁾ regna, tuisque
 Auspiciis totum confecta duella ⁷¹⁾ per orbem,
 255 Claustraque ⁷²⁾ custodem pacis cohibentia Janum,
 Et formidatam ⁷³⁾ Parthis te principe Romam,
 Si, quantum cuperem, possem quoque; sed ⁷⁴⁾ neque parvum
 Carmen majestas recipit tua, nec meus audet
 Rem tentare pudor, quam vires ferre recusent.
 260 Sedulitas ⁷⁵⁾ autem, stulte, quem diligit, urget,
 Praecipue cum se numeris commendat et arte:
 Discit enim citius meminitque libentius illud,
 Quod quis deridet, quam quod probat et veneratur.
 265 Nil ⁷⁶⁾ moror officium, quod me gravat, ac neque ficto
 In pejus vultu proponi cereus usquam,
 Nec prave factis decorari versibus opto:

66) Sensus et ordo: ego certe, si par adesset voluntati facultas, mallem res a te gestas dicere et versibus celebrare (sequitur nunc enumeratio) quam stylo pedestri, nec longe supra vulgarem modum adsurgente, sermones, id est, satyras scribere.

67) Repentes per humum, id est, scriptas stylo simplici et pedestri; intelligit autem satyras et epistolas.

68) Terrarum situm, quas victoriis illustrasti; et flumina seu fluvios, quos superasti.

69) Arces altissimas, quas expugnasti; alii, quas montibus altissimis inaedificaveras: ad imperii fines muniendos.

70) Barbara regna, a te subacta, et ditioni Romanae adjecta.

71) Duella, id est, bella, tuis auspiciis, tuo ductu per universum terrarum orbem feliciter pugnata et finita.

72) Claustraque, id est, portas templi Jani a te clausas. Aperiebatur, dum bellum erat; confecto bello claudebatur. Vide L. IV. od. 13. not. 7.

73) Respicit hoc ad signa Romanis restituta a. u. 734. Vide arg. L. III. od. 5. Post hunc annum igitur scripta esse debebat haec epistola.

74) Sensus: sed neque humile carmen fastigio, majestatique tuae convenit; nec patitur me verecundia, rem attentare viribus meis tanto intervallo majorem.

75) Sensus: stulta autem est officiosa ista sedulitas (nostris *Budringisch* feît) qua quis ei, quem diligit, patrono nempe suo se obtrudit, stulte enim urget, aggravat, vexat, onerat potius hunc, quam ornat, praecipue cum se illi probare et commendare studet, versus faciendo in ejus laudem; nam patronus hic, quae sunt ridicula in ejusmodi carmine citius discit, arripit, animadvertit, et libentius in memoria tenet, quam ea, quae probat et laudat.

76) Jam Horatius talem patronum, cui molesta est ista carminibus se

Ne rubeam ⁷⁷⁾ pingui donatus munere, et una ⁷⁸⁾
 Cum scriptore meo capsula porrectus ⁷⁹⁾ aperta
 Deferat in vicum, vendentem thus et odores,
 270 Et piper, et quidquid chartis amicitur ineptis ⁸⁰⁾.

Epistola II.

Ad Julium Florum.

Occasio et argumentum.

Duae exstant Horatii ad Julium Florum epistolae. Altera, quae tertia ponitur libri prioris scripta a. u. 734, et praesens ista, quae pertinere videtur ad annum 743; sic enim persuadent, quae hic ipse poeta scribit de propecta aetate sua, et expeditio Pannonica, anno superiore suscepta atque praesente continuata a Tiberio, quocum fidelem amicum ivisse indicant versus 20 et 21. Dixi me pigrum proficiscenti tibi; dixi talibus officiis prope mancum etc. Hinc enim intelligimus abeuntem cum Tiberio Florum rogasse Horatium, ut saepe ad se scriberet, quod cum ille dudum non faceret, questus est tandem Florus de diuturno silentio unius fere anni; et ad hanc Flori querimoniam respondet haec epistola ab initio statim breviter; tum excusat se poeta quod, quos tamen etiam promiserat, neque versus lyricos

commendantium sedulitas, loquentem inducit. Sensus et nexus: certe dicit ejusmodi patronus: Ego nihil moror, reprobo istud officium, istam sedulitatem, quae mihi molesta est; et sicut ego non vultu depravato in cera effingi et proponi, ita nec prave factis versibus celebrari volo; ne, donatus pingui munere, id est, carmine pingui Minerva facta, rem pudeandam experear, et in arca aperta porrectus una cum poeta meo deferat in vicum, ubi in tabernis venduntur thus et res odoriferae, et piper, et quidquid mercium chartis inutilibus involvitur.

77) Rubeam, pudore adficiar.

78) Una; in eodem enim libro est nomen scriptoris, et ejus, qui scribitur vel laudatur.

79) Porrectus. Laudatus a malo poeta una cum laudatore suo in aperta arca jacet porrectus, h. e. omnium conspectui, quantus est, expositus. Aperta: autem adposite; quia res inutilis et nullius fere momenti poni et portari solent in capsulis apertis.

80) Chartae dicuntur ineptae, quae, quia ineptias suas iis mandavit malus poeta, mercibus amicitendis, involvendis inserviunt.

adhuc miserit, asserens: se non amplius, ut quondam, paupertate sua ad versus faciendos adigi; tum diversissima poematum genera a se expostulari, ita, ut, quibus satis faciendum sit, nesciat; dein tumultum Romae nimis magnum atque negotia omnino plurima impedire poemam, qui solitudinem et quietem amat; imo ipsum quoque ingentem poematarum numerum, eorumque ambitiones laudis se a versibus scribendis deterrere; bonum porro carmen multum laboris, magnumque temporis dispendium requirere; suos autem versus non nisi nugae esse et res ludicras, quas, pro vectori jam cum sit aetate, dimittere, philosophiaeque praeceptis operam dare oporteat: et ex his praeceptis demum ea subjungit saluberrima, fusiusque pertractat, quae nos sapienter et feliciter vivere doceant.

Flore, bono claroque fidelis amice Neroni ¹⁾,
 Si quis forte velit puerum ²⁾ tibi vendere natum
 Tibure ³⁾ vel Gabiis, et tecum sic agat ⁴⁾: „Hic et
 „Candidus ⁵⁾, et talos a vertice pulcher ad imos,
 „Fiet ⁶⁾ eritque tuus nummorum ⁷⁾ millibus octo,
 „Verna ⁸⁾ ministeriis ad nutus aptus heriles,
 „Litterulis ⁹⁾ Graecis imbutus, idoneus arti
 „Quilibet: argillā ¹⁰⁾ quidvis imitaberis uda;
 „Quin ¹¹⁾ etiam canet indoctum, sed dulce bibenti.

1) Claudius Tiberius Nero, qui Augusto successit.

2) Puerum, servum.

3) Tibur, Gabii: Italiae urbes, de quibus saepius jam dictum.

4) Agat, loquatur; tibi vernam his verbis et hac commendatione mercandum offerat.

5) Candidus, non ad animum, sed ad candidum corporis colorem est referendum.

6) Fiet eritque tuus, id est, tuis manibus tradetur.

7) Nummorum millibus octo; sestertios intelligit 8000. De sestertio vide L. II. sat. 3. not. 19.

8) Sensus: puer iste verna, id est, servus domi meae natus, aptus est ad quodlibet ministerium obeundum ad heri nutum et arbitrium.

9) Romani Graecas litteras discebant, unde cariora erant mancipia, quae Graece scirent.

10) Id est: tanquam ex argilla, quodcumque tibi placuerit, effinges ex eo. Comparatur servus cum argilla, ex qua figulus pro lubitu fingit vasculum.

11) Sensus: canet etiam, sed indocte, parum musice; ea tamen voce, quae tibi bibenti, epulanti non insuavis esse videatur. Indoctum: neutrum pro adverbio.

„Multa ¹²⁾ fidem promissa levant ¹³⁾, ubi plenius aequo ¹⁰⁾
 „Laudat venales, qui vult extrudere, merces;
 „Res urget me nulla: meo sum pauper in aere.
 „Nemo hoc mangonum faceret tibi; non temere a me
 „Quivis ferret ¹⁴⁾ idem; semel hic cessavit, et, ut fit,
 „In scalis latuit, metuens ¹⁵⁾ pendentis habenae. ¹⁵⁾
 „Des nummos, excepta ¹⁶⁾ nihil te si fuga laedit:”
 Ille ¹⁷⁾ ferat pretium, poenae ¹⁸⁾ securus, opinor.
 Prudens emisti vitiosum: dicta tibi est lex.

12) Sensus: scio quidem iis venditoribus non facile credi, qui multa et mira de suis mercibus promittunt ac praedicant, quo facilius nimirum eas extrudant, id est, vendant; ego autem talis non sum, nulla me res cogit hoc mancipium vendere; pauper sum quidem, at quod habeo meum est, nihil cuiquam debeo. Certe nemo alius Mango (est mancipiorum venditor) ita tecum ageret; tam candide, quam ego, vitia mancipii tibi aperiret; nec facile ipse cum alio quolibet emtore sic agerem: hic enim puer semel cessavit, segnis fuit, non obtemperavit mihi imperanti, et, pro more servorum, cum metuere, ne suspensio loro vapularet, fugit, ac latuit; si te non offendit ejus haec fuga, et cessatio, quam a me vides excipi ex ejus aliis laudibus, et merito reprehendi, dare nummos indicatos jam potes, et emere.

13) Levant, minuunt, abrogant venditori, faciunt, ne tam facile ipsi credatur. Emtor enim venditori suas merces plus nimis venditanti, laudanti minorem fidem habere solet. Plenius aequo, id est, plus justo.

14) Ferret, obtineret, extorqueret; nempe ut tam levi pretio ejusmodi mancipium venderem.

15) Plures ita jungunt: metuens habenae, pendentis in scalis, latuit; alii autem sic: metuens pendentis habenae, in scalis latuit, tenebriocos enim locus sub scalis opportunus est sese occultaturis. Habenae, scuticae, lori; pendentis, quae nempe semper suspensa adest.

16) Excepta fuga, id est, fuga quam a laudibus ejus excipi; dixi enim, servum omni vitio carere, praeterquam, quod semel fugerit.

17) Jam sequitur apodosis; oratio enim cohaeret sic: Si quis tibi vendat puerum, et, si qua ei adhaerent vitia, ea te haud celet, equidem te ei de emtionis pretio haud litem intendere posse, existimo; nam tu sciens volensque emisti puerum vitiosum. Num tu nihilominus Mangonem in jus vocabis? par ratio est mihi tecum; ego tibi proficiscenti aperte dixi, me esse lentum epistolarum scriptorem, et tu nihilominus mecum de eo, quod tibi non scripsi, expostulas?

18) Poenae securus: cautum erat, ut qui venderet servum, occulta ejus vitia manifesta faceret emtori; alioqui jus erat aut reddendi vitiosum servum, aut damni a venditore repetendi, aedilitia lege. Qui autem vitiosum quidem servum, sed vitium illius declarans et exponens, vendidit, ad nihil tenebatur; adeoque poenae securus poterat talis venditor ferre, accipere pretium, id est, pecuniam. Prudens, id est, sciens. Dicta tibi est lex, conditio.

Insequeris tamen hunc et lite ¹⁹⁾ moraris iniqua?
 Dixi me pigrum proficiscenti tibi, dixi ²⁰⁾
 Talibus officiis prope mancum ²⁰⁾: ne mea saevus
 Jurgares, ad te quod epistola nulla veniret.
 Quid ²¹⁾ tum profeci, mecum facientia jura
 Si tamen attentas? Quereris super hoc etiam, quod
 Expectata ²²⁾ tibi non mittam carmina mendax. ²⁵⁾
 Luculli ²³⁾ miles collecta viatica ²⁴⁾ multis
 Aerumnis, lassus dum noctu stertit, ad assem
 Perdiderat; post ²⁵⁾ hoc vehemens lupus et sibi et hosti
 Iratus pariter, jejunis dentibus acer,
 Praesidium regale loco dejecit, ut ajunt, ³⁰⁾
 Summe munito et multarum divite rerum.
 Clarus ob id factum donis ornatur honestis;
 Accipit et bis dena super sestertia nummum.
 Forte sub hoc tempus castellum ²⁶⁾ evertere praetor ²⁷⁾,

19) Lite moraris iniqua, breviter et eleganter, pro: nihilominus praeter jus et aequitatem litem de solvenda pecunia movendo, et sic moras neciendo eum vexas, eique facessis negotium?
 20) Mancum, id est, manibus quasi destitutum ad obeunda talia officia, ad scribendas litteras; ac proinde ineptum.
 21) Quid tum profeci, vitium meum nempe candide aperiendo, id est, quid mihi profuit libera pigritiae meae in scribendis litteris professio, si nihilominus de iis, quae tecum depactus sum, me impugnas? Mecum facientia jura, id est, jus, quod mihi favet, mecum, a mea parte stat; attentas; vis labefactare, oppugnare.
 22) Exspectata, id est, promissa. Mendax significantius, pro: ego.
 23) Lucullus vixit eodem, quo Cicero, Pompejus etc. tempore; bellum cum Mithridate, Ponti in Asia rege, gessit, et cum Tigrae.
 24) Viatica: bona, quibus sustentatus reliquae vitae spatium decurreret. Collecta, tam ex acceptis stipendiis, quam ex praeda facta. Multis aerumnis, quae militi in bello exantlandae sunt. Ad assem, usque ad ultimum teruncium, nihil ut superesset.
 25) Sensus: ea re efferatus in rabiem, et lupo similis, cui voracissimi ventris inanitas dentes in praedam acuit, vix sese ferens, et furore in hostem percitus, praesidium regale, id est, Mithridatis milites aliquot in praesidio positos, loco, ut narrant, munitissimo, et multis opibus referto, deturbavit. Quo insignis facinore fortitudinis primum notis illustribus cohonestatus, id est, laudatus, deinde etiam bona pecuniae summa donatus est, numeratis 20 millibus nummorum sestertiorum. De sestertio vide ut supra not. 7.
 26) Castellum, id est, arcem quamdam hostilem.
 27) Praetor: ductor exercitus; qui enim magistratus in urbe jus reddebat, idem etiam in exercitu praeerat, et praetor utrobique vocabatur; ab hoc etiam ducis tabernaculum praetorium dicebatur.

Nescio quod, cupiens, hortari coepit eundem ²⁸⁾
 Verbis, quae timido quoque possent addere ²⁸⁾ mentem:
 „I ²⁹⁾, bone, quo virtus tua te vocat; i pede fausto,
 „Grandia laturus meritorum praemia! Quid stas?”
 Post ³⁰⁾ haec ille catus, quantumvis rusticus: „Ibit,
 Ibit eo, quo vis, qui zonam ³¹⁾ perdidit,” inquit. ⁴⁰⁾
 Romae ³²⁾ nutriri mihi contigit, atque ³³⁾ doceri,
 Iratus Grajis quantum nocuisset Achilles.
 Adjecere ³⁴⁾ bonae paulo plus artis Athenae,
 Scilicet ut possem curvo ³⁵⁾ dignoscere rectum,
 Atque inter silvas Academi ³⁶⁾ quaerere verum. ⁴⁵⁾
 Dura ³⁷⁾ sed emovere loco me tempora grato,

28) Addere mentem, id est, animum ad fortiter pugnandum.
 29) Verba Praetoris. Bone; vox blandientis est. Quid stas? id est, quid dubitas?
 30) Sensus: miles ille Luculli, quamvis rusticus, tamen catus, id est, vaser et prudens, post hanc orationem praetoris ita respondit: ibit eo, quo jubes, qui opes et viatica amisit, ego qui jam praeda sum onustus, non ibo. Hoc in se transfert Horatius: Ita et ego alias versus faciebam lucri causa, nunc locuples factus, nolo istum laborem sumere.
 31) Zonam, id est, crumenam, quia in zonis crumenas gestare solebant.
 32) Jam Horatius disciplinae rationem, qua educatus et institutus vir doctus et poeta evaserit, breviter enarrat. Comparandus est hic locus cum satyra 6. L. I. ubi Horatius a vers. 71. summam curam, quam pater in se educando, atque erudiendo, pio gratoque pectore commemorat, atque extollit. Nutriri, pro: educari. Sat. 6^{ta} ait: Sed puerum est ausus (pater) Romam portare docendum artes, quas doceat quivis eques atque senator semet prognatos.
 33) Atque doceri, iratus Grajis quantum nocuisset Achilles, pro vulgari: atque lectione Homeri imbui, nam per Achillis iram Iliadis argumentum designatur. Continet enim Ilias maxime damna per Achillis iram Graecis importata, cum ille Agamemnoni ob ereptam Briseidem infensus a bello abstinuit, Hectore Graecos ubique profligante, quem postea idem Achilles cum Patrocli amici sui mortem ulturus bellum repetisset, interfecit; capta est paulo post Troja. Vide L. I. Ep. 2.
 34) Adjecere, id est, bonas artes, philosophiam scilicet Athenis in Graecia didici. Vide Horatii vitam.
 35) Philosophiae ars vel scientia in distinguendo vero a falso versatur: curvum, igitur idem ac, falsum.
 36) Fuit Academus civis Atheniensis, qui suburbanum pulcherrimis arboribus consitum locum philosophiae studiosis donavit, in quorum gratiam etiam porticum addidit, ut inter disputandum, cum liberet, deambulant: hinc Academiae et Academicis factum nomen.
 37) Dura tempora, id est, tempora infausta, bella civilia inter Augustum et Caesaris percussores. Emovere, id est, relinquere coegerunt Athenas, ubi suaviter delitesceram. Brutus enim Horatium ad militiam pertraxit.

Civilisque³⁸⁾ rudem belli tulit aestus in arma,
 Caesaris³⁹⁾ Augusti non responsura lacertis.
 Unde simul⁴⁰⁾ primum me dimisere Philippi⁴¹⁾,
 Decisis⁴²⁾ humilem pennis, inopemque paterni⁴³⁾
 Et Laris⁴³⁾ et fundi, paupertas impulit audax⁴⁴⁾,
 Ut versus facerem. Sed⁴⁵⁾, quod non desit, habentem,
 Quae poterunt unquam satis expurgare cicūtae,
 Ni melius dormire putem, quam scribere versus?
 Singula⁴⁶⁾ de nobis anni praedantur euntes;

38) Civilis aestus, id est, civium ardor et furor; rudem, pro: artis bellicae adhuc imperitum.

39) Id est: arma non paria futura Caesaris Augusti lacertis, nempe robori et viribus.

40) Simul primum pro: simul ac. Sensus: ex eo Philippensi proelio uti emersi, dignitate et opibus, quibus superbiebam, spoliatus, dejectus insuper domo paterna, bonisque omnibus per proscriptionem, inops pecuniae, consiliique, tentare carmina coactus sum.

41) Philippi, urbs Graeciae in Thessaliae campis, ubi victus est Bruti et Cassii exercitus. Cum Horatius post funestam illam pugnam in celeri fuga quaesivisset salutem, lepide jam, Philippos se dimisisse, ait. Vide etiam L. II, od. 5.

42) Qui ex loco altiore dejectus est in humiliorem, vel ex sorte laetiore depressus est ad tristere, ei proverbiali locutione, in vernacula quoque apud nos usitata, pennae vel alae decisae esse dicuntur. Humilem, id est, ad paupertatem redactum.

43) Lar positus est pro domo.

44) Paupertas audax dicitur, quia pauperes ad famem pellendam tentant et audent omnia.

45) Sensus: sed nunc me possidentem, quantum satis est, nisi in hac rerum mearum conditione quieti indulgere, quam versus scribere malim, quae tandem unquam cicūtae ab insania poetica me satis purgare poterunt? brevius: sed, cum nunc habeam, quantum opus est, nisi vitam otiosam et inertem poëses studio praeferam, nunquam ab insania poetica curari poterō. Cicūta est herba (Schierling) cui inest vis frigoris, quo calor sanguinis extinguitur, h. e. poetarum fervor, et aestus. Expurgare, id est, liberare calore, cicūtae frigore in pectore extincto.

46) Postquam Horatius Floro suo, qui frustra adhuc promissa ab eo carmina expectaverat, se, cum sibi nunc suppetat unde vivat, omne carminum scribendorum abjecisse studium significavit (quamquam Horatius, dum se carmina in posterum scribere velle negat, hoc ipsum carmen scripsit) nunc alias subnectit causas, ex quibus poësis apud se nunc frigeat; primum quidem, quod cum aetate mutetur animus, non placent enim aetate provectori, quae puerili et juvenili placere; deinde, quod pro diversis hominum ingeniis non cuique probentur poetarum diversi generis carmina; alius hoc alius illo carminum genere delectatur; tum quod sibi in urbe viventi tot curae et negotia per caput et circa latus saliant, tantusque in

Eripuere jocos, Venerem, convivia, ludum;
 Tendunt extorquere poemata. Quid⁴⁷⁾ faciam vis?
 Denique non omnes eadem mirantur amantque:
 Carmine⁴⁸⁾ tu gaudes, hic delectatur jambis;
 Ille Bionēis⁴⁹⁾ sermonibus et sale nigro.
 Tres⁵⁰⁾ mihi convivae prope dissentire videntur,
 Poscentes vario multum diversa palato.
 Quid⁵¹⁾ dem? quid non dem? Renuis tu, quod jubet alter;
 Quod petis, id sane est invisum⁵²⁾ acidumque duobus.
 Praeter⁵³⁾ caetera me Romaene poemata censes
 Scribere posse, inter tot curas, totque labores?
 Hic sponsum⁵⁴⁾ vocat, hic auditum scripta, relictis
 Omnibus officiis; cubat⁵⁵⁾ hic in colle Quirini,
 Hic extremo in Aventino, visendus uterque;
 Intervalla vides humane⁵⁶⁾ commoda. — Verum⁵⁷⁾

platea sit strepitus atque tumultus, ut libero animo carminibus scribendis vacare non possit etc. Singula, id est, unum post alterum. Sensus: adhaec anni, dum defluunt, aliquid semper a nobis auferunt: sales primum et jocos a me abstulerunt, deinde amores, tum voluptatem convivandi atque ludendi, ac demum, quod unum supererat, scribendorum versuum propositionem eripere mihi conantur.

47) Sensus: quid me suscipere, quale carminum genus me tractare jubes? sequitur hic secunda ratio, quod nempe diversis hominibus diversa carmina placeant.

48) Carmine lyrico, vel epico. Jambis scribebantur comoediae.

49) Bionēis sermonibus; intellige satyras acerbissimas, quas scripsisse dicitur Bion Borysthenes, philosophus Cyrenaicus. Nigro, refer ad satyras quae quis perfricatur, acerbiter.

50) Sensus: illi quidem, qui diversis carminum generibus delectantur, prope mihi dissentire videntur, veluti tres convivae etc. particula comparationis iterum ommissa est, id, quod Horatio frequens. Palato, pro: gustu.

51) Quid dem? id est: Quid igitur illis adponam? sicut supra: Quid faciam vis? quale genus carminis me scribere jubes?

52) Invisum, id est, injucundi saporis.

53) Praeter caetera, id est, praecipue: sequitur ratio tertia, vide supra not. 46.

54) Sensus: alius me vocat, ut relictis rebus omnibus pro eo sponsum (spondet enim, qui vadimonium suscipit) alius, ut scripta, quae recitaturus est, auditum veniam.

55) Cubat, id est, alius quidam aegrotat procul in colle Quirinali, alius in extrema parte montis Aventini. Duo isti montes, seu regiones Romae, admodum disjuncti erant.

56) Humane, id est, belle commoda. Ironice est summendum pro: vides intervalla molesta sane, et valde incommoda homini, viam inter collem Quirinalem et Aventinum emelenti.

57) Jam Florum, vel quemcumque alium loquentem inducit: Dicit for-

Purae sunt plateae, nihil ut meditantibus obstat. —
 Festinat⁵⁸⁾ calidus mulis gerulisque redemptor;
 Torquet nunc lapidem, nunc ingens machina tignum,
 Tristia⁵⁹⁾ robustis luctantur funera plaustris;
 Hac rabiosa fugit canis, hac lutulenta ruit sus: ⁷⁸
 I nunc, et versus tecum meditare canoros⁶⁰⁾. —
 Scriptorum chorus omnis amat nemus et fugit urbes,
 Rite⁶¹⁾ cliens Bacchi, somno gaudentis et umbra:
 Tu⁶²⁾ me inter strepitus nocturnos atque diurnos
 Vis canere et contracta sequi vestigia vatum? ⁸⁰
 Ingenium⁶³⁾, sibi quod vacuas desumpsit Athenas,
 Et studiis annos septem⁶⁴⁾ dedit, insenuitque⁶⁵⁾

tasse aliquis: verum via in plateis libere patet, ut neququam praetereuntium meditationes interrumpantur, id est, etiam circumeundo in plateis versus facere posses. Plateae purae vel liberae, purgatae ab iis, quae viam praetereuntibus intersepiunt.

58) Non sunt liberae, Horatius respondet, ab impedimentis, plateae: festinat calidus redemptor, id est, operis alicujus conductor, ita dictus, quia id faciendum certo pretio in se recipit. Calidus, qui fervido studio insistit laboribus. Geruli, id est bajuli, famuli oneribus gestandis inservientes. Sensus: passim occurrunt operum conductores, cum mulis et bajulis fervide operi insistentes; hoc loco saxum, hoc vero trabs machinae magno molimine in altum tollitur; concurrunt hic funebris pompa cum ingentibus plaustris et curribus; hac canis in rabiem acta, hac sus lutosa irruit.

59) Tristia etc. pompa funerum enim, cum in plaustra viam intercludentia incidit, e via decedendo et declinando cum illis quasi luctatur. Robusta, grandiora firmiora; nos: Laßtivagen. Fugit, pro: currit.

60) Versus canoros, id est, numerosos et bene sonantes.

61) Rite cliens Bacchi, id est, solempniter inter Bacchi asseclas receptus; vel: exemplo Bacchi, Dei sui, qui umbra plurimum et somno delectatur.

62) Id est: tu vis, ut ego canam etc. Contracta, angusta; non in viis publicis et locis patentibus. Vestigia enim poetarum, qui, ut modo dictum est, urbis strepitum fugientes, in nemoribus et locis umbrosis, ubi carmina meditentur, sese abscondere solent, in remota, et angusta loca contrahuntur.

63) Nexus et sensus: saepe fit, ut etiam ingeniosus, qui facilius humanioribus daturus operam litteris, secessit Athenas, urbem vacuum et tranquillam, postquam ibi per annos septem in studia incubuit, librorumque diuturna lectione curisque jugibus se maceravit, parum tamen proficiat, imo sic hebes et imperitus redeat, ut non plus, quam statua, loqui possit, et populo risum praebeat; quoniam igitur pacto ego inter tot fluctus curarum, inter tot rerum urbanarum procellas, totque impedimenta versus componere audeam lyricos?

64) Septem anni studiis humaniarum litterarum et philosophiae Athenis impendi debebant ab iis, qui studiorum causa hanc urbem petebant.

65) Insenuit libris, eleganter pro: et tempus consumsit, vel aetatem transegit legendis in libris, et meditationibus.

Libris et curis, statua taciturnus exit⁶⁶⁾
 Plerumque, et risu⁶⁷⁾ populum quatit; hic ego rerum
 Fluctibus in mediis et tempestatibus urbis
 Verba⁶⁸⁾ lyrae motura sonum connectere digner⁶⁹⁾? —
 Frater⁷⁰⁾ erat Romae consulti rhetor, ut alter
 Alterius sermone meros audiret honores,
 Gracchus⁷¹⁾ ut hic illi foret, huic ut Mucius⁷²⁾ ille.
 Qui minus argutos vexat furor⁷³⁾ iste poëtas? ⁹⁰ —
 Carmina compono⁷⁴⁾, hic elegos, mirabile visu
 Caelatumque novem Musis opus! Adspice⁷⁵⁾ primum,
 Quanto cum fastu, quanto molimine⁷⁶⁾ circum-⁷⁷⁾
 Spectemus vacuum⁷⁸⁾ Romanis vatibus aedem!

66) Exit, redit inde, nempe Athenis.

67) Risu populum quatit, fortius pro: populo est risui et ludibrio.

68) Verba lyrae connectere, pro: carmen lyricum facere; motura, quod, carmen nempe, moveat animos, placeat.

69) Digner, id est, rem tractatu dignam habeam; vel etiam: suscipiam, audeam.

70) Subito Horatius, ut solet, sine orationis vinculo aliquo transit ad aliam rationem, quae se a versibus componendis avertat atque reprimat, ad vanam scilicet illam laudem, qua alter alterum certatim ornare et extollere studeat, hocque exemplo docet. Erant, ait, Romae duo fratres, alter rhetor, et alter jurisconsultus, alter alteri sic adlabatur, ut nihil audiret ab invicem, quam nomina merum honorem significantia, honorificentissima, jurisconsultus illum rhetorem, Gracchum, ille vero hunc jurisconsultum, Mucium Scaevolam adpellavit; an poëtae sunt saniores? vel simplicius: idem fit apud poëtas.

71) Gracchus, Corneliae filius, praestantissimus orator fuerat.

72) Q. Mucius Scaevola, juris scientissimus a. u. 260. Consul fuit.

73) Qui furor, quae insania; argutos, ingeniosos.

74) Id est: si unus componit carmen lyricum, et alter versus elegiacos; subaudi: statim exclamat alter in alterius laudem: opus scriptum admirabile, et dignum esse, in quo elaborando Musarum omnium industria versata sit. Caelare, idem ac, sculperre caelo vel toro; in ep. ad Pis. vers. 44. versus summa cura expoliti dicuntur tornati.

75) Sequitur nunc facta descriptio superbi incessus, quo vani isti poëtae ad carmina tam recitanda, quam audienda in templum Apollinis Palatini se ferant.

76) Molimen designat ridiculum studium, quo quis, vel gressu ad certam mensuram directo, vel alto supercilio, vel quocunque alio corporis habitu dignitatis et gravitatis speciem affectat et induit.

77) Circumspectemus; loquitur Horatius in prima persona, ut eo liberior rideat insanam malorum poëtarum vanitatem; sic enim se ipsum etiam talem fingit, et eorum gregise immiscet.

78) Vacuum aedem scriptis Romanorum poëtarum. Intellige autem aedem Apollini consecratam in Palatio, et adjunctam illi bibliothecam ab Augusto;

Mox etiam, si forte vacas, sequere⁷⁹⁾, et procul audi, ⁹⁵
 Quid ferat, et quare sibi nectat uterque coronam.
 Caedimur⁸⁰⁾, et totidem plagis consumimus hostem
 Lento Samnites⁸¹⁾ ad lumina prima duello.
 Discedo Alcaeus⁸²⁾ puncto⁸²⁾ illius: ille meo quis?
 Quis nisi Callimachus⁸⁴⁾? si plus adposcere visus, ¹⁰⁰
 Fit Mimnermus⁸⁵⁾, et optivo⁸⁶⁾ cognomine crescit.
 Multa⁸⁷⁾ fero, ut placem genus irritabile vatum,
 Cum scribo, et supplex populi suffragia capto:
 Idem, finitis studiis, et mente recepta,
 Obturem patulas impune legentibus aures. ¹⁰⁵

eam vacuum esse idcirco dolebant mali poëtae, quia cupiebant sua in eam inferri scripta. In hoc templo etiam poëtae sua carmina recitabant. Vide L. I. sat. 10. not. 27.

79) Sequere, nos, vel illos poëtas in templum. Ferat, proferat, recitet. Coronam nectere, id est, laude prosequi aliquem, vel laudem tribuere alicui.

80) Caedimur; proverbiali locutione: par pari referimus, id est, qui nos laude cumulat, eundem vicissim laude cumulamur.

81) Samnites, genus erant ludicrorum gladiatorum, qui ut spectatoribus placerent, inter se depugnabant innoxie. Adpellati sunt autem hi gladiatores a Samnitibus Italiae populis. Postquam enim a Romanis victi fuissent, eorum arma et nomen in contemtum populi datum est istis gladiatoribus. Comparat autem illis poëtas sui temporis Horatius, qui tota die invicem sua carmina recitantes nihil vituperabant, sed omnia laudibus et adulationibus mutuis peragebant. Sensus est: videbis illos poëtas, tamquam Samnites, lento et innoxio certamine se invicem petere; si ille, id est, unus aliquis me suo puncto, suffragio, sententia vocat, et parem dicit Alcaeo poëtae Graeco lyrico nobilissimo; at ille quis a me adpellatur? certe Callimachus etc vel simpliciter: ego illum vicissim, ut poëtam elegiacum, Callimachi, et si id non satis est, Mimnermi, quod optat, cognomine orno.

82) Puncto. Lata in comitiis a singulis suffragia notabantur in tabuli puncto, unde punctum pro suffragio.

83) De Alcaeo poëta saepe dictum. Vide L. II. od. 10. not. 28.

84) Callimachus, poëta Graecus, in primis elegans elegias et aliquot scripsit epigrammata.

85) Mimnermus, poëta Epicureus. Vide L. I. Ep. 6. not. 49.

86) Optivo, id est, quod sibi dari optaverit.

87) Ordo esset sensus: quamdiu versus facio, et ego populi benevolentia, ut mea quoque carmina probentur, multa patienter perfero et audio, ne vatum facilem iracundiam contra me concitem; (debebat enim Horatius malis poëtis, ne eos irritaret, patientes aures praebere carmina sua recitantibus.) Verum si semel finem imposuero studiis, et me ab illa scribendi versus insania recepero ac liberavero, nemo certe adducat me, ut recitantem audiam quemquam eorum, qui sua carpi vitia nolunt; idque impune faciam, id est, nihil metuens ab eorum censura et iracundia.

Ridentur⁸⁸⁾, mala qui componunt carmina: verum
 Gaudent scribentes; et se venerantur, et ultro,
 Si taceas, laudant, quicquid scripsere, beati.
 At qui legitimum⁸⁹⁾ cupiet fecisse poëma,
 Cum⁹⁰⁾ tabulis animum censoris sumet honesti; ¹¹⁰
 Audebit⁹¹⁾, quaecunque parum splendoris habebunt,
 Et sine pondere erunt, et honore indigna ferentur,
 Verba movere loco; quamvis invita recedant,
 Et versentur adhuc intra penetralia Vestae⁹²⁾.
 Obscurata⁹³⁾ diu populo bonus eruet, atque ¹¹⁵
 Proferet in lucem speciosa vocabula rerum,

88) Jam sequitur locus praestantissimus, quem non scriptores tantum, qui ea, quae scribunt, ad rectam normam exigere volunt; sed etiam tirones, qui in iis, quae in scholis scribunt et elaborant, recte et prudenter versari cupiunt, ante oculos habere, imo ediscere debent. Postquam nimirum Horatius breviter sed vivis coloribus malorum scriptorum philautiam adumbravit, futuris scriptoribus vel poëtis tamquam in tabula proponit leges, quibus salubriores et sapientiores vix cogitari possunt. Sensus: ridentur quidem poëtae, sed id non curant, imo mirifice sibi placent scribentes, et perquam honorifice de se sentiunt, ita, ut, si nemo laudaverit, suarum ipsi laudum praefones fiant minime parci, cum beati, id est, contentissimi sint versibus suis.

89) Legitimum, id est, ad omnes boni poëmatum leges exactum, perfectum.

90) Sensus: bonus scriptor tabulas ceratas, in quibus scribat, eo animo sumet, quo severus et honestus censor sumit tabulas censorias; quemadmodum enim bonus censor notanda in tabulis censoris notabit, ita bonus scriptor corrigenda in tabulis ceratis corriget.

91) Audebit, non dubitabit. Parum splendoris, id est, parum elegantiae; refer haec locutionem ad censorem, qui equiti Romano, parum splendoris habenti (splendori, qui equiti ob ejus divitias tribuebatur, non respondent) equum adimebat. Vide Antiqu. Sine pondere, id est, non satis gravia. Honore, ut legantur, indigna, adeoque parum apta et concinna ferentur, judicabuntur. Verba movere loco, id est, ejicere, delere; accommodate ad censorem, qui honore indignos e senatu movebat vel ejiciebat.

92) Vesta erat Dea ignis, ac foci praeses. Saepe sumitur pro ipsa domo, quia suum quaeque domus focum habebat. Rursum e templo et penetrali Vestae non licebat reos extrahere, sanctitate loci munitos videlicet et tutos. Itaque sententia duplex esse potest; prima: et si adhuc lateat domi, etsi nondum editum sit poëma in lucem; secunda: mutanda et loco suo movenda verba sunt, licet placeant poëtae nempe, neque minus secunda videantur, quam si in Vestae penetralibus et templo essent; et quamvis libenter decedere, loco moveri nolint.

93) Ordo est: idem bonus poëta, vel scriptor, speciosa, pulchra, splendida vocabula, quae, priscis Catonibus et Cethegis memorata, usurpata, informis situs et deserta vetustas nunc premit, populo, cui illa diu obscurata sunt, eruet, atque in lucem proferet.

Quae, priscis memorata Catonibus⁹⁴⁾ atque Cethegīs,
 Nunc situs informis premit et deserta vetustas:
 Adsciscet⁹⁵⁾ nova, quae genitor produxerit usus.
 Vehemens⁹⁶⁾ et liquidus puroque simillimus amni ^{170.}
 Fundet opes⁹⁷⁾, Latiumque⁹⁸⁾ beabit divite lingua.
 Luxuriantia⁹⁹⁾ compescet, nimis aspera sano
 Levabit¹⁰⁰⁾ cultu, virtute¹⁾ carentia tollet:
 Ludentis²⁾ speciem dabit, et torquebitur, ut qui
 Nunc Satyrum, nunc agrestem Cyclopa movetur. ¹²⁵
 Praetulerim³⁾ scriptor delirus inersque videri,

94) M. Cato Censorius dicitur, priscus, quia priscorum morum fuit observantissimus. Vixit a. u. 519 — 603. *Cethegus consul fuit a. u. 548. Memorata Cat. atque Ceth. idem est ac: vocabula Catonis olim et Cethegi tempore usurpata. Nunc situs etc. pro: quae prae nimia vetustate nunc abdita jacent, ignota sunt.

95) Id est: et alia iterum nova, quae usus et progenuerit et publicaverit, vocabula adsciscet, auctoritate sua confirmabit.

96) Sensus: idem poeta erit similis amni vehemēti et liquido; id est, sectabitur puritatem sermonis et vim verborum. Vehemens, autem duabus syllabis est pronuntiandum.

97) Per opes intelligit verborum sententiarumque copiam atque ubertatem.

98) Latium, pro Latina lingua; beabit, id est, ornabit, augebit.

99) Id est: quae in nimiam abundantiam et copiam excreverunt, recidet.

100) Levabit, poliet cultu prudente et sano, id est, ita tamen, ut laevigando vim ipsis non auferat.

1) Virtute carentia, id est, gravitate destituta, languida.

2) Sensus: poeta lascivius exsultantis speciem habebit; re tamen vera multum, sudabit, angetur, et disruciabitur. Moveri, idem est ac, saltare. Videtur autem saltatio, quae vocabatur Satyrus, celeriori, et illa, quae dicebatur Cyclops, graviori atque rudiori agitatione pedum et membrorum constitisse. Poeta igitur hac saltationis imagine expressit fere hoc: sicut is, qui Satyrum vel Cyclopa saltat, externa specie faciles corporis agitationes producere videtur, quae tamen re ipsa magnam virjum intentionem requirunt: ita etiam stylus poetae vel scriptoris tam facilis esse debet externa specie, ut sine omni labore fluxisse videatur; attamen in re haec ipsa styli facilitas et concinnitas non nisi magna ingenii contentione obtinetur; qui enim versus pangit, verba modo huc, modo illuc transponere, flectere, variare, promovere et removere debet, quod omnino magni laboris est.

3) Jam stultus quidam et ineptus scriptor, se nihil curare, qualis habeatur, modo stultitia sua delectetur, respondet: quod si res ita se habet, malim ego esse poeta ineptus et indoctus, ac mihi, etiam sine causa, placere; quam, ut sim optimus, sic me disruciare; et in hanc rem exemplum Argivi ejusdam hominis adfert. Ille enim, cum ab insania, qua laeto animo in vacuo theatro sedere, et opinans, se egregios tragoedos audire, plaudere, solebat, cognatorum cura reffectus rediisset ad sese, pessimo consilio gratissimum mentis errorem sibi demtum esse, questus esse dicitur.

Dum mea delectent mala⁴⁾ me, vel⁵⁾ denique fallant,
 Quam sapere et ringi⁶⁾. Fuit haud ignobilis Argis,
 Qui se credebat miros audire tragoedos,
 In vacuo⁷⁾ laetus sessor plausorque theatro; ¹⁰⁰
 Caetera⁸⁾ (qui) vitae servaret munia recto
 More; bonus sane vicinus, amabilis hospes,
 Comis⁹⁾ in uxorem, posset¹⁰⁾ qui ignoscere servis,
 Et signo¹¹⁾ laeso non insanire lagenae;
 Posset¹²⁾ qui rupem et puteum vitare patentem. ¹³⁵
 Hic ubi cognatorum opibus curisque reffectus¹³⁾
 Expulit helleboro morbum bilemque meraco¹⁴⁾, ^{minimè Horatius}
 Et redit¹⁵⁾ ad sese: „Pol¹⁶⁾, me occidistis¹⁷⁾, amici,
 Non servastis, ait, cui sic extorta voluptas,
 Et demtus per vim¹⁸⁾ mentis gratissimus error.” ¹⁴⁰
 Nimirum¹⁹⁾ sapere est abjectis utile nugis, ^{quid miri in nugis, sapere...}
 Et tempestivum²⁰⁾ pueri concedere ludum;

4) Mala, id est, carmina male composita; ea mala proinde, quibus deliro.

5) Vel denique, id est, ad summum me ludent et decipiant.

6) Ringi, proprie dicuntur canes, cum irati diducunt os, quasi morsuri, et rictu ducto dentes nudant; ac proinde, ringi, idem ac, acerbius in vitia hominum invehi, satyras scribere. Sapere, ornate scribere.

7) Vacuo actoribus theatro, ubi nulli essent actores.

8) Sensus: sano ad caetera iudicio, quique omnibus vitae officii sapienter defungeretur. Munia, officia et munera.

9) Comis, blandus.

10) Id est: erga servos indulgens.

11) Signo, id est, pice, qua obturabatur lagena; signum, sigillum domini adponebatur certa nota. Est autem is ordo: et qui posset non insanire, non irasci furentis in morem, laeso, id est, aperto, resignato lagenae signo, si videret lagenam a servulis reclusam et delibatam.

12) Sensus: qui caetera satis prudens fuerat, ut rupem praeruptam et puteum declinaret, id est, omnia pericula cautus evitaret.

13) Reffectus, curatus et recreatus a morbo, quo mens illius et phantasia laborabat, dum se actores ibi putaret adire, ubi nulli essent.

14) Meraco, id est, puro helleboro. Hac herba curabantur amentes. Vide L. II. sat. 3. vers. 82. not. 53.

15) Et rediit ad sese, id est, sanam mentem recuperavit.

16) Pol: per Pollucem; jurandi et adfirmandi formula.

17) Occidistis, perdidistis.

18) Per vim, nempe pharmacorum.

19) Jam Horatius transit ad partem epistolae hujus gravissimam. Ex poeta factus philosophus, pectus ostendit sapientiae praeceptis praeparatissimum. Sensus: nimirum, id est, rebus sic se habentibus, utile vel satius est sapere, id est, ad sapientiae praecepta vitam componere, abjectis nugis. Modeste omnino carmina sua nugas vocat.

20) Tempestivum, id est, accommodatum puerili aetati ludum, carmina nempe.

Ac²¹⁾ non verba sequi fidibus modulanda Latinis,
 Sed verae numerosque modosque ediscere vitae.
 Quocirca mecum loquor haec, tacitusque²²⁾ recordor;¹⁴⁵
 Si tibi nulla sitim finiret²³⁾ copia lymphae,
 Narrares²⁴⁾ medicis: quod, quanto plura parasti,
 Tanto plura cupis, nulline faterier audes?
 Si vulnus tibi, monstrata²⁵⁾ radice vel herba,
 Non fieret levius, fugeres²⁶⁾, radice vel herba,¹⁵⁰
 Proficiente nihil, curarier. Audieras²⁷⁾, cui²⁸⁾
 Rem Dī donarint, illi decedere pravam ^{sabille,}
 Stultitiam; et, cum²⁹⁾ sis nihilo sapientior, ex quo
 Plenior³⁰⁾ es, tamen uteris³¹⁾ monitoribus isdem?
 At si divitiae prudentem reddere possent,¹⁵⁵
 Si cupidum timidumque minus te: nempe³²⁾ ruberes,
 Viveret in terris te si quis avarior uno.
 Si³³⁾ proprium est, quod³⁴⁾ quis librā mercatus et aere est,

21) Sensus: ac non versuum ad fides Latinorum temperandorum studium sequi; sed eam normam, ad quam, qui vere felices esse cupiunt, vitam dirigere debent, cognoscere atque ediscere. Numeri ac modi, proprie de metro usurpantur, quo versuum pedes ad certum rhythmum et certas cujusque versus leges inter se juncti suaviter decurrunt.

22) Tacitus recordor, id est, tacite mecum repeto vel animo revolvo.

23) Finiret, compesceret, tolleret, sedaret.

24) Id est, sine dubio de hac siti inexplebili consuleres medicos; at, quaeso, nemine eam sitim, qua, quo plura habes, eo plura appetis, faterier audes? Faterier, archaismus, pro: fateri.

25) Monstrata, sumi jussa, praescripta a medico.

26) Fugeres, id est, certe radice ista vel herba, quae nihil proficit, h. e. postquam nihil eam proficere compereris, curari nolles.

27) Nexus: et tu, postquam audieras etc. tamen etc.

28) Cui rem etc. Ita quippe vulgus loquitur et putat, eos, qui opes a superis accipiant, stultitia liberari et sapere.

29) Cum, pro: licet.

30) Plenior, id est, ditior.

31) Id est, eosdem monitores sequeris, qui nempe divites stultitiae expertes esse ajunt.

32) Nempe, pro: tum sane ruberes, deberes erubescere, si aliquis te unum avaritia superaret.

33) Hic jam Horatius probat, nihil esse, cur homines cumulandis possessionibus inhiant, cum nihil fiat cujusquam proprium, sed solum rerum usum singuli habeamus; perperam enim vocari proprium, quidquid non est perpetuum, potestque aliqua ratione amitti.

34) Id est: quod ab aliquo emtum est. Cum enim res aliqua emebatur, pretium illius seu pecunia, quae primis temporibus erat aerea, non numerabatur, ut fere nunc fit, sed adpendebatur libra seu trutina, id est, ponderabatur.

Quaedam³⁵⁾, si credis consultis, mancipat usus;
 Qui te³⁶⁾ pascit ager, tuus est; et villicus Orbii³⁷⁾,¹⁶⁰
 Cum segetes occat, tibi mox frumenta daturas,
 Te dominum sentit; das³⁸⁾ nummos, accipis uvam,
 Pullos, ova, cadum temeti³⁹⁾: nempe⁴⁰⁾ modo isto
 Paulatim mercaris agrum, fortasse trecentis⁴¹⁾,
 Aut etiam supra, nummorum millibus emtum.¹⁶⁵
 Quid⁴²⁾ refert, vivas numerato nuper, an olim?
 Emtor Aricini quondam Vejentis et arvi
 Emtum coenat olus, quamvis aliter putat; emtis
 Sub noctem gelidam lignis calefactat ahenum⁴³⁾;

35) Sensus: si praeterea res quasdam, ut contendunt jurisconsulti, usus proprias facit, evadunt usu ipso tuae, tanquam si esses illarum dominus. Usus opponitur mancipio seu dominio et juri primario; sic enim aliquis uti et frui aliquo praedio potest, cujus dominus non sit, quod dare, vendere, etc. non possit, ut diuturna possessio, diuturnus usus aliquando vim juris et domini obtineat apud juris consultos. Hinc Horatius colligit; res eas, quibus utimur, v. g. fundum alienum, unde fruges emimus, nostrum quoque dici posse, quia eo fruimur, et eum quasi sigillatim emimus ac sensim, quem totum ipse ejus dominus olim emit.

36) Id est: ager, qui te frugibus suis alit, haud dubie tuus putari debet.

37) Orbiius homo dives et dominus, ut videtur, praedii habebat villicum, qui fruges in praedio natas, et alia ibi provenientia vendebat. Segetes: intellige agrum vel terram, quae ad semina accipienda occa subigitur. Sensus est: ipse etiam villicus Orbii, qui agrum, cujus frumenta tu accipis, id est, emis a villico, colit, te pro domino habet, agnoscit.

38) Sensus: tu enim das pecuniam, et pro hac omnia accipis, quae ager profert.

39) Temetum est quoddam potus genus, sive ex vino, sive ex aliis liquoribus comparatum, quo facile incalescunt potores.

40) Sensus: et tali modo paulatim agrum tibi mercaris; est quidem Orbiius dominus totius agri, quem magna pecuniae summa emtum, sibi proprium fecit; sed tu quoque es dominus eorum, quae, quoties opus est, ex illo agro emta tibi propria facis, et sic non conjunctim quidem et una emtione totum agrum, sed ejus quasi particulas parvo pretio paulatim mercaris, emis.

41) Trecentis nummorum, id est, sestertiorum millibus emtum ab Orbio nempe. De sestertio vide L. II. sat. 3. not. 19.

42) Quid refert; utrum vivas e fundo cujus pretium per partes a te numeratur, dum ejus fruges emis quotidie, an ex eo fundo, cujus pretium olim totum fuerit numeratum et persolutum a domino? Is enim, qui non nuper, sed quondam, olim agrum vel prope Aricium (Oppidum trans montem Albanum) vel prope Vejos (Etruriae oppidum) emit, pariter, ac tu, emtum olus, quamvis contrarium sibi imaginatur, coenat, et emto ligno ahenum calefacit; at idem tamen in agrum suum usque ad arborem terminalem propiciens, haec mea sunt, ait, tamquam aliquid proprium et perpetuum sit.

43) Ahenum pro olla, aqua, ut videtur, impleta, et qua ad se calefaciendum utebantur.

Sed vocat^{ec} usque suum, quae populus^{abr} ⁴⁴⁾ adsita certis ¹⁷⁰
 Limitibus, vicina refugit jurgia; tanquam
 Sit proprium quidquam, puncto⁴⁵⁾ quod mobilis horae,
 Nunc prece, nunc pretio, nunc vi, nunc sorte suprema,
 Permutet dominos, et cedat in altera jura.
 Sic⁴⁶⁾, quia perpetuus nulli datur usus, et haeres ¹⁷⁵
 Haerem alterius, velut unda supervenit undam,
 Quid vici prosunt, aut horrea? quidve Calabris⁴⁷⁾
 Saltibus adjecti Lucani, si metit Orcus
 Grandia cum parvis, non exorabilis auro?
 Gemmas, marmor⁴⁸⁾, ebur, Tyrrhena⁴⁹⁾ sigilla, tabellas⁵⁰⁾, ¹⁸⁰
 Argentum⁵¹⁾, vestes, Gaetulo⁵²⁾ murice tinctas,
 Sunt⁵³⁾, qui non habeant, est, qui non curat habere.
 Cur⁵⁴⁾ alter fratrum cessare⁵⁵⁾, et ludere, et ungi

44) Populus adsita etc. circumscriptio poetica arboris terminalis, qui jurgia et lites cum vicino impedit. Non raro enim pro lapidibus terminalibus arbores terminos agri definire et constituere solebant. Refugit est praeteritum, id est, adhuc amovit et porro amovet.

45) Puncto horae, id est, momento temporis. Prece, pro: donatione. Pretio, pro: emptione. Sorte suprema, pro: morte. Cedat in altera jura, id est: in alterius possessionem transeat.

46) Sensus: quando ergo nulli conceditur rebus uti perpetuo, et supervenientes, sibi succedentes haereds loco expellunt sese, ut fluctus fluctum, quid juvat, pagos integros cum circumjacentibus agris, quid horrea, quid Calabriae pascua unacum Lucanis possidere, si haec omnia, magna aequae ac parva, rapiat mors, nullis muneribus donisque exoranda?

47) Calabria et Lucania sunt regiones in extrema Italiae parte prope Siciliam, et pascuis abundant.

48) Marmor et ebur, id est, opera artis ex ebore et marmore facta.

49) Tyrrhena sigilla, id est, vasa Etrusca; erant enim haec vasa ex auro, argento, aliisque materiis confecta, iisque statuae parvae a peritis artificibus insculptae, aut fusoria arte in his vasis delineata.

50) Tabellae, seu picturae.

51) Argentum, id est, vasa argentea.

52) Gaetulia, pars Libyae interioris, pro tota Africa. E muricis succo eliciebatur color purpureus. Intelligendae ergo hic sunt vestes purpureae.

53) Sensus: sunt qui his rebus carent, quamvis eas habere cupiant; aut sunt etiam, qui eas non admodum quaerant, cupiant, desiderant.

54) Sensus et nexus: diversa plane sunt hominum ingenia; et haec diversitas inatribus adeo locum habet; non raro enim accidere solet, ut alter sit mollis et prodigus, alter laboris patiens et avarus; unde repetenda sit haec naturarum diversitas, vitae nostrae comes et naturae humanae moderator perspectum habet, Genius Terentii quaedam comoedia inscribitur, Adelphi, hoc est: fratres duo moribus dissimillimis. Demea et Micio. De his hoc loco fortasse cogitavit Horatius.

Praeferat Herodis palmatis⁵⁶⁾ pinguibus; alter,
 Dives et importunus⁵⁷⁾, ad umbram⁵⁸⁾ lucis ab ortu ¹⁸⁵
 Silvestrem flammis et ferro mitiget agrum;
 Scit Genius⁵⁹⁾, natale comes qui temperat astrum,
 Naturae Deus humanae, mortalis in unum-
 Quodque caput, vultu mutabilis, albus et ater. —
 Utar⁶⁰⁾ et ex modico, quantum⁶¹⁾ res poscet, acervo ¹⁹⁰
 Tollam; nec metuam⁶²⁾, quid de me judicet haeres,
 Quod non plura⁶³⁾ datis invenerit; et tamen⁶⁴⁾ idem
 Scire volam, quantum simplex hilarisque nepoti
 Discrepet, et quantum discordet parcus avaro.
 Distat⁶⁵⁾ enim; spargas tua prodigus, an neque sumtum ¹⁹⁵
 Invitus facias, neque plura parare labores;

55) Cessare, id est, otio frui. Ludere, pro: genio indulgere. Ungi, idem ac, coenare; adcumbebant enim veteres mensae unguentis delibuti.

56) Palmata sunt loca palmis consita, quae Herodes, rex Judaeae, in regione ad Hierichuntem habebat, eaque ad pretiosissimas praestantissimasque possessiones pertinuisse, ex hoc ipso loco apparet; dicuntur pingua, ob pinguis agri foecunditatem.

57) Importunus, molestus, morosus, difficilis.

58) Ad umbram lucis, id est, ab ortu solis usque ad occasum. Flammis, comburendo nempe ea, quae fertilitatem impediunt; et ferro, h. e. rastro; mitiget, molliat, domet silvestrem, sentibus et vepribus obsitum, agrum.]

59) De Genio vide L. II. Ep. 1. not. 95. Genius nempe hominem, cui additus est comes, ubique sequitur. Astrum natale temperat, mala, quae portendit astrum, sub quo quis natus est, amolitur et procurat, bona, quae affulgent, promovet et adjuvat. Naturae Deus humanae: Deus quidem est, sed humanae naturae, h. e. morti, aequae ac homo, obnoxius; hinc additur: mortalis in unum quodque caput, h. e. mortalis est cum unoquoque, quem in vita comitatus est, redit eo, unde missus est. Mutabilis, albus et ater: id est, iratus est, si homo repugnat; mitis, si homo se regi patitur.

60) Utar, id est, fruar quaesitis ego quidem.

61) Quantum opus erit.

62) Nec metuam, id est, non curabo.

63) Sensus: quod non plura, quam ea, quae mihi data sunt, a Maecenata nempe, reliquerim; quod ea, quae ego accepi, non auxerim.

64) Et tamen idem ipse, qui sordidam parsimoniam vituperato, scire vellem et experiri, quantum homo, in vitae simplicitate et hilaritate acquiescens, a prodigo et luxurioso; et avarus ab homine parce vivente differat. Horatius igitur medium inter utrumque, vel auream mediocritatem sequi vult.

65) Sensus: aliud enim est, sua stulte profundere, ac sumtum aliquem ex causa libenter facere, et non semper de augenda re cogitare, sed potius, ut pueri in Quinquatribus solent, per breve tempus animo esse curis omnibus libero, et aliquantulum vacare voluptati.

Ac potius, puer ut festis quinquatribus⁶⁶⁾ olim,
 Exiguo gratoque fruaris tempore raptim.
 Pauperies⁶⁷⁾ immunda domus procul absit; ego, utrum
 Nave ferar magna, an parva, ferar unus et idem. 100
 Non agimur tumidis velis Aquilone⁶⁸⁾ secundo;
 Non tamen adversis aetatem ducimus Austris;
 Viribus, ingenio, specie⁶⁹⁾, virtute, loco, re,
 Extremi⁷⁰⁾ primorum, extremis usque priores.
 Non⁷¹⁾ es avarus: abi. Quid? caetera jam simul isto 205
 Cum vitio fugere? caret tibi pectus inani
 Ambitione? caret mortis formidine, et ira?
 Somnia⁷²⁾, terrores magicos, miracula, sagas,
 Nocturnos lemures portentaque Thessala rides?
 Natales grate⁷³⁾ numeras? ignoscis amicis? 210

66) Quinquatria, dies festi et laeti in Minervae natalis honorem celebrati, et, quia id fiebat per quinque dies, vel post diem quintum Iduum Martii, Quinquatria dicti. Fuerunt hi dies pueris gratissimi et jucundissimi, quia, donec Quinquatria durabant, feriae in scholis erant.

67) Sensus: si tantum pauperies domus meae immunda, id est, sordida parca a domu mea procul absit, cetera non curo; sive magnis opibus utar, sive exiguis, animum aequum retinebo, non extollar, nec deprimar. Felix porro est navigatio, cum ventis secundis adspirantibus vela tument; et cum hac apte comparatur felix vitae cursus eorum, quibus omni rerum copia abundantibus omnia ex voto cedunt. Sed quemadmodum navigantibus venti secundum, ita divitibus timenda est fortunae secundae mutatio.

68) Aquilo, ventus septentrionalis; Auster, meridionalis, positi sunt pro quolibet vento in genere. Agimur, id est navigamus. Adversis Austris, id est, adversa fortuna depressi aetatem agimus, vitam ducimus.

69) Specie; externo rerum in oculos cadentium habitu. Loco: dignitate, conditione. Re, scilicet familiari, opibus.

70) Id est: qui sum (his rebus enumeratis nempe) inter primos extremis quidem, attamen inter ultimos primus, h. e. in medio inter felicissimos ac pauperrimos constitutus.

71) Sensus: ac, inquiet mihi aliquis: O Horati, satis intelligo te avarum non esse; bene est; at num etiam ceteris vitiis cares? fugere, id est, e pectore tuo pulsa cessere?

72) Pro superstitione in genere nominat quaedam superstitionis genera. Miracula, id est, prodigia quaedam, quibus terretur vulgus. Sagas: praestigiatrices veneficas. Lemures, larvas nocturnas et umbras; harum avertendarum causa a Romanis instituta sunt Lemuralia, per tres dies celebrata. Portenta Thessala, id est, res prodigiosas, quas Magi suis incantamentis edunt. In Thessalia autem fuit quasi officina venenorum, quibus utebantur venefici ad ludendos homines superstitiosos. Sensus: an non es superstitiosus?

73) Grate, nimirum non dolens, te senem fieri, plures a te dies natales numerari, mortem aequo animo exspectans.

Lenior et melior fis accedente senecta?
 Quid te exemta juvat spinis⁷⁴⁾ de pluribus una?
 Vivere⁷⁵⁾ si recte nescis, decede peritis.
 Lusisti satis, edisti satis, atque bibisti;
 Tempus abire tibi est; ne potum largius aequo 215
 Rideat et pulset lasciva⁷⁶⁾ decentius aetas.

74) Spinae translate de vitiis, quae animum lacerant et pungunt.

75) Sensus: si omni parte bonus esse non potes, da locum aliis te melioribus. Peritis: id est, qui te rectius et sapientius vivunt. Satis jam tibi lusu fuit, nugarum satis, satis convivorum, tempus jam est, ut his omnibus finem imponas, ne, si edere ultra pergas et bibere, tandem potatus largius, pueris, quibus propter aetatem lascivire permittitur, ludibrio sis.

76) Lasciva decentius aetas: id est, pueri, quos magis, quam senes, decet lascivia.

Q. Horatii Flacci.

Epistola ad Pisones.

Occasio et argumentum.

Duo erant aetate Horatii Romae Pisones, e nobilissima familia orti: L. Calpurnius Piso, qui a. u. 739, et Cn. Piso qui a. u. 731 consulatum gessit. Prior habuit duos, hic autem tres filios. Quidam interpretes ad Cn.; plures tamen ad L. Pisonem et duos ejus filios, qui non solum ipse poëseos et bonarum literarum amans fuerat, sed et filii natu majoris studia poëtica moderabatur, una cum Porphyrio, hoc opus Horatii didacticum, ad Pisones, inscriptum, quod alii, Librum, alii autem, Epistolam appellavere, verisimilius referendum esse putant. Scilicet cum magna tum temporis malorum poëtarum turba vesparum more circumvolitare, et oblatos sibi quosque venenato aculeo laedere, vel quovis alio modo Musarum honorem contaminare coepisset, Horatius, non tam eorum ictus, quibus jam saepius petitus fuerat, curans, quam timens potius, ne pravo istorum exemplo alii quoque depravarentur, tam virtutes ad poëseos studium adferendas describere, easque illis, qui poëtae nomine se dignos praestare cuperent, propinare, quam vitia et errores poëtis fugiendos ante oculos ponere voluit. Fortasse Horatius praecipue filio Pisonis natu majori, ne is vano malorum poëtarum strepitu se in fraudem induci pateretur, cautum ivit. Noluit autem praecepta, quae de poëseos et de omnis doctrinae studio daturus erat, ad certum ordinem redacta accuratius, subtilius et doctius exponere, vel libellum titulo, artis poëticae, insignitum scribere; sed quae sibi de virtutibus et vitiis poëseos occurrerent, sine arte, h. e. haud ad certam normam exacta in epistola cum amico suo communicare; et inde quidam omnem plane in hoc opere poëtico ordinem desiderari contendunt. Quemadmodum vero hi, sic e contra etiam illi errare videntur, qui hoc carmen ubique ad strictissimam systematis alicujus normam exigunt. Potest autem epistola haec didactica in tres partes dividi, quarum I^a agit de inventione et dispositione, II^{da} de eloquutione et stylo,

et III^a de virtutibus, quae in bono poëta requiruntur. I^{ae} partis praeceptum 1^{um} est: Omne, quod scribit poëta, debet habere unitatem. Cum expositione vitiorum, unitati oppositorum, quae sunt: nimia libertas et audacia fictionis; vana ostentatio sublimitatis cujusdam scribendi, et demum defectus ingenii poëtici, conjungit statim praeceptum 2^{dum}: Ne poëtae, dum vitium aliquod vitare student, decepti specie recti in aliud vitium incidant, medium tenendum, et ideo studium non in singulis tantum alicujus rei partibus, sed in tota re ponendum est. Dehinc praecepta de inventione et dispositione concludens, et simul ad illa de stylo transiens 3^{ium} tradit praeceptum: Carmina, quae tam facundia, quam lucido ordine se commendant, scripturus rem virium modulo accommodatam deligere debet. II^{dam} partem operis incipit praeceptum 4^{um} ad eloquutionem spectans: In vocabulis et locutionibus tam deligendis, quam repudiandis prudenter loquendi usus in consilium vocari debet; qua occasione plura de formandis vocabulis novis disserit. Sequitur nunc praeceptum 5^{tum}: Pro varietate argumentorum varium quoque et singulis conveniens versuum genus adhibeatur oportet, de quibus generibus versuum singillatim tractat. Pervenit dein ad praeceptum 6^{tum} de styli proprietatibus: Stylus nempe debet a) materiae esse accommodatus, b) debet esse gravis, ut animos lectorum et spectatorum percellat, et c) debet etiam characteri personarum loquentium vel agentium convenire; qui vero has proprietates stylo seu elocutioni suae comparare nescit, poëtarum gregi se non immisceat. Transit autem hic in specie ad poësim dramaticam, et hac occasione non tantum ea, quae poëtis, sed etiam illa, quae actoribus observanda et peragenda sint, ut magister harum rerum peritissimus proponit et praecipit. De tertia porro styli proprietate fusius tractans defertur ad praeceptum 7^{um} de fictione characterum, in qua poëtam constantem esse debere docet; ille vero praecipit 8^{vo} qui alios imitatur, non verbis inhaereat, neque etiam in genere serviliter nimium exemplorum vestigia premat; et sic digreditur aliquantulum ad carmen epicum, quod nec sublimius incipiendum, nec altius justo repetendum esse 9^{no} praescribit; et iterum redit ad poësim dramaticam 10^{mo} praeciptions, characterem personarum agentium probe observandum esse, singularumque aetatum descriptionem adnectit. Sequentia duo praecepta tractant de representatione actionis: 1^{mo} nimis atrociam coram spectatoribus non agantur, sed tantum narrando cum iis

communicentur et 2^{do} fabula non ultra quinque actus extendatur; neque plures, quam tres personae colloquentes inducantur, et chorus actoris partes sustineat; quia autem chori veterum cum tibiae cantu et saltu conjuncti fuerant, poeta hic digreditur ad musicae artem, ejusque historiam quodammodo una cum historia poëseos percurrit; sicque ad illud tempus delatus, quo tragoediis spectatores delectandi causa satyri immiscebantur, quaedam specialia praecepta de poësi satyrica adducit. Ab his transit ad praeceptum 14^{um} de versuum structura, in qua Graecos potius, quam Romanos imitari oporteat. In exemplum adducit Thespim et Aeschilum, poëtas Graecos, quorum prior tragoediam invenit, alter vero excoluit; postquam ita, continuat porro, paulo post etiam comoedia est inventa, in utraque poëmatis specie, tam tragoedia, quam in comoedia Romani multa cum laude Graecos illos imitati sunt, unico hoc excepto vitio, quod hi Romani sua opera non perpoliverint; et sic ad novum praeceptum delatus, limam quam accuratissimam omnibus commendat scriptoribus. Quo praecepto simul III^{am} partem operis inchoat, de virtutibus agentem, quae ab eo, qui poëtae nomine se dignum reddere vult, exiguntur; in his autem ponit philosophiam, quae docet, quid deceat, quid non, qua insignitus debeat esse poëta; hujus itaque studium cum studio vitae humanae jungendum esse 16^o praecipit; hocque studium praecipuam causam esse asserit, cur Graeci Romanos gloria tam ingenii, quam etiam facundiae superaverint. In praecepto dein 17^{mo} tractat de carmine didactico, quod breve, verum, et suave esse debere contendit, cum quo generalem illam regulam, utile dulci ubique miscendum esse, artificiose statim conjungit. Sicut autem supra in praecepto sexto a dramatica poësi ad actores ipsos informandos transivit: ita etiam hic digreditur ad iudices operum poëticorum, i sive 18^{vo} praecipit, ut aequitatem tueantur in dijudicandis carminibus, leviusculisque erroribus, dummodo pauci sint, faciles veniam impertiantur. Redit dehinc iterum ad aliud praeceptum virtutes poëtarum concernens, quo mediocritatem in arte poëtica fugiendam, et ad perfectionem aspirandum, nihilque, quod non ab artis iudicibus probatum, diuque limae prius subjectum fuerit, in publicum emittendum esse monet. Postquam vero praecepta, ad quae dirigendum sit poëseos studium, in medium protulit sapientissima, nunc, quid ab antiquissimis inde temporibus effectum sit carminibus, enarrat, et breviter, sed mira suavitate, poëseos laudes

celebrat: Orpheus inquit feros homines et rudes mites reddidit; Amphion homines consociatos, ut muris Thebanis exstruendis manus admovent, dulcissimo testudinis sono permovet: post hos Homerus et Tyrtaeus pectora hominum fortitudinis sensu inflammaverunt; carminibus denique oracula edita, regum gratia captata et fabulae dramaticae compositae sunt. Post hanc digressionem de laudibus poëseos iterum redit Horatius ad virtutes et dotes boni poëtae, ingeniumque in eo cum arte seu studio jungendum esse 20^{mo} asserit: Neutrum, ait, per se sufficit, sed ad artem ingenium, et ingenium ad artem accedere debet; licet enim bono ingenio instructus sit poëta, nisi illud a puerili indaeate studiosissime exercuerit, acuerit, et larga doctrinae copia locupletaverit, boni poëtae laudem et honorem tamen consequi non potest. Subjungit his praeceptum 21^{um}: Poëtae carmina scribentes, divites praesertim, fugiant assentatores, et adeant potius viros doctos et prudentes, eosque decenter rogent, ut vitia, in carminibus suis animadversa, benevole secum communicent; huicque praecepto tam assentatorum, quam etiam censorum prudentium descriptionem intexit. In fine vero adhuc a poëta furioso et malo, quem fusius depingit, omnibus cavendum esse monet.

Humano ¹⁾ capiti cervicem pictor equinam
Jungere si velit, et varias inducere ²⁾ plumas,
Undique ³⁾ collatis membris, ut tupiter atrum ⁴⁾
Desinat in piscem mulier formosa superne,
Spectatum ⁵⁾ admissi risum teneatis, amici?
Credite, Pisones, isti tabulae ⁶⁾ fore librum

1) Ordo et sensus: poëta, qui aliquid fingit, cujus partes rei fictae non conveniunt, similis est pictori, qui formam aliquam ex hominum et variorum animalium membris ridicule componit et effingit. Primum igitur praeceptum, quod dat, est hoc: Rei, quam describit poëta, omnes ac singulae partes respondere et accommodatae esse debent. Seu: omne, quod scribit poëta, debet esse unum, id est, debet habere unitatem. Per humana caput designatur, formosum mulieris caput.

2) Inducere, id est, adfingere plumas variarum avium, capiti nempe.

3) Undique collatis membris, h. e. membris a quovis animali translatis, et ridiculae speciei repraesentandae adhibitis.

4) Atrum, foedum, turpem.

5) Sensus est: o amici Pisones! dicite quaeso, an risum teneretis, spectatum admissi, id est, si ad spectandam ejusmodi imaginem admitteremini, vel invitaremini.

6) Tabulae, pro: picturae; librum, pro: poema vel carmen. Persimilem id est, aequè ridiculum esse, ac illam imaginem.

Persimilem, cujus⁷⁾, velut aegri somnia, vanae
 Fingentur species, ut nec pes nec caput uni
 Reddatur formae. Pictoribus⁸⁾ atque poëtis
 Quidlibet audendi semper fuit aequa potestas.¹⁰⁾
 Scimus et hanc veniam petimusque, damusque vicissim;
 Sed non ut placidis coëant immitia; non, ut
 Serpentes avibus gementur, tigribus agni.
 Inceptis⁹⁾ gravibus plerumque et magna professis
 Purpureus late, qui splendeat, unus et alter¹¹⁾
 Adsuitur pannus, cum¹⁰⁾ lucus et ara Dianae¹¹⁾,
 Et properantis aquae¹²⁾ per amoenos ambitus agros,

7) Cujus poëmaticis vanae species fingentur, velut aegri somnia, id est, cujus carminis ideae vanae et imagines ridiculae undique collectae, ab initio usque ad finem adeo parum cohaerebunt, sicut in somniis febri laborantis nervorum nullum membrum omnino cum altero cohaeret et congruit. Pes et caput, indicat ordinem idearum ab initio usque ad finem. Non Uni reddatur formae, id est, singulae partes non ad eandem pertineant formam, imaginem, figuram.

8) Transit hic poëta ad vitia unitati styli nocentia et opposita, uti sunt: Nimia libertas et audacia fictionis; vana ostentatio sublimitatis, quae praecipue ad aliena longe transgrediendo, resque diversissimis coloribus depingendo se exserit; et demum defectus ingenii. Nexus et sensus: at enim dicit aliquis: pictores et poëtae facultatem habent fingendi et scribendi, quidquid libuerit. Scio, respondet Horatius, et fateor, hanc illis dari veniam, sed ea tantum lege et conditione, ne monstra fingant, ne conjungant animalia placida cum feris, v. g. agnos cum tigribus, aves cum anguibus. Placida, idem ac mansueta; immitia, pro: fera animalia; coëant, id est, conjungantur; gementur, pro: paria fieri jubeantur, vel etiam, componantur in unam figuram.

9) Sensus: non raro accidere solet, ut poëtae gravitatis et sublimitatis ostentandae gratia cupide arripiant externa ornamenta, quibus splendorem parent suis carminibus; arripiunt scilicet res, quae poëticam descriptionem admittunt, utrum illae argumento, quod tractant, conveniant, nec ne, parum solliciti. Et pro hoc: initium poëmaticis est aliquando magnificentum, sed postea inanes quaedam descriptiones, ad propositum nihil pertinentes, attextuntur, et ut panni purpurei vesti adsuuntur. Pannus purpureus, intelligi debet de externis ornamentis, orationem speciosam reddentibus. Magna professis inceptis, id est, initium quod aliquid sublime promittit. Late qui splendeat, id est, latus purpureus pannus, seu latus purpureus clavus.

10) Sequuntur hic exempla ejusmodi ineptiarum digressionum, et descriptionum, quae, licet sint pulcherrimae, attamen, si justo loco non inserantur, unitatem laedunt, et minime placent.

11) Erat celebris Dianae ara in Aricino nemore, quod est in Latio. Cum autem plures luci cum aris Dianae sacri fuerint, quem potissimum describendum sibi sumserit vanus quidam poëta, definiri nequit.

12) Id est: rivus, defluens per ambages in campis.

Aut flumen Rhenum¹³⁾, aut pluvius describitur arcus¹⁴⁾;
 Sed nunc non erat his locus. Et¹⁵⁾ fortasse cupressum
 Scis simulare; quid hoc, si fractis enatata exspes²⁰⁾
 Navibus, aere dato qui pingitur? Amphora¹⁶⁾ coepit
 Institui; currente rota cur urceus exit?¹⁷⁾
 Denique¹⁷⁾ sit quodvis simplex duntaxat et unum.

Maxima¹⁸⁾ pars vatum, pater et juvenes patre digni,
 Decipimur specie recti. Brevis esse laboro:¹⁸⁾
 Obscurus fio; sectantem laevia nervi
 Deficiunt animique; professus grandia turget;
 Serpit humi tutus nimium timidusque procellae.
 Qui variare cupit rem prodigialiter unam,
 Delphinum silvis adpingit, fluctibus aprum.³⁰⁾

13) Rhenum, est adjectivum. Respexit hic fortasse Horatius ad Alpinum turgidum poëtam. Vide L. I. sat. 10. not. 24.

14) Pluvius arcus, est iris.

15) In eandem rem adhuc duas subjungit allegorias, quarum prior, a pictore deducta, contra unitatem rei suae materiae, posterior vero, deducta a figulo, contra unitatem formae saepe a poëtis peccari, ostendit. Sensus: tu fortasse rerum singularum describendarum, sicut pictor ille exprimens cupressi, haud imperitus es: ast, quid hoc, cupressum scilicet pingere posse, naufragum juvare potest, qui pacto pretio naufragium suum requisiverat exhiberi imagine? scilicet, naufragus quidam dicitur pictorem adisse, eumque rogasse, ut naufragii, quod passus sit, sortem in tabula depingeret, cui ille: visne me cupressum quoque adpingere? Porro, qui omnibus bonis exuti fuerint naufragi, portantes tabulam, in qua expressa fuit infortunii imago, mendicare solebant. Simulare, id est, pingere. Qui pingitur, pro: qui se pingi sinit.

16) Sensus est: sic etiam peccant saepe poëtae, cum forma externa magnum aliquid et sublime adornant, et praeter spem ad humiliora depinguntur; quemadmodum figulus, qui pro amphora, quam meditabatur, urceum effingit. Amphora est vas majus, duabus ansis instructum. Urceus minus vasorum genus. Coepit institui, pro: incepta est. Currente rota, figuli nempe.

17) Exprimit hic versus jam supra adductum praeceptum breviter: Omne, quod scribitur, debet esse unum tam ratione materiae, quam ratione formae. Denique, pro: ergo. Simplex, id est, eodem stylo usque ad finem perducitur debet.

18) Dum adhuc vitiis unitati oppositis immoñatur poëta, simul etiam ad aliud praeceptum transit tradendum: Poëtae ne, dum vitium aliquod vitare student, decepti specie recti in aliud vitium incidant; medium tenendum et ideo studium non in singulis alicujus rei partibus, sed in tota re ponendum est. Alloquitur hic simul Pisones, patrem et filios. Sensus est: nobis poëtis saepissime contingit, ut specie virtutis alicujus, quam sectamur, in oppositum vitium ruamus: sic dum brevitati studemus, minus perspicuam

In ¹⁹⁾ vitium ducit culpae fuga, si caret arte. *Lucretius*
 Aemilium ²⁰⁾ circa ludum faber unus et unguis
 Exprimet, et molles imitabitur aere capillos,
 Infelix operis summa, quia ponere totum
 Nescit. Hunc ego me, si quid componere curem, ³⁵
 Non magis esse velim, quam naso vivere pravo,
 Spectandum nigris oculis, nigroque capillo.
 Sumite ²¹⁾ materiam vestris, qui scribitis, aequam
 Viribus, et, versate diu, quid ferre recusent,

reddimus orationem; dum laevem, tersam et politam orationem reddere volumus, eam plerumque laevigando mollem et enervatam reddimus; si quis humilitatem styli vitare cupiat, et ad sublime dicendi genus sese attollere, sine modo adsurgens in tumidum evadit; qui vero illum ipsum tumorem, tanquam orationis alterum scopulum, vitaturus, contrahit vela, seque demittit, continuo humum radit, et serpit, timidus atque humilis potius, quam modestus vocandus; nec desunt, qui intelligentes, in eruditorum operibus mire placere rerum varietatem, illam in suis operibus adeo intemperantur affectant, ut ad res absurdissimas delabantur, et apros in mari, delphines vero in silvis oberrantes describunt. Per, rectum, intellige virtutes styli. Prodigialiter, id est, admirationis movendae causa.

19) Exprimi hic versus iterum breviter supra memoratum praeceptum secundum. Culpae, seu vitium. Si caret arte, id est, si caret ingenio. Sensus: ingenio ergo opus est, ut medium teneatur. Intellige autem ingenium poeticum.

20) Ingenio et studio opus esse, in quolibet quod scribimus, adhuc exemplo sequenti ostendit: Inter fabros, qui circa ludum Aemilium habitant, erit fortasse aliquis, qui unus, id est, prae ceteris omnibus unguis et molles capillos mira arte in statua aliqua exprimat et imitetur, sed idem, quia non omnia et singula ad artem exprimere didicit, quia studium suum non ad singulas partes extendit, de operis summa haud adprobabitur. Huic quidem fabro, fabrilis artis parte tantum conspicuo, si aliquid scriberem, tam parum similis, quam me hominem esse vellem, nigris quidem oculis nigroque capillo exsplendescentem, sed nasum depravatam et distortum prae se ferentem. Ludus gladiatorius, ab Aemilio Lepido ita dictus, non procul erat a Circo, et in ejus vicinia statuarii suas tabernas habebant. Componere curem, id est, scribere conarer, cuperem. Vivere, pro: esse.

21) Praecepta de inventionem concludens, et simul ad illa de dispositione rerum et stylo transiens, tertium tradit praeceptum Horatii: Carmina, quae tam facundia, quam lucido ordine se commendat, scripturus, rem virium modulo accommodatam deligere debet. Sensus: quapropter vos, quicumque aliquid scribere meditamini, moneo, perpendite diu ac seduli, quid oneris, et quibus humeris accipiat, id est, an operi scribendo pares sitis. Argumentum eligite cui tractando vires non desint; qui enim ita fecerit, huic neque verba deerunt, quibus rem exprimat, neque dispositione carebit illa, quae gignit ordinem, et lucem adfert. Versate: perpendite, explore.

Quid valeant humeri. Cui ²²⁾ lecta potenter erit res, ⁴⁰
 Nec facundia deseret hunc, nec lucidus ordo.
 Ordinis ²³⁾ haec virtus erit et Venus, aut ego fallor;
 Ut jam nunc dicat, jam nunc debentia dici,
 Pleraque differat et praesens in tempus omittat. *hic post nunc omittat*
 In verbis ²⁴⁾ etiam tenuis cautisque serendis, ⁴⁵
 Hoc amet, hoc spernat promissi carminis auctor.
 Dixeris ²⁵⁾ egregie, notum si callida verbum
 Reddiderit junctura novum. Si forte ²⁶⁾ necesse est
 Indiciis monstrare recentibus abdita rerum; *ut dicitur in*
 Fingere cinctutis non exaudita Cethægis ²⁷⁾ ⁵⁰ *omne quod loquitur*
 Continget, dabiturque licentia sumta prudenter.
 Et ²⁸⁾ nova, fictaque nuper habebunt verba fidem, si

22) Cui lecta potenter erit res, id est, cujus vires lectae materiae pares sunt; qui eam, ut par est, potenter moderari, et ad artis normam dirigere potest.

23) Sensus: ordinis autem praecipua dos et amabilis pulchritudo in eo cernitur, ut in principio statim dicat, quae jam nunc, id est, in principio dici debent; scilicet, ut lector vel spectator in mediam rem quasi rapiatur, pleraque differat, id est, postea demum enarret, et nunc quidem (praesens in tempus) omittat. Venus; pulchritudo, venustas. Aut ego fallor, id est, ut ego quidem arbitror.

24) Quartum praeceptum elocutionem spectans: In vocabulis et locutionibus tam deligendis, quam repudiandis prudenter loquendi usus in consilium vocetur. In verbis serendis, id est, eligendis, cudendis; dicitur metaphora ab arboribus, quae per sationem multiplicantur. Tenuis, subtilis, acutus. Promissi carminis auctor, h. e. poeta.

25) Sensus: certe ex jam receptis vocabulis quaedam interdum tam scilicet conjunguntur, ut fiat ex duobus unum, quod et novum videtur, et orationi non parum ornamentum adfert, (dixeris egregie.) Callida junctura, id est, conjunctio acute, solerter, et apte instituta.

26) Sensus: si autem forte aliquando necesse erit sermonem habere de re, quae, hactenus incognita, nondum nomen accepit; tum certe oportebit vocabula vere nova effingere, et neque nobis, neque nostris olim majoribus usurpata; dabiturque ejus rei facile venia, modo ea non abutatur. Indiciis recentibus, id est, vocabulis recens factis. Abdita rerum, id est, res adhuc abditas, nunc demum inventas, in lucem protractas.

27) Cethægis, pro: prisca Romanis cinctutis, id est, cinctu quasi cinctis; vel quod prisca Romanae tunicae loco corpus ab umbilico usque ad pedes cinctu; campestri subligaculo, tegebant; vel quod tunicam cinctu constringebant; bene autem prisca vox, cinctutus, respondet sermoni de prisca moribus. Fingere non ex audita, id est, formare voces prisca in auditas, ignotas.

28) Sensus: verba noviter formata porro ab omnibus probabuntur etiam, si videbuntur a Graeca aliqua dictione originem duxisse, atque ab ea levi

Graeco fonte cadant, parce detorta. Quid ²⁹⁾ autem?
 Caecilio ³⁰⁾, Plautoque dabit Romanus, ademtum
 Virgilio Varioque? Ego ³¹⁾ cur, acquirere pauca ³⁵
 Si possum, invideor, cum lingua Catonis ³²⁾ et Ennii
 Sermonem patrium ditaverit, et nova rerum
 Nomina protulerit? Licuit ³³⁾, semperque licebit,
 Signatum praesente nota procudere nomen. ^{impugnatum}
 Ut ³⁴⁾ silvae foliis pronos mutantur in annos; ⁶⁰
 Prima cadunt: ita verborum vetus interit aetas,
 Et juvenum ritu florent modo nata, vigentque.
 Debemur ³⁵⁾ morti nos nostraque. Sive ³⁶⁾ receptus

aliqua flexione formata esse. Parce detorta, id est, si verbum Graecum parum tantum mutatum et flexum est.

29) Probat nunc Horatius licere poetis nova vocabula formare: adducit exempla veterum, Caecilii, Plauti, Catonis et Ennii; indeque concludit eandem licentiam, quae his data est, recentioribus poetis quoque sui temporis, Virgilio nempe et Vario, concedendam esse. Totum autem interrogatio profert. Ademtum, sc. jus, et libertas nova vocabula formandi.

30) De Caecilio, poeta comico, vide L. II. ep. 1. not. 38. De Plauto ibidem not. 36. De Vario L. I. od. 5. Virgilius satis notus est.

31) Sensus: imo, cur mihi quoque (et cuilibet alio recentiori poetae) impune non liceat, quod Catoni et Ennio licuit, ut patriam linguam novis aliquot verbis abundantioreni facere coner. Cur ego invideor, id est, cur ego reprobet, moleste ferat etc.

32) Cato, M. Porcius Censorinus. Vide Hist. antiq. De Ennio, poeta Latinorum antiquissimo, vide L. IV. od. 7. not. 20.

33) Conclusio ex prioribus: Semper igitur licuit, et semper licebit vocabula nova producere, quae a publico usu vim significandi accipiant. Verba, quibus utitur Horatius, translata sunt a nummo, qui cuditur; eleganter ergo et accommodate ad hanc metaphoram pro: producere, dixit: procudere; et pro simplici: novum, signatum praesente nota; quemadmodum enim nummus vel principis imagine, vel aetatis indicio etc. signatus, notam aetatis praesefert; ita novo vel invento rei alicujus nomini praesentis aetatis nota vel hoc, vel alio modo impressa est.

34) Nexus idearum et sensus: ast id non tantum licere, verum plane etiam necessarium esse contendo: quemadmodum enim singulis annis in suum vergentibus finem mutantur arborum folia, et ea prima, adveniente hieme, decidunt, quae veris tempore prima prodierunt; sic antiquissima quaeque vocabula non raro obsolescunt et concidunt, novis quibusdam in horum succedentibus locum, et juvenum more florentibus. Pronos in annos, id est, prono et celeri cursu labentes; simpliciter: quotannis.

35) Sequitur hic brevis digressio ad fragilem omnium rerum humanarum naturam. Nexus sententiarum et ordo: nec quemquam moveat hominum istud veluti fatum, cum nihilo melior sit aut nostra hominum, aut operum quae molimur, conditio: sive enim regali sumtu portus construat amplius

Terrâ Neptunus classes Aquilonibus arceat,
 Regis opus, sterilisque diu palus aptaque remis, ⁶⁵
 Vicinas urbes alit, et grave sentit aratrum;
 Seu cursum mutavit iniquum frugibus amnis,
 Doctus iter melius: mortalia facta peribunt,
 Nedum sermonum stet honos et gratia vivax.
 Multa ³⁷⁾ renascentur, quae jam cecidere, cadentque ⁷⁰
 Quae nunc sunt in honore, vocabula, si volet usus,
 Quem pœnes arbitrium est et jus et norma loquendi.
 Res ³⁸⁾ gestae regumque ducumque et tristia bella,
 Quo scribi possent numero, monstravit Homerus.
 Versibus ³⁹⁾ impariter junctis, querimonia primum, ⁷⁵

simus; sive exsiccato lacu maximo, terra, quae ante navigabatur, aratro nunc subacta, frumenti copiam urbibus late multis suppediet; seu denique, aggeribus oppositis, Tiberis, agris frugibusque infestus, eo cogitur, ubi fluat innoxius; haec omnia, licet magnifica, atque, ut videtur, aeterna, peribunt tamen, nosque cum ipsis. Quanto igitur magis fragiles voculae interire debent? Debemur morti, h. e. nos et omnia opera nostra etiam magnificentissima intereunt.

36) Trium hic nominatim operum mentio fit in gratiam Augusti, qui portum Julium ad Bajas amplificatum aggeribus munivit; Pomtinas paludes ante per Cethegum siccatas, sed fossis cumulatis in statum pristinum restitutas, ad mare iterum deduci curavit; ac demum, Tiberis alveo repurgato, fecit, ne ripas transgrederetur magno et urbis et agrorum detrimento. Bene autem haec tria probant nihil esse in humanis rebus perpetuum. Neptunus; pro mari: circumscriptio portus; in hoc enim naves a ventis tutae redduntur. Aquilonibus, pro quibusvis ventis procellosis. Regis opus, h. e. regale opus tanti sumtus, ut nemo alius id efficere posset, nisi cui regiae, imperatoriae essent opes. Apta remis, id est, ubi prius navigabatur. Grave sentit aratrum, pro simplici: nunc colitur. Amnis, Tiberis nempe, qui prius inundationibus suis multum nocuit, iniquus fuit adjacentibus regionibus. Doctus iter melius, id est, coactus delabi itinere; haud amplius agrorum cultui infesto. Gratia, elegantia. Vivax stet, id est, non pereat. Nedum, pro: multo certe minus.

37) Sensus: ast vocabulorum obsoletorum, quae iterum renascentur sicut noviter inventorum dignitas et honor unice dependet ab usu loquendi, qui igitur consulendus est. Vide supra not. 24. Hic enim est arbor, qui singulis vocabulis suum jus, id est, vim significationis, et normam, id est, legem determinat.

38) Praeceptum quintum: Pertinet etiam ad elocutionem, ut pro varietate argumentorum varium quoque, et singulis conveniens versuum generum adhibeatur. Tractat ergo de diversis versuum generibus: de hexametro, distichis, jambis, et versibus lyricis. Nexus: et quidem quo numero, id est, versu scribi debeant etc. Monstravit, docuit. Intellige hic versum hexametrum seu heroicum.

39) Per versus impariter junctos intellige, distincta, id est, hexametro

Post etiam inclusa est voti sententia compos.
 Quis tamen exiguos ⁴⁰⁾ elegos emisit auctor,
 Grammatici certant, et adhuc sub iudice lis est.
 Archilochum ⁴¹⁾ proprio rabies armavit jambo. *ambo*
 Hunc ⁴²⁾ socci cepere pedem, grandesque cothurni, *80*
 Alternis aptum sermonibus, et populares
 Vincentem strepitus ⁴³⁾, et natum rebus agendis.
 Musa ⁴⁴⁾ dedit fidibus ⁴⁵⁾ divos puerosque Deorum,
 Et pugilem victorem, et equum certamine primum,
 Et juvenum curas, et libera ⁴⁶⁾ vina referre. *55*

junctum pentametrum. Versibus impariter, pro: versibus, inaequalibus alternatim junctis. Querimonia, pro re tristici. Inclusa est, pro: tractabatur quaelibet sententia, id est, quilibet sensus voluptatis et laetitiae, qui oritur, dum aliquis voti compos fit. Sensus: antiquissimis temporibus affectus tristes, et tardius omnes affectus placidiores laetitiae canebantur distichis.

40) Exiguos elegos, id est, pentametros, quia hi sunt breviores hexametris. Emiserit auctor, id est, invenerit. Sub iudice lis est, pro: res adhuc incerta est.

41) De Archilochi, poeta Graeco, vide L. I. ep. 19. not. 22 et 23. Proprius dicitur jambus Archilochi, quia hic hujus versus inventor erat. Rabies armavit eum, id est, hunc versum aptum putavit, quo suam iram exprimeret; ira enim maledicentium cum rabie canum comparari solet.

42) Socci, humile calceamentorum genus, quo utebantur actores comoediarum. Cothurni erant altiores, et his induebantur tragoei. Coepere, pro: sumserunt. Sensus: comoediae et tragoeiae scribebantur jambo, quia alternis sermonibus, id est, dialogis, mutuis colloquiis, vincendo tumultui et repraesentandae actioni in theatro maxime idoneus videbatur et conveniens.

43) Jambus facilius pronunciari et audiri potest, cum populus magnum strepitum excitat in theatro.

44) Musa dedit, id est, denique Musa ipsa videtur Diis et Deorum filiis, heroibus; tum victoribus in ludis celebrandis; et demum jocos, conviviis etc. decantandis versus lyricos destinasse et reservasse. Pro simplici: versibus lyricis scribuntur hymni, odae heroicae, Pindaricae, et Anacreonticae. Musa, pro Musis in genere sumendum est, vel in specie pro Musa lyrae: Terpsychore. Odae porro, in quibus celebrantur Dii, vocantur hymni, in quibus heroës, odae heroicae; in quibus victores pugnis et caestibus certabant, et victores in certaminibus Olympicis, odae Pindaricae, at Pindaro, poeta Graeco, qui hos victores laudibus suis celebravit, sic dictae; in quibus vero res jocum, amorem, et convivia seu commisationes concernentes tractantur, eae dicuntur odae Anacreonticae, ab Anacreonte Tejo, ita nominatae. De ludis Olympicis vide L. IV. od. 1. not. 20.

45) Dantur plures species versuum lyricorum: vide praecipua eloquentiae, sed omnes poeta sub, fidibus, seu lyra, comprehendit.

46) Vina dicuntur libera, quae liberius et largius bibuntur in laetis comotationibus.

Descriptas ⁴⁷⁾ servare vices operumque colores,
 Cur ⁴⁸⁾ ego, si nequeo ignoroque, poeta salutor?
 Cur nescire, pudens prave, quam discere malo?
 Versibus ⁴⁹⁾ exponi tragicis res comica non vult:
 Indignatur item privatis et prope socco ⁵⁰⁾
 Dignis carminibus narrari coena Thyestae ⁵¹⁾:
 Singula quaeque locum teneant sortita decenter.
 Interdum ⁵¹⁾ tamen et vocem comoedia tollit,
 Iratusque Chremes tumido delitigat ore:
 Et tragicus plerumque dolet sermone pedestri. ⁹⁵
 Telephus ⁵²⁾ et Peleus, cum pauper et exul, uterque

47) Transit nunc poeta ad praecipuum sextum de styli proprietatibus: Stylus debet 1° materiae esse accommodatus, 2° debet esse gravis et patheticus, ut animos percellat, et 3° debet etiam characteri personarum loquentium et agentium convenire; qui vero has proprietates stylo seu elocutioni suae comparare non scit, poetarum gregi se non immisceat. Nexus: praeter hanc diversitatem versuum sunt et alia adhuc quoad varietatem elocutionis observanda etc. Per, descriptas vices, intellige, diversitatem versuum, de qua modo sermo fuerat. Per, colores operum, autem: varietatem styli, qua tanquam diversis coloribus poemata inter se differunt.

48) Sensus: qui hoc ignorat servare, id est, qui hanc diversitatem versuum et varietatem styli observare nescit, poetae nomine dignus non est; vel hanc artem ediscat oportet; discere enim laudabilis est, quam ignorare. Pudens prave, id est, ex pravo, falso pudore.

49) Sensus: comicum enim et vulgare argumentum, sublimitatem tragoeiae propriam minime fert, et e contrario tragicam rem, qualis Thyestae epulum fuit, indignemur, si quis humili stylo privatorum colloquiorum, aut versu comico prosequeretur. Suum itaque omnia locum sic teneant, ut pro diversa argumenti operisque natura proprius cuique stylus attribuatur. De socco vide supra not. 42.

50) Thyestes cum Atrei fratris uxorem affecisset ignominia, Atreus illi suos liberos epulandos adposuit. Vide Senecae tragoeidiam hoc argumento scriptam.

51) Vocem tollit. Sensus: interdum tamen etiam in comoedia, cum prodit homo graviter commotus, locum habet oratio concitator; hinc Chremes senex vehementer iratus (in Terentii Heaut.) persona licet comica, loquendi modo tamen sublimi et gravi, ut decet, suam in filium iracundiam exprimit; et vice versa tragici, si quando volunt aegritudinem animi, qua conficiuntur, significare, ad humile descendunt loquendi genus, quippe quod lacrimis et luctui sit opportunum et congruum. Tumido ore, id est verbis gravioribus. Sermo pedestris. id est, stylus humilis, simplex.

52) Probat hoc exemplis: sic Telephus et Peleus, exules ambo et inopia pressi, ampullatis, et ob insolitam longitudinem suam magnificum quiddam sonantibus abstinent verbis, quibus frustra misericordiam hominum essent imploraturi. Telephus, filius Herculis, rex Mysiae, cum transitum Graecis Trojam petentibus negasset, ab Achille vulneratus est; vulnus autem hoc, secundum oraculi effatum, nisi illud eadem hastae cuspidem, qua inflictum

Projicit ampullas⁵³⁾ et sesquipedalia verba,
Si curat cor spectantis tetigisse querela.

Non⁵⁴⁾ satis est pulchra esse poemata, dulcia sunt,
Et, quocunque volent, animum auditoris agunt.

Ut⁵⁵⁾ ridentibus arrident, ita flentibus adsunt
Humani vultus. Si vis me flere: dolendum est
Primum ipsi tibi; tum tua me infortunia laedent.
Telephe⁵⁶⁾, vel Peleu, male si mandata loqueris,
Aut dormitabo, aut ridebo. Tristia moestum

Vultum verba decent, iratum plena minarum,
Ludentem lasciva, severum seria dictu.
Format⁵⁷⁾ enim natura prius nos intus ad omnem
Fortunarum habitum; juvat aut impellit ad iram,
Aut ad humum moerore gravi deducit et angit;

esset, tangeretur, sanari non poterat, propterea castra Achilles adiit, et hanc veniam ab eo petit, et quidem pauper, h. e. miseri et supplicantis speciem prae se ferens. Peleus, filius Aeaci, ob fratrem Phocum, a se caecum, solum venter, et ex patria Aegina in Thessaliam fugere coactus est, hinc, exul, dicitur.

53) Ampulla, proprie lecythus, vas angusto collo, sed ventre capaciore et turgido, in quo oleum imprimis et acetum servari solebat. Ab hac ampullae forma turgida et inflata quasi, translate dicuntur, ampullae, verba turgida, ventosa, magnifica. Sesquipedalis, id est, unum et dimidium pedem longus; translate, ad nimis longa vocabula. Spectantis: nam querelis miserabiliter fuis spectatorum quoque movetur animus.

54) Transit nunc ad secundam styli dotem. Vide supra not. 47. Nexus: nec sufficit, si sola pulchritudine, quae magnam partem elocutione constat, commendentur poemata, suavitatem illis addere oportet, quam adfert animi motuum excitatio, humano pectori semper jucunda. Dulcia, id est, amoena ea proprietate, qua animi lectorum seu spectatorum moventur.

55) Nexus et sensus: ad hoc assequendum autem primo scire oportet, ita factos esse mortales, ut, sicut arrident ridentibus, ita fletu et lacrimis invitentur ad flendum. Humani vultus; humanitatis sensum exprimentes. Dolendum, id est, flendum. Laedent, pro: movebunt.

56) O actor, qui Telephum repraesentas exulem etc. Male; referendum est ad actorem, qui mandatas sibi partes male sustinet. Moestum vultum, id est, tristem hominem, quem repraesentat actor. Ludentem lasciva, id est, hilarem jocosa, ludicra verba. Seria, gravia. Nota: Horatius, cujus data in hac epistola Pisonibus praecepta maximam partem, spectant ad poetarum tam comicorum quam tragicorum vitia latius latiusque serpentina, non ea tantum, quae poetis, sed etiam illa, quae actoribus observanda et peragenda sint, hac occasione, ut magister harum rerum peritissimus proponit, et praecipit.

57) Ostendit, cur verba sint affectibus accommodanda; quia, inquit, natura nobis imprimit prius affectus et sensus fortunis nostris convenientes, atque respondentem conditioni nostrae, habitui seu statui: nunc juvat nos, id

Post effert animi motus interprete lingua.

Si dicentis erunt fortunis absona dicta:
Romani tollent equites⁵⁸⁾ peditesque cachinnum.
Intererit⁵⁹⁾ multum, Davusne⁶⁰⁾ loquatur, an heros⁶¹⁾,
Maturusne⁶²⁾ senex, an adhuc florente⁶³⁾ juvenita,
Fervidus; an matrona⁶⁴⁾ potens, an sedula nutrix⁶⁵⁾;
Mercatorne vagus⁶⁶⁾, cultorne⁶⁷⁾ virentis agelli;
Colchus⁶⁸⁾, an Assyrius; Thebis nutritus, an Argis. —
Aut⁶⁹⁾ famam sequere, aut sibi convenientia finge,
Scriptor. Honoratum⁷⁰⁾ si forte reponis Achillem;

est, delectat, laetitiam inspirat; nunc ad iram impellit, aut humi prae tristitia quasi abjicit; sed quia latent illi affectus, eos effert dein et quasi foras promit lingua; cum tantum interpres sit internorum sensuum. Oportet itaque cavere, ne aliter loquens inducatur persona, quam aut ejus conditio aut praesens fortuna et affectus interni animi postulant. Id enim si contingat, effuso risu actorem et poetam excipient spectantium Romanorum ordines universi. Transit hic simul ad tertiam styli proprietatem poeta: Elocutio, nempe, debet etiam characteri personarum loquentium et agentium accommodata esse. Vide supra not. 47.

58) Equites peditesque, culti et inculti; honorati et inhonorati, omnes ac singuli.

59) Intererit multum, id est: multum omnino differre debet sermo harum personarum, quarum enumeratio sequitur.

60) Davus, id est, servilis conditionis homo. Davus enim nomen servorum commune erat.

61) Heros, v. g. Achilles, Bacchus, Hercules etc.

62) Maturus, aetate nempe et consilio.

63) Id est, fervidus juvenis.

64) Matrona potens, nobilis, matris familias dignitatem tuens.

65) Nutrix, cui parvulorum cura demandata est; sedula, id est, sedulitate et officiosa voluntate placere student.

66) Vagus, ob itinera terra et mari suscipienda.

67) Id est, agricola, homo simplex, rusticus, indisertus et rusticis moribus.

68) Oriundus e Colchide, regione Asiae ad pontum Euxinum, etideo saevus, qualis fuit Medea indidem orta. Assyrius, id est, mollis, quales plerique Assyrii sunt, ob magnas opes et blandam coeli temperiem. Vide L. III. od. 4. not. 29. Thebis nutritus, educatus, ubi crassus aer ingenia facit stupida. Vide L. IV. od. 3. not. 61. Argis, ubi plerique audaces sunt. Est haec urbs in Peloponneso.

69) Immiscet hic Horatius 7um praeceptum de fictione: O scriptor, id est, poeta, si quam personam repraesentas fama notam, sequere illa, quae vulgo de ipsa dicuntur et nota sunt, illam exhibe talem, qualem fuisse fama praedicat; si autem fingis penitus novam personam, et ignotam, cura, ut, quae de illa fingis, constent sibi et convenient; ne v. g. primo barbaram, postea humanam exhibeas, et hoc praeceptum confirmat exemplis.

70) Honoratum, id est, ab Homero celebratum in Iliade. Reponis, pro:

Impiger, iracundus, inexorabilis, acer,
 Jura neget sibi nata, nihil non arroget armis:
 Sit Medea ⁷¹⁾ ferox invictaque, flebilis Ino ⁷²⁾,
 Perfidus Ixion ⁷³⁾, Io ⁷⁴⁾ vaga, tristis Orestes ⁷⁵⁾.
 Si quid inexpertum ⁷⁶⁾ scenae committis, et audes ¹²⁵
 Personam formare novam: servetur ⁷⁷⁾ ad imum,
 Qualis ab incepto processerit, et sibi constet.
 Difficile ⁷⁸⁾ est, proprie communia dicere, tuque
 Rectius Iliacum carmen deducis in actus,
 Quam si proferres ignota ⁷⁹⁾ indictaque primus. ¹³⁰
 Publica ⁷⁹⁾ materies privati juris erit, si

describis, adumbras. De Achille vide L. IV. od. 5. not. 1. Impiger hostium vexare turmas; iracundus, natura ad iram proclivis, irritabilis; acer, gravis, vehemens, minax. Jura neg. etc. Nulli juri aut legi se obnoxium profiteatur. Nil non, id est: omnia armis arroget; omne suum jus, suamque fiduciam in armis ponat.

71) Medea ferox invictaque, cujus ferox et immitis animus, cum fratrem Absyrtum discerperet, et Jasonis perfidia in furorem acta filios suos trucidaret, non vinci et frangi poterat nefandi sceleris cogitatione: vide Epod. 3. not. 8.

72) Ino, Cadmi filia, et Athamantis uxor fuit. Athamas, in furorem actus, eam persecui et interimere tentavit, illa vero fugiens cum filio Melicerta in mare se praecipitem dedit. Dea inde maris est facta, et Leucothea vocata, ejusque filius Polaemon adpellatus. Flebilis, ergo: digna misericordione.

73) Ixion ideo dicitur perfidus, quod Eponeum socerum suum ad coenam invitatum in occulta, quam paraverat, fovea comburi fecerit.

74) Io, Inachi primi Argivorum regis filia, quam Jupiter in vaccam mutasse fertur; eadem furiis, a Junone immissis, agitata multas regiones orbis peragravit, ac tandem in Aegyptum venit, ubi culta est pro Dea.

75) Orestes, Agamemnonis et Clytemnestrae filius, quem matris sanguine pollutum Furiae agitasse dicuntur, tristi et miseranda furentis specie in tragoediis (Eurip. Orest., Sophoc. Electr.) sistitur.

76) Inexpertum, intentatum, personam novam, a te primum inventam. scenae committis, id est in theatro producere audes.

77) Sensus: etiam atque etiam vide, ut, qualem exhibueris a principio, talis ad finem usque appareat, et primis ultima apte respondeant. Ad imum, pro: usque ad finem.

78) Sensus: omnino arduum ac difficile est rei, a nemine adhuc tractatae, convenientem poetici operis formam tribuere, tuque, mi lector, melius consulens tibi, si ex Homericis Iliade scribendi dramatis argumentum sumes, quam si plane ignota et hactenus inaudita primus tentaveris. Proprie h. e. ita tractare, nova et peculiari arte dicere, proferre communia, quae possint dein exemplaria fieri, ab aliis similia tractantibus imitanda. In actus deducis, pro: in scenam das; drama enim dividitur in actus.

79) Tradit poeta hac occasione aliud praeeptum, et quidem 8^{um}, de imitatione: Nempe, qui imitatur alios, non verbis inhaereat, et in genere

Nec circa vilem patulumque moraberis orbem;

Nec verbum verbo curabis reddere fidus

Interpres; nec desilies imitator in arctum, ^{fugis}
 Unde pedem proferre pudor vetet, aut operis lex. ¹³⁵

Nec ⁸⁰⁾ sic incipies, ut scriptor cyclicus ⁸¹⁾ olim:

„Fortunam Priami ⁸²⁾ cantabo et nobile bellum.”

Quid ⁸³⁾ dignum tanto feret hic promissor hiatu? ^{hoffmann}

Parturiunt montes, nascetur ridiculus mus.

Quanto ⁸⁴⁾ rectius hic, qui nil molitur inepte: ¹⁴⁰

non serviliter nimium exemplorum vestigia premat. Sensus: materiem publicam, id est, ab aliis jam publicatam et in medio propositam poteris tibi propriam facere, et in usum privatam convertere, si neque tritis et vulgaribus rebus putide immoraberis, neque sicut fidus interpres, verbum verbo reddere curabis, neque servili imitatione te praecipitem dabis in ejusmodi angustias, unde pudor, et aberratio ab iis, quae bono scriptori servanda sunt, pedem expedire te prohibeat. Privati juris, id est, propria erit; quod vile, est etiam commune; quod patet, a multis pede teritur; orbis designat nodum et implexionem, ac proinde per vilem patulumque orbem eleganter exprimitur communis et trita implexio et solutio. Novam ergo implexionem et solutionem, id est, novam dispositionem materiei faciendam esse praecipit.

80) Per sextum praeeptum Horatius delatus est in specie ad poësim dramaticam, ad quam omnia ab hinc tradita praepriis referenda sunt; nunc vero per praeeptum 8^{um}, de imitatione, ab hac materia paululum avocatus, talia profert, quae in specie poësim epicam spectare videntur. Tradit hic praeeptum 9^{um}, de initio carminis, praecipue epici. Initium poëmatici non sit justo sublimius; nec etiam justo altius repetatur. Sensus: vitandus etiam in argumenti propositione facienda tumor, quo usus olim legitur impletus quidam poeta epicus, cum de Trojano bello acturus, in hunc modum exorsus est.

81) Cyclos apud Graecos erat veluti liber continens longam fabularum omnium descriptionem usque ad Trojae eversionem, ex variis poetarum carminibus collectam, ut esset tanquam materies publica tragoediarum. Scripserat cyclicus est ergo auctor mali poëmatici epici, quippe quod nihilo plus haberet artificii, quam Cyclos epicus ille.

82) Priamus, rex Trojanorum, sub quo Troja eversa est. Per, nobile bellum, intelligendum est memorabile bellum Trojanum. Fortuna, id est, fatum.

83) Sensus: quid hic promissor proferet, producet, quod respondeat verbis, quae tanto oris hiatu et plenis buccis denunciat? vereor, ne montibus parturientibus prodeat parvus mus, omnium sibilis et cachino excipiendus. Sensus hujus proverbii, a fabula Aesopi de mure et monte parturiente desumpti, satis notus est.

84) Sensus: quanto consultius ille ubique sapiens Homerus Odysseam modeste incepit. Sequuntur duo versus hujus poëmatici, Latinis numeris ab Horatio expressi. Continent hi invocationem, qua epici sua carmina inci-

„Dic mihi, Musa, virum, captae post tempora Trojae,
 Qui mores hominum multorum vidit et urbes.”
 Non fumum ⁸⁵⁾ ex fulgore, sed ex fumo dare lucem
 Cogitat, ut speciosa dehinc miracula promat:
 Antiphatem ⁸⁶⁾, Scyllamque ⁸⁷⁾, et cum Cyclope ⁸⁸⁾ Cha-
 rybdim ⁸⁹⁾; 145

Nec ⁹⁰⁾ reditum Diomedis ab interitu Meleagri,
 Nec gemino bellum Trojanum orditur ab ovo.
 Semper ⁹¹⁾ ad eventum festinat, et in medias res,

pere solent. Argumentum autem Odysseae sunt errores per maria et terras
 Ulyssis, post eversam Trojam domum redeuntis.

85) Sensus: non id agit Homerus, ut splendida exordia praeponat poë-
 mati, daturus deinde fumum, id est, descensurus ad res humiles et viles
 narrandas; sed ex fumo, post exordium humile, vulgare grandia et splen-
 dida subtextit e. g. Antiphatem etc. Speciosa miracula, id est, res eximias,
 admirationem excitantes. Promat, inde deducat, subjungat.

86) Antiphates, fuit Laestrigonum rex, homines vorare solitus; in cu-
 jus litora cum aliquando devectus esset Ulysses, tresque e sociis emisisset,
 qui regionem explorarent, ille unum ex his ore dilaniavit, duobus reliquis
 vix sibi fuga consulentibus. Antiphates enim, cum magna suorum manu in-
 secutus, omnes Ulyssis naves, una excepta, qua ipse vehebatur, saxis et
 trabibus in eas injectis demersit.

87) Scylla, monstrum marinum, Phorei filia fuisse fertur et a venefica,
 Circe, inferiore parte corporis in canem mutata, quae hanc deformitatem
 non ferens se in Siculum fretum praecipitavit, ubi versa fingitur in scopu-
 lum praeternavigantibus valde metuendum.

88) Cyclops Polyphemus gigas, Neptuni filius, qui quatuor Ulyssis so-
 cios suo antro inclusos devoravit, caeteros pariter devoraturus, nisi illi in-
 ebriato oculum, quem unum in fronte habebat, torre impacto idem Ulys-
 ses ademisset.

89) Charybdis, mulier fuit rapacissima, quae ob subtractos Herculi bo-
 ves fulmine icta, et in voraginem Scyllae oppositam conversa est in freto
 Siculo.

90) Diomedes, Graecorum dux post Achillem fortissimus. Ejus reditum
 ex Troja intellige. Meleager, Aenei, Calydoniae regis filius; Aeneus autem
 fuit pater Tydei, et hujus filius erat Diomedes, hunc Meleagrum propria
 mater Althaea interfecit, fatali stipite in ignem coniecto. Per ovum intelli-
 gendum est Ladae ovum, quae ex Jove peperit Helenam, quam Paris, fi-
 lius Priami, rapuit; inde ortum est bellum Trojanum. Sensus: Diomedes
 excisa Troja in patriam reditum narraturus, eum non a Meleagri patris
 ejus interitu orditur; nec belli Trojani seriem ab ovo Ladae. De Ladae ge-
 mino ovo, vide etiam Myth.

91) Ad eventum, id est, ad rerum finem, ad exitum properat; ita, ut
 cum inchoat, prope abesse illum a fine putes. Incipit extrema narrare vel
 media, quasi lector vel auditor jam nosset ea, quae antecessere. Sic Ho-
 merus incipit Iliadem ab ira Achillis in Agamemnonem decimo demum anno

Non secus ac notas, auditorem rapit, et quae ⁹²⁾

Desperat tractata nitescere posse, relinquit; 150

Atque ⁹³⁾ ita mentitur, sic veris falsa remiscet,

Primo ne medium, medio ne discrepet imum.

Tu ⁹⁴⁾, quid ego et populus mecum desideret, audi.

Si plausoris eges aulaea manentis et usque

Sessuri, donec cantor: Vos plaudite, dicat; 155

Aetatis ⁹⁵⁾ cujusque notandi sunt tibi mores,

Mobilibusque decor naturis dandus et annis.

Reddere ⁹⁶⁾ qui voces jam scit puer, et pede certo

belli Trojani; quae praecesserant occasione data narrat. Idem imitatus est
 Virgilius in Aeneide.

92) Sensus: et ea omnia omittit, quae exornari non possunt, quae splen-
 dida exhiberi nequeunt; vel: quae rite tractata nullum splendorem concii-
 liant carmini.

93) Sensus: denique tanto artificio historiis fabulas, veris falsa permis-
 cet, ut primis media, hisque postrema apte nectantur, decori atque veri-
 similibus ratione apprime ubique servata. In hoc enim differunt poëtae ab hi-
 storiciis scriptoribus, quod hi naturalem semper rerum ordinem sequantur,
 ea prius narrantes, quae prius gesta sunt: epici vero ordinem illum dedi-
 ta opera perturbant, quae tardius gesta sunt narrant prius, et veris etiam
 falsa immiscet, ita tamen, ut omnia adamussim conspirent.

94) Redit nunc iterum ad poësim dramaticam, a qua per idearum sci-
 riem aliquantulum avocatus fuerat; et tradit 10^{um} praeceptum, de charac-
 tere personarum agentium in dramate: Qui sibi scriptor conciliare cupit au-
 ditorum vel spectatorum animos, quomodo homines pro sua quisque aetate
 agant sentiantque, penitus perspectum habeat, necesse est. Referendum est
 hoc praeceptum ad 3^{am} styli proprietatem, vide praeceptum 6^{um} not. 47.
 Sensus et nexus: quisquis porro fabulam das, et cupis spectatorem tibi
 contingere, qui te favore prosequatur et plausu; qui placidus perseveret in
 cavea sedens, donec finita fabula actor aut histrio solemnī formula eos,
 qui adsunt, moneat, ut plaudant et abeant, et iterum aulaea demittantur;
 quisquis inquam ista desideras, audi, quid ego et omnis populus a te ve-
 limus et expectemus. Aulaea manentis, hoc est, expectantis, eadem con-
 structio, quae in: haec te manet poena, magna te manet gloria. Expecta-
 bant autem aulaea, quicumque ad fabulae finem perseverabant: ea enim
 finita, vela, quae initio fabulae demittebantur, ut pateret theatrum, et in fine
 fabulae iterum, iis sursum tractis, quae durante fabula in terra jacebant,
 theatrum tegebatur. Vide L. II. ep. 1. not. 126. Signum finitae fabulae etiam
 aliud erat, cum nempe ab actorum aliquo spectatores monebantur his ver-
 bis: Plaudite et abite. Aulaea, idem ac, vela.

95) Sensus: habere te oportet eximie notos aetatum diversarum varios
 et mutabiles mores, ut singulis personis, quae quamlibet decent, attribuas.
 Mobilibus naturis, id est, hominum ingenis et studiis mutabilibus. Annis,
 pro: aetati. Decor dandus, id est, tribuendum est id, quod iis convenit.

96) Descriptio aetatis puerilis: Voces reddere, pro: loqui. Pede certo

Signat humum, gestit paribus colludere, et iram
 Colligit ac ponit temere, et mutatur in horas. 760
 Imberbus ⁹⁷⁾ juvenis, tandem custode remoto,
 Gaudet equis canibusque, et aprici gramine campi;
 Cereus in vitium flecti, monitoribus asper,
 Utilium tardus provisor, prodigus aeris,
 Sublimis, cupidusque, et amata relinquere pernix. 165
 Conversis ⁹⁸⁾ studiis aetas animusque virilis
 Quaerit opes et amicitias, inservit honori,
 Commisissis cavet, quod mox mutare laboret.
 Multa ⁹⁹⁾ senem circumveniunt incommoda, vel quod
 Quaerit, et inventis miser abstinet, ac timet uti: 170
 Vel quod res omnes timide gelideque ministrat,
 Dilator, spe longus, iners, avidusque futuri,
 Difficilis, quaerulus, laudator temporis acti
 Se puero, censor castigatoremque minorum.
 Multa ¹⁰⁰⁾ ferunt anni venientes commoda secum, 175

humum signat, pro: firmum gressum in solo ponit, firmo pede incedit. Gestit, amat. Paribus sibi, nempe pueris. Colligit iram temere, h. e. facile exardescit. Ponit, pro: mitigatur. In horas, id est, qualibet hora.

97) Descriptio aetatis juvenilis: Custode, moderatore, paedagogo. Gaudet, delectatur, amat. Aprici gramine campi, h. e. gymnasticis exercitationibus in Campo Martio, qui dicitur apricus. Cereus, h. e. cereae instar facile flexibilis, seducendus ad vitia. Asper durus ad sapientia monita. Utilium, h. e. in rebus utilibus, quibus futurae vitae providere debet, tardus. Aeris pecuniae. Sublimis: altiora spirans, elatus, arrogans. Cupidus, id est, multa temere appetens, subitoque fastidians. Pernix, idem ac, celer.

98) Descriptio aetatis virilis: Conversis studiis, id est: animo a juvenilibus aetatis studiis ad ea, quae virili aetati propria sunt, converso. Animus, mens virilis. Inservit, id est, adpetit honores. Laboret, pro: conetur.

99) Descriptio aetatis senilis: Circumveniunt, premunt. Quaerit opes, et partis seu inventis opibus uti ab avaritia miser prohibetur. Gelide, id est, animo, qualis est senum, frigidus; haud prompto paratoque, sed lento et anxio. Ministrat, administrat, gerit. Dilator, qui negotia differt. Spe longus, qui longioris vitae spem alit: Nemo est tam senex, inquit Cicero, qui non putet se annum adhuc vivere posse. Iners, id est, debilis, et ob virium defectum rebus gerendis minus aptus. Avidus, cupidus sciendi, quid sit futurum. Difficilis: haud facilis se adeuntibus, morosus. Quaerulus, id est, adsiduus de sorte sua querelis fatigans alios. Laudator, h. e. rerum olim, cum esset puer, gestarum verbosus laudator. Censor, id est, acrem in juniores censuram exercet, quos velut degeneres arguit.

100) Conclusio: sic anni venientes, qui teneram aetatem excipiunt, nempe juveniles et viriles multa bona et commoda secum ferunt; quae anni

Multa recedentes adimunt. Ne forte seniles
 Mandentur juveni partes, pueroque viriles,
 Semper in adjunctis aevoque morabimur aptis.

Aut ¹⁾ agitur res in scenis, aut acta refertur.
 Segnius ²⁾ irritant animos demissa per aurem, 180
 Quam quae sunt oculis subjecta fidelibus ³⁾, et quae
 Ipse tibi tradit spectator. Non tamen intus ⁴⁾
 Digna geri promes in scenam, multaque tolles
 Ex oculis, quae mox narret facundia ⁵⁾ praesens.
 Ne pueros coram populo Medea ⁶⁾ trucidet, 185
 Aut humana palam coquat exta nefarius Atræus ⁷⁾,
 Aut in avem Progne ⁸⁾ vertatur, Cadmus ⁹⁾ in anguem.

recedentes, id est, ad exitum vitae decurrentes, seniles anni iterum auferunt. Ne ergo juveni mandetur senis persona, aut seni juvenis, aut puero viri, sedulo cavendum. Sed ab aetate qualibet ea tantum exigantur, quae solent esse illius propria, et cum ipsa conjuncta. Semper in adjunctis, hoc est, semper eorum, quae cuique aetati adjuncta et apta sunt, conveniunt, rationem habebimus; immorari enim alicui rei dicuntur, qui diligentiore curam et operam in aliqua re recte tractanda ponunt.

1) Sequuntur nunc praeepta, ad repraesentationem actionis in drama spectantia. Praeceptum 11^{um}: Cum ea, quae oculis conspiciuntur, multo gravius animos spectatorum afficiant, quam illa, quae audiuntur; horroris plena non oculis in scena subjici, sed tanquam intus acta narrari debent. Sensus: sunt quaedam, quae coram spectatoribus in ipso theatro geruntur, quaedam vero, extra theatrum gesta, ibi tantum narrantur.

2) Segnius, id est, minus vehementer, lenius, languidius, irritant, excitant. Demissa per aurem, id est, quae audimus.

3) Oculi dicuntur fideles, quia de iis quae audimus, possumus dubitare, non autem de iis, quae videmus. Tradit spectator: quae enim audimus, traduntur nobis ab aliis; quae vero spectamus, ea ipsi nobis per oculos tradimus.

4) Intus, id est, extra scenam, non coram oculis spectatorum.

5) Facundia praesens: id est, quae mox persona in scenam prodians facunde edisserat. Praesens, potest etiam explicari de persona, quae rei intus actae praesens adfuerit.

6) De Medea filios suos occidente vide supra not. 71. et Epod. 3. not. 8.

7) De Atræo vide supra not. 50. Humana exta, id est, exta filiorum Thyestae, quae patri comedenda proposuit.

8) Progne mutata est in hiruindinem. Vide L. IV. od. 11. not. 3.

9) Cadmus, filius Agenoris regis Phoenicium. Qui a patre missus quaerere Europam sororem suam a Jove raptam, cum illam non invenisset, nec ad patrem redire auderet, urbem Thebas in Boeotia condidit; sed cum socii necati essent a magno serpente, hunc occidit ipse. Post Cadmus in poenam occisi serpentis cum Hermione uxore sua fertur mutatus in anguem. Vide Ovid.

Quodcunque ¹⁰⁾ ostendis mihi sic, incredulus odi.

Neve ¹¹⁾ minor, neu sit quinto productior actu
Fabula, quae posci ¹²⁾ vult et spectata reponi; ¹⁹⁰
Nec ¹³⁾ Deus intersit, nisi dignus vindice nodus
Inciderit; nec quarta loqui persona laboret ¹⁴⁾.
Actoris partes chorus ¹⁵⁾ officiumque virile
Fendat; neu quid medios intercinat actus,
Quod non proposito conducatur, et haereat apte. ¹⁹⁵
Ille ¹⁶⁾ bonis faveatque, et consilietur amicis,

10) Sensus: haec et similia vix quisquam, etiam cum videt, credit, quia fieri horret. Sic: scilicet ut in scenam producas incredibilia, et horrenda visu.

11) Praeceptum ¹² quod concernit actuum numerum, machinas, in repraesentatione actionis adhibitas, personarum colloquentium numerum et chorum: Cavendum est, ne fabula ultra quinque actus producatur; ne repentino machinae seu Dei alicujus interventu finiatur; ne quarta persona sermocinantibus in scena sese immisceat; ne quid chorus intercinat, quod a re, quae agitur, alienum sit. Minor, id est, nec pauciores; productior id est nec plures habeat actus.

12) Quae posci vult, sc. ad spectandum. Reponi, iterum spectari, repeti, iterari.

13) Sensus: nec in partes vocetur Deus, quod vulgo nunc dicitur; ex machina, nisi res implicita, quam Deus aliquis repente apparens expediat, digna sit, id est: absque aperta necessitate. Dignus nodus, h. e. nisi talis fuerit implicatio, ut vindice Deo opus sit, qui eam solvat. Locutio, Deus ex machina, de rebus, quae nisi vis quaedam divina ex improvviso accedat, expediri nequeunt, translata est e re scenica, si Deus praeter omnem expectationem, per machinam aliquam demissus, in scena apparet.

14) Laboret, sustineat. Horatius autem quartam personam ideo in colloquiis scenicis silere jubet, ne quatuor colloquentium sermo permixtus et perplexus minus capiatur ab auditoribus.

15) Chorus erat hominum multitudo virorum ac mulierum, quae intererat scenae, et in actionem tragicam se interponebat; locum enim, ubi tragoedia exhibebatur, quem vulgo scenam vocamus, statuebant fere poetae Graeci in aliqua platea seu vestibulo et atrio palatii, ubi populus frequens adest. Sensus: chorus actoris partes, et, quod decet chorum, strenue tueatur, ita quidem, ut nihil intercinat quod non arte cum proposito, repraesentato argumento fabulae cohaereat. Chorus autem conjunctim, actoris partes sustinet; quia, dum canit, quae fabulae argumento respondent et accommodata sunt, simul agit.

16) In versibus sequentibus quaedam eorum, in quibus peragendis et commendandis versari imprimis debeat chorus, nominatim praecipiuntur. Bonis faveat: laudet homines probos. Consilietur: det consilium. Regat: mitiget ira inflammatos. Peccare timentes: viros innocentes, a peccato et vitiiis abhorrentes. Brevis: frugalis et parcae, quae brevi tempore durat. Apertis otia portis, pro vulgari: et pacem; pace enim non clauduntur portae. Tegat: ne prodat, ne aperiat arcana sibi credita. Miseris: infelicibus. Fortuna, felix nempe et secunda.

Et regat iratos, et amet peccare timentes;
Ille dapes laudet mensae brevis, ille salubrem
Justitiam, legesque et apertis otia portis;
Ille tegat commissa, Deosque precetur et oret, ²⁰⁰
Ut redeat miseris, abeat fortuna superbis.

Tibia ¹⁷⁾ non, ut nunc, orichalco ¹⁸⁾ vineta, tubaeque
Aemula, sed tenuis simplexque foramine paucio,
Adspirare et adesse choris erat utilis, atque
Nondum spissa nimis complere sedilia flatu; ²⁰⁵
Quo ¹⁹⁾ sane populus numerabilis, utpote parvus
Et frugi, castusque verecundusque, coibat.
Postquam ²⁰⁾ coepit agros extendere victor, et urbem
Latio amplecti murus, vinoque ²¹⁾ diurno
Placari Genius festis impune diebus, ²¹⁰
Accessit numerisque modisque licentia major.
Indoctus ²²⁾ quid enim saperet, liberque laborum
Rusticus urbano confusus, turpis honesto!

17) Quia chori veterum cum tibiae cantu et saltu conjuncti fuerant, poeta hic digreditur ad musicae artem, ejusque historiam quodammodo percurrit, ne tamen ad objectum plane alienum digredi videatur, quaedam etiam de historia artis poeticae immisceat. Sensus: non olim erat tibia, ut est nunc, vineta et ornata circulis quibusdam ex orichalco factis, non erat ingens, et tubae par, aut similis; sed tenuis erat, ac ejusmodi, ut adspirare seu accinere choro posset, audiri per sedilia, in quibus erant spectatores non nimis spissi et frequentes, atque adeo numerari faciles.

18) Orichalcum, est aeris genus quoddam splendidum et auri fulgorem imitans. Tibia dicitur orichalco vineta, quod illa vinculis quibusdam vel ornamentis, ex orichalco factis, conspicua erat. Paucio foramine, id est, pauca habens foramina. Flatu complere, id est, nondum utilis sono emisso facere, ut sedilia complerentur spissis, condensatis spectatoribus; ac proinde tibia necdum ita perfecta fuerat.

19) Quo, in quem locum, ad quae sedilia coibat, conveniebat nondum adeo numerosus populus, quia parvus erat, non copia innumerabili, ut nunc; isque frugi, id est, probus, pudicus et modestus.

20) Postquam vero etc. Agros, id est, ditiones. Victor, Romanus. Urbem, Romam nempe.

21) Sensus: et postquam coeptum est vino indulgeri, et potari liberius, impune, et sine legum metu festis diebus; solutior quoque facta est primum poësis; deinde musica, utraque arte novos quosdam, et inusitados modos in theatrum inducente. Per modos intellige, cantum, musicam. Porro qui hilaritati et vitae jucunditati indulgent, dicuntur placare et curare Genium, dum grato animo fruuntur muneribus, quae Genius cuique homini additus, suppeditat. De Genio vide L. II. ep. 1. not. 95. et ep. 2. not. 159.

22) Sensus: quomodo enim confusa hominum turba, ubi indoctus,

Sic ²³⁾ priscae motumque et luxuriam addidit arti
Tibicen, traxitque vagus per pulpita vestem. ²¹⁵
Sic ²⁴⁾ etiam fidibus voces crevere severis;
Et ²⁵⁾ tulit eloquium insolitum facundia praiceps,
Utiliumque sagax rerum, et divina futuri,
Sortilegis non discrepuit sententia Delphis ²⁶⁾.
Carmine ²⁷⁾ qui tragico vilem certavit ob hircum ²⁸⁾, ²²⁰

rusticus, homo rudis, et post peractos labores genio suo indulgens, urbano; turpis honesto, id est, purus impuro, vel incultus exulto immiscebatur, recte de hac re sentire et subtiliter judicare poterat?

23) Sensus: hinc factum est, ut tibicen priscae arti, id est, pristinae simplicitati, ubi tibia tenuis simplexque foramine paucio adspirabat choro, adderet motum, id est, mimicos gestuum motus, et luxuriosam magnificentiam; factumque sit, ut per theatrum hac illac euntes longissimas traherent togas. Motus, de corporis jactatione mimica, vel de saltatione intellige. Per pulpita, id est, per scenae solum tabulis stratum.

24) Sensus: hinc etiam lyrae adjici coepit multiplex chorda, ut quae austerum hactenus, gravem et solis rebus seriis accommodatum ederet sonum, mollem imposterum levemque redderet. Per voces, intellige hic chordas. Lyra enim ab initio tantum quatuor chordas habebat, tardius autem septem.

25) Sensus: modus quoque loquendi candidus, moderatus et facilis, ita in novum et inusitatum facundiae genus brevi mutatus est a poeta, ut qui perspicua prius oratione, de honesto et utili in choris suis disputabant, deque futuris rebus deliberabant philosophorum more sapienter atque dilucide, jam ob sublimitatem insolitam nonnisi de tripode loqui et oracula promere viderentur, qualia Delphis eduntur obscura admodum et involuta. Facundia praiceps, id est, facundia poetae lyrici, praecipiti quasi cursu ruens in illud eloquium insolitum, in illam sublimitatem. Utilium sagax rerum sententia: sententia, nempe, res utiles sagaciter pervestigatas prius complectens, et divinitus praedicens futura tardius, non discrepuit ab oraculis et vaticiniis, quas Delphis edebantur.

26) Delphi, urbs Phocidis in Graecia, ubi templum Apollinis celeberrimum, et Pythia oracula sua edebat.

27) Continuans adhuc historiam poseos et sic in specie ad tragoediam, cui tardius satyra immiscebatur delatus, novum tradit praecceptum ^{13^{um}}: Postquam ad Musam tragicam accessit Satyrus, sive drama satyricum, licet quidem poetae tragico in gratiam eorum, qui animi recreandi et exhilarandi causa spectatum veniunt, sales satyricos et dicitria adspargere, sed hac lege, ut gravitatem servet incolumem; ut suam cuique personae, quae inducitur, tribuat dignitatem; ut sermo ejus neque nubes et inania caperet, neque ad humilitatem et sordem deprimatur; ut rei de medio sumptae orationis serie et junctura honor accedat; ut denique immunda et ignominiosa dicta exterminentur. Nexus est: nec longe post, qui olim levis pretii hircum tragoediae, a se scriptae, et victoriae, de aemulis poetis reportatae, praemium satis magnum putabat, id est, poeta tragicus satyros nudos in theatrum induxit; cumque severus et asper esset ob argumenti tragicum

Mox etiam agrestes satyros nudavit et asper
Incolumi gravitate, jocum tentavit eo, quod
Illecebris erat et grata novitate morandus
Spectator, functusque sacris, et potus, et exlex.
Verum ²⁹⁾ ita risores ita commendare dicaces ²²⁵ *commendandi erunt
sat ridentes et d.
autum dicitur, quia
Deus non in grol*
Conveniet Satyros, ita vertere seria ludo,
Ne, quicumque Deus, quicumque adhibebitur heros,
Regali conspectus in auro nuper et ostro,
Migret in obscuras humili sermone tabernae;
Aut, dum vitat humum, nubes et inania captet. ²³⁰
Effutire ³⁰⁾ leves indigna tragoedia versus, *funderi*
Ut festis matrona moveri jussa diebus,
Intererit Satyris paulum pudibunda protervis.
Non ³¹⁾ ego inornata et dominantia nomina solum,
Verbaque, Pisones, Satyrorum scriptor amabo, ²³⁵

gravitatem, conatus est, illa servata, jocum miscere, et novae istius voluptatis illecebris tenere spectatorem, ne post sacrificia et epulas ebrius, et sine lege vivens, tragoedia nondum peracta, discederet.

28) Praemium eorum, qui tragoedias scribebant, erat hircus. Satyri pinguntur nudi, humano capite, sed cornuto, caprinis pedibus, totoque corpore villosi, adeoque ridiculi, propterea: nudavit. Functus sacris: perfectis sacrificiis, quae post vindemiam fiebant in honorem Bacchi. Exlex; erat enim magna illis diebus licentia.

29) Sensus: verum decebit poetam tragicum ita in partes vocare satyros, et seriis admiscere ludicra, ne vel Deus vel heros aliquis in scenam productus, et nuper, id est, modo regali magnificentia conspectus, aut ad humiliora dicitria, qualia in obscuris tabernis audiuntur, descendat, aut dum humiliora refugit, ad altiora sese extollat et inania captet in nubibus. Risores satyri; quia satyra alios deridet et acute dictis pungit. Ostro, id est, purpura.

30) Sensus: et sane indoles tragoediae severa, non potest non odisse Satyrorum proterviam; non decet tragoediam saepe et larga copia effutire levioris argumenti versus, sed ea paulum pudibunda raro tantum inter satyros versabitur h. e. raro admittit satyrae lasciviam, sicuti matrona festis tantum diebus, h. e. raro saltat. Suavissima est haec tragoediae severae, passim tantum satyrae protervitati locum relinquentis, cum matrona diebus festis tantum saltante comparatio. Effutire: de versibus inconsiderantius et largiore copia profusis. Indigna, id est, non digna, quae effutiat. Jussa moveri, id est, jussa saltare a sacerdotibus.

31) Jam Horatius, postquam satyram in tragoedia quoque locum certis finibus circumscriptam habere docuit, ipse sibi, ut poetae satyrico, exsequendas partes proponit atque mandat Sensus: et quidem ego hoc intelligens, o Pisones, si quando scribam satyras tragicis actibus permiscendas, non adhibebo inornata et communia, id est, plebeja, humilia, et vulgaria vocabula solum; sed sublimiora et elegantiora etiam.

In Helikon mont. Argivorum
 Nec ³²⁾ sic enitar tragico differre colori,
 Ut nihil intersit, Davusne loquatur et audax
 Pythias, emuncto lucrata Simone talentum,
 An custos famulusque Dei Silenus alumni.
 Ex noto ³³⁾ fictum carmen sequar, ut sibi quisvis ²⁴⁶
 Speret idem, sudet multum frustra que laboret.
 Ausus idem: tantum series junctura pollet! *(Juncturaeque?)*
 Tantum de medio sumtis accedit honoris!
 Silvis ³⁴⁾ deducti caveant, me iudice, Fauni ³⁵⁾,
 Ne velut innati triviis, ac pene forenses, ²⁴⁸
 Aut nimium teneris juvenentur versibus unquam;
 Aut immunda crepent, ignominiosa que dicta:

32) Sensus: et nunquam a sublimiore loquendi genere tragico ad eam in sermonibus, quos compono, satyricis loquendi humilitatem descendam, ut in nullo plane ponam discrimine, utrum inferioris conditionis servus vel ancilla, an Bacchi custos, famulusque, Silenus, loquatur. Tragico colori differre, id est, a sublimiore tragico sermone descendere. Davus, nomen servi. Pythias, nomen ancillae. Emuncto, id est, calide circumvento; locutio comica apud Plautum et Terentium; emungere aliquem, pro: callido invento fraudare aliquem pecunia; explicari fortasse potest sic. L. I. sat. 4. vers. 8. homo emunctae naris est homo acutus; translate igitur: fraude et damno reddere aliquem acutiorem. Simo, est nomen heri vel domini apud Terentium, Silenus, Bacchi paedagogus, administer, et in ejus itineribus asino vectus comes; longe igitur Silenus ab inferioris conditionis servo differt.

33) Nexus et sensus: hoc praecipue quaeram in isto carmine, quod in multitudinis gratiam excogitatum est, ut, cum sit ejus argumentum ex rebus vulgo cognitis sumtum, verbis quoque utar ex usu communi planis atque facilibus, ita, ut, quisquis audiat, simile statim aliquid se scribere posse confidat, attamen experiri volens, difficillimum esse inveniat, nec ullo assequatur conatu: tantum valet ad veram et quodammodo inimitabilem dignitatem operi conciliandam, vel sola vocum idonearum dispositio commoda, verborumque connexio naturam imitata! tantum valet ars, qua rebus vulgaribus paratur honor, pulchritudo, elegantia, gravitas!

34) Sensus et nexus: quod de Satyris censui, iudico pariter de Faunis, qui cum a silvis in urbes veniant, non debent, quasi Romae et in medio ipso foro educati essent, urbani sermonis delicias usurpare; sed magis adhuc mollioribus, et juvenilem lasciviam sonantibus, et obscenis versibus abstineant oportet. Horatius hic designasse videtur juvenes in foro declamatores, exquisitiores loquendi formulas captantes.

35) Fauni, silvarum Dii, qui aliquando in comicis et satyricas personas assumebantur. Triviae sunt loca, ubi plures viae concurrunt, ac proinde loca maxime frequentata designari videntur Romae, ad ista loca etiam forum referri potest, ubi oratores purissimis verbis utebantur, quae Faunos minime decebant. Teneris versibus juvenari, idem ac: molliter aut juveniliter luxuriari. Crepent: loquantur, proferant. Ignominiosa, contumeliosa.

Offenduntur ³⁶⁾ enim, quibus est equus, et pater, et res, Nec, si quid fricti ciceris probat et nucis emtor, Aequis accipiunt animis, donantve corona. ²⁵⁰

Syllaba ³⁷⁾ longa brevi subjecta vocatur jambus, Pes ³⁸⁾ citus; unde etiam trimetris ad crescere jussit *Jambus*
 Nomen jambis, cum senos redderet ictus.

Primus ³⁹⁾ ad extremum similis sibi; non ita pridem, *non est dicitur quod*
 Tardior ut paulo graviorque veniret ad aures, ²⁵⁵
 Spondeos stabiles in jura paterna recepit *Jambus*
 Commodus et patiens, non ut de sede secunda
 Cederet aut quarta socialiter. Hic ⁴⁰⁾ et in Acci

36) Sensus: his enim maxime offenduntur cultiores, et licet etiam placeant incultae plebi, illi tamen non aequo animo audiunt ea, neque poetam corona laurea donant. Quibus est equus, id est, equites; quibus est pater, id est, qui a patriciis nati sunt, ac proinde e nobili, clara familia oriundi; quibus est res, h. e. divites. Emtor fricti ciceris et nucis, est circumscriptio pauperis plebeculae. Offendi, et non aequo animo accipere, audire, sunt hic synonyma.

37) Nexus sententiarum: cum porro multum intersit, utrum poemata modulata, an immodulata sint, utrum versuum numeri et pedes leniter et molliter decurrant, an ponderibus quasi gravati et impediti moleste incedant, hinc juxta praecipuum 14um versus non ad indignam illam, quae Romanis poetis data est, licentiam, sed ad exempla Graecorum componendi atque concinnandi sunt. Subjecta, postposita.

38) Ordo: qui pes, quod celeriter currat, sexies licet multiplicatus, et sex notatus ictibus, non tamen sex mensuras, sed tres tantum efficit in versibus jambicis, quos ea de causa trimetros dicimus. Facete autem Jambus, quod poetae jusserunt, ipse jussisse dicitur. Pedes versus porro singulos vel ictu pedum vel ictu digitorum numerabant; hinc senos reddebant ictus in versibus, quorum sex pedes erant.

39) Sensus: olim primus pes jambus usque ad extremum, ultimum erat sibi similis h. e. totus versus constabat e meris pedibus jambis; at non ita pridem in jura paterna, id est, in sedes, quas a patre et inventore suo acceptas tenebat, spondaeos stabiles, graviore, ut plus haberet gravitatis, ut tardius et lentius pronunciaretur, recepit, commodus et patiens, h. e. officiosus et obsequiosus; ita tamen, ut spondeo, in societatem suam recepto nevitquam secundam aut quartam sedem cederet. Eleganter spondae dicuntur stabiles, quia non saliant, curruntque sicut percitus Jambus, sed pondere suo retardati moras faciunt.

40) Hic Horatius poetam Latinum tragicum Accium et Ennium carpit, quod neuter eorum jambi in secunda aut quarta sede ponendi rationem habuerit; hic, ait, jambus in secunda et quarta sede raro et in Accii trimetris invenitur; idemque Ennii versibus, quia ex iis, spondaeorum pondere laborantibus, pariter exsulat, aut nimiae festinationis ac negligentiae, aut artis poeticae ignorantiae turpem culpam contraxit. In scenam missus

Nobilibus trimetris apparet rarus, et Ennī
 In scenam missos magno cum pondere versus, 260
 Aut operae celeris nimium curaque carentis,
 Aut ignoratae premit artis crimine turpi.
 Non ⁴¹⁾ quivis videt immodulata poëmata iudex,
 Et data Romanis venia est indigna poëtis.
 Idcircone vager, scribamque licenter, ut omnes 265
 Visuros peccata putem mea, tutus et intra
 Spem veniae cautus? Vitavi denique culpam,
 Non laudem merui. Vos ⁴²⁾ exemplaria Graeca
 Nocturna versate manu, versate diurna.
 At vestri ⁴³⁾ proavi Plautinos ⁴⁴⁾ et numeros et 270
 Laudavere sales; nimium patienter utrumque,
 Ne dicam stulte, mirati; si modo ⁴⁵⁾ ego et vos
 Scimus inurbanum lepido seponere dicto,
 Legitimumque ⁴⁶⁾ sonum digitis callemus et aure.
 Ignotum ⁴⁷⁾ tragicae genus invenisse Camoenae 275

id est, in theatro pronuntiatus. Constructionis ordo est: Jambus rarus versus Ennii in scenam missos premit culpa negligentiae vel ignorantiae. De Plauto Accio et Ennio vide L. II. ep. 1. not. 3o et 36.

41) Sententia est: non quivis quidem iudex, et ut probe scio, immodulatorum poëmatum asperitatem et vitia sentit; et praeterea haec licentia indigna, id est, quae dari omnino non debebat, data est Romanis poëtis, nempe ut liberiores sint in suis jambis; sed egone ideo solutius et licentius scribam, quia, licet sciam, omnes peccata mea visuros esse, a reprehensione tutus, et intra hujus veniae spem cautus, id est, quietus et securus sum? Quid tandem effeci? Culpam, id est, reprehensionem quidem vitavi, sed nondum laudem merui. Immodulata, id est, suis modulis et pedibus carentia. Vager: nempe quod se primum obtulerit arripiam; leges carminum et quasi vincula negligam? Ut, pro: licet. Putem, pro: sciam. Cautus, non est: qui sibi cavet et providet, providus; sed: cui cautum et provisum est, securus, tutus.

42) Nexus: quare si vestrum aliquis, o Pisones, ad scriptionis poëticae decus contendit, diu noctuque volvat et revolvat Graecos poëtas, ut ab iis imbibatis virtutes, quas bonus scriptor sectari debet.

43) At avi et majores nostri etc.

44) Horatius passim tangit Plauti errores Vide L. II. ep. 1. vers. 58. not. 36. ibi Plauto Accio nimiam festinationem exprobrat. Numeros, id est, versus. Sales, pro: jocos. Nimium patienter, id est, nimis indulgenter.

45) Sensus et nexus: sit ita sane, dummodo ego et vos, Pisones, didicerimus lepida sejungere et discernere ab illepidis.

46) Legitimumque sonum, id est, legitimos numeros et pedes digitis numerare et auribus dijudicare callemus, sciamus; qui enim versus faciunt, tam digitos in numerandis pedibus in partes vocant, quam etiam aures consulunt.

47) Nexus: cum ergo desint nostrorum Romanorum exempla absoluta

Dicitur, et plaustris vexisse poëmata Thespis,
 Quae canerent, agerentque peruncti faecibus ora.
 Post ⁴⁸⁾ hunc personae, pallaeque repertor honestae
 Aeschylus, et modicis instravit pulpita tignis,
 Et docuit magnumque loqui, nitique cothurno. 280
 Successit ⁴⁹⁾ vetus his comoedia, non sine multa
 Laude; sed ⁵⁰⁾ in vitium libertas excidit et vim,
 Dignam lege regi: lex est accepta, chorusque
 Turpiter obticuit, sublato jure nocendi.
 Nil ⁵¹⁾ intentatum nostri liquere poëtae: 285
 Nec minimum meruere decus vestigia Graeca
 Ausi deserere, et celebrare domestica facta,

tragoediae ac comoediae, superest, ut, quod dixi, accipiamus a Graecis, apud quos cum genus hoc poëmatum natum esset, excultum quoque fuit majore cura. Et quidem Thespis Atheniensis dicitur primus invenisse Camoenam tragicam seu tragoediam antea ignotam, quae principio rudis, pro theatro et scena plaustrum habebat, e quo, per pagos circumducto, sua poëmata partim canebant, partim recitabant, cum imitatione actionis; ac ne agnoscerentur, cum larva nondum inventa esset, vini faecae, e doliis, quae potando sicceverant, accepta, os sibi perlinebant.

48) Post Thespin Aeschilus poëta Graecus, invenit et dedit suis actoribus personam seu larvam, et pallam seu longiorem vestem honestam; idem theatrum exstruxit, et tignis imposuit, cothurnos addidit et grandiora verba. Modicis tignis, id est, subjectis non admodum amplis tignis imposuit pulpita, h. e. super mediocris magnitudinis tigna stravit solum, quo actores incederent. Magnum loqui, id est, stylum sublimiorem. De cothurno jam saepius dictum.

49) Post Thespin et Aeschilum poëtae, omissis tragicis argumentis, contulerunt se ad hominum vitia nominatim et palam carpenda, et in scenam inducenda. Hoc fecit comoedia vetus vide L. I. sat. 4. not. 4. Non sine multa laude, id est, magnam laudem adeptam est, cum salse mores hominum corrigeret.

50) Sensus: sed vitiosa evasit, degeneravit licentia dicendi, et in maledicendi consuetudinem delapsa est, tanta cum proacitate, et violentia, ut eam comprimendam esse legibus homines putaverint. Lata lex et accepta est; ademptum jus illud maledicendi, et nocendi alienae famae, quod cum praecipue faceret chorus, silere jussus est, sublatus est. Dignam lege regi, id est, quae debebat lege comprimi. Per vim intellige maledicentiam.

51) Sensus: poëtae Latini versati sunt in comoedia pariter et tragoedia; atque felici cum successu a nostris etiam rebus desumpta argumenta tractarunt, sive praetextas, sive togatas dedissent fabulas. Per fabulas praetextas intelligi debent tragoediae Latinae, in quibus agunt nobiles personae et heroicae; praetexta enim erat vestis nobilium puerorum et Magistratum Romanorum. Toga vero erat vestis plebis et communis, unde fabula togata comoedia Romanam designat.

Vel qui praetextas, vel qui docuere togatas.

Nec ⁵²⁾ virtute foret clarisve potentius armis,
 Quam lingua, Latium, si non offenderet unum- 290
 Quemque poetarum limae labor et mora. Vos ⁵³⁾, o
 Pompilius sanguis, carmen reprehendite, quod non
 Multa dies, et multa litura coërcuit, atque
 Praesectum decies non castigavit ad unguem.
 Ingenium ⁵⁴⁾ miserā quia fortunatius arte 295
 Credit; et excludit sanos Helicone poëtas
 Democritus, bona pars non unguis ponere curat,
 Non barbam, secreta petit loca, balnea vitat.
 Nanciscetur enim pretium nomenque poëtae,
 Si tribus Anticyris caput insanabile nunquam 300
 Tonsor Licino commiserit. O ego ⁵⁵⁾ laevus,

52) Hic jam incipit III^a pars carminis, et agit Horatius de virtutibus, quae ab eo, qui poëtae nomine se dignum reddere vult, exiguntur. Sensus: erat omnino spes, fore ut operibus scriptis non minus clara evaderet Italia, quam erat fortitudine et rebus bello gestis; nisi scriptores nostri omnes limandi ac perpoliendi longum laborem recusarent.

53) Subjungit hic praeceptum 15^{um} limam operum poetarum concernens: Vos itaque, Pisones nobilissimi, et ab ipso Numa Pompilio ortum ducentes, sic aestimate: Nullius unquam pretii fore poema, a quo jam absoluta meditatio longa, crebraque emendatio, quidquid inesse naevorum poterat, non expunxerit; quodque decies non exploraverimus, sit ne omni ex parte absolutum. Pompilius sanguis; quia Calpus est filius Numae Pompilii, a quo Calpurnii Pisones traxerunt nomen. Coërcuit, id est, ab iis, quae reprehensionem incurrunt, cohibuit; emendando purgavit. Praesectum ad unguem: unguis enim praesectus vel praecisus mollius sentit asperitatem aliquam. Imago translata est a statuariis, qui opus, quod laevigant et expoliunt, ne quid asperitatis in eo remaneat, unguibus percurrunt, pertentant et explorant.

54) Nexus et sensus: stultum siquidem est, quod aliqui putant, poëtas nescio quo furore correptos absque labore et sine industria perfectum carmen scribere. Quia enim Democritus, plus ingenio, quam miserae arti tribuendum esse censens, eos, qui non insaniunt, a consuetudine cum Musis coërcet, bona pars poetarum externo corporis cultu et moribus hominum oculos ad se advertere studet; non unguis desecandos, non barbam demetendam curat; recipit se in loca sola et deserta, et loca frequentia fugit. Helicon, mons Musarum in Graecia. Democritus, Abderites philosophus; se ipsum excoecavit, ut subtilius indagaret naturae secreta. Balnea, ubi frequens erat hominum conventus. Nanciscetur, id est, putat haec magna pars, se nancisci. Caput, quod helleboro, in tribus insulis Anticyris nato, vix sanari potest, ergo poëtam designat insanum. Anticyra est insula in mari Aegaeo, ubi frequens nascebatur elleborum, quo purgantur furiosi et insani. Licinus nomen tonsoris, quem Horatius hic obiter carpere videtur.

55) Sensus: o me stultum, qui vernali anni tempore, quod attingit ad

Qui purgor bilem sub verni temporis horam!
 Non alius faceret meliora poemata; verum ⁵⁶⁾ mihi
 Nil tanti est; ergo ⁵⁷⁾ fungar vice cotis, acutum
 Reddere quae ferrum valet, exsors ipsa secandi: 305
 Manū ⁵⁸⁾ et officium, nil scribens ipse, docebo:
 Unde parentur opes ⁵⁹⁾; quid alat formetque poëtam;
 Quid deceat, quid non; quo ⁶⁰⁾ virtus, quo ferat error.

Scribendi ^{60*)} recte sapere est et principium et fons:
 Rem tibi Socraticae poterunt ostendere chartae: 310
 Verbaque provisam rem non invita sequentur.
 Qui didicit ⁶¹⁾, patriae quid debeat, et quid amicis,
 Quo sit amore parens, quo frater amandus et hospes,
 Quod sit conscripti ⁶²⁾, quod iudicis officium, quae
 Partes ⁶³⁾ in bellum misit ducis, ille profecto 315

bilem, ne atra bile laborem, vel, ut caveam mihi ab insaniam, purgor medicamento! Certe si causas furoris non expellerem hac ratione, nemo meliora poemata faceret!

56) Id est: verum tanti arbitror, poëtam esse, ut illud emere velim insaniam.

57) Horatius non carmina insanorum poetarum more scripturus, sed praecepta tantum ad poësim spectantia daturus, acute se comparat cum cote, cujus vice se fungentem futurorum poetarum ingenium ad poësim recte tractandam acuere velle ait. Exsors ipsa secandi, id est, cos acutum tantum reddit ferrum, non ipsa secat, accommodate ergo ad imaginem; Horatius futuros poëtas acuere tantum, non ipse versus componere vult.

58) Munus et officium, scribendi recte scilicet.

59) Opes: copia, ubertas, materies.

60) Sensus: quid poëticae artis notitia perfecta, quidve ejusdem ignorantio possint efficere.

60*) Praeceptum 16^{um}: Poëta debet esse philosophus, h. e. debet philosophiae studere, quae docet, quid deceat, quid non, quaeve cum studio vitae humanae conjuncta sit oportet. Nexus: et quidem tantum abest, insanos esse poëtas, quod Democritus sensit, ut e contrario omnis facultas bene scribendi ex una petatur sapientia, quam doctorum virorum, qualis Socrates fuit, scriptis legendis comparamus; et si hac instructus fueris, deesse tibi verba non poterunt, quibus sensa exponas. Rem, id est, sapientiam, quae docet, quid deceat, quid non. Chartae positae sunt pro scriptis. Provisam rem, id est, si hanc sapientiam tibi comparaveris. Socrates fuit philosophus Graecus.

61) Qui enim didicit ex his philosophiae praeceptis etc.

62) Conscripti, id est, senatoris; vocati enim sunt senatores, patres conscripti, jam inde a Bruto, qui post ejectionem Tarquinium auxit numerum senatorum, et alios centum adscripsit ad ducentos, e quibus jam constabat senatus. Vide Antiquit. et Hist. Antiqu.

63) Quae partes, sc. sint; quomodo dux, in bellum missus, demandatas sibi partes exsequi debeat.

Reddere⁶⁴) personae scit convenientia cuique.
 Respicere⁶⁵) exemplar vitae morumque jubebo
 Doctum imitatore, et veras hinc ducere voces. —
 Interdum⁶⁶) speciosa locis morataque recte
 Fabula, nullius Veneris, sine pondere et arte, 320
 Valdius oblectat populum, meliusque moratur,
 Quam versus inopes rerum, nugaeque canorae.
 Grajis⁶⁷) ingenium, Grajis dedit ore rotundo
 Musa loqui, praeter laudem nullius avaris:
 Romani⁶⁸) pueri longis rationibus⁶⁹) asserunt⁷⁰) 325

64) Reddere, dare, attribuere.

65) Sensus: illud igitur in primis praecipio, ut poeta imitetur accurate mores et vitam hominum quotidianam, ac proinde illam respiciat et cognoscere studeat, atque hinc proprias rerum voces, hoc est, descriptiones sumat, quibus utatur in operibus suis. Doctus imitator, id est, qui philosophiae praecipis imbutus recte imitari noverit et exprimere, quod cuique personae proprium est in vita humana.

66) Sensus et nexus idearum: inde dependet, haec est causa, quod magis delectetur populus, magisque teneatur fabula, quae aliquot hujusmodi descriptionibus, e vita communi petitis, et suo loco positis ornatur, quaeque mores humanos praeclare imitatur (licet alioqui sit sine Venere, id est elegantia; sine pondere, id est, careat sonantibus et numerosis versibus; sine artificio et stylo simpliciter concinnata) quam verbis magnificis, quae quidem suaviter ad aures accidunt, sed inopes rerum et materiae sunt, id est, nihil exprimunt, quod ad rem pertineat. Speciosa locis, id est, conspicua et locuples sententiis et rebus, quas tractat; oppositum est, inops rerum, ut infra. Morata recte, id est, in qua recte et vere expressi sunt mores hominum; recte ad mores hominum composita. Valdius, pro: validius, magis. Moratur detinet, capit.

67) Reddit hic Horatius rationem, cur Graeci Romanos superaverint gloria ingenii atque facundiae; quia nimirum studio philosophiae maxime dediti erant. Nexus sententiarum: haec ingeniosi poetae Graeci cum intelligerent; neque ullius magis rei quam gloriae appetentes essent; consequuti facile sunt, ut praestanti simul sapientia facundiaque praediti viderentur. Nos e contrario Romani toti sumus in arithmetica, quae jam pueris maxima cura et arte commendatur et inculcatur. Loqui ore rotundo, id est, ita dicere, ut oratio fluat rotunda, bene polita, apta concinna, et omnis asperitatis expers. Nullius, rei nempe, avaris Grajis vel Graecis.

68) Jam hic Horatius studium arithmeticae apud Romanos praeclare imagine, qua puer aliquis in hac arte a magistro instituendus repraesentatur, adumbrat.

69) Longis rationibus, id est, implexis computationibus arithmeticis.

70) As apud Romanos in 12 partes seu uncias dividebatur. Una pars dicitur, una uncia; sextans, sexta pars assis, duae unciae, quadrans, quarta assis pars, tres unciae; triens, tertia assis pars, quatuor unciae; quincunx, quinque unciae; semis, quasi semissis, sex unciae; septunx, septem unciae;

Discunt in partes centum diducere⁷¹). Dicit Filius Albini⁷²): si de quincunce remota est Uncia, quid superet? Poteras⁷³) dixisse: Triens. Eu⁷⁴)! Rem poteris servare tuam. Redit⁷⁵) uncia, quid sit? Semis⁷⁶). An⁷⁷) haec animos aerugo et cura peculii Cum semel imbuerit, speramus, carmina fingi Posse linenda⁷⁸) cedro, et levi servanda cupresso? Aut⁷⁹) prodesse volunt, aut delectare poetae, Quicquid praecipies, esto brevis; ut cito dicta Percipiant animi dociles teneantque fideles: Omne⁸⁰) supervacuum pleno de pectore manat. Ficta⁸¹) voluptatis causa sint proxima veris,

bes, octo unciae; dodrans, novem unciae; dextans, decem unciae; deunx undecim unciae.

71) Diducere, dividere.

72) Albini cujusdam foeneratoris filius, quem magister his verbis provocat: Dicit filius etc.

73) Puer respondet audacter nimis: Me interrogas de re adeo levi, poteris tu ipse statim dixisse: triens. Alii sic explicant: Interjecta aliqua mora magister, responsum pueri expectans, dicit: tamen tu jam dixisse poteris? acsi diceret: alias citius dicere poteris? et puer ad haec illico respondet: triens.

74) Est laus magistri ad responsum pueri: Eu bene dicis! Rem, id est, opes tuas tu quondam augebis.

75) Magister: Redit, id est, accedit ad quincuncem etc.

76) Pueri responsum.

77) Sensus: quid quaeso, cum haec avaritiae labes animis inhaeserit, cum eos totos occupaverit peculii amplificandae cura, putas adhuc carmina scribi posse nunquam interitura? Turpis avaritia et rem augendi cupiditas, dicitur aerugo, quia, sicut haec aeri, ita tam tenaciter avaritia insidet animis, ut inde eradi et evelli nequeat. Peculium, proprie divitiae e pecoribus consistentes, hic autem, opes, divitiae ingenere.

78) Linenda cedro; digna, quae saturentur oleo cedrino, et servantur in arca, e laevigatis tabulis cupressinis constructa, ne fiant blattarum et tinearum epulae.

79) Praeceptum 17^{um}, de carmine didactico: hoc debet esse breve, verum, atque suave; in genere autem, utile dulci est miscendum. Nexus: poetae praeterea non tantum semper delectare, sed nonnunquam etiam prodesse, id est, docere, aut docere simul et delectare volunt etc. Idonea vitae, id est, utilia cognitu. Praecipies, docebis. Teneant, memoria nempe.

80) Sensus: omnia enim, quae sunt superflua, non influunt in pectus jam plenum et exsatiatum, sed ab eo respuuntur. Ductum a vase pleno, in quod nihil amplius infundi potest. Manat, effluit.

81) Veritatem carminis didactici ponit poeta in eo, ut illa, quae suavitatis causa finguntur, sint proxima veris, id est, verisimilia; nec enim fabulae auctor, ait, quodcumque ei pro lubitu fingere placebit, rebus a se fictis fidem haberi poscat; neu fingat, puerum, a Lamia devoratum, vivum ejus alvo

Aut semel et puerum et dicitur devoratum

Nec, quodcunque volet, poscat sibi fabula credi;
 Neu pransae Lamiae⁸²⁾ vivum puerum extrahat alvo.
 Centuriae⁸³⁾ seniorum agitant expertia frugis; ³⁴⁰
 Celsi praetereunt austera poemata Ramnes⁸⁴⁾,
 Omne tulit punctum⁸⁵⁾, qui miscuit utile dulci,
 Lectorem delectando, pariterque monendo.
 Hic⁸⁶⁾ meret aera liber Sosis; hic et mare transit,
 Et longum noto scriptori prorogat aevum. ³⁴⁵
 Sunt⁸⁷⁾ delicta tamen, quibus ignovisse velimus:

extractum esse quis enim hoc credat? Ceterum referri hoc etiam potest ad praecipuum 7^{um} not. 69. ubi de proprietatibus aliis fictionis in dramate loquutus est poeta.

82) Lamia erat monstrum quoddam, muliebri specie, quod in fabulis, pueris narrari solitis, occurrebat, et pueros devorare ab his ipsis credebatur.

83) Sensus: seniores repudiant carmina, quae solum placent; juniores vero nobiles ea non ferunt, quae utilitatem habent austeram, expertemque jucunditatis. Perfectissimus demum is est, et omnibus probatur, qui docendo delectat. Nota: Servius Tullius populum Romanum in sex classes distribuit, ita, ut prima classis ditissimos contineret, secunda minus divites, itemque tertia, et sic deinceps. Singulae classes porro multas continebant centurias, una quaeque vero centuria bifariam dividebatur, in senes et juniores. Centuriae seniorum, sunt ergo seniores. Agitant, reproband. Expertia frugis, id est, inutilia.

84) Romulus populum Romanum in tres divisit tribus; qui erant in prima, vocabantur Ramnes, in secunda Tatienses, qui in tertia, Luceres. Numerus tribuum autem tardius auctus est ad 35. Per Ramnes hic intelliguntur juniores, in tribuum enim Ramnensium descripti erant a Romulo equites, qui erant juniores et robustiores. Celsi, elati, erecto capite, incessu et toto corporis habitu superbiam sive confidentiam ostendentes. Austera, non delectantia.

85) Ferre omne punctum, est: omnium, seniorum nempe et juniorum suffragiis probari, promereri omnium adprobationem; de puncto vide L. II. epist. 2. not. 82.

86) Sensus: qui hoc consecutus est liber, ille bibliopolis, Sosis, maximum adfert lucrum, a transmarinis hominibus ultro expetitur, et famae immortalitatem conciliat auctori suo. Meret aera, id est, multum lucri parat. De bibliopolis Sosis vide L. I. ep. 20. not. 2. Noto, celebrato. Prorogat, extendit.

87) Transit hic Horatius ad praec. 18^{um}, quo iudicibus, aequitatem in iudicandis operibus poeticis observandam levibusque mendis veniam dandam esse, praescribit. Nexus sententiarum et sensus: nec tamen omnia ita ad vivum sunt ressecanda, ut nullus laude dignus putetur liber, nisi in quo nihil reprehendi possit. Sunt ergo certe quaedam, quibus ignosci debeat. Delicta, vitia, errores, menda.

Nam neque chorda sonum reddit, quem vult manus et mens⁸⁸⁾,

Poscentique gravem persaepe remittit acutum;
 Nec semper feriet, quodcunque minabitur, arcus.
 Verum⁸⁹⁾ ubi plura nitent in carmine, non ego paucis
 Offendar maculis, quas aut incuria fudit,
 Aut humana parum cavit natura. Quid⁹⁰⁾ ergo est?
 Ut⁹¹⁾ scriptor si peccat idem librarius usque, ^{Langelsp. 110}
 Quamvis est monitus, veniam caret; et citharoedus
 Ridetur, chorda qui semper oberrat eadem: ³⁵⁰
 Sic mihi, qui multum cessat, fit Choerilus ille,
 Quem bis terque bonum cum risu miror; et idem
 Indignor, quandoque bonus dormitat Homerus.
 Verum operi longo fas est obrepere somnum.

Ut⁹²⁾ pictura, poësis; erit, quae si propius stes, ¹⁶⁰

88) Mens, id est, animus. Poscenti, id est, volenti citharoedo gravem sonum edere, chorda remittit, edit acutum. Minabitur, id est, ad quod ferendum dirigitur. Nec feriet, id est, non tanget, sed nonnunquam a meta aberrabit. His duabus allegoriis designatur: optimum quemque errori etiam obnoxium esse.

89) Sensus: opus ergo, in quo plurima nitent, perfecta sunt, rejiciendum non est ob paucos naevos, qui aut per negligentiam quamdam, vel per humanae naturae imbecillitatem nolentibus solent obrepere. Fudit, adspersit, illevis.

90) Sensus: quoniam ergo regula de vitis poetarum statuenda est?

91) Sententia est: quemadmodum scribae, si is, quamvis est reprehensus, tamen in iisdem verbis describendis porro peccat, haud ignoscendum est; et quemadmodum, qui semper eadem chorda oberrat, se deridendum praebet: sic mihi ille poeta, qui scatet vitis, fit alter quasi Choerilus, id est, a me comparatur Choerilo illi malo poetae, quem, praeterquam quod multa ejus vitia rideo, miror, si bis aut ter, id est, nonnunquam bene canit; et licet indignamur, quando bonus Homerus dormitat; tamen aequitas omnino postulat, ut ei, qui longo operi intentum nonnunquam dormitat, ignoscamus. Scriptor librarius, qui aliena describit opera. Cessat, negligens est. De Choerilo, malo poeta, vide L. II. ep. 1. not. 158. Dormitat, labitur, errat.

92) Sensus et ordo: ceterum, sicut picturae, ita poësis duplex est genus; excellens alterum, alterum mediocriter bonum; quemadmodum ergo tabellae quaedam tanta cura sunt elaboratae, ut quo propius accedas, et luci admoveas, diutiusque ac curiosius contempleris, magis magisque placeant; aliae ex adverso tam levis artificii, ut potius in obscuro, id est, in umbra, quam clara luce considerandae sint, nec nisi minus conspectae probentur: ita poemata nonnulla sunt, quae censuram acrem non ferunt, quae nondum diligentius explorata e longinquo quasi placent, et penitus in propinquo cognita non placent; carmina autem in luce posita, et ab acuto iudice lustrata et probata, et nunc et semper plausum ferent. Horatius his viam quodammodo sibi stravit ad sequens praecipuum 19^{um}, quo in arte poetica

Te capiet magis, et quaedam, si longius abstes;
 Haec amat obscurum, volet haec sub luce videri,
 Judicis argutum quae non formidat acumen:
 Haec placuit semel, haec decies repetita placebit.
 O⁹³⁾ major juvenum, quamvis et voce paterna
 Fingeris⁹⁴⁾ ad rectum, et per te⁹⁵⁾ sapis, hoc tibi dictum
 Tolle⁹⁶⁾ memor: certis medium et tolerabile rebus⁹⁷⁾
 Recte concedi: consultus⁹⁸⁾ juris et actor
 Causarum mediocris abest virtute diserti
 Messalae, nec scit, quantum Cascellius Aulus: 370
 Sed tamen in pretio est: mediocribus esse poëtis
 Non homines, non Dî, non concessere columnae⁹⁹⁾.
 Ut gratas²⁰⁰⁾ inter mensas symphonia discors,

mediocritatem fugiendam et ad perfectionem adspirandum, nihilque, quod non prius artis peritorum iudicio, et limae diu subjectum sit, in publicum emittendum esse monet.

93) Sensus: quae cum ita se habeant, o major filiorum Pisonis, quamquam et per te ipsum, et ex paterna institutione satis intelligis, quid eligendum sit, et quo collimandum; adhuc tamen, ne meae erga te voluntati deesse videar, unum te supra cetera meminisse velim, ac nullo unquam tempore oblivisci: in artibus nempe quibusdam etiam illa laudari, quae solum mediocria sunt et tolerabilia, ut in jureconsultis et causarum actoribus patet, etc.

94) Fingeris ad rectum, id est, ad perfectam poëticae laudem informaris.

95) Per te sapis, hoc est, ipse sapienter iudicas.

96) Hoc tibi dictum tolle memor, id est, hoc a me tibi dictum accipe, et memori animo serva.

97) Certis rebus, pro: in quibusdam artibus. Tolerabile concedi recte, id est, jure tolerari.

98) Sensus: etsi enim hi nec facundiam Messalae, nec tantam legum ac juris notitiam habeant, quanta in Cascellio fuerat; suam nihilominus singuli laudem obtinent: poëtis vero, neque per Deos, neque per homines mediocribus esse permittitur, imo ne ipsae quidem columnae, eorum nomina sustinent ferre, qui perfecti non sunt. Consultus juris, et actor causarum, sunt synonyma, uterque enim orator esse debebat. De Messala Corvino oratore vide L. I. sat. 10. not. 18. Cascellius Aulus autem jurisprudentia tum maxime conspicuus erat. In pretio est, aestimatur, laudatur.

99) Columnae librariorum intelligendae sunt; hi enim ad columnas porticum libros venales expositos cum suis titulis habebant. Repudiabant autem bibliopolae mediocrium poëtarum carmina, quia, qui illa emerent, non inveniebant.

200) Sensus: quemadmodum convivae in splendido convivio, vel symphonia discorde, vel crasso unguento, vel insipido papavere inter lautas epulas apposito, offenduntur; ita animi lectione carminum, quae a sublimitate ad humilitatem, a summa dignitate ad imam indignitatem descendunt, fasti-

Et crassum ungentem, et Sardo cum melle papaver
 Offendunt, poterat duci quia coena sine istis: 375
 Sic animis¹⁾ natum inventumque poëma juvandis,
 Si paulum a summo decessit, vergit ad imum.
 Ludere²⁾ qui nescit, campestribus³⁾ abstinet armis,
 Indoctusque pilae discive trochive quiescit⁴⁾,
 Ne spissae risum tollant impune coronae⁵⁾: 380
 Qui nescit⁶⁾, versus tamen audent fingere! Quid ni⁷⁾?
 Liber et ingenuus, praesertim census⁸⁾ equestrem
 Summam nummorum, vitioque remotus ab omni!
 Tu⁹⁾ nihil invita dices faciesve Minerva¹⁰⁾;
 Id tibi iudicium est, ea mens; si quid tamen olim 385

dio officuntur. Discors, male concinens. Crassum, non liquidum, sed coagulatum et rancidum: caput enim ungebant sibi convivae unguento puro aquae instar roseaceae. Sardo melle, quod amarum erat propter herbarum amaritatem in Sardinia; e papavere enim et melle cibum antiqui parabant, qui in mensis secundis adponi solebat. Duci, id est, in multam noctem produci, uti fieri solet in splendidis conviviis.

1) Poëma natum, factum et inventum animis juvandis, id est, ad delectationem lectorum, iis minime placebit, si etc. Summo, id est, perfecto.

2) Contextus: quod cum ita sit, aequum est, poëtas ceterorum hominum prudentiam imitari, qui enim plane rudis est ludorum Campi Martii etc.

3) Campestris arma, sunt ea, quibus juvenes ludebant et se exercebant in Campo Martio, v. g. discus, hasta etc.

4) Quiescit, et alios spectat, pila et trocho ludentes.

5) Spissae coronae: condensae spectatorum, ludentes cingentium, cattervae. Impune, id est, liberius; quis enim risores coërceat?

6) Sensus: ille igitur solus, qui versibus pangendis non est idoneus, versus tamen facere et componere audebit?

7) Quid ni? est satyrica interrogatio: et cur etiam non audeat versus facere? est enim liber, sui juris, et ingenuus, id est, e liberis parentibus ortus etc.

8) Census equestrem summam nummorum: Graeca constructio cum accusat. pro: praesertim, cum adhuc census sit secundum summam equestrem, id est, praesertim, cum adhuc dives sit, et possideat summam nummorum, quadraginta millium aeris, quantum eques Romanus possidere debebat; et insuper ab omni vitio remotus, h. e. moribus sit inculpatis?

9) Nexus et sensus: ita quidem alii sentiant, tu vero, mi Piso, eo es iudicio, ut spero, et mente atque prudentia, ut nunquam aliquid invita Minerva scripturus sis; ceterum si te tamen versum condenderum quondam libido invaserit, noli ante in publicam lucem emittere opus, quam Metium Tarpani primo; deinde patrem tuum; ac demum etiam me, censors adhibueris fidos, et novem adhuc totos annos continueris illud scrinio.

10) Invita Minerva, id est, non favente Minerva, quae est Dea sapientiae et prudentiae; ergo: non scribes, nisi ingenio ad id te a natura praeditum esse sciveris.

Scripseris, in Metii¹¹⁾ descendat iudicis aures,
Et patris et nostras, nonumque prematur in annum,
Membranis intus¹²⁾ positis. Delere licebit,
Quod non edideris; nescit vox¹³⁾ missa reverti.

Silvestres¹⁴⁾ homines sacer interpresque Deorum³⁹⁰
Caedibus et victu foedo deterruit Orpheus;
Dictus ob¹⁵⁾ hoc lenire tigres, rapidosque leones.
Dictus¹⁶⁾ et Amphion Thebanæ conditor arcis
Saxa movere sono testudinis, et prece blanda
Ducere, quo vellet. Fuit¹⁷⁾ hæc sapientia quondam:³⁹⁵
Publica privatis discernere, sacra profanis.
Concubitu¹⁸⁾ prohibere vago, dare¹⁹⁾ jura maritis,
Oppida moliri²⁰⁾, leges incidere ligno²¹⁾:

11) De Mettio Tarpa, critico illius temporis celeberrimo, vide L. I. sat. 10. not. 27.

12) Intus, in scrinio. Membranis, id est, scriptis, seu opere.

13) Vox missa, id est, carmen editum. Vide L. I. ep. 18. vers. 71. ubi ait: et semel emissum volat irrevocabile verbum.

14) Postquam Horatius praecepta, ad quæ dirigendum sit poëseos studium, in medium protulit sapientissima, nunc quid ab antiquissimis inde temporibus effectum sit carminibus enarrat, et breviter, sed mira suavitate, poëseos laudes celebrat. Nexus idearum: et sane si omnibus illis virtutibus, quibus poëtae fiunt, praeditus fueris, non erit, cur te studii, artis poëticae pudeat; hoc enim fuit ille Deorum interpres Orpheus, qui silvestres homines etc. Silvestres; inter feras in silvis degentes. Sacer; quia erat Calliopes et Apollinis filius. Interpres Deorum: quasi ab iis ipsis, quæ caneret, accepisset. Victu foedo: vescebantur enim silvestres radicibus, et glandibus. Deterruit, abduxit.

15) Ob hoc: Horatius ipse causam, ex qua Orpheus, tigres et leones lenire, dictus sit, aperit; ex feritate scilicet homines ad cultiorem vitam traduxit. De Orpheo vide L. I. od. 11. not. 10. et Myth.

16) Dictus: narrant quoque Amphionem extruxisse Thebas saxis lyra motis, ita ut illis alia sponte se superponerent; fuit ille Jovis et Antiopæ filius, et musicus praestantissimus. Vide Mythol. Testudinis, id est, lyrae; inventor enim lyrae, Mercurius, primum testudinis tergo sive scuto intendit cordas. Vide Myth. Prece blanda, id est, blandis carminibus, vel blanda allocutione homines, qui lapides comportarent, et suam cuique sedem in novo muro assignarent, movit scilicet Amphion.

17) Sensus: philosophia, quam unice poëtae tradiderunt illis temporibus, in eo consistebat: nimirum, in discernendo publico a privato cujusque bono, etc.

18) Id est: in prohibendo maritos a concubitu vago, pro: in damnanda et coercenda vaga libidine.

19) Id est, in sanciendo concubiorum pactis.

20) In urbibus nempe fundandis, aedificandis.

21) Leges tabulis ligneis incidebantur, quia nondum erant aerae. Sensus: in determinandis legibus, et juribus, quibus homines regerentur.

Sic honor²²⁾ et nomen divinis vatibus atque
Carminibus venit. Post hos insignis Homerus²³⁾,⁴⁰⁰
Tyrtaeusque²⁴⁾ mares animos in Martia bella
Versibus exacuit; dictae²⁵⁾ per carmina sortes,
Et vitae²⁶⁾ monstrata via est; et²⁷⁾ gratia regum
Pieris tentata modis: ludusque²⁸⁾ receptus,
Et longorum operum finis: ne²⁹⁾ forte pudori⁴⁰⁵
Sit tibi Musa lyrae solers et cantor Apollo.

Natura³⁰⁾ fieret laudabile carmen, an arte,
Quaesitum est: ego nec studium sine divite³¹⁾ vena,
Nec rude³²⁾, quid possit, video ingenium: alterius³³⁾ sic
Altera poscit opem res, et conjurat amice.⁴¹⁰
Qui³⁴⁾ studet optatam cursu contingere³⁵⁾ metam,

22) Sententia: ex quibus rebus summus, ac prope divinus honor non solum poëtis accrevit, sed etiam eorum operibus.

23) De Homero, poëta epico Graeco, ejusque Iliadæ, saepius jam sermo fuit.

24) Tyrtaeus fuit poëta Atheniensis, luscus et claudus, qui dux Lacedaemoniis, bellum contra Messenios gerentibus, oraculo datus, ita suis versibus militum animos accendit, ut insignem de hoste victoriam retulerint. Mares, viriles, generosos.

25) Sensus: Apollo ipse sua oracula versu edidit.

26) Monstrata via est vitae, sc. a poëtis, qui morum praecepta tradiderunt.

27) Sensus: et poëtae coeperunt id agere, ut Pieris modis, id est, carminibus se insinuarent in regum gratiam: tentare gratiam alicujus, est periculum facere, an parari possit ejus gratia.

28) Sensus: comoediae denique et tragoediae, mimi et satyri, versu conscripti sunt, ad oblectandos remittendosque animos post longos belli et urbis labores. Ludus: scenicus scilicet receptus, et inventus est. Finis, id est, in hunc finem, ut etc.

29) Sensus: ut jam, o clarissime Piso, nec tibi, nec cuiquam hominum pudori esse possit, si cum Musis et cum Apolline versus lyricos pangas. Ceterum hi duo versus jam ab initio hujus laudis poëseos contextus causa positi fuere, vide supra not. 214.

30) Facta hac de laudibus poëseos digressionem iterum redit Horatius ad virtutes boni poëtae; ingeniumque in eo cum arte seu studio conjunctum esse debere 20^{mo} contendit. Contextus: cum tanta esset carminum et poëtarum gloria, quaeri est coeptum, quo pacto boni fierent versus? Naturane, an studio et arte? Ego, ait, Hor. utroque opus esse non dubito. Per naturam autem intellige ingenium a natura datum.

31) Dives vena, id est, locuples ingenium.

32) Rude ingenium, id est, tale quod artis praeceptis et studio non sit excultum.

33) Alterius poscit opem res, id est, unum ab alio debet suffulciri, nempe studium ab ingenio, et vicissim; ambo conjurare, conspirare debent ad bonum poëtam efficiendum.

34) Sensus: quemadmodum is, qui ad victoris laudem adspirat in ludis,

Multa³⁶⁾ tulit fecitque puer, sudavit et alsit;
 Abstinit Venere et vino: qui Pythia³⁷⁾ cantat
 Tibicen, didicit prius, extimuitque³⁸⁾ magistrum.
 Nec³⁹⁾ satis est dixisse: „Ego mira poemata pango: 415
 „Occupet⁴⁰⁾ extremum scabies⁴¹⁾, mihi turpe relinqui est,
 „Et quod non didici, sane nescire fateri.”
 Ut⁴²⁾ praeco ad merces turbam qui cogit emendas,
 Assentatores jubet ad lucrum ire poeta,
 Dives agris, dives positus in foenore nummis. 420
 Si vero⁴³⁾ est, unctum⁴⁴⁾ qui recte ponere possit,

ubi cursu certatur, jam puer omnia fecit, quae ad corpus corroborandum spectant; et quemadmodum is, qui tibicen prodire vult ad celebranda Pythia, diu ante disciplina boni magistri usus in arte tibia canendi sese exercuit: ita poeta ad carmina scribenda bene praeparatum pectus adferre debet.

35) Qui est victor in ludis, optatam cursu contingit metam.

36) Tulit, id est, toleravit fecitque; frigori et calori se exposuit; vino et voluptatibus abstinuit.

37) Pythia fuere ludi instituti in honorem Apollinis ob Pythonem serpentem, ab eo sagitta interfectum. Cantare autem Pythia, erat, cantare Apollinis laudes in ejusmodi ludis.

38) Qui a magistro instituitur, illum timere solet.

39) Sensus: ita, eodem modo non satis est dixisse etc.

40) Occupet etc. id est; male sit ei, qui inter postremos est; mihi certe qui sum inter primos, ab aliis me superari, et fateri me vere nescire, quae non didici, turpe et dedecori esset. Sine dubio respexit Horatius poetam aliquem, sic de se sentientem, et sic fere loquentem; poetam aliquem, qui pertinebat ad eos, de quibus Hor. L. II. ep. 2. vers. 107. ait: Gaudent scribentes et se venerantur, et ultro, si taceas, laudant, quidquid scripsere beati.

41) Scabies: haec vox fuisse videtur opprobrium, quo pueri currendo certantes ei, qui ultimus ad metam venerat, rem malam imprecabantur; ad convicia ergo pertinet vox: scabies. Extremum, et relinqui, translata sunt a certaminibus, ubi victi a victoribus post terga relinquuntur.

42) Tradit hic Horatius praeceptum 21^{um} quo poetas, praesertim divites, monet, ut sibi caveant ab assentatoribus, hosque vel maxime fugiant; viros autem vere doctos et prudentes adeant, et eos decenter rogent, ut vitia in operibus suis animadversa benevole secum communicare velint. Incipit statim a descriptione assentatorum. Sensus et ordo: dives quidem poeta assentatores lucri capiendi spe ad se allicit et invitat, sicuti praeco, qui emtores ad merces emendas invitat.

43) Sensus: quodsi is adhuc sit talis, id est, non avarus, quales plerumque divites esse solent, ut possit unctum, seu convivam recte, ut decet liberalem convivatorem, lautis epulis excipere, pro paupere spondere, eumque gravioribus litibus implicitum expedire; ejusmodi poeta dives et beatus non facile falsum a vero amico discernet; quo major enim est ejus liberalitas, eo tectior est assentatorum fraus et calliditas.

44) Unctum, id est, convivam, convivae enim unguentis delibuti inter-

Et spondere⁴⁵⁾ levi pro paupere et eripere atris:
 Litibus implicitum, mirabor, si sciet inter-
 Noscere mendacem verumque beatus amicum.

Tu⁴⁶⁾ seu donaris, seu quid donare voles cui,
 Nolito⁴⁷⁾ ad versus tibi factos ducere plenum
 Laetitia, clamabit enim: pulchre! bene! recte!
 Pallescet, super his etiam stillabit amicis⁴⁸⁾.

Ex oculis rorem; saliet, tundet pede terram.

Ut, qui conducti⁴⁹⁾ plorant in funere, dicunt

Et faciunt⁵⁰⁾ prope plura dolentibus ex animo,

Derisor⁵¹⁾ vero plus laudatore movetur.

Reges⁵²⁾ dicuntur multis urgere culullis,

Et torquere mero, quem perspexisse laborant,

An sit amicitia dignus. Si carmina condes,

Nunquam te fallant animi sub vulpe latentes.

Quintilio⁵³⁾ si quid recitares⁵⁴⁾: Corrige, sodes,

esse solebant splendido convivio. Ponere; ponuntur enim vel collocantur convivae in lecto triclinari; hinc, positi: accumbentes.

45) Spondere pro aliquo dicitur, qui aes alienum a debitore solutum iri promittit, et fidem suam interponit. Levi, id est, levioris fidei apud creditorem, quia pauper, quod pignori det, non habet. Litibus atris: misere vexantibus.

46) Sensus: tu igitur nolito ei, qui jam dona a te accepit, aut se accipturum esse sperat, laetitia de acceptis aut accipiendis donis adhuc pleno versus tuos recitare, is enim clamabit: pulchre! bene! recte! Pallescet etiam, quod vehementer admirantium est; mittet ex oculis lacrimas, sui gaudii testes; exsiliet, seque non satis capiens, terram pede pulsabit, quasi summae voluptatis sensu abreptus.

47) Nolito talem ducere ad versus, a te factos, audiendos.

48) Amicus, pius, et intimos quasi animi sensus prodentibus.

49) Mercede conducebantur apud Romanos, qui ploratus in funere edere. Respexit hic Horatius mulieres praeficas, lamentationi quasi praefectas. Vide Antiquit.

50) Faciunt, id est, lamentationes et ploratus plures, seu plura doloris signa edunt, quam non conducti, amici, qui ex vero animi sensu dolent.

51) Sensus: ita etiam derisores, assentatores, qui simulatione alios ludunt, plura simulant, ut videantur vere laudare, quam faciunt, qui serio laudant et ex animo. Movetur: externis scilicet graviter commoti animi signis.

52) Sensus: reges dicuntur multis cyathis seu poculis invitare, et quasi tormentum illis inferre, quos velint scire, an amicitia sua digni sint; quippe cum vino maduerint, facile eorum detegunt indolem, ebrius enim celare nihil solet: eodem modo et tu cave, si carmina condideris, ne assentator quis sub astutae vulpis pellicula te fallat; omnibus modis experire eos, quos tuorum carminum iudices adhibes. Culullus, erat poculum capacius.

53) Sequitur nunc imago veri et prudentis carminum censoris. Quinti-

Hoc, aiebat, et hoc; melius te posse negares⁵⁵⁾,
 Bis terque expertum frustra, delere jubebat,
 Et male tornatos⁵⁶⁾ incudi reddere versus. ⁴⁴⁰
 Si defendere delictum⁵⁷⁾, quam vertere⁵⁸⁾, malles,
 Nullum⁵⁹⁾ ultra verbum aut operam insumebat, inanem,
 Quin sine rivali teque et tua solus amares.
 Vir bonus⁶⁰⁾ et prudens versus reprehendet inertes⁶¹⁾,
 Culpabit duros, incomtis⁶²⁾ allinet atrum ⁴⁴⁵
 Transverso calamo signum, ambitiosa⁶³⁾ recidet
 Ornamenta, parum⁶⁴⁾ claris lucem dare coget,
 Arguet ambigue dictum, mutanda notabit;
 Fiet Aristarchus⁶⁵⁾; non dicet: Cur ego amicum

lius Varus erat poeta eximius et censor sincerus, ejus mortem deslet Horatius L. I. od. 20.

54) Sensus: elige tibi potius censorem Quintilio similem, qui, cum aliis quid illi recitas, statim dicit, etc.

55) Te posse, subintellige: facere. Supplenda est etiam particula, si: si negares etc.

56) Male tornatos, id est, male compositos versus. Tornatus, caelatus, ex-politus, exasciatus; translata haec sunt ab artificibus, qui opus aliquod vel torno effingunt, vel caelo exsculpunt, vel lima expoliunt, vel ascia laevigant. Cum addit Horatius: incudi reddere, perstat in imagine, ab artifice quodam translata, ab eo scilicet, qui opus, quod diffingere vult: iterum tradit incudi. Junxit igitur duas inter se imagines, alteram ab artifice, qui opus terro fingit, alteram ab eo, qui metallum incude diffingit. Sensus est: totum locum delere, et male compositos versus de integro elaborare jubebat.

57) Delictum; errorem commissum.

58) Vertere, mutare, emendare.

59) Sensus: ne verbum quidem addebat, nec opera sua amplius impedire studebat, quominus tibi soli tuis versibus placeres sine rivali, sine ullius invidia. Qui enim facit quod nemo imitari vult, non habet rivalem, aemulum. Insumebat, impendebat.

60) Bonus et prudens vir, id est, sincerus et prudens censor.

61) Versus inertes, quibus deest poetae vis et ingenium, inelegantes. Duros, id est, moleste incedentes, non bene fluentes. Culpabit, reprehendet.

62) Incomtis, id est, negligenter, temere et sine arte fusos versus transversa facta per calamus lineola, vel asterisco, vel obelo (ut versus quosdam Homericos Aristarchus) notabit.

63) Ambitiosa: placendi et vanae gloriae captandae causa ambitiose conquisita ornamenta.

64) Parum claris; obscuris. Lucem dare, perspicuos reddere coget, scriptorem nempe.

65) Aristarchus, grammaticus Alexandrinus, qui in eo maxime operam posuit, ut Germanos Homeri versus a spuris, qui in ejus opera irrepererunt, distingueret; hosque obelo, h. e. lineola transversa notabat. Hic Aristarchus proverbiali locutione pro quovis severo iudice et censore ponitur.

Offendam in nugis? Hae⁶⁶⁾ nugae seria ducent ⁴⁵⁰
 In mala derisum semel exceptumque sinistre.
 Ut⁶⁷⁾ mala quem scabies⁶⁸⁾ aut morbus⁶⁹⁾ regius urget,
 Aut fanaticus⁷⁰⁾ error et iracunda Diana,
 Vesanus tetigisse timent fugiuntque poetam,
 Qui sapiunt; agitant⁷¹⁾ pueri, incautique sequuntur; ⁴⁶⁵
 Hic⁷²⁾, dum sublimis versus ructatur et errat,
 Si veluti merulis intentus decidit auceps ⁴⁶⁰
 In puteum foveamve, licet, Succurrite, longum
 Clamet, Io cives! non sit, qui tollere curet; ^{nemo caret}
 Si quis curet opem ferre, et dimittere funem, ⁴⁶⁰
 Quis scis, an prudens huc se dejecerit, atque
 Servari nolit? dicam, Siculique poetae
 Narrabo interitum⁷³⁾: Deus immortalis haberi

66) Sensus: ast haec ipsa leviora, non mature reprehensa, postea bonae famae scriptoris, semel decepti et parum honorifice ab aliis dijudicati, nocent. Ordo est: hae nugae ducent in mala eum, qui semel derisus et censoris sinistre, male exceptus est.

67) Sensus et ordo: certe, qui sapiunt, adeo fugient vesanus, vecordem poetam; quemadmodum fugere solemus scabiosos, ictericos, et fanaticos seu lunaticos.

68) Scabies mala, abominabilis.

69) Morbus regius, Graece *λεπρος*; Latine: aurugo sive aurigo; eo morbo, ob flavam bilem abundantem, facies fit tota crocea instar auri, quod metallum regium est; fortasse etiam ideo regius est cognominatus hic morbus, quia mulso curabatur. Mulsum scilicet (vinum melle conditum) pertinet ad delicias, quas reges imprimis et beatiores appetunt, et facile sibi comparare possunt.

70) Fanaticus error, insania, furor, quo aliquis correptus huc illuc agitur. Credebantur hi dementia percussi a Diana irata; Diana autem eadem est cum Luna, hinc etiam lunatici dicebantur; fanatici vero ab fanis seu templis, quorum in foribus vulgo stabant opem aut hominum aut Deorum imploraturi.

71) Agitant pueri, id est, quem poetam vesanus agitant incauti pueri tantum; parum sibi caventes ab impetu, quem furiosus in eos facere posset.

72) Sensus: quodsi hic sublimis, id est, erecto in altum capite versus tumidis buccis crepat et fundit; atque foris in campo vel silvis huc illuc vertitur et ruit, bacchatur, circumvagatur, et circumerrans in puteum decidit vel foveam, quemadmodum auceps capiendis merulis intentus; licet longum, id est, diu clamet: succurrite cives! tamen nemo, quaeso, accurrat et opem ei ferat; vel: neminem tamen adesse velim, qui eum extrahendum curet. Quis enim scit, an non sciens et volens se praecipitaverit in puteum, ut ibi pereat; quemadmodum Empedocles in ardentem Aetnam sponte insiluit? Hoc ultimum autem sic expressit Horatius: Ac si quis quo casu funem demittat, eumque tollere velit ex puteo; dicam illi: qui scis, an non prudens, sciens, ac volens huc se praecipitaverit; ac servatus esse nolit? illud que, quod Empedoclem poetam Siculum, fecisse constat, ut Deus haberetur, narrabo etc.

73) Fabula de interitu Empedoclis circumferebatur haec: Cum immor-

Dum cupit Empedocles, ardentem frigidus⁷⁴) Aetnam
 Insuluit. Sit jus⁷⁵), liceatque perire poëtis: 465
 Invitum qui servat, idem facit occidenti.
 Nec⁷⁶) semel hoc fecit; nec, si retractus erit, jam
 Fiet homo, et ponet famosae⁷⁷) mortis amorem.
 Nec⁷⁸) satis apparet, cur versus factitet; utrum
 Minxerit in patrios⁷⁹) cineres, an triste bidental⁸⁰)
 Moverit incestus⁸¹); certe furit, ac velut ursus,
 (Objectos caveae valuit si frangere clathros,
 Indoctum doctumque fugat recitator acerbus⁸²);
 Quem vero arripuit⁸³), tenet occiditque legendo,
 Non⁸⁴) missura cutem, nisi plena cruoris hirudo⁸⁵).

talis haberi cuperet, eum, ajunt, clam in montem Aetnam emixum, eo consilio ibi in ardentem craterem se praecipitem dedisse, ut si repente evanisset, ex homine Deus factus crederetur; rem autem ferreis ejus crepidis ex craterem cum massa ardente ejectis patefactam esse. Ostendere igitur vult Horatius hac narratione, magnum adeo illum poëtam Empedoclem eo consilio in craterem Aetnae desiluisse, ne a quoquam inde posset extrahi.

74) Frigidus, facete opponitur ardenti Aetnae.

75) Sensus: detur itaque poëtis venia et potestas pro lubitu pereundi; quod enim isti licuit, cur id non liceat quoque aliis male sanis poëtis? et cur a pernicie, quam ipsi volunt, adhibita vi retrahantur? Certe qui invitum servat idem facit, parem culpam sibi contrahit, ac ille, qui aliquem occidit.

76) Redit hic Horatius iterum ad insanum poëtam, qui prudens volensque in puteum dejectus servari nolit. Sensus: is profecto non prima vice se in puteum dejecit; neque ab amicis extractus, homo, id est, sanior fiet; sed stultae laudis amore nomen ac famam sibi quaerere perget ex mortis genere inusitato.

77) Famosae: memorabilis et sermonibus hominum celebrandae.

78) Horatius aliam rationem adfert, cur ei succurrendum non sit; quia forte ille poëticus furor in poenam scelorum ipsi esse immixtus. Sensus: utique non satis constat, cur a Diis, aliquod illius fortasse scelus expiantibus, furere ita permittatur et versus facere? Forsitan paternum sepulcrum violavit, vel bidental calcavit impius. Insanit certe furioso similis, et sicut ursus, qui caveae clathros, id est, cancellos et septa domunculae, qua includitur, effregit, doctos et indoctos in fugam vertit, quorum quilibet sibi timet, ne in recitatorem intolerabilem carminum incidat.

79) In patrios cineres mingere, pro: patrios cineres impio pectore turbare, vel protervius iis insultare.

80) Bidental est locus fulmine ictus, qui apud veteres Romanos erat religiosus, sacerque fiebat, ara exstructa et peracto sacrificio ex ovibus bidentibus, unde nomen ductum; eum porro lucum nefas erat ingredi vel calcare. Moverit, violaverit, irritaverit.

81) Incestus, impius, flagitiosus, non castus. Casta autem vocabantur omnia pia, et sancta.

82) Acerbus, id est, acerbè molestus. Dicit enim non potest, quanto semper odio fuerint, hodieque sint, malorum operum importuni recitatores.

83) Arripuit, id est, quasi per vim ad se recitantem audiendum pertraxit. Tenet tanquam vinctum etc.

84) Sensus: instar hirudinis, quae adprehensam cutem mordicus premit, nec eam, nisi plena exsucti cruoris, ex ore dimittit.

85) Hirudo, sanguisuga, pisciculus instar serpentis exigui, qui nantium corpora incidit, et cuti se applicans sanguinem ita sugit, ut non dimittat cutem, excidatque, antequam plenus sanguine sit; adhibetur is etiam aegro ad vitiosum sanguinem exprimendum.